

م . عادل
تدریسات تالیه مدیر عمومیی

آلمان هیات عرفانی

« اعتلا ، عرفانسز اوله ماز . »

برنجی بیک

مهرقی مطبوعات

استانبول — مطبعة عامرة
۱۹۱۷—۱۳۴۳

مقدمه

آلمانیاده آلتی سنه فاصله ایله اجرا ایتدیکم ایکی تدقیق سیاحتی وسیله سیله
تبعاً تمدن و طنداشلرمی خبردار ایتمک اک صمیمی املمدی . اثرم ، بومالک
محصولیدر . آلمانیاپی هر نقطه نظر دن تمامیه طانیق و طانیق نهایتسز بر
تدقیق و تبعه توقف ایدر . بوجهتله ، بن ، بوکزیده مملکتک یالکز بر
صفحه سنی ، یقیندن تدقیقه موفق اولدیغم عرفان حیاتی طانیتمغه چالیشه جغم .
آلمانیاک کمالی واعتلاسی عواملنی اوکره نه بیلمک ایچون ، آنک حیات
معرفتی تدقیق ایتمک کفایت ایدر . چونکه بر مملکتک قدرت و سطوتنه طاند
تجلیاتک اک کنیش زمین تدقیق عالم عرفانیدر . آلمانیاده یالکز مکتبلر دکل ،
معدلر ، قیشله لر ، حتی محبسلر بر دارالترتیه در . عابد کلیساده ، نفر قشله ده ،
محرم محبسه دینی ، وظیفه وطنیه سنی ، موقع اجتماعیه سنی اوکره نیور .
نابولیون دور استیلاسنده بوس بوتون سونمش ، پارچالامش اولان آلمانیا ،
آنحقی مکتبلری سایه سنده استخلاص واستقلاله موفق اوله بیلدی . «مولشکه»
متبوع مفخمنی «وه رسای» ده بتون آلمانیاک ایمپراطوری اعلان ایتدیردیکی
زمان ، بومظفریت ومظهریتک اک بویوک حاملی اوله رق مکتبلری طانیمش
وتجیل ایتشدی .

فی الحقیقه ، آلمانیاک ، حیاتک هر صفحه سنده غالیتنی تأمین ایدن عرفان
وحرشک قوتیدر . مسعود ومتکامل آلمانیاک تاریخی ، بزه حیات وموقفیت
یوللرینی پک ایی کوستر مکده در . بونلری تدقیق ایدرک ، مملکت مزده ده ملی
برائتبه وسادات عصری کشاد ایتمک نسل حاضره ترتب ایدن بر وظیفه در .
آلمان عرفانندن آله جغمز درس لر پک چوقدر . متفکر مزله آل آله

يورويه بيلمك ايچون، فكر فكه طوتوشمق مجبور يتنده يز. قلمبلرك برله شمسى،
دماغلرك برله شمسنه باغلیدور .

آلمانیا نك اكثر طرفلرینی، برلین، دره سده، كه منیچ، لای زیغ، هامبورغ،
فرانكفورت، ویس بادهن، میتوایدا، هایده لبرغ، اشتودگارد، مونیخ
شهرلرنده یوزقدر مؤسسه علمییه یی زیارت ایتمدم. وبرشهرده زیارت ایده مدیكم
برنوع مؤسسه یی، دیگر شهرده بهمه حال کورمكه چالیشدم. هر طرفده، آلمان
حیات عرفاننده یوكسك موقعلر احراز ایتمش استادلرك بكا شرف رفاقتلرینی
بخش ایلمش اولمه لری، بوزمینده کی مساعیمك تسهیانه بویوك خدمتلر ایتمشدر.
بوراده مشاورالیه مه وبالخاصه بوایکنجی تدقیق سیاحتكم اجراسنی امر و تسبیب
بویورمش اولان معارف ناظر محترمی شگری بك افندی حضرتلرینه شکران
واحتراملرمی عرض ایتمکی بروطفه عد ایدیورم .

بواثرمله، وطنداشلمه، آلمان حرثی حقنده سالم بر فکر ویره بیلیرسه م
غیرتلمك مئمر اولدیقنه ایمان ایده جكم .

مودا : ۳ مایس ۲۲۳

دارالفنون

اك عالي آمار فكريه نك منبى : دارالفنون . - پرنس هانريك سرايى و برلين دارالفنونى . - آلمانىك استخلامى و دارالفنون . - قات « ك نظريه لرى » « فيخته » « نك نظلى . - وحدت مليه فكرى . - اردو و دارالفنون . - قيف هاو زهر ؟ - كنجلكك عزم و فعاليت . - پروسيا ، پرلك سلاطنتك حكمرانى . - دارالفنونك تحريات علميه يا خدمتى . - بكري بردارالفنون . - آلمان دارالفنونك خاصه عميدى . - مدرسلر . - تقاعد هانديقلرى . - دارالفنون قيديوقبول . - هيلك سرىستيجى . - دانهندرك بايهسى . - حكومت امتحانلى . - تعطيللر . - انضباط .

آلمانىاده دارالفنون ، قلبات فكريه نك الك واسع زمين تحسيدر . « لوتر » ك آواز ء اعتزالى و يته نبرغ دارالفنونندن يوكسه لمش ، حيات علم و فنه يكي افقلىر آجان بويوك استادلر ، « كپلر » لر ، « ههكل » لر ، « شيلنغ » لر توينغ دارالفنوندىن يتشمش ؛ « قات » كونيغسبرغ ، « فيخته » برلين دارالفنونلرنده تدريسائده بولونمشدر . بوجهته ، آلمانىاده الك اصيل و على آمار فكريه نك منبى و معبدى ، بلاشه ، دارالفنوندر . بونك ايچون ، علمى تدقيقاته دارالفنوندىن باشلامى موافق كورمشدم .

پروسيا حريقتك و بالتيجه آلمان اتحادينك الك بلند آبد ء شان و شرفى اولمق اعتباريله ده ، تدقيقلر مه برلين دارالفنوندىن باشلامق ايستيوردم . دارالفنون مديرى پروفيسور « ويللاموويچ » ك نحيبانه دعوتنه مهالكانه اجابت ايتدم . شيمدى بومؤسسه عاليه نك سقف عرفانى آلتنده ياشايوردم . برلين دارالفنونى ! .. بروقتلر ، پرنس « هانرى » نك سراي حشمتى اولان شومؤسسه ، ۱۸۰۹ تاريخندن برى آلمان كنجلكك مقرر عرفانى اولمشدى . زمان صلحه اون درت بيك مداوم وسامى ، بش يوزى متجاوز استاديله بويوك برفكر اردوسنى تمثيل ايدن بومؤسسه نك هر كوشه سنده ، آنك مبجل تاريخه طاند ايزلر و خاطره لر واردر . ايشته ، مدخلده ، سزه آنك ماضى پرشرفى اعلان .

ایدن سنکین تمثالر: کیوم هومبولد ! بو، شوکتیه به اک چوق فیض و حیات و یرن بر طنپوردر . ایشته، وقور و متفکر وضع سنکینله خاطره عرفاتی یاشادان آلکساندر هومبولد ! بو، ذوی الحیاتده پروتوپلازمایی کشف ایدهدرک انساج علمنک اساسی وضع ایدن بر استاددر .

صوکر، باغچه به داخل اولکز؛ اوراده حکمتشناس « هملوچ » ک، مورخ « طرایحک » نک، « مومزن » ک هیکلری سزی، بویوک استادلرک شخصیت مغویه لری اوکنده بر وضع احترام آلفه دعوت ایده جکدر . بری، بقای قوت قانونه اساس اولان نظریاتی وضع ایدن، دیگر ایکسی آلمان کنجلیکنه قوی وعزمکار بر تربیه و طنپورانه و یرن بو استادلر، دارالفنونک ابدی نکهبانلریدر . پروفیسور « ویلاموویچ »، سنک ترقیسنه رغماً، فکرأ پک زنده بوکزیده استاد بکا دارالفنونک ماضیسندن، تاریخنندن، حیات حاضره سنندن بحث ایدرکن ؛ آتی تأسیس ایتش، آنک کالی و تعالیسی ایچون چالیشمش اولان بوسپالریده کوستریور و تدقیقاه، مستنا حسله مزوج فائده لر تأمین ایدیوردی :

نابولون استیلاسیله آلمانیا پارچالاندینی، استقلالنی غائب ایتدیکی، بوتون ملت مسعود بر آیتک طلوعندن قطع امید ایلدیکی صیراده، آلمانلق ایچون ایکلیهن تک بر قلب، استقبالی کورن تک بر کوزه، فیض ملتنن امیدوار اولان تک بر روح یاشایوردی : دارالفنون ! او، ایمان خلاصه مشحون قلیله، نافذ کوزلریه، صمیم روحیه چالیشه رق آلمان برلکنی، آلمان وفاهنی احضار ایدیوردی . فی الحقیقه، « به نا » مغلوبیتندن صوکر، پروسیانک استخلاصی ایچون وقوع بولان قیامک باشنده دارالفنوننی کوریورز . استخلاص حربی حاضرلایان، بو حرکت ملیه یی علمی صورتده اداره ایدن دارالفنوندر . دارالفنون حس ملینک، وطنپورلکک آتشین بر مرکزی اولیور؛ بورادن دوغان فکرلرله ملت علوی بر مجاهده به حاضرلانیوردی .

« قانت » ک نظریاتی تأثیریه، کنجلیک، هنرم و مرامک بویوک بر قوت

تشکیل ایتدیکنه ایمان ایتیش و « فیخته » برلین دارالفنوننده کی درس لریله ۱۸۱۳ قیامتک ایلک تخمیرنی اُکشد. فیخته، ملته امید و اعتماد تلقین ایدیور و مظفری تأمین ایدن قوتک متانت روحیه اولدیغنی اعلان ایلوردی. فیخته بو آتشین خطابه لری، ناپولیونک برلینی اشغال ایتدیکی کون آقاده می سالوننده بی پروا تکرار ایدیور و ملتی قیامه تشویق ایلوردی.

بو فکرله مشبوع اولان کنجک، آلمان تاریخنه عائد و فائق تدقیق ایدیور، و زهرمن قومنک منشأی حقیقه معلومات استحصال ایلوردی. بوندقیقات سایه سنده آلمان کنجی، بروقتلر باربارلرک اسکی ژهرمانیایه ناصل هجرت ایتدکلرینی؛ جنوبدن « سوئو » لرک، شمالدن « بوروس » لرک بو قطعه ده نه صورتله یرلشدکلرینی اوکرنیور، و وقایعک کذرانیله بریرله اختلاط ایدن بو قیله لرک، نهایت برکون منافعتک اشتراکیله ده برکل تشکیل ایتیمک مقتدر اولوب اوله میه جقلرینی دوشونیوردی.

آرتق آلمان کنجک غایه سی تعین ایتمشدی: آلمان وحدت ملیه سی! آلمان کنجی، مدید و مظلم سنه لردن صوکر، برنجی دفعه اوله رق (آلمان) اولدیغنی حس ایدیور و پروسیالی، باویه رالی، صاقسونیالی اولمقدن راغتله منحصراً (زهرمن) اولفقه نامزد اولویوردی. آلمانیا، آرتق « تاسیت » ک آلمان عرقه ویردیکی (زهرمن) نامنی قبول ایدیور و بونی محافظه عزم ایلوردی. بو مفکوره، بر چوق سنه لر کنجکک روخنه بسله ندی و بویودی. طلبه جمعیتلرنده بعضاً بر کنج قدحنی قالدیره رق: « بر! » دیه باغیر وریفقیری بو خطابی معنیدار آلفیشلرله قارشیلادی. بو آلفیش، جمله بی اکیال ایدردی: « بر... وطن! ».

آلمانیا، بو انتباه حرکتلرینک باشنده برلین دارالفنونی کوریورز. برلین دارالفنونی کنجلی آراسنده، حسیات و طنپورانه فوق العاده غلیان ایدیور و آارلرنده خفياً اتفاق ایده رک، کندیلرینی، بر کیجه فرانسه عسکرلرینی کاملاً اتلاف تشبته قدر سوق ایلوردی. ناپولیونک روسیه

هزیمتی استخلاص زماننك ورودینی اعلان ایتمشدی . شیمدی دارالفنون قاپانیور؛ مدرسلر، مداوملر حربه کیدیور؛ اختیار، کنج هرکس ثروتی خزینة ملته ویریور؛ زنکینلر الماسلرینی، قیزلر صاچلرینی صاتیور؛ شاعرلر وطنی شعرلر انشاد ایدیور؛ غزتلر آتشین خطابه لرله غلیسان عمومی بی آرتیریوردی .

دارالفنون، غایة ملیه بی استحصال ایتک ایچون اردو بی ده کندینه ظهیر بولمشدی . بویوک وطنپور « ستاین »، برطرفدن امور مالیه بی تنظیم ایتش، دیگر طرفدن جنرال « شارنهورست » ک معاوقیله اردو بی اصلاح ایلشدی . شارنهورست اردونک باشنه کچور و ناپولیونه حرب باشلاوردی . بدایت حربده ناپولیون ظفردن ظفره قوشیوردی . فقط، پروسیالیر مایوس اولمایور و آوستریای ده اتفاقیرینه آله رق مدهش بر قوتله ناپولیونه قارشی قویور، و تاریخنک ضبط ایده بیله دیکی ملحه لرك اُك دهشتلیسی اولان لای بزیغ محاربه سنده ناپولیونی آزه رك فراره مجبور ایلوردی .

بو ظفردن سوکرا، پروسیا بردن یوکسه لمشدی . فقط، کنجلك غایه سی، آلمان برلکنی استحصال ایده مامش و صلحدن صکراده آلمانیا یوز اون ایکی حکومتن آنجق اوتوز سکز حکومته تنزل ایتمشدی . مع مافیه، کنجلك ینه مایوس اولمایور و چالیشیوردی . ۱۸۲۳ ده، دارالفنون مداوملری بومقصدله آرالرنده بر بارولا قبول ایتشلردی : ۳۸-۳۷ ! بواشارت، آلمانیا نك اوتوز سکز حکمدارندن اوتوز یدیسنی خلع ایده رك یالکیز بر حکمدار طانیق و بو سایه ده وطنک وحدتی تأمین ایتک معناسی تضمن ایلوردی .

۱۸۳۵ ده، دارالفنون کنجلیرنک بو واده ده بویوک فعالیتلر کوستره دکلیرنی کورییورز . بو تاریخنده مونیخ طلبه جمعی، مداوملر آراسنده آلمان برلکی فکرنی نشر و تممیده بیله جک دیگر برکله قوللانعه باشلامشدی . طلبه دن بری دیگرینه تصادف ایدنجه : (قیف هاو زهر) دیه خطاب ایدر، مخاطبی : (هایدی اختیاری صقالتدن جهکلم) جوابی

ویرردی. بو مخاطبه، ساده بر افسانه عبارتدر. فقط بو افسانه، آلمان کنجلیکی ایچون بر تمثال اتحاد اولشدی. افسانه شودر: اسکی زهر من حکمدار لرندن فرهدریق «هوه نشتاوفه»، ۱۱۹۰ تاریخنده آتله کزدرکن بر نهره دوشمش. نهر حکمداری آلوب سور وکله مش، فقط فرهدریق اولمه مش. او، آلمان مفکوره سنده آلان یاشایور: حکمدار تورینغده، «قیف هاوزه»، داغک بر مغاره سنده قولی مزین بر ماصیه دایامش، باشی اگیلمش بر وضعیتده اویویور. یانی باشنده یاور، آلنی قیلدجنه دایامش وامر، منظر بر وضعیتده دوریور. حکمدار وقت وقت کوزلرینی آچوب صوریور: «قارغه لر آلان اوراده می؟»، یاور اطرافه باقوب جواب ویریور: «اوت، حشمتاب آلان اوراده!». هوه نشتاوفه تکرار ایدیور: «اوحالده ده وقت کله دی.» دیور وینه اویقویه دالیور.

فقط، آرتق اختیار هوه نشتاوفه فی صقالتدن چکوب قالدیرم جق زمان کشدی. حکمدار قالدیه جق و آلمان طوپراغنده تکرار عرض وجود ایدرک، میراثی تقسیم ایدن پرنسلیری آزه جک و آلمان برلکنی وجوده کتیره جکدی. کنجلیک یکانه غایه سی بوایدی. آلمان کنجی، آرتق حقیقی بر آلمان اولق ایسته یوردی. بو امله، کنجلیک بر عصر دن بری فرانسه نیک آلمانیا اوزرنده اجرا ایتدیکی تأثیر و نفوذی ده تماماً قالدیرمق ایسته یور، قیافتنی میلشدیریور، سرپوشنی ده کیشدیریور و فرانسز موداسنی بردن بره ترک ایدیورددی. ۱۸۳۰ ده، آلمانیا ده کنجلیک قیافتی بوس بوتون تبدل ایتشدی. کنجلیک، تپه دن طیرناغه قدر آلمان اولمش و قرون وسطاده آتالرینک طاشیدینی البسه یی اکتسا ایتمش، عینی اجدادی کبی، صاچلرینی اوموزلرینه قدر اوزاتمش، ایاغنه بویوک چیزمه لر کچیرمشدی.

شایان دقتدرکه، کنجلیک بر طرفدن فرانسز قیافتلرینی، فرانسز عادات و تشریفات یی کلیاً رد ایتدیکی حالده، دیگر جه تدن فرانسز حیات عرفانه نفوذ اتمکک جالیشور؛ فرانسز آتارینی، وبالخاصه اون سکزنجی عصر فرانسه اختلاله

عائده اثرلری تتبع ایدیور؛ حقوق بشر بیاننامه‌سی، فرانسه مجلس مؤسسانک قرارلری ونه‌ایت فرانسه قانون مدنیسی مطالعه و تدقیق ایلوردی. دارالفنون کنجلی فرانسه‌ک فتوحاتی دکل، وحدت ملیه‌سی قصقاعمشدی. بوعتبار ایلهدرکه، فرانسه آنای آلمان کنجک الک چوق سودیکی و دقتله تدقیق ایلدیکی اثرلردی. بو اثرلر، کنجکک روحنده یک نافع ایزلر راقش، ملیت عشقنی تازه‌لشمش و آلمان برلکی مفکوره‌سینه واسع بر انکشاف ویرمشدر. . . .

آلمان کنجی غایه‌سی احراز ایدم‌جکمه امین اوله‌رق چالیشیور و مساعد زمانک حلوله انتظار ایدیوردی. کنجکک بوقدر ثابت بر فکرک، عزیمکارانه بر سبک نه‌ایت موفقیتله نتوج ایدم‌جکمه ایمان ایتمشدی. بوعتبادایله، قومشو مملکتلرده سونمش ظن اولونان - ژهمه‌ن روحی، دارالفنونلرده کمال اهتنامه بسله نیور و برظفر کونی ایچون حاضر لانیوردی. فی الحقیقه، وطنک حیات و معنای موضوع بحث اولدینی برکوند، دارالفنون قابولرینی آچمش، یا مظفر اولمه یاخود شرفله اولمکه قرار ویرمشدی :

ابتدا فرانسه‌دن باشلایان ۱۸۴۸ اختلالی، دارالفنون ظفر وقتک حلولی اعلان ایدیوردی. فرانسه‌ده برخاندان مقام حکمداریدن سقوط ایدیور، پراغده باریقادرلر یاپیلیور، مجارستان سه‌ن آتیه‌ن تاجنی استرداد ایتمه چالیشیوردی. ایشته، بو صیراده آلمانیده وحدت ملیه‌سی تأسیس ایتمه عزم ایدیوردی. کنجکک بوتایلندن استفاده ایدن آوستریالی بر پرنس، آرشیدوق ژان، آلمان کنجککک باشنه کچیور، و مستقبل آلمانک نائب حکومتی انتخاب ایدیوردی. اوده‌ده، پولونیالی برجنرال، برحار میر آلای اختلال اردوسی تشکیل ایدن کنجکله معاونت ایدیور؛ بریده، آلمان وطنپرورلری فراقفورته بر مجلس عقد ایدم‌ک آلمانیا ایمپراطورلغنی اعلان ایلوردی. فقط، مجلسک مقرراتی عموم آلمان حکمدارلری طرفندن قبول ایدلمش دکلدی. بوندن باشقه، ایکی بویوک حکومت، آوستریا و پروسیا، آلمانک بعض پارچالری

پایلاشمق ایسته یورلردی . شله زویغ وهولشتاین دوقه لقلری ، ایکی حکومتک آراسنی آچمش، و ۱۸۶۶ ده صادووا مظفرتی اوزرینه پروسیا غلبه ایتشدی . شیمدی ، آلمان وحدتی وجوده کتیره بیلیمک ایچون پروسیانک قیلیجه استناد ایتک ایجاب ایدیوردی . دارالفنون افکاری حاضرلامشدی . بوندن استفاده ایتک ایچون قوته لزوم واردی . کنجلیکک تهیجلیری، وطنپرورانه نمایشلری یکی برعصرك طلوعی ایچون انجق برواسطه اوله بیلیردی . بومساعد واسطه دن پروسیا اردوسی استفاده ایتمش ؛ پروسیانک اوچ بویوک سیاسی ، بسمارق ، مولشکه ، رون آلمانیا اتحادی فکرینی قومه دن فعله چیقارمش و پروسیا بوسایه ده برك سلطنتک حکمرانی اولمشدر .

* *

آلمان دارالفنونلری، تخریات علمییه بویوک خدمتار ایتمشدر . علوم معنویه ده تدبیر و تنقید اصوللری ابتداء آلمان دارالفنوننده ده کیشمش و بوسایه ده آثار عتیقه ، السنه ، تاریخ بر علم مخصوص حالتی کسب ایلمشدر . آثار قدیمیه یی تدقیق ایده رک ایرانده ، بابلده ، آتوریه ده ، روماده ، یونانستانده ، مصرده حکمران اولان ملنلرک لسان و عادتلری حقیقه انک مهم معلوماتی اقطاف ایده رک بوملنلرک تاریخی برصورت صحیحه ده یازان ؛ فلسفه ده یکی یکی اساسلر وضع ایدن آلمان دارالفنونی مدرسلریدر .

اون دوقوزنجی عصرک نصف اخیرنده ، آلمان دارالفنونلری علوم طبیعی و ریاضیه ده ده قیمتدار کشفلر ده بولونمشدر . ۱۸۷۷ ده ، « غاوس » نامنده مشهور بر ریاضی یتیشمش ، و « هلمولج » بقای قوت قانونه اساس اولان نظریاتی وضع ایده رک فیزیک مباحثی توحید و صوت بحثی تأسیس ایتمش ؛ کیمیا کر « لیبیغ » مواد عضویه حقیقه قوانین مخصوصه کشف ایلش ؛ « وویهر » مواد غیر عضویه دن بر ماده عضویه استحصاله موفق اولمش ، « هومبولد » نباتاتک کره ارض اوزرنده صور تقسیمیه سنی تدقیق ایتمش واولا نباتانده ، صوکر حیواناتده حجره و پروتوپلازمایی کشف ایده رک انساج علمک اساسنی وضع ایلمشدر .

حرارتك حرکتدن عبارت اولدینی نظریه‌سی میدانه قویان « قلاوسیوس » ، تحلیل طیفی کشف ایدن حکمتشناس « کیرشهوف » ، وکیما کر « بوزنه » ، هب آلماندر. كذلك « هرچ » ، نامنده بر آلمان استادی، شعاعات الکتریقیه نك شعاعات ضیائیہ کبی انعکاس ایتدیکنی اثبات ایده رک تلمسز تلغرافك اساسنی قورمش وبالخاصه کیمیای صناییده برچوق ترقیلر وجوده کتیره شدر .

*
*
*

آلمانیاده، الیوم یکریمی بر دارالفنون واردر. ایلک دارالفنون، ۱۳۴۸ ده براغده تأسیس ایدلمشدر. بودارالفنون، آز زمان طرفنده اشتهار ایده رک اون بیك طلبه جمعه موفق اولمش ، فقط ۱۴۰۹ ده امتیازاتنك قصر ایدلمسی اوزرینه مدروس ومدواملرینك قسم اعظمی شهری ترك ایده رک، لای بزینغده یکی بر دارالفنون تأسیس ایلشدر. ۱۳۸۵ ده قولونیا ، ۸۶ ده هایدله برغ ، ۹۲ ده نرفورت، ۱۴۰۹ ده لای بزینغ ، ۱۴۱۹ ده روستوق ، ۵۴ ده تریر ، ۵۶ ده فرایبورغ ، ۶۳ ده اوفنه ، ۷۲ ده اینغولشتاد ، ۷۷ ده مایانس وتوینگن شهرلرنده بر دارالفنون آچیلشدر. بدایتده آلمان حکمدارلری دارالفنونلری، کلیسانك تکالیف شدیدنه قارشلی بر مدافع کبی تلقی وحمایه ایتمشلردی . ۱۴۹۵ ده ، وورمس شهرنده عقد اولونان دییه ت مجلسنده ایمپراطور برنجی ماقسیملیان، دارالفنونلرک تکشیری وحمایه‌سی اساسنی قبول ایتمش ومؤسسات مذکوره به بعض امتیازات بخش ایلشدر . اوتوز سنه محاربه‌لری ائناسنده ، آلمانیا بر تضیق واضطراب آلتنده یاشامش اولمغله برابر ، بو مدت طرفنده ۱۶۳۱ ده مونسترده ، وورسبورغده ، ۱۶۶۵ ده کیلده ، ۱۶۷۲ ده اینسبورغده ، ۱۶۹۴ ده هالهده بر دارالفنون تأسیس ایدلمش ؛ اون سکزنجی عصردهده بره‌سلاو ، کوتینگن ، له‌مبه‌رغ ؛ اون دوقوزنجی عصر ابتداسنده برلین ویکرنجی عصرده فرانقفورت دارالفنونلری آچیلشدر .

آلمان دارالفنوننك خاصه میزه‌سی ، مختاریت تامه‌سیدر . بو استقلالیت

سایه‌سند در که، آلمان‌یاده تدریسات ملی بر شکل آلمش، دارالفنون هر درلو سیاسی و دینی تأثیراتدن مصون قلمشدر. دارالفنون امتیازی جاعتلر حقوقه مالکدر. تشکیلات داخلیه‌لری، هر دارالفنون ایچون مختلف زمانلرده اصدار اولونان فرمانلره و بونلری اکیال ایدن اوامر و نظاماته توفیقاً تنظیم ایدلمشدر. هر دارالفنون ابنیه، دارالمساعی، دارالاستحضار، کتبخانه، قوله‌کسیون، موزه کبی اموالندن و مقاصد مختلفه ایچون ویریلن اطاتات نقدیه ایله مدرسلرک اولاد و عیالته تخصیص ایدیلن مبالغدن متشکل بر ثروته مالکدر. مثلاً، مونیخ دارالفنوننک دوت میلیون مارقلق بر سرمایه و ققیه‌سی وارددر. کذلک، خرایس والد دارالفنوننک مالک اولدینی ثروتک تأمین ایتدیکی ایراده، مؤسسه‌نک مصارف سنویه‌سنگ مهم بر قسمی قیامغه کافی بر درجه‌ده‌در. بوندن باشقه، دارالفنونلرک اجورات تدریسیه ایله بریر یاتلردن آلتان مبالغدن متولد حاصلاتی وارددر. مع مافیه، علی‌العموم دارالفنونلر مصارفنک اک مهم قسمی دوعر و دن دوعر و یه دولت طرفندن تسویه ایدیلیر.

آلمان دارالفنونلری، بلا استثنا دولت مؤسسه‌لیردر. و دوعر و دن دوعر و یه معارف نظارتلرینه مربوطدر. برلین دارالفنونی مستثنا اولق اوزره هر دارالفنونده « دارالفنون امینی » نامیهله، مؤسسه‌نک اداری ایشلرینه و انشاآتیه باقان، حقوق دولتی مدافعه ایدن، نظارتله دارالفنون آراسنده‌کی مخبراته وساطت ایلین بر بویوک مأمور وارددر. برلینده بو وظائفک بر قسمی نظارت طرفندن، بر قسمی ده دارالفنون مدیری ایله دارالفنون حاکمندن مرکب بر هیأت طرفندن رؤیت اولونور. کونیفسه‌رغ، بره‌سلاو، مونستر کبی ولایت مرکزی اولان دارالفنون شهرلرنده والیرده بو هیأت داخلدر.

هر دارالفنوننک بر فخری مدیری Prorektor، بر مدیری Rektor وارددر. فخری مدیر؛ بالذات حکمدار یا خود خاندان سلطنت اعضاسندن بر یرنسدر.

مدیر؛ هر دارالفنونده متخذ اصوله توفیقاً مدرسلر میانندن — اکثراً

عموم فاكولته مجالس مدرسينك اجتماعيله تشكىل ايدن هيات طرفندن -
برسنه ايجون انتخاب و مأموري قى بااراده حكمدارى اجرا اولونور . يكي مدير
ايشه باشلاركن و سلفى و داع ايدر كن مراسم مخصوصه يايدير . دارالفنون
مدبرى، دارالفنونك معاملات جاريه سنى اداره ، دارالفنون ديوانه و سائر
انجمنلره رياست ايدر .

هر دارالفنونك بر (ديوان) ى ، بر (قوراتوريوم) ى واردر . ديوان ؛
مدرسلى طرفندن برسنه ايجون انتخاب اولونان اعضايله دارالفنون مدبرى
و بونك سلفلى، فاكولته مديرلى و دارالفنون حاكندن Universitätsrichter
متشكىلدر . بعض دارالفنونلرده ديوان ، مدرسلىك هيات مجموعه سندن
تركب ايدر . ديوانك وظيفه سى ؛ دارالفنونك ترقيسى مستلزم تدابيرى اتخاذ
ايتكىدن، هيات علميه آراسنده ظهور ايدن اختلافاتى حل و منحل كر سيلره
نامزده تكليف ايتكىدن عبارتدر .

قوراتوريوم ؛ دارالفنونك مجلس مالى سيدر . دارالفنون امينيله دارالفنون
مؤسسلرندن و دارالفنونه مصاونتمه بولونان شهرلرده، شهر امينندن مركب
اوله رق تشكىل ايدن بوجلسك وظيفه سى، دارالفنونك ثروتى و وقفلىنى اداره
و مدرسلىك ايتامنه معاش تخصيصنه عائد معاملاتى ايفا ايتكىدن عبارتدر .

* *

آلمان دارالفنون مدرسلى، مملكتهك الامتياز سپاريدر . آلمان مدرسلى،
برعالم، بروجده ويا كاشفدر . اوه ايني بيلير و بيلديكنى ايني و تام اوله رق تقرير
وايضاح ايدر . بو ديار عرفانده مدرسلى، علملىيله ، كشف و اختراعليله
بحق مفتخر درلر . بوراده مدرس بر فكر طاميلدر . مدرسلىك كندينه
مسلك اتخاذ ايتيش بومتخصصدر . مأمورلردن مدرسلىك ايدنلوك عددى پك
محدود اولدني كهي، مدرسلىه مأموريت توجه ايدلسى ده نادردر .
آلمانياده ، دارالفنون مدرسلى دوت صنفدر : مدرسلى ، فخرى
مدرسلى، فوق العاده مدرسلى، مقررلر !

مدرسler Ordentlicher professor ؛ فاكولته نك تكلفي ونظارتك تصويب وعرضي اوزرينه ، مأموريتلري بااراده حكمداري اجرا اولونان معلملردر . بونلر دارالفنونك اصل ودائمي هيات تعليميه سني تشكيل ايدرلر . وبولونقلري حكومتك قانون اساسيسنه كوره ، ملت مجلسنه كوندردكلري دارالفنون مبعوثلري آدارندن انتخاب ايدرلر . مدرسler ، برفك مختلف قسملري حقنده درس ويره بيلرلر . يالكز عمومي ومجاني ، ياخود خصوصي اوله رق تقرير ايدجكلري درسلي دارالفنون اخبار ايتمكه مجبوردرلر . بركرسينك انحلالنده ، معارف نظارتق بوكرسى مدرسلكنه انتخاب اولونه جق ذواتى دارالفنونه تكليف ايتمك صلاحيتنى حائزدر .

مدرسlerك معاشرلي ؛ - روسياده - قدم اساسنه كوره تنظيم اولونمشدر : معاشرلر ، برلينده سنوي ۴۸۰۰ ، سائر دارالفنونلرده ۴۰۰۰ مارقدن باشلار وبرلينده آلتى دفعه ده ، ديكرلرنده بش دفعه ده دردر سنه ده برتزيد ايديله رك ، ۶۰۰۰ و ۷۲۰۰ مارق قدر يوكسه لير . بوندن باشقه ، مدرسler مسكن باره سي اوله رق ، برلينده سنوي ۹۰۰ ، سائر يرلرده شهرك جسامته كوره ۵۴۰ الى ۶۶۰ مارق تخصيصات آليرلر . وظيفه سننده فوق العاده موفقيت كوسترن ، كشف واختراعه موفق اولان مدرسlerك معاشرلرينه بومعاشات ونخصيصات خارجنده آبريجه ضميات اجرا ايديلير . روسيا بودجه سنه بوخصوص ايچون سنوي يوز يتمش بيك مارق تخصيصات وضع ايدلشدر . مع مافيه ، بوتون مخصصات وفوق العاده ضميات ايله برابر معاشرات ، برلينده سنوي ۹۴۰۰ وسائر دارالفنونلرده ۷۸۰۰ مارق تجاوز ايتمز . بومقدارك فوقده تخصيصات اعطاسي ، آبريجه اراده حكمداري به متوقفدر . باويه راده ، مدرسlerك معاشرلي ۵۴۶۰ مارقدن ، توپينگه نده ۴۰۰۰ مارقدن باشلار وهر اوج سنه ده بر دفعه تزويد اولونه رق ۶۰۰۰ مارق قدر يوكسه لير . صاقسونياده ، ۳۰۰۰ و ۴۵۰۰ دن باشلايه رق ۱۰۰۰۰ و ۱۲۰۰۰ مارق قدر چيقار . باده ده ، معين معاش يوقدر . ۳۰۰۰ ايله ۱۰۶۰۰ مارق آراسنده تحول ايدر .

مع مافیه ، بومعاش و تخصیصاتدن باشقه، طلبه دن آلتان خصوصی درسلك اجورانی و امتحان اجریتلی مدرسله عائددر. برده، دارالفنون و یا فا کوته مدیریتنی درعهده ایدن مدرسله آریجه تخصیصات ویریلیر . پروسیا دارالفنونلرنده ، دارالفنون مدیریتنه مخصص اولان مبلغ، سنوی دوت بیک مارقدر .

فخری مدرسler Honorar professor ؛ مدرسله هم رتبه در . یالکز معین معاشلری یوقدر . منحصرأ درسلیرینه دوام ایدن طلبه نك تأدیه ایتدیکی اجریتلی آلیرلر. فخری مدرسلك درس تقریر ایتکه مجبوریتلی یوقدر. واکثریا یوکسک بر مأموریتلی واردر . یاخود قاعد ایدلشلردر .

فوق العاده مدرسler Ausserordentlicher professor ؛ تقریرلی و آثار منتشره سی ایله اشتهار ایدن مقررلر میانندن ترفیعاً تعیین ایدیلن مدرسلردر. بوصف مدرسله مدرسلردن انحلال ایدن کرسيلرك طیبی نامزدلریدر . مع مافیه، برکسی انحلالنده دارالفنون بورایه بهمه حال فوق العاده مدرسلردن برینی انتخابه مجبور دکلدرد. بعضاً، دارالفنون خارجنده بر ذاتی، حتی اجنبی بر عالمی ده انتخاب ایده بیلیر . فوق العاده مدرسلرده ایکی قسمدر : بر قسمی بودجه یه داخل اولان، دیگر قسمی بودجه خارجنده بولونان مدرسلردر. برنجیلرك معین معاشلری واردر . معاشلری سنوی ۲۰۰ مارقدن باشلا یه رق ۴۰۰۰ مارقه قدر یوکسه لیر. وظیفه لری، مدرسler طرفندن تدریس اولونان درسلك بعض مباحثنی تقریر ایتکدن، یاخود مدرسی اولمایان درسله وکالت ایتکدن عبارتدر. بودجه خارجنده بولونان فوق العاده مدرسلك معین معاشلری یوقدر. کندیلرینه بعض درسلك تدریسی حواله ایدیلررك بواک مقابل بر اجرت ویریلیر .

مقررلر Privat dozent ؛ دارالفنونده، اکمال تحصیل ایتش و برقنده اختصاص کسب ایده رك تدریسات اجراسی ایچون مساعده استحصال ایتش اولان کنج معلملردر . بونلر مستقلاً دوس ویره بیلیر . ودرسلیرینه دوام

ایدن مداوملر ، عینی مدرسلرک درسلینه دوام ایتمش عد اولونور. فقط ، مقررلر یالکز امتحان ویردکلی فن اوزرینه درس تقریر ایدمبیلرلر . بعض دارالفنونلرده ، مقررلر هر نصف سنه درسیده (سومه ستر) لاقل بر درس تقریرینه مجبور طو تلمشدر . مقررلرده ، مدرسلر کبی ، درسلینه دوام ایدن طلبه نك تأدیه ایتدکلی اجر تلیر آلیرلر . فقط ، بو مبالغ معین بر مقداری تجاوز ایدم مز .

مقرر نامزدلری تدریسه مأذون اوله بیلمک ایچون ، اولاً : انتخاب ایتدیکی بر مسئله حقنده بر اثر تتبع یازمفه ، ثانیاً : دارالفنون دیوانی حضورنده بر درس تقریر ایلمک مجبوردر . مقررلک ایچون مأذونیت اعطاسی منحصرأ دارالفنونه عائددر . یالکز ، نامزدلر دارالفنونه حین مراجعتلرنده استادعالرینه دارالفنون امینتک بر تذکره سنی ربط ایتمک مجبوردرلر . بو تذکره ، نامزدک امتحانه قبولنده بر محذور اولمادیغنی مبین پروتیقه در .

دارالفنونلرده بو درت صنف مدرسلردن باشقه ؛ معید ، مستحضر ، اسقریم ، دانش معلمی نامیله دیگر بعض معلملرده وارددر . معیدلر Lektor ؛ مدرسلر طرفندن ویریلن درسلی مذاکره ایتمک ، لسان درسارنده طلبه ایله مکالمه ایلمک مأمور اولان کتجلرددر . بونلر ، ناظر طرفندن وعلی الا کثر محدود بر زمان ایچون تعیین اولونورلر . معاشلری یوقدر . استخدا ملری مدتیجه بر اجرت آلیرلر . طلبه نك ویردیکی خصوصی درسلیک اجر قیده کندیلرینه عائددر .

مستحضرلر ؛ مدرسلرک معاونیدر . بونلر تدریسه مأذون دکلددرلر . یالکز دارالمساعیلرده مدرسلرک مراقبه سی آلتنده اوله رق مبتدیلر ایچون عماره لری اداره ایددرلر .

آلمان دارالفنونلرنده ، مدرسلرک شیخوختلری حالنده رفاهلرینی ؛ وفاتلردن سوکرا عائله لرینک استقباللرینی تأمین ایدم جک وسائط مادیده احضار ایدلمشدر . مدرس وفوق العاده مدرسلر ، قاعد ایدلدکلرنده معاشلرینی مسکن تخصیصا تیه

برابرینه تماماً استیفا ایدرلر . وفا کولتهیه عائد اجوراته اشتراکلیری باقی قالیر . مع مافیه، بعض دارالفنونلرده قاعد معاشلری، مدرسلر ایله نظارت آراسنده بالماذا کره تعیین ایدیلیر . لای یزیغ دارالفنوننده بو اصول جاریدر . بعض دارالفنونلرده مدرسلرک اولاد و عیاله و یريله جک معاشات ایچون، قاعد صاندیقلری تأسیس ایدلمشدر . بو صاندیقلرک مهم برر سرمایه سی واردر . و اکثر یرلرده صاندیغه داخل اولان اعضا، بر مبلغ تأدییه سیله مکلف دکلدرد . ایجاب ایدن تخصیصاتی حکومت تسویه ایدر . عائله معاشلری؛ وسطی اوله رق — مدت خدمت نظر دفته آنتمق سزین — مدرسلرک زوجه لرینه سنوی ۱۶۵۰ ، فوق العاده مدرسلرک رفیقه لرینه ۱۳۰۰ و برنجی چوجوقلرینه — ۲۱ یاشنه قدر — ۴۸۰، دیگر چوجوقلرندن هر برینه اوچر یوز مارقدن عبارتدر .

* *

دارالفنون قید و قبول ایدیله بیلیمک ایچون ، — صنفلی تمام اولان — سلطانی شهادتنامه سی حائز اولق لازمدر . الیهات فاکولته لرینه داخل اوله بیلیمک ایچون، مطلقا بر غمنازیومدن مأذون اولق شرطدر . برده ، طب فاکولته سنه قبول ایدیله جک او برره آل شوله مأذونلری طیب امتحانه ، — و پروسیاده فاکولتهیه — داخل اولمازدن مقدم ره آل غمنازیوم مأذونلری درجه سنده لاتینجه بیلدکلرینی بالامتحان اثبات ایتیمکه ؛ حقوق فاکولته سنه داخل اولان سلطانی مأذونلری ده ، لاتینجه و یونانجه تحصیل ایتماش اولدقلری تقدیرده ، بولسانلری فاکولته ده صورت خصوصیه ده تحصیل ایتیمکه مجبوردرلر . بونک ایچون، اکثر فاکولته لرنده خصوصی یونانجه و لاتینجه درسلی کثاد ایدلمشدر .

دارالفنونک بولوندینی شهرده کی مکاتب عالیه طلبه سی ، دارالفنونده درس دیکله مک حقته مالکدرلر . اجنبی تابعیتنده بولونانلر، شرائط لازمه یی حائز اولدقلری تقدیرده ، دارالفنونک هر شعبه سنه قبول اولونه بیلیرلر . ۱۸۸۶ قانونی موجبجه ، پروسیاده قادینلرک دارالفنونلره نه مداوم ،

نه سامع اوله رق دواملرينه مساعده اوله بيليردي . ۱۸۹۶ - نه سنده ،
بعض شرائط تحتنده ، قادينلرك سامع اوله رق دارالفنونلره قبولي تقرر ايتمش
واليوم ، سلطاني شهادتنامه سني حائز اولان قادينلرك ارككلكر كي دارالفنونلرده
عيني حقوقه مالكيئي اساس قبول ايدلمشدر .

حكومت ويا بلديه مأموريت و خدمتنده بولونانلر و بر صنعت صاحبي
اولانلر ، شرائط لازمه يي حائز اولسه لر دخي ، دارالفنونه قيد و قبول
اولونه مازلر . بو كيلرك ، دارالفنون مديرينك مساعده سييله يالكيز سامع
اوله رق قبولي جائزدر . دارالفنونه دخول حقني حائز اولدقلري حالده قيد
ايدلك ايسته ميانلرله ، سلطاني مكتبلري طلبه سنك سامع اوله رق قبوللرينه
قطعيأ مساعده ايدلر .

دارالفنونه قبول ايديلن طلبه ، منسوب اولديني فاكولته مديرينك دلالتلي
ايله ، دارالفنون مديرينك حضورنده و صورت عليه ده دارالفنون نظاماته
رعایت ايدم جكنه ، و حسن اخلاقك و حسن ناموسپورينك ايجاباتندن اولان
استقامت و عدالتدن انحراف ايتمه جكنه ، يمين ايدر . رسم تحقيقي متعاقب ،
دارالفنون مديرى بيان خوش آمدی يي متضمن برنطق ايراد ايدر و طلبه نك
برر برر اللريني صيقار . بوندن صوكرا ، طلبه به هويت ورقه لري توزيع
اولونور . معامله قيديه نك ، طلبه نك دارالفنون شهرينه مواصلتندن اعتبارأ ،
نهايت اوچ كون ظرفنده اجراسي مجبوريدر .

آلمان دارالفنونلرنده (ياريم قبول) اصولي ده جاريدر . بونك ايچون ،
سلطاني مأذوني اولمق شرط دكلدر . فامزدك ، دارالفنون درس لرني تعقيب
ايدم بيله جك درجه ده حائز معلومات اولديني ميين بر وثيقه ابراز ايتمش
كافيدر . ياريم قبول ايچون ، دارالفنون امينك مساعده سني استحصال ايتك
لازمدر . بو مساعده ، ابتدا درت نصف سنه درسيه ايچون و يريلر و صوكرا
دها ايكي نصف سنه تمديد ايديله بيلير . ياريم قبول اولونان طلبه به مأذونيت
رؤسي و يرلر . بونلر ، يالكيز تصديقنامه آله بيليرلر .

مداوملر، منسوب اولدقلری دارالفنون ایچون معین اولان اجورات تدریسیه یی، امتحان، کتبخانه، دارالمساعی اجر تلرینی نادییه مجبوردر . دارالمساعیلره ویریلن اجرت، دفعة و دارالفنون اجرتی مقسطاً تسویه اولونور . اکثر دارالفنونلر، فقیر طلبه یه دارالفنون وقف و اعانه صادیقلرندن معاوندن بولونور ؛ مصارف تحصیلیه لری قسماً و یا تماماً دارالفنون بودجه سندن تسویه ایدیلیر . مدرسلرک اولادی ده اجوراتدن قسماً و یا تماماً استتانا اولونور . قاتولیک الیهات فا کولته لرند ، طلبه ایچون پانیسونلرده واردر . فقط ، بویوردلر ، کلیسالر طرفندن اداره اولونور .

دارالفنون مداوملری ، تحصیل لرینی بالذات تنظیم ایدرلر . مداوملر ، کندی اجتہاد و محاکمه لرینه کوره درس لرینی مختلف نصف سنه درسیه لره آیرمق حقنی حائزدر . بوخصوصده ، طلبه یه تام بر سر برستی ویرلمشدر . بالکمز، بعض درس لر آراسنده کی مناسباتی نظر دقته آله رق ، دارالفنون ، تحصیلک طرز تنظیم و تنسیقی حقند . برساله ایله - طلبه یه بعض و صایاده بولونور و اوزون بر تجربه نک محصولی اولان بوتوصیه یه ، طلبه بالا اختیار توفیق حرکت ایدر .

تحصیلک صورت تنسیقی حقند . طلبه یه بخش ایدیلن بو سربستینک ، بعض مرتبه محذورلری اولدیفنه شبهه ایدیلر من . فقط ، کنج لرده مسئولیت فکرینی او یاندیرمق ، حس شرف و حیثیتی تزیید ایتک ، اونلره ده ا زیاده مراق ایتدکلری مسائل ایله ، ده ا صیقی بر صورتده مشغول اولمق امکاتی حاضر لاق ، تام و مکمل و ظنرور لر یتیشدیرمک ایچون بوندن ای بر اصول اوله ماز . طلبه نک اختیار و رضاسیله و منحصرأ حس و فکر مسئولیتله ملهم برسی و فعالیت ، خارجی بر مجبوریتک تحت تضیقند و قوع بولان سی و غیرتدن ده ا چوق قیمتی حائزدر . مع مافیه ، بعض فا کولته لرده طلبه اولجه تعیین ایدلش اولان درس لر دوام ایتمه دیکجه ، اصل درس لر دوام ایدر من . مثلاً ، حقوق فا کولته لرند . حقوقه عائد احضاری درس لر ایلک نصف سنه

درسیاده دوام اولونمق شرطدر . بو درسیره دوام ایتمکسزین ، دیگر درسیره داخل اولمق ممنوعدر . کذلک ، تطبیقاته عائد درسیره دوام ایده بیلیمک ایچون ، زمین تدقیق اولان مسائل و موضوعاته متعلق نظری درسیرده اثبات وجود ایدلمش اولمق لازمدر .

*
**

دارالفنون تحصیلی اکیال ایدنلر ، علمی بر پایه یه مظهر اولورلر . بو ، دانشمندک (دوقتور) پایه سیدر . آلهیات فاکولته سی مستثنا اولمق اوزره علی العموم فاکولته لرده یالکیز بو پایه واردر . آلهیات فاکولته سنده بوندن باشقه ، برده مآذونیت (لیسانس) پایه سی توجیه ایدیلیر . دانشمندک توجیهی حق ، منحصرأ دارالفنونه عائددر . دانشمند (دوقتور) اوله بیلیمک ایچون ، هر فاکولته نیک نظامات خصوصیه سنه توفیقاً جریان ایدن دانشمندک امتحاننده احراز موفقیت ایتمک شرطدر . بو امتحان ، اساس اعتباریله ، بر اثر تتبع تحریرندن وشفاهی بر امتحانندن عبارتدر . اثر تتبعک ، بر قیمت فیه بی حائز اولسی وحریرینک فناً ومستقلاً دوشونمکه مقتدر اولدیغنه دلیل بولونمسی مطلوبدر . اثر تتبع ، طبع اولونور و تدقیق ایدلدکدن صوکر ایا قبول و یارد ایدیلیر ؛ یاخود تصحیح ایدلمک اوزره نامزده اعاده اولونور . اثرک قبولی تقرر ایتدکدن صوکر ، شفاهی امتحان اجرا ایدیلیر . بو امتحان ، بر ایکی ساعت ظرفنده مختلف مواد و موضوعات اوزرینه جریان ایدر و اثر ، مدافعه ایتدیریلیر .

دانشمند اولمق ، خدمت دولته داخل اوله بیلیمک حققی بخش ایتیز . حتی مأمور ، حاکم ، دعوی وکیلی اوله بیلیمک ایچون ، دانشمند اولمق شرطده دکلدر . بورتبه بی احراز ایتمک بر شرفدر . فقط ، مسلکداشلره قارشی بر حق تفوقی تضمن ایتیز . یالکیز ، دارالفنونه مدرس ومقرر اوله بیلیمک ایچون ، دانشمند اولمق لازمدر . برده ، کیمیا کرلاک کبی بعض مسالکده بو رتبه نیک احرازی ، معلومات لازمه نیک اکتساب ایدلمش اولدیغنه دلیل عد ایدیلیر .

خدمت دولته کیره بيلمک ایچون، دارالفنونی اکیالتیمک و دانشمند اولمق نه لازم، نه کافیدر. خدمت رسمیه یه داخل اوله جقلر، معین درسلدن بر حکومت امتحانی Etatexamen ویرمهک مجبوردر. طلبه نک بو امتحانه قدر نرده و نه صورته تحصیل ایتدیکی قفتیش ایدلر. حکومت امتحانی ده، تحریری و شفاهی اولمق اوزره ایکی قسمدر: تحریری امتحانه، طلبه مهم بر موضوع اوزرینه بر اثر یازار. شفاهی امتحان، بوتون حقی عمومی و خصوصیه یی احتوا ایلر. بعض حکومتلرده، بو امتحانه اقتصاد و فن مالی ده داخلدر. حکومت امتحاننده موفق اولانلر خدمته قبول ایدیلر. فقط، بویوک مقاملری احرار ایتیمک ایچون، اوچ سنه خدمتدن صوکرا، ایکنجی بر امتحان ویرمک لازمدر. بو امتحانده موفق اولانلر، هر درلو ترفیع حقندن مستفید اولورلر.

حاکم اوله بيلمک ایچون ده، نامزدک ایکی حکومت امتحانی کچیرمسی شرطدر. برنجی امتحانه داخل اوله بيلمک ایچون، بر حقوق فاکولته سنده لاقل اوچ سنه تحصیل ایتیمش اولمق و بو مدتک لاقل نصفی بر آلمان دارالفنوننده کچیرمک لازمدر. بو امتحان؛ حاکم لر، دارالفنون مدرسلری، مدعی عمومیلر و دعوی وکیللری آراسندن منتخب بر رئیس و بر رئیس ثانی ایله دوت اعضادن مرکب بر انجمن طرفندن اجرا ایدیلر. رئیس و رئیس ثانی هر حالده حاکم لر آراسندن، اعضادن لاقل ایکیسی ده مدرسلر میاسندن انتخاب اولونور. امتحان، تحریری و شفاهی اولمق اوزره ایکی قسمدر و نامزدک دارالفنونه دوامی مدتجه تحصیل ایتدیکی بالجمله مواد و مباحثه شاملدر. هر ایکی امتحانده موفق اولان طلبه Referendaire عنوانی ویریلر و تحلیف اولونور. موفق اوله میان نامزد، آلتی آی صوکرا تکرار امتحانه قبول اولونه بیلیر. فقط، بومدت ظرفنده حقوق تحصیلنه دوام ایتیمی شرطدر. برنجی امتحانده موفق اولانلر، بر محکمه و یا دعوی وکیلی نزدنده اوچ سنه خدمته بولونقدن صوکرا، ایکنجی امتحانه قبول ایدیلرلر. ایکنجی

امتحاندهده موفق اولانلر، يوكسك مقامات قضايه يي احراز ايتك حقي اكتساب ايدرلر . آلمان تشكيلات محاكم قانوني، حاكم اوله بيلمك ايچون، يالكز دارالفنون مدرسلرني حكومت امتحانندن استئنا ايتمشدر . مدرسلر، بلا امتحان حاكم تعيين اولونه بيايرلر .

* *

دارالفنون تعطيللري بالنسبه اوزوندر . ياز نصف سنه درسيه سنك ختامندن صوكر اكلن تعطيل، اغستوسك اون بشندن تشرين اولاك اون بشنه قدره، يعني ايكي آي امتداد ايدر . قيش نصف سنه درسيه سنك ختامني تعقيب ايدن باسقاليا تعطيل ده، مارتك اون بشندن نيسان اون بشنه قدره، يعني راي سوره . حتى باسقاليه يورطيسنه تصادف ايدرسه آلتى هفته امتداد ايدر . بوتعطيللردن باشقه، (بانت قرت) يورطيسنه مخصوص برهفته لق تعطيل ايله، ايكي هفته امتداد ايدن نوئل يورطيسني ده علاوه ايدرسه ك، برسنه طرفنده كي تعطيل، درت بوجوق آيه بالغ اولور .

بو اوزون مدت تعطيله نك اهميت علميه سي واردر . بوتعطيللر، مدرسلره وطلبيه تدقيق وتبع ايچون وقت وامكان براقق غايه سنه معطوفدر . بوتعطيللر سايه سنده، طلبة درسلا ائناسنده نظر تدقيقلرينه وضع اولونان مسائلي استكناء ايتك وعلاقه دار اولدقلى بعض مسائل علميه وفيه يي تعميق ايتك فرصتي بولويور .

* *

آلمان دارالفنونلرنده تام برانضباط حكمفرمادر . ذاتا آلمان ياده انضباط فكري، حيات عموميه نك هر صفحه سنه نفوذ ايتمشدر . قانونه اطاعت، مافوقه حرمت، سلسله مراتبه رعايت اك اساسلي تربيه عامللري صره سنه كچميشدر . دينه بيليركه، دارالفنون بوانضباط فكري نك مهدي والكواسع جولانكا هيدر . بو اعتبار ايله دارالفنون نظامنامه سنده انضباطه متداثر احكام جزايشه نك تطبيقه همان هيچ لزوم حس ايدلامكدهدر .

نظاماً معین اولان جزالر شونلردر : توبیخ، جزای نقدی، سجه قید، موقتاً و یا قطعاً اخراج، تبعید ! جزای تقدینک یوم حکمدن اعتباراً برآی طرفنده تسویه سی مجبوریدر. بوضورتله الله ایدیلن مبالغه دارالفنون کتبخانه سنه ایراد قید اولونور . سجه قید معامله سی، اکمال تحصیل وثیقه لرنده بعض مشروحاتی استلزام ایدر . دارالفنون موقتاً اخراج، آلتی آیدن ایکی سنه قدر دوام ایدر . و بو مدت طرفنده، مدارم دارالفنونه عائد حقوق و امتیازاتدن محروم اولور . تبعیده الکشدید بر جزادر . بو جزا ایله محکوم اولان طلبه یوم تبلیغه، غروب شمسدن اول شهری ترک ایتمکه مجبوردر. نتیجه حکم غزته لرلده اعلان اولونور. طلبه، مدت محکومیتی طرفنده دارالفنون شهرینه ایکی میلدن ده ها قریب بر محله اقامت ایده مز . تبعیده، یادوت سنه قدر موقت، یاخود دائمی اولور.

مأمورین و مدرسینه حرمتسزک ایتک، رسمی اعلانلری یرتمق، سلاح طاشیق، اموال امیرییه ضرر ایقاع ایتک، خفی جمعیتله انتساب ایتک، قومار اویناسق، سرخوشلق ایتک، دوللوده بولونمق درجات مختلفه ده جزایی استلزام ایدر .

دارالفنونلرده، مداوملر آراسنده، یاخود مداوملرله مدرسلر پیننده تحدث ایدن دعوالر واختلافلر محاکم عادیه ده رؤیت ایدلز . بونلرک مرجع تدقیق، دارالفنون هیأت قضائیه سیدر. دارالفنونلرده حق قضا اوچ درجه در: برنجی درجه منحصرأ دارالفنون مدیرینه، ایکنجی درجه فاکولته مدیرلرندن مرکب اولان مدیران مجلسنه، اوچنجی درجه دارالفنون دیوانه عائددر . قباح و جنحه درجه سنده کی جرملر، بو هیاتلر طرفندن - قوانین عمومیه یه توفیقاً - رؤیت اولونور . جنایت دعوالری، دیوانک قراریلر محاکم عمومیه یه تودیع ایدیلر. معافییه، مداومک، قباح و جنحه دعواسنک ده محاکم عمومیه ده رؤیتنی طلب ایتمکه حق واردر .

دار الفنون شعباتی

مختلف فاکولتہا۔ — ایکی قسم الہیات فاکولتہ سی۔ — الہیات مدرسہ لرننگ کلیسا اموریتہ اشتراکی۔ — لیسہ لروویس روحانی بہ تابع مؤسسات۔ — علی راہب ہؤسہ لری۔ — الہیات پروغرامی۔ — یکریمی برحقوق فاکولتہ سی۔ — تدریس اندہ اساس: آلمان حقوق مدنیہ سی۔ — طب فاکولتہ سی ولکی دورہ تہ صلیبہ۔ — پروغراہا لری وھوی دوسرا۔ — فلسفہ فاکولتہ سی۔ — فلسفہ، ریاضیات و طبیعیات شعبہ لری۔

آلمان دار الفنون لری؛ الہیات، حقوق، طب، فلسفہ نام لری بہ مختلف شعبہ لریہ آیرلشدر۔ ایوم، اکثر دار الفنون لریہ شعبہ لریہ در تدریس فضلہ در۔ از جملہ، توینگن دار الفنون لریہ، بوشبہ لریہ ماعداء، بر ملکیتہ فاکولتہ سی، فرانقفورت (ماین اوزرندہ) دہ، بر علوم سیاسیہ و تجارتیہ فاکولتہ سی؛ ستراسبورخ، مونستہر، وورسبورخ، فرایبورخ دہ حقوق فاکولتہ سی، یرینہ حقوق و ملکیتہ فاکولتہ سی واردر۔ بعض دار الفنون لریہ ہم قانونیک ہم پروتستان الہیات فاکولتہ لری، بعض لریہ بونلردن یالکز بری بولونور۔ فلسفہ فاکولتہ لری دہ ادبیات، ریاضیات، طبیعیات، فن تربیہ قسم لریہ احتوا ایدر۔

فاکولتہ معاملاتنک ادارہ سی، فاکولتہ مدیرینہ عائددر۔ مدیر Dekan؛ ہر فاکولتہ دہ، مدرسہ میانندن برسہ مدتہ انتخاب و نظارتک امریلہ مأموریتی اجرا اولونور۔ ہر فاکولتہ معاملات داخلہ سنی بالذات ادارہ ایدر۔ مقرر لریہ انتخاب و تعیین دہ فاکولتہ عائددر۔

الہیات فاکولتہ لری؛ حکومتک ادارہ سی و تفتیشی آئندہ کلیسا لریہ روحانی اعضا یقشدیرن ہؤسہ لریہ مدرسہ لریہ دیگر فاکولتہ لریہ اولدینی کی انتخاب و تعیین اولونور۔ یالکز، بعض دار الفنون لریہ ناظر طرفندن انتخاب اولونان نامزد حقندہ، کلیسا رئیس روحانیسی بیان رأی ایتمک حقنہ مالکدر۔ ناظر و رئیس روحانی اتفاق ایدہ مدکلری تقدیر دہ، حکمدار اتخاذ قرار ایدر۔ الہیات مدرسہ لری، کلیسا معاملاتنہ مختلف صورت لریہ اشتراک ایدر لری:

هر مجلس روحانی اعضایی می‌انند، فا کولته‌دن ده بر مدرس بولونور؛ کلیسار طرفدن اجرا ایدیلن استخدام امتحانلرینه، فا کولته‌دن لااقل بر مدرس، میزصفیله اشتراك ایدر. مع مافیه، الهیات مدرسلرینک روحانی بر مأموریت درعهده ایتلمی ممنوعدر. بو صورتله، الهیات فا کولته‌لری کلیسا ایله مناسبتدار اولمغله برابر، بونلردن تمامیله آیری ومستقلدر.

الهیات طلبه‌سی، فا کولته‌یه لااقل آلتی نصف سنه درسیه دوامه مجبوردر. مع مافیه، بومدت، لازم اولان معلوماتی اکتسابه کفایت ایتدیکی ایچون طلبه اثریتله یدی، سکر، حتی دو قوز نصف سنه دوام ایتمکدهدر. الهیات تحصیلی مآذونیت امتحانی ایله نهایت بولور. دها زیاده توسیع معلومات ایتمک ایستیان کنجلر، بومدت دهاتحصیله دوام ایتمک و دانشمندک امتحانی ویرمکه مجبوردر. الهیات فا کولته‌لری، پروتستان و قاتولیک الهیات فا کولته‌لری نامیله ایکی قسمدر. آلمانیا ده، اون یدی پروتستان الهیات فا کولته‌سی وارددر، بونک دو قوزی پروسیاده (برلین، بون، بره سلاو، غرایس والد، هاله، کونیغسبرغ، کوتینگن، کیل، ماربورغ شهرلرنده)؛ بری باویه راده (أرلانگن ده)؛ بری صاقسونیاده (لایپزغ ده)؛ بری وورتمبرغ ده (توینگن ده)؛ بری بادده (هایده لبرغ ده)؛ بری هس ده (کیسن ده)؛ اوچی مکلنبورغ ده (روستوق، تورینگ، یه ناده) در.

قاتولیک الهیات فا کولته‌لری؛ درت نوعدر: اصل فا کولته‌لر لیسهر، قاتولیک رئیس روحانیسه تابع مؤسسات، عملی راهب سه مینارلری. آلمانیا ده اصل قاتولیک الهیات فا کولته‌لری؛ سکر در: بون، بره سلاو، فرایبورغ، مونیخ، مونستر، توینگن، وورسبورغ، ستراسبورغ فا کولته‌لری. لیسهر؛ الهیات فا کولته‌لریله راهب سه مینارلری آراسنده متوسط ر موقی حاضر در. پروسیاده یالکز براونسبورغ ده، بر، باویه راده سکر لیسه وارددر. لیسهرک غایه‌سی، تابع بولونداقلری اداره روحانییه عملی تحصیلی حاضر لا مقدن عبارتدر. لیسهرده عموماً دولت مؤسسه لریدر.

رئیس روحانی به تابع ارلان مؤسسات دینیه نك عددی یدیدر . بونلرك هیأت تعلیمیه سی رئیس روحانی طرفدن انتخاب اولونور . یالکز حکومتك تفتیش حق واردر . هر مؤسسه نك برده راهب سه میناری واردر . بومؤسسه لره طلبه قبولی شرائطی الهیات فا کولته سی قبول شرائطك عینیدر .
الهیات فا کولته لری پروغرامی شودرسلری احتوا ایدر: کلیسا حقوقی، کلیسا تاریخی، اعتقادات مذهبی، انجیل تاریخی، السنه سامیه، خرستیان نظریات اجتماعی، مقایسه لی علم دین، علوم دینیه آنسیقلویه دیسی، مدخل علم دین، السنه شرقیه، آثار عتیقه مقدسه، خرستیان تاریخ صنعتی، ائمه مذاهبا افکاری، اجتماعیات، انجیل وتورات تفسیری، فن تربیه .

*
آلمانیاده، یکریمی بر حقوق فا کولته سی واردر . بونلرك اك قدملیسی هایدله برغ، الك کنجی ده فرانقفورت (ماین اوزرنده) فا کولته سیدر . حقوق تحصیلی مدتی معین دکادر . طلبه، تحصیلنی ایسته دیکی قدر اوزاته بیلیر . خدمت دولته داخل اوله جققلر ایچون، اصغری مدت تحصیل پروسیاده آتی، باده یدی، باویه راده سکر نصف سنه درسیه در .

حقوق فا کولته لرنده مدت تحصیلیه ائناسنده امتحان اجرا ایدلر . یالکز، اکثر دارالفنونلرده، اجورات تدریسیه دن استنا ایدیلن طلبه نك بویه بر مساعده یه لایق اولوب اولمدقلرینی تدقیق ایتمک ایچون، بوکیلری سنه امتحانه تابع طوتمغه فا کولته نك صلاحیتی واردر . برده، باویه راده خدمت دولته کیرمک آرزوسنده بولونانلر اوج نصف سنه تحصیلدن صوکر، بر آرائق امتحانه تابع طوتمقده در .

۱۸۹۶ ده، ایزه ده عموم آلمان دارالفنونلری حقوق مدرسلری طرفندن عقد اولونان قونفرمه ده، آلمان حقوق مدنیه سنك حقوق تدریساتنه اساس اتخا دی قرار کیر اولمشدر . بو اعتبار ایله، پروغراملرده حقوق مدنیه یه بویوک برقم آیرلمشدر . آلمان حقوق مدنیه سنه متعلق درسلك ساعات درسیه سی هفته ده

اون سکر ، یکریمی درو . بو حقوقه متفرع درسلرک هر برینه اوچر ، دردر ، بشر ساعت اصابت ایتمکده در . حقوق مدنییه تفرع ایدن درسلر شونلردر : علم حقوقه مدخل ، روما تاریخ حقوق ، روما حقوق خصوصییه ، آلمان تاریخ حقوقی ، آلمان حقوق خصوصییه اساساتی .

آلمان حقوق مدنییه سی ، بوتون حقوق خصوصییه یی محتوی دکلدرد . بر طاقم قوانین خصوصییه واردرکه ، بونلرک خصوصی بردرس طرزنده تقریری مدرسلره ترک ایدلمشدر . از جمله ، حقوق تجارت مستقل بردرس اوله رق کوسترلمکده در . حقوق مدنییه و حقوق خصوصییه ، حقوق تحصیلک یالکز بر قسمی تشکیل ایدر . بوندن باشقه ، حقوق عمومییه تعلق ایدن درسلرده واردر : حقوق جزائییه ، حقوق دعاوی (اصول محاکمات) ، حقوق اداره ، حقوق اساسیه ، کلیسا حقوقی ، حقوق دول .

بو تعداد اولنان درسله ، حقوق فاکولته سنک اساس درسلریدر . فاکولته ده بو درسلدن باشقه ، تالی بعض درسلرده واردر . درس تالیه شونلردر : بین الملل حقوق خصوصییه ، سیغورطه ، شومندوفر ، پوسته و تلغراف ، عسکری قانون جزائی ، سیاسی حقوق جزا ، جزائی روحیات ، جزائی احوال طبعیه بشریه ، حقوق مطبوعات ، حقوق مستملکات ، مقایسه لی علم حقوق ، فلسفه حقوق ، سیاسیات ، علم حقوق تاریخی ، قوانینک اصول تدوینی ، طب عدلی ، اقتصاد ، فن مالی .

حقوق تدریس آئنده نظر دقتی جلب ایدن الک مهم نقطه ، تطبیقات و ممارساته بوبوک اعتنا عطف ایدلمش اولمیسدر . هر فاکولته ده ، نظری درسلرک بر قسم تطبیقی واردر . بو تطبیقات ، طلبیه سؤال توجیه ایدلمک ، مدرسه طلبه آراسنده مداوله افکار ایدلمک صورتیه اجرا ایدیلیر . اکثریاتحریری ممارسه لرده یاییلیر . طلبه نك بعض مسائل حقوقیه حقنده کی فکر و مطالعهلری استمزاج اولونور . ویردکلری تحریری جوابلر ، مدرس طرفدن تدقیق و تصحیح ایدیلیر ؛ و صوکراینه طلبه ایله برلکده مذاکره و مناقشه اولونور . عملی

ممارسه هر هفته در هر دفعه اجرا ایدیلیر. وایکی ساعت امتداد ایدر. همان هر درس ایچون ممارسه یاییلمقده در.

*

۱۹۰۱ سنه سندن بری، آلمانیا ده طب تحصیلنده بعض تحولات و وقوع بولمشد. اولجه دارالفنون تحصیلی متعاقب حکومت امتحانی ویرمک و مسلک داخل اولمق قابل ایکن، شیمدی - فن طبک ترقیات فوق العاده سی نظر دفته آلتورق - حکومت امتحانندن اول برسنه عملیات کورمک مجبوری و اردر. طب فاکولته لرینک مدت تحصیلیه سی، اون نصف سنه درسیه در. تحصیل ایکی دوره یه آیرلمشد: بش نصف سنه درسیه دن عبارت اولان برنجی دوره ده علوم طبیعی ایل، نظری طب درس لری کوسترلیر. و بشنجی نصف سنه درسیه نك صوك آلتی هفته سی ظرفنده بر احضاری امتحان اجرا ایدیلیر، بو امتحانده احراز موفقیت ایدن طلبه ایکنجی دوره تحصیلیه کیره ییلیر. اصل عملی تحصیل بو ایکنجی دوره ده باشلار.

طب فاکولته سنک درس پروغرامی شودر :

فیزیق، عمومی تشریح، نباتات، ریاضیات، تاریخ طبیعی، بشر، علم حجیرات، علم عظام، علم روابط الاعضا، علائم جویه، کیمیای معدنی، تشریح انسانی، علم اعصاب، علم اوعیه، معدنیات، جوغرافیای طبیعی، منطق و علم روح، مقیروسقوبی، علم وظائف الاعضا، کیمیای عضوی، مقایسه لی تشریح، کیمیای غریزاتی، مبحث الجنین، علم امراض، تشریح مرضی، اصول تداوی، قیریق و آزله، ادویه، فن ولادی، عمومی جراحی، طب و جراحی قیلینی، آناتومی طوپوغرافیک، امراض داخلیه، امراض ولادیه، امراض زهرویه، امراض جلدیه، امراض عصبیه، فن اسپنجیاری، خصوصی جراحی، حفظ صحت، تاریخ طب، طب عدلی، طب جراحی، قابلک، امراض هینه، جوجوق خسته لقری، باقتریولوژی، اصول تشخیص، دیشجیلک.

حکومت امتحانی ایچون بودرسلرک یالکیز بر قسمی مجبوریدر. دیگرلرینی،
طلبه اختصاص کسب ایتمک ایسته دیکی شعبه یه کوره انتخاب ایدر .
اوزون سنه لر مسلکده بولونه رق علمی مرکزله تماس ایده میان
طبییری، فن طبک ترقیاتندن منتظماً خبردار ایتمک وکندی لرینی مسائل طبیه
ایله علاقه دار ایلمک اوزره، طب فا کولته لرنبجه هر سنه عمومی درس لر کشادی
و مجموعه لر نشری کبی تداییره ده مراجعت ایدلمکده در .

*
*

فلسفه فا کولته سی، سائر فا کولته لرک ساحه تدریسنه داخل اولیان علمی
احتوا ایدر . بو فا کولته نك تدریسات پروگرامنه داخل اولان بعض فنون،
حقوق و طب منتسبلرینه ده مفید اولان فنلر در . مملک مسکنه کیره جکله
مخصوص اولان درس لر ایسه، منحصرأ بو فا کولته ده کوسترلمکده در . زراعت
تحصیل ایدنلرک نظری درس لری بو فا کولته ده تدریس ایدیلیر . زراعت
دارالمساعیلری ده بورایه مربوطدر .

فلسفه فا کولته لری، ساحه تدریسنه داخل اولان فنونک کثرتی دولایسیله
بعض دارالفنونلر ده ، (فلسفه) و (طبیعیات و ریاضیات) فا کولته لری نامیله
ایکی یه تفریق ایدلمشدر . توپینگن، ستراسبورغ، هایدله برغ دارالفنونلرنده
فلسفه فا کولته سی بو صورتله ایکی قسم اولدینی کبی؛ توپینگن ، مونیخ
دارالفنونلرنده کی ملکیه فا کولته لری ، فلسفه فا کولته سنک برر شعبه سی عد
اولونور .

فلسفه فا کولته لرنده کوستریلن درس لر شونلر در :
فلسفه ، روحیات ، فن تربیه : اکثر فا کولته لرنده بو درس لر ایچون
درت کرسی واردر .

فلاسک ادبیات : بودرس ایچون بری لاین، دیگر یونان ادبیاتنده
متخصص ایکی مدرس بولونور . دانشمندک و حکومت امتحانلرنده، طلبه
هرایکی قسمدن امتحانه تابعدر .

آلمان ادبیاتی و تاریخی : بودرس اسکی و یکی آلمان ادبیاتی محتوا ایدر . مختلف ادوار ادبیه ایچون آیری آیری درسار واردر . اساطیر ایله اسکی آلمان اخلاق وعاداتی ، صناعات نفیسه سی ، حقوقی کبی موضوعلر یا تاریخ ادبیات درسند ، یاخود آیریجه درسارده کوسترلیر . بونلردن باشقه ، قرائت ادبیه ، تتبعات لسانیه ، آثار منظومه ایچونده آیری درسار واردر . انگلیز و فرانسه ادبیاتی : مکاتب تالییه انگلیزجه و فرانسهجه معلمی یتیشدیرمک وظیفه سی ، فلسفه فاکولته لرینه تودیع ایدلدیکی ایچون ، انگلیز و فرانسه لسانلری و ادبیاتی اساسلی بر صورتده تدریس ایدلمکده در . انگلیز و فرانسه ادبیاتک تحصیلنده تاریخی صرف ، تحصیلک اساسی تشکیل ایدر . وهرایکی لسان مدرسی ، اسکی و یکی انگلیز و فرانسه ادبیاتندنده آیریجه مباحث تقریر ایدر . برده ، بوا یکی لسانک تکلم و تحریری ایچون آیریجه درسار واردر . بودرسارده مذکور لسانلرک صرف ونحوینه تمامیه واقف اولانلر قبول ایدیایر .

السنه سامیه و شرقیه : شرق حقنده تدقیقاتده بولونه بیلیمک ایچون ، عبرانیجه ؛ و عبرانی صرفک تبعی مقصدیه عربجه تدریساتنه اهمیت ویرلشددر . قرآن کریم ، عربی تحصیلک اساسی تشکیل ایدر . بوندن باشقه ، قبل الاسلام و بعد الاسلام عرب شعراسی آثار ایله تاریخ اسلام ، تاریخ ادبیات و فلسفه اسلامیه ده تدریس ایدلمکده در . کاسکی آسیا لسانی اولق اعتبار ایله ، سریانیجه ، حبش خریستیانلرینک لسان ادبی اولان آتیویشه ، بابل و آتوویه ، تورک ، عجم ، ارمنی لسانلری ؛ و برلین ولای یزیغ دارالفنونلرنده چین ، تبت و مونغول لسانلری ده کوسترلمکده در .

سانسقریت : بودرس ابتدا بون دارالفنونده کشاد ایدلمش ، بالا آخره عموم دارالفنونلره تشمیل اولونمشدر .

تاریخ : فلسفه فاکولته سند . مورخ نامیه مستقل تاریخ مدرسلری واردر . تاریخ تدریساتنده یونان و روم ، آلمان و پروسیا تاریخلری تحصیلک

اساسی تشکیل ایدر . تاریخ درسی متعدد کرسیلری احتوا ایدر . باشلیجه کرسیلر شونلردر : فلسفه تاریخ، علم تدقیق منابع ، جوغرافیای تاریخی، علم تقویم، خطوط قدیمه نك حلی علمی، کتبخانه لر علمی، مسکوکات قدیمه، روما تاریخی، یونان تاریخی، مصر تاریخ مدنی، اهل صلیب محاربه لر، آلمان ایمپراطورلری، رنه سانس تاریخی، اختلال کیر وناپولون تاریخی، فرقه لر تاریخی، سوسیالیستک تاریخی، تاریخ سیاسی، عصر حاضر تاریخی، مستملکات تاریخی، مستملکه پولتیقه سی، تاریخ تجارت، جاهیر متحده آمریکانک تاریخ اقتصادی .

علوم اداره و اقتصادی : بودرسلر کچن عصرک نصف اخیرندن اعتباراً بو یوک بر اهمیت کسب ایتشدردر . بو عنوان آلتنده جمع ایدیلن درس لرشونلردر : نظریه دولت، حقوق عمومیه، فلسفی حقوق دولت، حقوق اساسیه، حقوق اداره، حقوق دول، اخلاق، سیاسیات، احصائیات، اقتصاد، تاریخ دول، سیاست اقتصادی، سوسیالیستک نظریه لر، عمل لره هایه سی، تجارت و مستملکات تاریخی، تاریخ مدنیت، فن مالی، نقد، بانک لره، تجارت پولتیقه سی، سیغورطه لر .

بودرسلری تعقیب ایدن طلبه نك اکثریتی حقوق مداوملری تشکیل ایدر . مع مافیه ، تاریخ وزراعت تحصیل ایدن طلبه ده بودرسلردن بر قسمنه دوام ایتمه مجبوردر . برده ، تجارت او طه لرینه و بعض شرکتره انتساب ایتک ایستنه کنجلر بو درس لردن امتحان ویرمه مجبور اولدقلری ایچون ، بو درس لره مداوملری بالنسبه بک چوقدر .

جوغرافیا : ۱۸۷۱ سنه سنده ، ابتداء لای زیغ دارالفنون جوغرافیا ایچون بر کرسی آجش و آرزمان ظرفنده دیگر دارالفنونلرده بونک اهمیتنی تقدیر ایدرک مستقل کرسیلر احداث ایتشدردر . جوغرافیا تحصیلک اکالی ایچون علم هیأت ، علم ارض، احصائیات ، اقتصاد درس لری کوسترلدیکی کبی؛ جوغرافیا به شعب ایدن جوغرافیای حکمی ، تاریخ طبیعی بشر، علم اقوام،

آلمان جوغرافياسی ، آلمان مستملکعلری ، جوغرافیای بشری ده مستقل مدرسلر طرفندن تدریس ایدلمکده در .

جوغرافیا درسلینه دوام ایدنلرک اکثریتی ، تالی مکتبلرده جوغرافیا معلمکی درعهده ایتمک ایسته یکن کنجلر تشکیل ایدر . شمالی آلمانیا ده جوغرافیا معلمی اوله بیلیمک ایچون ، تاریخ تحصیل ایتیش اولوق شرطنک لغو ایدلمسی اوزرینه جوغرافیا درسلینه دوام ایدنلرک عددی چوغالمشدر . جوغرافیا درسلی ، اکثریتله درت الی سکنز نصف سنه درسیه دوام ایدر .

ریاضیات ، فیزیک ، علم هیأت : بوعلملر صوک سنه لر طرفنده کی ترقیات نظر دقه آله رقی کوسترلمکده در .

کیمیا ، نباتات ، حیوانات درسلی : فلسفه فاکولته لرینه مربوط اولان دارالمساعیلر داخلنده تدریس ایدلمکده در .

علم ارض ، معدنیات ، مسحاتات : بوقلر ، اساساً معدن مکتبلرنده تدریس ایدیلیر . فلسفه فاکولته لرنده بوعلملره مخصوص کرسیلر اون دو قوزنجی عصر اوائلنده تأسیس ایدلمشدر .

زراعت و اورمانچیلیق : بو درسلی ، ابتداء ۱۷۲۷ ده تدریس ایدلمکه باشلامش وبالاخره زراعت و اورمان مکاتب عالیه سنک تأسیسیله فاکولته پروغراملرندن چیقارلمش ایسه ده ، برمدت صوکرا تکرار پروغرامه ادخال ایدلمشدر . زراعت درسلی ، دارالفنونلره مربوط زراعت آنستیتولری داخلنده تدریس ایدلمکده در . زراعت تحصیل اصغری درت نصف سنه درسیه در . اورمانچیلیق فنی بالخاصه مونیخ دارالفنوننده اُک انی بر صورتده تدریس اولونور . بوراده اورمانچیلغیه عائد ترتیبات فوق العاده مکملدر .

دارالمساعيلر

دارالفنونلر ك فكامل عالي : دارالمساعيلر . - ايكي ميلليون مارقه برانستيتو . - جوغرافيا و نباتات دارالمساعيلرى . - زراعت انستيتوسى . - خصوصى موزى . - ژورژد تيريك سوزلرى . - مواد كيميويه استحصاليده آلمانلار برنجى . - پوتون دنياده بويلا احتياجلارك عى سدنى آلمانيا حاضرلايوز . - دارالمساعيلر اقسامى . - ممارسلر ك مرزاداروسى . - اظهاري سه مينارلر . - كيميا انستيتولرى . - قايژه ويلهلم انستيتولرى و جمعيت حاميه مى . - انستيتولر ك حرب خاخر دى . - خدمتلرى . - يكي بر كشف : نوراغليسوين . - نيج به انستيتوسى . - اورويانك اك بويوك تضييق ماسكنه مى .

دارالمساعيلر (سه مينار) ؛ دارالفنونلره مربوط برر تتبع و ممارسه مؤسس سيدر . بونلر ، پك زلكنين كتيخانهلرى ، تطبيقات و عمليات سالونلرى ، محاضره دائرملرى ، درس خانهلرى ايله باشلى باشنه برر مكتب على حكمنده در . دارالفنون مداوملرى و بر شعبه علميه ده اختصاص آرزو سنده بولونان دارالفنون ماذونلرى ، بورالرده تدقيقات و تبعاعده بولونورلر . دارالمساعيلر ، دارالفنونلر ك برر عامل تكامليدر . بو مؤسسله لرك غايه مى ، كنجلرى مساعى علميه ايله باشلى باشنه اشتغاله و مستقلاً بيان فكر و معلوماته آليشديره بيلمكدر .

هر درسه مخصوص بردار المساعى واردر . هنوز مستقل دارالمساعيسى اولمايان فا كوله لرده ده ، بونلر ك يرينه قائم اولمق اوزره ، تتبع دائرملرى و اختصاص كتيخانهلرى تشكيل ايدلمشدر . بودائرلر ، دارالمساعيلر ك بسيط و كوچوك بر نمونه سيدر . برنجى و ايكنجى درجه ده دارالمساعيسى موجود اولمايان دارالفنون يوقدر . ممارساته واسع بر زمين تشكيل ايتسى ، مداوم و مدرسلر آراسنده صميمى مناسبتلر تأسيس ايد بيلمسى ، كنجلرده مسائل فنيه حقنده درين بر وقوف و عرفان حصولته خدمت ايلمى اعتباريله دركه ، بو مؤسسله لرك تشكيلى و اداره مى و تزديد اعدادى ايچون مهم فدا كارلقلر اختيارندن اجتناب ايدلميور . يالكز ، برلين دارالفنوننك الهيات و حقوق فا كوله لرى ايچون اوچر ، طب ايچون اوتوز درت ، فلسفه ايچون اوتوز بردار المساعيسى اولديغنى ؛ بونلر مياننده ،

مثلاً ، کیمیا آنستیتوسی ایچون ایکی میلیون مارق صرف ایدلدیکنی ، یالکز بودارالمساعی به سنوی سکسان بیک مارقلق تخصیصات ویرلدیکنی ودارالمساعینک آیریجه برموادکیمیوه فابریقهسی اولدیغنی سویلک بوبابده کی همتک درجهسی حقنده بر فکر ویره ییلیر .

صوکرا ، دارالمساعیلرک کتبخانه لری ، آلات و ادواتی ، قوله کیسولنری ایچون طرف دولتن ویا جمعیات علمیه وخیرییه طرفندن ویرلن مبالغده عظیم بریکونه بالغ اولیور . دارالمساعی کتبخانه لری ، یوزبیکلرجه اثری وقوله کیسولنی احتوا ایدر . مثلاً ، برلین بحریه موزهسی داخلنده کی جوغرافیا دارالمساعینک اللی بیک بحریه خریطهسی ، سکزیبیک قوله کیسولنی ، بر فوطوغرافخانهسی ، یوز بیکی متجاوز جوغرافی فوطوغرافییی وپروژه کیسولن جاملری ، کتبخانه سنده سکسان بیک کتابی واردر . دارالمساعی و بحریه موزهسی مدیری پروفه سور « پهنق » ک دالات مهمانوازیسیله تدقیقه موفق اولدیغ بو مؤسسه ، امثالی میاننده برنجیلکی احراز ایدر .

کذلک ، برلین نباتات باغچهسی داخلنده تأسیس ایدیلن نباتات دارالمساعینک یوز بیک نباتات قوله کیسولنی واردرکه ، بو قوله کیسولن یوز یکریمی سنه ک مدید برسی واهتمامله وجوده کتیرلمشدر . بعض دارالمساعیلرده ، میلیونلر صرفیله آیری تجربه خانه لر تأسیس ایدلمشدر . مثلاً ، زراعت آنستیتوسنک ایشلتمه وزرعیات تجربه لری اجرا ایتمک مخصوص بر تجربه دائرهسی ، نباتات خسته لقلرینک معاینه سنه مخصوص بر معاینه خانهسی ، حیوانات اهلییه مخصوص آخیرلری ، کومسلری ، بالق و آری یتیشدیرمک مخصوص قسملر ، تحلیل خانه لری ، زراعت ماکنه لرینک شهرینه مخصوص سرکیسی ، زراعت ماکنه لرینک معاینه محلی واردر .

بعض دارالفنونلرده تشکیل ایدیلن خصوصی موزهلرده ، بر دارالمساعی حکمنده در . لای یزیغ دارالفنونی داخلنده کی آثارعتیقه موزهسی بوزمره دندر . لای یزیغ دارالفنونی مدیری پروفه سور « فون استروپل » ک رفاقیله زیارت

ایندیکم بو موزه، بالخاصه تدریسات نقطه نظرندن پک مکمل برتصنیفه تابع اولمش زنکین بر نمونه کاھدر .

*
**

دارالمساعیلرک، آلمان حیات عرفانه ایفا ایندیکی خدمات پک بویوکدر . بو بابده صحیح بر فکر حاصل ایده بیلیمک ایچون، برلین فن مکتب عالیسی مدیری پروفهسور «زورژ دوتیه ری» نک، بکا ویردیکی بعض معلوماتی بورایه نقل ایدیورم :

« آلمانیا ، علم وفن ساحه سنده تأمین ایندیکی ترقیاتی، بالخاصه دارالمساعیلره مدیوندر . دارالفنون مداوملری بو دارالمساعیلرده سنه لرجه تدقیقات ایله اشتغال ایدرک وطنه نافع برر عضو اولیورلر . بو تدقیقات وتبعاتک ثمره سیدرکه، بوکون فابریقه لرمزده مدرس پایه سنده مهندسلره، کیمیا کرلره مالک بولونیوروز . بز دارالمساعیلر مزده ، فابریقه لرده چالیشان کیمیا کرلرک تجاربندن ده استفاده ایدیوروز . آنلری، وقت وقت بو علمی مؤسسهره دعوت ایدرک، حیات عملیده کی تجربه لرندن کنجلیری مستفیدایتملرینی طلب ایدیوروز . دارالمساعیلرک مملکتک حیات صنعتنه تأمین ایندیکی منافعی تقدیر ایده بیلیمک ایچون، کیمیا آنستیتولرینک یتیشدیردیکی کنجلیرک همته صنایع کیمویه ده حصوله کلن ترقیاتی تدقیق ایتمک کفایت ایدر . آلمانیا ده، صنایع کیمویه محصولاتی قرق یش سنه اول لاشی حکمنده ایکن الیوم سنوی ایکی میلیارد بالغ اولمشدر . آلتش سنه اول، انکلتزه قطرانک تقطیری صورتیه مواد ملونه استحصالاتنده برنجیلکی آحرازا ایدیوردی . ۱۸۵۶ ده (په رکن) نامنده بر انکلیز، قطراندن بالتقطیر بویا اعماله موفق اولمش وبوسایه ده انکلتزه بویوک بر ثروته صاحب اولمشدی . اووقته قدر، آلمانیا ده قطران منبعلری کشف ایدندیکی ایچون، بز قطرانی انکلتزه دن تدارک ایتمک مجبوریتده ایدک . فقط، صوک اوتوز سنه ظرفنده آلمانیا ده درت بیک قطران منبعی کشف وکشاد ایدلدی . وبوسایه ده یالکزر مواد ملونه اعمالی اعتباریه دکل ، مواد

کیمبویه واسپنچیاربه اعمالی اعتباریلده آلمانیا، برنجیلکی احرازه موفق اولدی. بز بوتون بو مظهریتلری دارالمساعیلردن یتیشن متخصلمه مدیونز .

« صنایعک محصولات عظیمه سی حقنده دها اینی بر فکر حاصل ایده بیلیمک ایچون سزه بر قاق رقم سویلیه بیلیرم: آلمانیا، سنوی بر میلیون طون آسید- سولفریک ، بش یوز بیک طون سودا استحصال ایدلمکده واوروبا و آمریقایه سنوی اون درت میلیون کینین، اون درت میایون آتی پیرین اخراج اولونمقده در. بوندن باشقه، حامضات ومواد ملونه اوله رق آمریقایه، آسیا واوروپایه وقوع بولان اخراج آتمز ، سنوی یدی یوز میلیون ماری متجاوزدر . دنیانک بویا احتیاجنک بش سدسنی آلمانیا تسویه ایتکده در . »

*
دارالمساعیلر باشلیجه ایکی قسمدر: برنجی قسم، دارالفنونده تعقیب تحصیل ایدن ویا دانشمندلک امتحانسه حاضرلانیان مداوملره؛ اکنجی قسمده، تحصیلی اکیال ایتیش و بر شعبه علمیه ده اختصاص کسب ایتک آرزوسنده بولونمش اولان کنجلره مخصوصدر. هرایکی قسم دارالمساعیده مدرسلر مسائل مشکله نیک حلنده طلبیه معاونت ایدر. مقررلر ومعدلر متبادیاً دارالمساعیده بولونورلر. طلبیه، مدرسلر طرفندن ویریان موضوعلر اوزرینه محاضرله احضار ایدر . ومدرسی ورفقاسی حضورنده تقریرده بولونور . صوکرا، محاضرله اوزرینه مناقشه جریان ایدر .

دارالمساعیلرده، ممارسه لری اکثریا مداوملردن بری اداره ایدر . وبعض درسلرده ممارسه لر - دارالمعلمینلرده اولدینی کبی - تطبیقات درسی ماهیتی اخذ ایدر . تطبیقات ایچون، ابتدائی وتالی مکتبلردن طلبیه تفریق ودعوت اولونور .

بعض درسلره مخصوص احضاری دارالمساعیلرده وارددر. مثلاً، تاریخ درسنک اساس دارالمساعیسندن (سه منیار) باشقه، برده احضاری دارالمساعیسی (پروسه منیار) وارددر. بواحضاری دارالمساعی، دارالفنونه یکی داخل اولان

طلبه به مخصوصدر. بوراده، اساس دارالمساعیلره نسبتاً دهابسیط مسائل تدقیق و مناقشه ایدیلیر. احضاری دارالمساعیلرده جریان ایدن ممارسه لر مقرر لر طرفدن اداره اولونور .

بعض دارالمساعیلر ، علاقه دار اولدقلری مؤسسه لر داخلنده تأسیس ایدلمکده در. مثلاً ، جوغرافیا دارالمساعیلری اکثریتله بحریه موزه لرلی داخلنده ؛ نباتات دارالمساعیلری نباتات باغچه لرلی داخلنده ، مستحاثات دارالمساعیلری بو قسم موزه لر داخلنده کشاد ایدلمشدر .

کیما دارالمساعیلری ؛ - بو دارالمساعیلر آنستیتو نامی آلیور . - متعدد لابوراتوارلردن مرکدر . دارالفنونلرده کیما نك كرك قسم نظریسی، كرك قسم عملیسی عموماً آنستیتولر داخلنده تدريس اولونور. پروسیا دارالفنونلرینه مربوط کیما دارالمساعیلرینده، مؤسسه نك معاملات اداره سنه مأمور برمدیر وارددر. کیما آنستیتولرینده کیما نك هر شعبه سی ایچون آیری دأرله کشاد ایدلمشدر. مثلاً، برلین، بون، هاله، کونیفسه رغ، کوتینگن ده کیمای زراعی به؛ برلین، بره سلاو، ثرلانگن، لای زیغ، مونیخ دارالفنونلرینده کیمای اسبجیاری به؛ فرایبورغ، کوتینگن، گیسن، لای زیغ ده کیمای حکمی والکتریقی به مخصوص مستقل قسملر موجوددر. اجزایلق ایچون آیری بر آنستیتویه مالک اولمایان یرلرده، کیما آنستیتولری، اجزایلره مخصوص بر قسمی حاویدر .

* *

آلما یاده منحصرأ کشفیات و اختراعاته، ترقیات علمییه چالیشمق اوزره تأسیس ایدلمش دارالمساعیلر ده وارددر. بونلر، بر دارالفنونه مربوط اولمایوب کاملاً مستقلدر. «قایزه ویلهلم آنستیوسی» بو قسم دارالمساعیلر دنددر. بو مؤسسه، ۱۹۱۱ ده ایمراطور حضرتلرینك تشویق و حمایه سیله اچلمش و حکومتك و ادباب فك معاونت مخصوصه سیله، آز زمانده یالکتر آلمان یاده دكل، بوتون جهانه مستنا و کزیده بر موقع اشغال ایلشدر .

قایزەر ویلهلم آنستیتوسی؛ باشلیجه یدی معظم دارالمساعیدن وبونلردن هربری متعدد و محتمل قسملردن مرکب عالی بر مؤسسه در . ارباب علم و ثروندن متشکل «قایزەر ویلهلم که زه لشفاف» جمعیتک حمایه سی آلتنده بولنان بو آنستیتونک داهلم ، مولهایم ، برلین ، گوتینگن ، رووینوده پک مکمل و عالی دائره لری ، لابوراتوارلری ، باغچه لری ، فابریقه لری ، تجربه خانه لری وارد .

آنستیتور؛ ابنه نک بولندینی عرصه لر دولت و مصارف انشائیة جمعیت طرفندن ترک و تدارک ایدلمک صورتیله وجوده کتیرلمشدر . جمعیتک ابتدای تأسسنده ، قیصر حضرترلری اون میلیون مارق اهدا ایتش و پروسیانک بوتون زنکیلری بو امر خیره مسابقه کارانه بر صورتده اشتراک ایلشدر .

قایزەر ویلهلم آنستیتوسنک احتوا ایتدیکی قسملر شونلردر:

کیمیا آنستیتوسی؛ باقتیریولوزی و حفظ الصحه آنستیتوسی؛ حیانیات آنستیتوسی (بو وچ آنستیتو داله مده در.)؛ اراضی فخریه ده تخریبات اجراسنه مخصوص آنستیتو (مولهایمه)؛ غریزیات آنستیتوسی (برلنده)؛ حیوانات بحره آنستیتوسی (آوستریانک رووینو شهرنده ، ۱۸۹۱ ده تأسیس اولونان بودارالمساعی، قایزەر ویلهلم مؤسسه سی طرفندن ۱۹۱۳ ده صابن آلمشدر.) حیانیات آنستیتوسی؛ میقروسقوبی ، تجارب حیاتیة ، آقوارپوم دائره لرینی ، نباتات و حیوانات باغچه لرینی؛ کیمیا آنستیتوسی تحلیلی و صناعی کیمیا قسملرینی احتوا ایدیور . حیانیات قسمنک یالکیز تجارب حیاتیة دائره سی، بر میلیون؛ کیمیا قسمی بر میلیون ایکی یوز بیک؛ کیمیای صناعی قسمی بر میلیون مارقه مال اولمشدر .

آنستیتونک برلین و داله مده بولونان اقسامی، دارالفنون مدرسلرندن پروفه سور دوله چ و آنستیتو مدیرلری پروفه سور قورده نس، اشپه مان، به قاقمان، هابر رفاقتلریله زیارت و تدقیق ایتدم . بو معظم بشالر ایچنده ، یالکیز بش اون عالمک ، بش اون کاشف و مخترعک حضور و سکون ایله چالیشدقلرینی

وتحريات علميه ايجون آرادقلى هر واسطه نك آللى آئنده مستحضر بولونديغنى كورونجه، آلمانايى بوكسه لتن هامللرك نره لردن اخذ قوت ايله كلريغى دها انى تقدير ايدى بيلوردم .

أنستيتورده، شوحرب ائساننده بعض مهم كشفيات واختراعات وجوده كتيرلمشدر. از جمله، پروفه سور «قارل نوبه رڭ»، غليسهرين يرينه استعمال ايدملك اوزره «په رقا غليسهرين» ناميله يكي بر ماده كشفنه و ديكر بعض پروفه سورلرده دشمن طرفندن استعمال اولنان مخنق غازلره قارشى قويه بيله جك باشقلر اختراعه موفق اولمشلردر.

* *

قايزه وياهلم أنستيتوسندن ماعدا، پروسياده ديكر بويوك بر تجربه أنستيتوسى واردر. برلين جوارنده «غروس ليخترفلده» ده زيارت ايتديكم بو أنستيتو، مواد انشائي و صنايعيه مخصوص بر تجربه دارالمساعيسيدر. بوراده، لوازم انشائي و صنايعيك تحليل و تركيبلوى حقننه تدقيق و تجربه لر ياييلير. قايزه روياهلم أنستيتولرينك غايه سى، كشف و اختراع؛ بونك غايه سى ده موجودى تدقيق و تجربه در .

أنستيتو؛ اولجه برلين فن مكتب عاليسنك بر شعبه سى ايكن، بوكون مستقل بر مؤسسه حالى كسب ايتمشدر. أنستيتونك آلتى تجربه دائره سى واردر: دمير تجربه خانه سى، انشات بحريه تجربه خانه سى، كاغد و منسوجات تجربه خانه سى، مه تالوغرافى تجربه خانه سى، كيميائى صنايعى و عضوى تجربه خانه سى، مواد شحميه تجربه خانه سى .

فن مكتمللى طلبه سى هفته ده ايكي دفعه بورايه كلهرك تدقيقات و تجاريدمه بولتيورلر . أنستيتونك مدير و معلملى فن مكتب عاليسنك مدرسلريدنر .

أنستيتو، فابريقاتورلر طرفندن كوندرين مواد انشائي نك خالصيتنى، قوه عمليه سنى بر اجرت مقابلنده تدقيق ايدرن. بونك ايجون، بالخاصه دمير تجربه خانه سنده ايكي يوزى متجاوز عمله واردر . بو تجربه خانه ده دمير آلانك مقاومتى تجربه يه مخصوص اوروپانك اك بويوك تضيق ماكنه سى موجوددر .

طلبه حیاتی

ساکن بر دارالفنون شهری : هایدله برگ. — کنجلی، شطاونه کزیور و چالی شورلر. —
طلبه محفلری . — خسته صاندیقلری . — قضا لره قارشی سیورطه . — محفل لک تفری شاقی . —
اللهک عنایتیله ، قیصر و وطن ایچون . — بیرا جزاسی . — قنایه لر .

آلمان یاده طلبه حیاتی، کنجلیک الیزاده تدقیقه شایان اولان بر صفحه.
سیدر . بو حیاته نفوذ ایده بیلیمک ، آتی یقیندن تدقیق ایله بیلیمک ایچون
ساکن بر دارالفنون شهری آرامق ایجاب ایدیوردی . برلین ، لای پزیع ،
فرا نفورت ، مونیخ دارالفنونلری زیارت و تدقیق ایتمشدم . شیمدی ، طلبه
حیاتی تدقیق ایتمک ایچون بون ، یه نا ، کوتینغ ، هایدله برگ دارالفنون
شهرلرندن بری انتخاب ایتمک لازم کلیوردی . دارالفنونسک قدم واهمیتی
شهرک لطافت و سکونتی اعتباریله ، هایدله برگ بی دیگرلرندن زیاده جذب
ایتمشدی . سیاحتیمک بش آلتی کوتی بوراده کچیره رک طلبه حیاتی تدقیق
ایتمکک چالیشدم .

هایدله برگده دارالفنون کنجلیری، حیات شایک ویردیکی دائمی بر شطارت
ایچنده لاشایور . دینه بیلیرکه، آلمان کنجی بوتون خزینئه شطارتی بوراده صرف
ایدیور . بوشطارت ، کنجلیک پک مکمل بر تربیه بدنیله مجهز و فکر
انتظام و انضباط ایله مشبوع اوله رق یتیشمش اولملرندن نشأت ایتمکده در .
تحصیل عالی ، بر سنهک خدمت عسکریه بی تعقیب ایتمدیکی ایچون تربیه
عسکریه ، کنجلیک حیاته بر آهنگ و انتظام تأمین ایلیور . طلبه ، هم برنشوه
کزیور ، اکلله نیور ؛ هم نهایتسز برسی و فعالیتله یارینه ، یارینکی حیاته
حاضر لانیور .

دارالفنون مداوملرینک خصوصی اجتماعکاهلری واردر . بونلر طلبه
محفللریدر . یالکوز، هایدله برگده اوتوزیدی طلبه جمعیت و محفل موجوددر .

مع مافیه ، اکثر دارالفنونلرده مداومینک اجتماعرینه مخصوص ، دارالفنون داخلنده ، دائرهلر تخصیص ایدلمشدر . کنجلره بوراده ، کندی حیات تربیویه لرینه عائد مذاکرات اجرا و مقررات اتخاذ ایدرلر . وبو مقرراتی دارالفنون داخلنده اعلان ایده بیلیلر . اجتماعلرده ، اعلاناتده نظر دقه آله حق یکانه نقطه دارالفنون نظاماتنه رعایتدر . عکسی تقدیرده ، دارالفنون مدیری اجتماعلری منع وتعلیق اولئان اعلاناتی رفع ایده بیلیر .

دارالفنون بناسی خارجنده تأسیس وکشاداولونان طلبه محفللری ، منحصرآ طلبه طرفندن اداره اولنور . هر محفل ، نظامات وتعلیماتی بالذات ترتیب وتنظیم ایدر . بو مؤسسه لر ، رسمی برر مؤسسه دکلدر . غایه لری ، طلبه حقوقک مدافعه وکنجلك تربیه سنده فیکراشترک واجتماعک تمیه سندن عبارتدر . دارالفنونلرک تعالی وتکاملی امرنده مداومین محفللرینک بالواسطه بویوک خدمتلی سبب ایتش اولدینی ایچون ، بوقلوبلر آلمان مؤسسات اجتماعیه سی آراسنده کزیده برر موقع احراز ایتمشدر .

محفللر ، اساس اعتباریه ایکی قسمدر : بر قسمی ، منحصرآ دارالفنون مداوملرندن ؛ بر قسمی ده مداوم و استادلردن مرکبآ تشکل ایدر . محفللر ، اعضاسندن محتاج معاونت اولانلری حایه ودارالفنون خسته صانديقلرینک اداره سی معاملاتنه - مرخصلری معرفتیه - اشتراك ایدر .

هردارالفنونده ، طلبه ایچون برخسته صانديفی تأسیس ایدلمشدر . طلبه نك صانديغه داخل اولمی مجبوریدر . هر نصف سنه درسیه ابتدا سنده ، طلبه ، مکتب اجرتهی تسویه ایتدیکی صیراده ، صانديغه ده بر ایکی مارق قدر کوچوک بر حصه اشتراك تأدیه ایدر . بوسورتله صانديغه داخل اولان مداوملر خسته لاندقلری تقدیرده ، صانديک معین طیبیلری طرفندن مجاناً تداوی اولونوره ، کندی لرینه ضایت اهنون فیأله اجزا تدارک ایدیلیر ؛ و عندالحاجه معین خسته خانه لرده تداوی آله آلتیرلر . خسته صانديقلرینک سرمایه سی ، طلبه دن آلتان اجورات ایلر

اعانات تقدیه دن مر کبدر . صاندیقلر بالذات طلبه طرقدن اداره ایدیلیر .
 یالکزه ، فا کوانه مدیرلرینک . عاملاق قنیشنه حقاری واردر .
 وندن باشقه ، فن ومهندس مکاتب عالییه سی طلبه محفللری ؛ ما کنه لرله
 اشتغال ایتدیکی ائشاده وفات ایدن ویا قسازده اولان مداوملرک ، طلبه
 سیغورطه سندن استفاده ایده بیلملرنی تأمین ایتمشدر . آلمانیا ده ، عملیات
 قنیه ایله اشتغال ایدن هر مکتبه ده ، طلبه نك معروض اوله بیله جکی
 قسازدن متولد ضررلری مهما ممکن تلافی ایده بیللمک مقصدیله ، طلبه نك
 سیغورطه ایدلمسی اساسی قبول ایدلمشدر . طلبه ، مکتبه قید وقبول ایدیلنجه
 مقابلنده سیغورطه ایدلمکده ، وقضاء وفاتی ویا سقطلانسی حالده عائله سنه
 جزئی بر اجرت سنویه ویا کندیسنه تضمینات ویرلمکده در . فن مکاتب
 عالییه سنده ، عملیات قنیه ایله اوغرا شیرکن قضاء وفات ایدن طلبه نك عائله سنه
 وسطی اوله رق درت بیک مارق تضمینات ویریلیر . طلبه ایش کورمه جه ک
 درجه ده سقطلانیرسه ، سیغورطه دفعه اونی بش بیک مارق ومادام الحیاة یومی
 بش مارق حسابیله بر تقاعد معاشی اعطا ایتمکه مجبوردر .

محفللر ، جدا یک ای بر طرزده تنظیم وتفریش ایدلمشدر . برلین ، مونیخ
 وهایدله لرغه زیارت ایتدیکم متعدد قلوبلرک مذاکره وقبول سالونلری ،
 کتبخانه لری ، لوقانطه لری ، بیراخانه لری واردر . هایدله لرغه کی محفللر ،
 بوس بوتون تاریخی بر رکسویه بورونمشدر . مذاکره سالونلری ، متعدد تاریخی
 بایراقلر ، مجلر ، قیلیچلر ، استاتورلرله تزین ایدلمش ومذاکراتک بعض مراسله
 اجراسی اصول اتخاذا اولونمشدر . مثلاً ، مذاکرات ائشاننده رئیسک ائنده
 بر میچ بولونمسی عادتدر . طلبه قلوبلرینک خصوصی آرمه لری ، سنجاقلری ،
 اعضانک سرپوشلری واردر . بایراقلر ده عموماً شو جمله محرردر :
 « Mit gott für Kaiser und Reich. اناهک عنایتیله ، قیصر ووطن ایچون ! »
 هایدله لرغ قلوبلرینک بعض غریب عادتلری ده واردر . مثلاً بعض محفللر ،

اعضاسنه شمسیه طاشیمنی منع ایتمشدر . قلوب اعضاسی، یاغمورلی هوالرده بر عسکر کی آنجق مانطو طاشیه بیلیر . بعض محفلر ده اعضاسنه، آلدیه بر جقولاته پاکتی بیله طاشیمغه مساعدیه ایتمز . دینه بیایر که، هایدیه له رغ قلوبلری حیات خارجه ده تماماً بر عسکر کی حرکت ایتمکی اساس اتخاذا ایلمشدر . صوکره، غندالحاجه اعضایه تطبیق اولونان جزالرده غریب بر شکله در . مثلاً، پک زیاده تعمم ایدن بر بیرا جزاسی وارددر . اعضادن بری، نظامنامه احکامنه رعایت ایتمه دیکی تقدیرده محفل هیأت اداره سنک قرار یله، قلوب دیوارلرنده آسیلی بولونان بویوک بویوزلردن برینه بیرا طولدی ره رق آرقداشلرینه اکرام ایلمکه مجبور طوتیلیر .

قلوب اعضاسی، وقت وقت، طلبیه مخصوص بیراخانه لره (قنایه لره) کیدره، بوراده متصل ایچرلر . مع مافییه بو عیش ونوش اعتدال و تربیه دائره سنی قطعاً تجاوز ایتمز . قنایه لره عمومی اجتماعلر و مسامره لره ترتیب اولونور . مسامره لره انتظامی محافظه ایچون، طلبیه، آرالردن برینی رئیس انتخاب ایدر . رئیس هم انتظامی تأمین ایدر، هم ده رفیق لرینک شوق ونشوه سنی تزیید ایدیه جک وسائلی استکماله جالیشیر .

صناعت

بر میزان کال ، صناعت! - تورککلک دورکاليله بره قاييه. - قيصر، صناعت هالمنك حاميسي. - شهراه ظفر. - پروفه سور «شيوه ختنه» ك پلانزى. - يونان مدينه صناعته تائيرى. - پروفه سور ويغاند ناصل دوشونور؟ - طبيه تله قاييدى. - غوتيك طوزى و تاريشى ملاحظه لره. - حرب حاضر و صناعت. - صنايع نفيسه آقاده ميسي. - اون صنايع نفيسه مكتبه ميسي. - اختصاص آتيله لرى. - جانلى و عريان مرده لار: بر آلمان كوزلى! - پروفه سور «قابف» ك مطالعه ميسي. - سجار بر كوزك تصويرى قاچه مال اوليور؟ - قبيح صياحتارى. - مدرسلر ك اشغال دائره لرى. - حرب جومينك برانطعاى: يكمى ييك فرانكه پولوخه. - سنده سكسان ييك مارق قزاق. - مشهور آلمان صناعتكارلى.

بر مدينى تدقيق ايتمك ايجون، آثار صناعتدن اى بر معيار اوله مز. صناعت، بر قومك اوكمحيح ميزان كال و ترقيسيدر. بو اعتبار ايله ، آلمان ياده صنايع نفيسه نك احراز ايتديكى موقعى تدقيق ايتمكى يوكسك بر امل عد ايتشمدم. آلمان ياده رساملرك ، ناقشلك ، ناحشلك هر كوشه ده بيكرجه نفيس اثرلرينه تصادف اولونور. دينه بيليركه آلمان ياشدن باشه صناعتك اينجه لكيريله حمزيندر.

آلمان ياده، صناعت محيطه بر اصالت بخش ايتديكى كې، تربيه بديعه نك ده بوكسه لمسنه خدمت ايتشمدر. آلمان كنجنك روحه محاسن ذوقى ورن ، دماغ ملتده تحسس بديعى يي ايقاظ و تيمه ايدن ، خلقه عالى و نحيب بر حياتى سوديره رك فضيلت يوللرينى آجان هب صناعتدر. صناعت، آلمان ياه بر دوره كال احضار ايتمش و مملكتك بوكونكى كالى ده ، صناعت اوزرينه تاثيرات اجرا ايتمكدن خالى قالماشدر. بو حقيقتى، بز كندى تاريخمزمده كوريبورز: اوتنجى عصر هجريده، توركلك كال دورينى ياشا دينى، توركلر ثروت ، عرفان ، سطوت اعتباريله اك يوكسك بر موقعه و اصل اولدينى وقت مملكتده صناعت ده بوكه لمش ؛ ادب ياتمز، معماريمز عالى بر موقعى احراز ايلمىدى. اوتنجى عصر، معماريده سنانى ، شمرده فضولى يى ، باقى يي يتيشديرمش ، و مملكته سلطانيه

کبی تماشا-یله روحه خشوع و غرور حسنی بخش ایدن معظم آبدلر وجوده کتیرمشدر .

خلاصه ، اوننجی عصرک تأثیر کالی آثار صنعتزده ناصل محسوس ایسه ، بوکونکی آلمان دور کالئک تأثیری ده آثار نفیسه ده او صورتله مشهود اولیور . آلمان صنعتزده تقدیرلر و حیرتله تماشا ایتدیکم شاه اثرلری وجوده کتیرن دماغلرده محیطک شعاعات فکریه و خیالیه سنک بویوک تأثیرلری اولدیغنی انکار ایتک قابل اوله مز . صنعتکارک شهرتی ، بو شعاعاتی الکایی ، الک لطف بر طرزده انعکاس ایتدیرمه که موفق اولمننده در .

اون دو قوزنجی عصرک نصف اخیرندن سوکرا ، آلمان صنعتی جداً مکمل بر شکل آلمشدر . آلمانیا ، صنعتک حیات جمعیتده مهم بر موقع اشغال ایتدیکنی تقدیر ایدرهک صنعتکارلرینه الک شرفلی موقعلری بخش ایتمش ، حکمدارلر بیله آنلرک دهایی صنعتی اوکنده برحس حرمتله متحسس اولمشدر : آلمانیا ده قیصر حضرتلرینی ، عالم صنعتک الک بیوک حامیسی اوله رق کوریورز . صنایع نفیسه یه تعلق ایدن بر مسئله یوقدرکه ، ایمراطور آنکه علاقه دار اولسون . بوتون آلمانیا ، حکمدارینک ذوق صنعتی تقدیر ایتمشدر . ایمراطور ، آلمان قلبنده تحسس بدییی یی ایفاظ ایدنلرک الک بویوک رهبری اولمشدر .

برلینک الک محتمم مؤسسات و آبداتنک طرز معماریسی بالذات تدقیق ایدن ، مصیب رأیلر و یرن ، مطالعاتیله صنعتکاری ایفاظ ایدن ، اهدا ایتدیکی آثار نفیسه ایله مکتبلری ، موزه لری زنکینلشدیره ایمراطوردر . برلین شهره ظفرینک (زیفس آله) ایکی طرفنی تزین ایدن حکمدار هیکلری ، ینه مشارالیهک تشبیه وجوده کتیرلمشدر . ۱۸۹۸ دن ۱۹۰۱ تاریخه قدر ، اوچ سنه چالیشیله رق وجوده کتیریلن وهر بری بومباخ ، بوزه ، ثوپهس ، اوفندر ، واله رکبی بنام ناحتارک التدن چیقان و میلیونره مال اولان بو آبدلرک ، عموم مصرفی ایمراطور اوده . مشدر . فی الحقیقه ، (زیفس آله) یی . صنعت نقطه نظرندن ساده لکدن عاری ، فضله جه محمول بولانلر وارددر .

بو نقطه ده توقف ایدم چک دکلم . یالکز ، شوراسی اونون تلامیدرکه ، هر اثر صنعت کبی ، شهره زلفرده محیطک تاثیراتندن آزاده قاله مامش ؛ محیطک روح عظمت و احتشامندن بورایه ده برر قطره دوکولمشد . قرالنی وجوده کتیره اونوز ایکی پروسیا و برانده نبورع حکمدارینک تاریخ حشمت و غیری و ده آبداتک ساده لکنه مانع اولمشد .

برلین صنایع نفیسه مکتبئی زیارت ایتدی کم کون ، معماری شعبه سی مدرسی پروفه سور « شیوه ختن » - که صنایع نفیسه آقاده میسنکده رئیسدر . - بکا آلمان مؤسسات عالی سندن بعضلرینک پلانلرینی کوستریور و ایضاحات و بریوردی . بونلر ، بالذات پروفه سورک یادی بی پلانلردی که ، اکثرینک اوزرنده ایمپراطور حضر تلرینک تصحیح لری کوریلوردی . پروفه سور ، بونلردن برینه ، بالخاصه اشارتله ایضاحات و یردی : بو ، یوز اون اوچ مترو ارتقا عنده کی چاک قله سیله ، نفیس طرز معماری سیله برلینی زیارت ایدن لری جذب ایدن بویوک کایسارد . کلیسا ، ایمپراطور برنجی ویله لمک تذکیر نامی ایچون ۱۸۹۱ ده تأسیس ایدلمش و « شیوه ختن » طرفندن احضار اولونان پلانی ، ایمپراطورک بعض تصحیح حانه معروض اولمشدی . پروفه سور ، بو تصحیح لری غایت محق و صنعت اعتباریله غایت قیمتدار بولور . پروفه سور ، متعاقباً ایکنجی بر پلان ده کوستردی . بو ، یکی تأسیس اولونه حق بر سرای پلانی ایدی . ایمپراطور بونی کورمش و اوزرینه تقدیر آمیز برقاج سوز یازمشدر .

خلاصه ، آلمانیا ده وبالخاصه برلینده بر صنعت مؤسسه سی کوستریله مزکه ، اوراده ایمپراطورک بر خاطره سی ، بر هدیه سی ، بر علاقہ سی بولونمسون ! نمونه اتخاذا ایدلمک اوزره اسکی قوستوملرینی مکتب موزه لرینه هدیه ایدن ، اک قیمتدار اوانی بیتیه سی ناعحدود مدتلرله موزه لره اعاده ایلین ، بویوک استادلرک شاه اثرلری موقع تماشا یه قوندینی زمان تیار ولرده اثبات وجود ایدمده رک مثللری تلطیف ایدن ، آثار نفیسه مسابقه لرینی تشویق ایلین ایمپراطور ، آلمانیا ده صنعتکده بر اکلیل حشمت و افتخاری اولمشدر .



آلمانیاده صنعتك اشعال ايتديكى بلند موقع ، اسكى يونان مدنيتك بو محیطده شرفلى بوموقع احراز ايتمنه سبب اولمشدر. موزه لری زیارت میناسنده بکارفاقت ایتک لطفنده بولونان پروفه سور « ویغاند » ، یونان آثار قدیمه سندن بحث ایدرکن دیبوردی که : « یونان آنارینه ویردیکمز اهمیت ، بو اسکی وبویوک قومك صناعته اولان عشق وحرمتدن نشأت ایتمشدر. یونانیلرجهانده اک بویوک صنعتکارلری یتیشدیرن بر ملتدر. یونان آناری بزم ایچون دایما مشق تقلید اولمشدر . بو اعتبار ایله درکه آلمان ادبیاتنده ، آلمان شعرنده ، آلمان صنعتنده اسکی یونان مدنيتك محسوس بعضی الهاماتی طویه بیلیرسکر. یونانیلر طبیعتی ؛ کونشی ، قری ، دکزی کندیلیرینه معبود اتخاذا ایتدکلری ایچون ، صنایع نفیسه ده بو اعتقاددن حصه دار اولمش و یونان آثار قدیمه سی هب طبیعتك کوزلدکلرله بزه نمشدر . بزه طبیعته مفتونز . بو جهته یونان آناری بزم ایچون ده نمونه اوله رق قبول ایدلمشدر. آلمان آثار نفیسه سنی تدقیق ایدرسه کر بزم اثرلر مزده ده حیات وزندکی بوله جقسکر ! »

فی الحقیقه آلمان آثار صنعتنده نظری الکچوق جذب ایدن طبیعتك پک اینی تقلید ایدلمش اولمسیدر. آلمان صنعتك کوزلدکی مکملیتنده ، الک اساسلی مزیتیه طبیعتی تقلیده کی موفقیته در. معافیله آلمان آناری ماضییه چوق مربوط قالمش وبو مربوطیته صناعته برنك ملی ویرمشدر. آلمان آناری تدقیق ایدیکر ؛ رسمده ، نقشده ، هیکل تراشیده ، معماریده خطوط تزئینیه نك کاملاً آلمان روحندن طوغمش ، آلمان اشکان والوانندن اقتباس ایدلمش اولدیغی درحال حس ایدرسکر . بوراده هر اثر معماریده بر خاطرۀ ملیه نك ، بریاد تاریخنك سحر انطباعاتی بولونمسه فوق العاده اعتنا ایدیلیر. مثلاً ، معماریده غوتیک طرزینك فوق العاده تعمیم وانتشار ایتسی ، تاریخی بعضی ملاحظات نتیجه سیدر :

هونلرک هجومی هریری ، حتی روما حکومت عسکریه سنی ده آزمش ،

دهشتر ایچنده براقشدی . بو دورده یاشایانلر ایچون نومیدی ، یأس و الم بر حالت طبعیه حکمنده ایدی . کیمسه مال و ملکندن امین اولیور ، موجودینی مناسترلره هدییه ایدیور ، اضطراب و اندیشه بوندن و طنداشلری بر برینه تقریب ایلیوردی . خلق ایچون یگانه تسلیت دین ایدی . دین ، هر کسی اطرافنده طویللامشدی . بونک ایچون ، بویوک معبدلره احتیاج واردی . ماضینک کوچوک ، ضیادار معبدلری کافی دکلدی . المدیده قبلره جواب ویره جک قراگلتی و کنیش معبدلره لزوم حس ایدیلیوردی . بو حالت روحیه جواب ویره بیله جک یالکیز بر طرز معماری واردی : غوتیک ! فی الحقیقه ، غوتیک قیریق کمرلری ، رنگلی جاملری ، یوکسک چاتیلری ، قلعهلری ، نیم ظلمتی ایله بو احتیاجی تطمین ایدیوردی . آرادن بو قدر زمان کچسکی حالد ، آلمانیده حالا بو طرز معمارینک یاشامسی ، ماضیه اولان بوتغیر ناپذیر مر بوطیتک نتیجه سیدر .

حرب حاضر ، آلمانیده صنعتکی بر شکل وقوت آلمسئه خدمت ایتمشدر . حرب ، صنعتکارک روحنده بویوک هیجانلر تولدینه سبب اولش ، بو هیجانلر تمایلات عالییه ایفاظ ایدره کی و مکمل اثرلرک وجوده کتیرلمسی تسهیل ایتمشدر . مملکتک هر طرفنده کشاد ایدیلن حرب مشهرلری ، شوق و هیجانله ، امید و فداکارقله تتره یین بویوک روحلرک کزیده اثرلینه جلوه کاه اولمشدر .



آلمانیده صنعتک ترقی عامللری آراسنده ، بالخاصه صنایع نفیسه آقاده میسی ایله صنایع نفیسه مکتبلرنی ذکر ایده بیلیرز . برلین آقاده میسی ، صنایع نفیسه نک ، موسیقینک تکاملی و ترقیسی اسبابی استکمال ایدن بر انجمن علمیدر . آقاده می ، شخصیت مغویه بی حائز و معارف نظارتک تحت اداره سنده بر مؤسسه عالیه در . آقاده مینک اصیل وفخری اولق اوزره ، ایکی قسم اعضاسی واردر . اعضای اصلیه ؛ برلنده و یادیگر پروسیا شهرلرنده یاشایان صنعتکارلر

آراستن انتخاب اولونور. برلنده ساکن اولان اعضانك عددی صنایع نفیسه قسمنده آلمنی ، موسیقی قسمنده الی بی تجاوز ایده من . خارجه کی اعضانك عددی معین دکلدر. بوندن باشقه، آقاده مینك، اعضاسی معارف ناظری طرفدن منتخب بر دیوانی ، و دیوان اعضاسی میانندن بر سنه مدته منتخب بر رئیس واردر . رئیسك مأموریتی حکمدارك تصدیقه اقتران ایدر . دیوان ، آقاده مینك فن هیاتی و ناظر ك انجمن مشاوره سیدر .

برلین صنعتکارلر جمعیتی و آقاده مینك بر قسم اعضاسی طرفدن هر سنه آقاده مینك حمایه سی آلتده بویوك بر صنایع نفیسه مشهری كشاد اولونور . بومشهر ایچون آقاده می و صنعتکارلر جمعیتی سنوی ایکی یوز بیک مارق تخصیصات ویرمكده ، بوصورتله صناعتی حمایه ایلمكده در .

آقاده می به مربوط مؤسسه لر اوچ قسمدر : صنایع نفیسه مكتب عالیسی و صنایع نفیسه اختصاص آتله یه سی ؛ موسیقی مكتب عالیسی و بسته كارلغه مخصوص اختصاص مكتبلری ؛ کلیسا موسیقیسی دارالمساعیسی در .

* *

آلمانیده اون صنایع نفیسه مكتب عالیسی واردر : برلین ، کونیغسه برغ ، قاسل ، دوسه لدورف ، مونیخ ، درهسد ، اشتودغارد ، قارلسروخه ، وایمار مكتبلری ؛ بش اولکی مكتب ، پروسیایه عائد اولمق اعتباریله ، صنایع نفیسه مكتبلری نقطه نظرندن پروسیا ، دیگر آلمان حكومتلرینه نسبتله برنجی درجه بی احراز ایدیور . بونلردن برلین ، مونیخ ، درهسد ، اشتودغارد مكتبلرینی زیارت ایتدم . بومكبتلر ، مكملیت اعتباریله یكدیكرینه رقابت ایده جك درجه دهمدر . بو مؤسسه لر ، باشلیجه شو قسملری احتوا ایدیور : رساملق ، حكاكلق ، ناحلك ، معماری ، اویمه جیلق ، حیوان رسملری ، مناظر ، قیر رسملری ، تشریح ، تلوین .

بوقسملر ، احتیاجه كوره متعدد شعبه لر دن متشكلدر . مثلاً ، برلین صنایع نفیسه مكتب عالیسنده رسم ایچون اوچ ؛ تلوین ایچون اوچ ؛ معماری ایچون

درد ؛ مناظر ، تشریح ، حیوان رسملری ، قیر رسملری و حکا کلکی ایچون برر شعبه واردره . مکتبک مدرسلری معارف نظارتجه تعیین اولونور . مدرسلر میانندن ، نظارتجه بئش سنه مدته انتخاب اولونان و مأموریتی اراده حکمداری یه اقتران ایدن بردات ، مدیریت و وظیفه سنی ایفا ایدر .

صنایع نفیسه مکتبلرینه قید و قبول ایدیله بیلیمک ایچون ؛ اون سکیز یاشنه بالغ اولمق ، تالی مکتبلرده خدمت مقصوره صنفلرینه ترفیع ایتیش بولونمق [*] ، صنعت ایچون قابلیت مخصوصه یی حائز اولمق شرطدر . مع مافیه ، صنایع نفیسه یه فوق العاده استعدادی اولانلرک ، خدمت مقصوره شرائطی احراز ایتیمکسزین استثناء قبوللری جائزدر . صنایع نفیسه مکتب عالیسنه قیزلر قبول ایدلر . قیزلر ایچون ، تالی درجه ده خصوصی صنایع نفیسه آقاده میلری واردر .

صنایع نفیسه مکتبلرینک مدت تحصیلیه سی ، عادیاً اوچ سنه اعتبار اولونور . مع مافیه ، بوهدت نظاماً معین دکدر . درسلری منتظماً تعقیب ایتیمک شرطیه طلبه ، تحصیلی ایسته دیکی قدر تمهید ایدم بیلیر . مکتبه صنف و مآذونیت امتحانلری ده اجرا ایدلر . منسوب اولدینی قسمده کی درجه تحصیل کافی کوریلنلره ، طلبلری اوزرینه تصدیقنامه ویریلیر . و بوکیلر اکثریا مکافات نقدیه ویا مادالیه ایله تلطیف اولونور .

صنایع نفیسه مکتبلرنده ، هر سنه طلبه نك وجوده کتیردیکی آثاردن مرکب اولمق اوزره برسرکی کشاد اولونور . طلبه ، مدت تدریسه ظرفنده وجوده کتیردیکی اثرلری بو سرکیده تشهر ایتیمکه مجبوردر . اثرلری شایان تقدیر کوریلن مداومله مکافات ویریلیر .

صنایع نفیسه مکتبلرندن آیری اولمق اوزره ، برلنده و موئیخده صنایع نفیسه اختصاص آتله لری ده واردر . بو آتله لره مسلکنده اختصاص کسب

[*] دو قوز سنه لك سلطانلرك آلتی سنه سنی اکمال ایدنلر ویا آلتی سنه لك اعدادیلرندن مآذون اولانلر خدمت مقصوره اربابندن عد اولونور .

ایتمک ایستهین صنعتکارلر قبول اولونور. مدت تحصیل، عادیاً اوچ سنه دره. و مداملر - آتلهیه مدیرینک مساعده سیله - صنایع نفیسه مکتبنک عملی درس لرینی تعقیب ایتمک مآذوندلر. اختصاص آتلهیه لری رسم، هیکل تراشی، معماری، حکاقلق قسملرینی احتوا ایدلر.

* *

صنایع نفیسه مکتبلرنده، اختصاص آتلهیه لرنده نظر دقتی جلب ایدن اک مهم نقطه، دائماً طبیعتک مشق تقلید اتخاذا ایدلمسیدر. بو مقصده، صنایع نفیسه مکتبلرنده غایت زنکین موزملر وجوده کتیرلش و متعدد بویوک دائره لر طبیعتی تقلیداً جانلی لوحه لرله تزین ایدلمشدر. ایشته، مونیخ مکتبنک بر جانلی لوحه سالونی: برق قیر کویلی اوداسی... والده، اوجاق باشنده یمنکی احضار ایدیور. بابا، برکونک تعب و کوششی دیگنلدر مک ایچون شورایه، اوتدن معمول یاتاغنک اوزرینه اوزانمش... بریده بر چاچا، دیوارده بر او آتی، سفره اوزرنده بر شیشه شراب، بر قاچ پارچه اکمک...

ایکنجی منظره: بر قوندره تعمیر جیسی... بژمرده بر دکان، اسکی قوندره لر، برقوغه صو، پاچاورالر، بر کوچوک اورس، بر اوافق چکیچ... بر اوسته، ایکی چیراق چالیشورلر...

اوچنجی منظره: ماتمزده بر والده. کوزلر آفاقه مرکوز، بی حرکت بوضع تفکر... سرتاپا سیاهلره بورونمش، غمکین و ماتمکیر بر محیط... دها صوکره، لوحه لر تعاقب ایدیور: بر معبد... بر سلچوق جامی... بر عجم اوی... بر باغچه... بر میوه جی دکانی...

هربری، بویوک بر سالونی اشغال ایدن بو منظره لر، بر دست اعجاز کارک نهایتسز اعتنالیله ابداع ایدلمش، طبیعت تماماً جانلاندیرلمشدر. بو طبیعتی منظره لر وقت وقت ده کیشدیریلیر. ویرلرینه دیکرلری ابداع اولونور. معماری شعبه سی ایچون آلمانیا ناک مشهور آتله لرینک، عالی معبد و مکتبلرینک بویوک مقیاسده مجسم موده لرینی حاوی بر سالون واردلر.

حيوان رسملری شعبه سنده، جانلی حيوانلر بولونديرليني کي، رسم و هيکل تراشي درس لر نده ده قادين، ارکک بعض کيمسه لر موده ل اوله رق اجر تله استخدام ايدلمکده در. عريان رسم و هيکلر ايچون موده ل اوله جق ارکک وقادينلر، آتله لرده عريان بولونديريلور. برلين صنايع نفيسه مکتبي مدير ي پروفه سور « قامپف » له مکتبک مختلف آتله لريني کزييور دق . بر رسم سالونه کيرمشدک . مدير، قاپوي اورتن پرده يي آچنجه غير منتظر بر عخنه يه شاهد اولدم : کنج بر آلمان قيزي، آتله نك نظر ربا بر کوشه سنده بي حرکت طور ييوردي . صاجلر داغنيق ، چهره آسوده و لطيف ، وجود عريان ... بياض ، اثر شباب قدر بياض بر قيز ! بو شعر ذي حياتک نظر لر دن کيزلي قلاش بر جهق يوقدي . شيمدي، قيزک سيای پرخيالي تيت اتمک چالیشان کنج لرك قارشيسنده بلا اختيار صيقلمشدم . پروفه سور، بونا بمحل احترازي شو سوز لر له قارشيلايوردي :

« ايسته ، بوتون شوکنج و پرامل نظر لر قارشيسنده بر لمه بکارت ! فنا بر الهامک نمره سي اولما دجه ، رسمده و هيکل تراشیده کي عرياني، شبه يوق که دائما تزيه و صافدره . صناعته نوعيت يوقدر . بز صناعتي، صانت ايچون تعليم ايد ييورز . صانتک غايه سي ايسه حسني ابداعدر . بو صانتکار کنجلر ، « وه نوس » ک عريان هيکلني تماشا ايدرکن روح لر نده ناصل بر حس تزيهدن باشقه برشي طوييور لر سه ، بو آلمان دلبري قارشيسنده ده عيني حس لر له متحس اوليورلر . بز صانتکارده هيچان بد يي ي او ياندر مق ايچون، بو کوزل و ذي روح موده لر دن استفاده ايد ييورز . بونلره ويرديکمز اجرت ، ساعته اون مار قدن آشاخي دکلدر . جاذب بر قاشک ، بويوک و سحرار بر کوزک تصويري مکتبه يوز لر جه مارقه مال اوليور . سنوي اوچ يوز بيک مارقه ، بالغ اولان بودجه مزده جانلي موده لر ايچون بويوک بر تخصيصات تفريق ايدلمشدر . »

طبيعتي تقليد خصوصنده کي مساعي ، تتبع سياحتلرينده توليد ايتمشدر . بالخاصه ، معماري شعبه سي مداوملري هر سته مدرسلري رفاقيه آلمان ياتک مختلف

شهرلری کزه رک تدقیقاتده بولونیور؛ و مبانی هالیه نك رسملری آلورلر .
 طبله نك مکتب موزده سنده کی اشایی - اوچ هفته مدته - کندی خصوصی
 آته لیه لرینه نقل ایتملرینه ده مساعده ایدلمکده در .

*
 **

علی العموم صنایع نفیسه و فن مکتبلرنده، هر مدرسك بر خصوصی
 آته لیه سی واردر . مدرس بوراده کندی حسابنه چالیشمقده در . مملکتك
 کزیده استادلرینك مهارت صاعتکارانه سندن، اقتدار فوق العاده سندن استفاده
 ایده بیلمك ایچون، ابتداءً صاعتکاری مکتبه تماماً و بط ایتمك لازمدر . بونك
 ایچون آلمانلر مکتب داخلمده ، مدرسلره واسع و مزین اشتغال دائره لری ،
 آته لیه لر تأسیسنی دوشونمش و بورالری جدامکمل برحاله افراغ ایتمشلدر .
 حیاتی درسنه و مکتبه وقف ایدن استاد ، بوراده ، مکتبدن آییرلمق سزین
 شاد و مسترخ کندی حسابنه چالیشه بیلمکده در . صنایع نفیسه و تزینیه
 مکتبلرنده کی بو خصوصی دائره لر زیارته شایاندر . بورالری متعدد سالونلردن
 متشکلدر: کتبخانه ، آته لیه ، استراحت ، اشتغال و قبول اودالری... صورکرا ،
 استادك بوتون شاه اثرلری ، طاسلاقلری ، پلانلری بوراده تشهر ایدلمشدر .
 آلمان رساملری آراسنده بلند بر موقع احراز ایتمش اولان مدیر پرورده سور
 « قامف » ك خصوصی دائره سی، بر جهد بلیغ ایله ابداع ایدیلن بدیمه لرله
 مالا مالدر :

ایشته ، حرب عمومینك بر انطباعی: بو ، خلقك آئنده کی باقر اوانی به
 حکومته صورت تسلیمینی مصور بر لوحه در . بو لوحه قارشینسده ، انسان ،
 حیاتك اك مؤثر ، اك عبرت آمیز بر دقیقه سنی یاشایور . بولوحه قدر حربك
 فکر و حسنی بزه پر حیات کوسترن هیج برشی اوله من . بو لوحه ، نسل
 مستقبل ایچون بو کونکی دورك اك شانلی بر نشانه سی اوله جق ! آلتی هفته
 چالیشیلره وجوده کتیریلن بو تابلیه ، هنوز آته لیه دن چیقمه دن یکر می
 بیک فرانغه طالب چیقمشدر !

بواشتغال دائره لرينك بارلاق بر نمونه سنی ده برلین صنعت تزینه مکتبده کوره بیلیرسکز. بوراده ، مدیر پروفه سور « پول » ک مکتبک بر قسمنی اشغال ایدن معظم بردائره سی وار. بو دائره ، جهانده الک، نفیس نمونه کاهلره رشک آور اوله جق بر مکملیت عرض ایدر . بو قسمده مدیرک هم آتله سی ، کتبخانه سی ، هم آشیانه سی واردور . دائره نك هر گوشه سنده ، اک خرده نقطه لرینه قدر ، بر دست صنعتکارک اعجازکار موفقیتلرینی کورمامک قابل دکلدر دیوارلر، بیلولر، مفروشات، تابلولر، قفسلر، کتاب جلدلری هر شی، استادک چیزدیکی پلانلره نوبیقاً طلبه طرفدن وجوده کتیرلمشدر. هر سالون مستننا بر ذوق محاسنک تجلیکاهیدر. بوراده هر شی حسه ، ادراکه ، روحه خطاب ایدر. مملکت، استادلرینی بویه توقیر ایدیور !

صنعت قارشى کوسترلین مربوطیت و حرمت، بواقلم عرفانده صنعتکارلره مسعود و مرفه بر حیات تأمین ایشدر . صنعتکار واردورکه ، سنده یتیش سکسان بیک مارق قازانیر. برلین صنایع تزینه مکتبی مدرسلردن هیکل تراش « واقهرله » ؛ پرنسلرک کوچوک مقیاسده هیکللرینی یا بمقله شهرت و ثروت قازانمشدر. هنوز اشهار ایتماش مستعد صنعتکارلر ایچونده ، زمین پک نماد اوردور. تحصیلنی یکی اکمال ایتیش کنجلر، تابلولرینی، ایکی اوچ بیک مارقه قدر صاتیورلر. ملی حیاته، ملی تصویرلره قارشى کوسترلین عمومی علاقه، برلی صنعتکارلره ، اجنبی صنعتکارلردن زیاده رغبت و منفعت تأمین ایتمشدر. آلمان ملی صنعتکارلری آراسنده ، هیکل تراشلردن « توتیه ن » ی ، « فون هیلده براند » ی ، « ماقس کلینغر » ی ، « قولبه » نی ؛ رساملردن « ماقس لیهرمان » ی ، « قامپف » ی ؛ معمارلردن « شیوه ختن » ی ، « یانسه ن » ی حرمتله ذکر ایده بیلیرز .

صنایع تزئینیه

صنایع نفیسه ، صنایع تزئینیه دن نه صورته آیریلور ؟ - صنایع تزئینیه نك غایه سی . -
صنایع تزئینیه مکتب لری . - مجروح عسکرله مخصوص درس لر . - مودل تخصیصاتی . - ذات
شاهانه تقدیم ایدیلن سیف مرصع . - خالیجیلغه چالیشانلر . - برلین صنایع تزئینیه موزه سی . -
صفاعت کتبخانه سی .

صنایع نفیسه نك تزئیناته متعلق بر قسم عملیسی واردرکه ، بونلر (صنایع
تزئینیه) نام عمومیسى آئنده کوستریله بیلیر . صنایع نفیسه ایله صنایع تزئینیه
آراسنده قطعی بر حد فاصل اولماقله برابر ، بوکونکی طرز قبوله نظرأ ،
صنایع تزئینیه ؛ نقش ، تحت و معماریدن آیرلمش وانشآت و تزئینات و تفریشاته ،
میناجیلغه ، خالیجیلغه ، اویمه جیلغه ، طوقومه جیلغه ، غزته و اعلاناته متعلق
رسلر هم بو قسمه ادخال ایدلشدور . صنایع نفیسه نك غایه سی ؛ برائرفیس
وجوده کتیرمکدن ، حسنی ابداع ایلمکدن عبارت اولدینی حالده ، صنایع
تزئینیه ده ، صنعت واسطه سیله حیاتی قازانمق مقصدی ده تعقیب ایدلشدور .
بروسیاده ایکی ، صاقسونیاده اوچ صنایع تزئینیه مکتب عالیسی واردر .
بروسیاده کیلر برلین و بره سلاوده ؛ صاقسونیاده کیلر دره سسد ، لای زیغ
و پلاون ده در . آلمانیا نك دیگر طرفلرنده ده بونوع مکتبلر واردر . برلین
مکتبی معارف ، دره سسد داخلیه و دیگرلری تجارت نظارتلرینه مربوطدر .
صنایع تزئینیه مکتبلری مختلف شعبه لری احتوا ایدر : معماری ، اعلان
رسلری ، جاملرک تلویخی ، هیکل تراشلق ، خطاطلق ، حکا کلق شعبه لری ؛
بعض مکتبلرده بو شعبه لرک یالکز برقاجی بولونور . مثلاً ، لای زیغ مکتبی
یالکز مجلدلرک و کتابجیلغه متعلق صنایع تزئینیه شعبه سی ؛ پلاون مکتبی
یالکز اقشه اوزرینه رسم قسمنی احتوا ایدر . صنایع تزئینیه مکتبلرنده آیریمجه
اختصاص صنف لری ده واردر . معین درس لری اکمال ایدوب ده لیاقتی تین ایدنلر ،
بو صنف لره دوام ایدرک مکتسباتی تکمیل ایدرلر . صنایع تزئینیه مکتب

عاليه سنك قبول و تحصيل شرائطی، صنایع نفیسه مکتبلی شرائطك عینیدره. یالکیز، بومکتبلره قیزلرده قبول ایدلمکده در.

عالی درجهده صنایع تزئینه مکتبلرندن باشقه، آلمانیاك هر طرفنده تالی درجهده مکتبلرده موجوددر. حتی بعض عالی درجهده کی مکتبلرده، تالی و ابتدائی صنفلی ده کشاد ایدلمشدر. برلین و دره سد صنایع تزئینه مکتبلرنده بو قسملر واردر. بو مکتبلرده عملیه و حرب ائناسنده مجروح دوشن عسکرلره مخصوص اولمق اوزره عمومی واقشام درسلی ده آچلمشدر.

تجارب فیه اجرایی و مودهل اشترایی ایچون، مکتبلرك مهم تخصیصاتی واردر. مثلاً، برلین صنایع تزئینه مکتبنك مودهل تخصیصاتی، سنوی یوز بیک مارقدور.

مکتبلرده هر سنه درت مسابقه اجرا اولونور. مسابقه لره عموم طلبه و طالبات اشتراك ایدر و آتاری شایان تقدیر کوریلنلره مكافات تقدیه و یریلیر. صناعی تشویق ایتك مقصدیه، تأسیس و انشا ایدیهك مؤسسات رسمیهك بلانلری، دواثر رسمیهك مفروشاتی رسملری عموماً صنایع تزئینه مکتبلرینه - پارش ایدلمکده در. اخیراً ایمپراطور حضرتلری طرفندن ذات حضرت پادشاهی به اهدا قلنان سیف مرصعك تزیناتی، برلین صنایع تزئینه مکتبنده یاپلمشدر. مکتبی زیارتم صیراسنده، بو قیمتدار قیلیچ، پروفه سور «دوبلور لوزون»، طرفندن ایشله نمکده ایدی. قبضه، کوز بیکلرنده ایکی بویوك پر لافله بولونان بر آرسلان باشی شکلنده در. برجهه سنده هوهه نزوله رن، دیگر جهتهده ایمپراطور آرمه سی محکوکدر. اصل چلیك قسنك بر جهتهده، انکلیزلرك کیسولی به هجومی و توركلرك مقاومتی تصویر ایدن بر منظره ایله، دشمنك یوم رجعتی اولان (۹ کانون آئی ۱۹۱۶) تاریخی و دیگر طرفده آلتون و الماسله مزین طفرای هایون حك ایدلمشدر.

صنایع تزئینه مکتبلرینك اشتغالانی ساحه سنده، شرق منسوجاتنده بویوك بر حصه آیرلمشدر. بومکتبلرك اکثرنده، منحصرأ شرق خالیرلی،

ایپکلی منسوحات وشالار ایچون چالیشان کنجلی واردر. بونلردن اکثری تحصیللرینی اکمال ایدنجیه، مملکتتمزه کلهک حیاتلرینی بوراده قازانمق عزمنده در!

*
* *

مشاور خاص دوققور «ترن دوله نبرغ» رفاقیله برلین، صاقسونیا تدریسات تالیه مشاور عالیسی بروفسور «شالتس» رفاقیله درهسد صنایع تزیینه مکتبلرینی ریارت ایتدم. بویکی مؤسسه آلمان مؤسسات عرفانک اجزای نفیسه سندندر. مکتبلرک زنکین کتبخانه وموزهلری، منسوجات اوزرینه رسم تطبیقاتنه مخصوص اعمالخانه لری، بویا دارالاستحضارلری واردر. موزهلر، تربیوی برغایه ایله ترتیب ایدلمش اولمغله برابر، عینی زمانده شهرکده صنایع تزیینه موزه سنی تشکیل ایدر.

برلین صنایع تزیینه موزه سی، ۱۸۶۷ ده ایمراطور اوچنجی فرمدریق طرفدن تأسیس ایدلمش، ایکی قات اوزرینه آلمش سکز بویوک سالوندن، متعدد دهلیزلردن مرکب معظم برنمونه کاهدر. دائره لره صنایع تزیینه تاریخچه کوره منظم برطرزده ترتیب ایدلمشدر. بعضی سالونلر، دیوارلری، حجره لری، مفروشاتیله تماماً بر دور تاریخی بی جانلاندیرر. بوراده، شارلمان دورینه عائد برصالونی، اوتوده مختلف اسلوبده اعمال ایدلمش بر اوانی سلسله سنی، پورسلن آلاتی، عجم خالیلرینی، چینلری، وازولری، رهنه سانس اصولی آلتون وکوموش طاقلری، موبیلیه لری، دوغرامه ایشلرینی، جهانک الک زنکین منسوجات قوله کسیونلرینی؛ بریده آلمان صناعتنده بویوک بر رول اوینایان نوره نبرغ، آوغسبورغ معمولاتی؛ اون آلتنجی عصرده ایتالیا، اون یدنجی عصرده فرانسه موبیلیه لری؛ ده صوکر، اون دوقوزنجی عصرک نصف اولنده باشلایان قلاسیک اسلوبی اشیایی.. ونهایت موده رن اسلوبی حیرت وتقديرلرله تماشا ایدرسکز.

موزه نك شرقه، مملکتتمزه عائد قسمی پک زنکیندر. بوراده، بروسه،

حلب ، شام ايبيك معمولاتنك ؛ كوتاهيه چينيلربنك اك قيمتدار نمونه لري موجوددر . يالكز شرق سالوني موزه يه يوز بيك مارقه مال اولمشدر . مكتبه مربوط اولان كتبخانه ده عمومي صناعت كتبخانه سيدر . بارون « لي پره ايد » طرفندن تأسيس ايديلن بودارالكتبه ، يوز اوتوز بش بيك قوله كسيون ، اون ايكي بيك جلد كتاب ، سكسان بيك فوطوغراف وارددر . فوطوغرافلر اكثري آلمان حيات ومعمولاتنه وبرقسي اجني حياتنه حائدر . تورك قيافت تاريخنه عائد بوراده بيكلرجه بويالي فوطوغراف موجوددر . يالكز قيافته عائد رسم وكتابلر ، كتبخانه نك آلتى بويوك سالونى اشغال ايتمش ؛ كتابلر ، غرافيكلر ، رسملر غايت منتظم بر صورتده تصيف اولونمشدر . تصيفك مكمليتي سايه سنده دركه ، صنعتكار ، ممثل ، فابريقه تور ، رسملري سهولته تدقيق وتبعه موفق اولويور . صنايع تزئينيه كتبخانه سى اك چوق قارنى اولان كتبخانه لردن بريدر . بورايه ، برسنه ظرفنده يوز بيك صنعتكار كلشدر .

موسیقی

برهه‌نامه .- سیای معنویك خطوط واشكالی كوسترن بر موسیقی .- موسیقی به قارشی نهایت‌سز بر عشق و حرمت .- اون سگزنجی عصره موسیقی: هاندل ، باخ ، هایدن ، موزارت ، هومل .- اون دوقوزنجی عصر ، موسیقی عصری : به توفن ، وه‌بهر ، شوبه‌رت ، مه‌ندلسون ، شوبه‌ن ، لیست ، شومان .- دوقوز دارالاحان .- برلین دارالاحانی .- موسیقیده استعداد و قابلیت شرطی .- هوغو وکونه نظرنده موسیقی .- مدت تحصیل .- غریزات و موسیقی موزه‌لری .- آقاده‌ی به مربوط موسیقی مؤسسه‌لری .

براق و متبسم بر مایس اقامشی ایدی . بواقشام، برلین موسیقی مکتب عالیسنک آبلق مسامره‌سه دعوت ایدلمشدم . دون، بوتون برکونمی، لطیف انطباع‌لرله دولدیران بو مؤسسه‌ده ، بواقشام تزیه و مسعود بر قاج ساعت یاشایه جقدم . بی، شرف رفاقت‌لریله تلطیف ایدن صنایع نفیسه مشاور عالیسی پروفه‌سور «شاید» [*] و مشاور خاص دوقوز «تره‌ن دوله‌ن‌به‌رغ» ایله برلکده مسامره سالوننه داخل اولونجه ، کندی صاف و جاذب بر محیط ایچنده بولدم . واسع و مزهر سالون ، شهرک اک کبار عالمه‌لرینه منسوب بیک قدر مدعو ایله دولمشدی. بواقشام، مکتبک مداوم و مداومه‌لرندن ایکی یوز کنج ، ایکی یوز الحان شناس آلمان استادلرینک بی نظیر نشیده‌لری تی ترنم ایده‌جکدی .

سالون، بر دریای نور و ضیا ایچنده پک جاذب و جان‌وبا بر منظره عرض ایدیور، اک نفیس آثار صنعته جلوه‌گاه اولیوردی. شیمدی، محیطک کوزللیکی ایچنده بو عرق اک کزیده سبالرینی ، بر طیف قدر امپورور چهره‌لرینی ، بوتون بر مجموع حسن و شبانی تقدیرلرله تماشا ایده‌بیلیوردم . بوسقف محتمم آئنده، طبیعتک و صنعتک بوتون کوزللیکلری ، شعری ، خیالی، انشراح و سعادتق طوبلاشمش کیدی . هرشی ، هرطرف کوزل ، کوزل ..

[*] الیوم، روسیا معارف ناظر محترمیدر .

موسیقینک مرقص نغماتی لطیف زمزمه لاله اطرافه داغلیور ، هرگس وجد واستغراق ایچنده بوترنملری دیکله یور، روحنک هیجانلری اوقویوردی. ایشته ، « تان هویزه ، دن برترنم ... شیمدی « واغنه ، ک روحله تماس ایدیور ؛ آنک بوتون امیدلری ، سودالری ، خولالری ، هیجانلری برابر یاشایورسکز . . برلظه سکون . . صوکرا ، ینه نغمه لر یوکسه لیور ، یوکسه لیور . . شیمدی داغلردن چاغلايانلرک ، اووالردن نهرلرک ، اورمانلردن ترنملرک آقدیغنی حس ایدیورسکز .

ایشته ، سزه قلبکزک اک درین کوشه لرنده کی تحسسلری سویله ین بر موسیقی ! بوترنم ، حیاتده سعادت و آلمک ، مظهریت و محرومیتک ، اضطراب و هیجانک ، انشراح و انفعالک بر ممکس دائمیسدر . سیای معنویمکزک اکیانجه خطوط و اشکالی ، بزه ، ایشته بو موسیقی کوستریور و یاشاتیور .

انسان ، بو خلقک موسیقی قارشیسنده کی وجد واستغراقی کوردکن ، بو ساعات هیجانی یاشادقن صوکرا ، بو اقلیمک عالی و منور بر استقباله دوغری یورومسنده کی عواملی ده ائی تقدیر ایده بیلور . اوت ، آلمانیا ده موسیقی به قارشی نهایتسز بر عشق و حرمت واردر . آلمان ، ذوق محاسنی موسیقیدن آلمشدر . دینه بیلرکه ، موسیقی ، بالخاصه آلمان صنعت نفیسه سیدر .

•••

آلمانلر ، صوک ایکی عصر ظرفنده موسیقیده پک بویوک ترقیاته مظهر اولمشدر . اون سکزنجی عصر ابتداسنده ، پریشان و متفرق بر کتله اولان آلمانیا ، سیاستده اولدینی کبی ، صنعتده قدرت حقیقیه یله متناسب بر مزیت کوسترمامشدی . آلمان روخنه مکنوز اولان قابیلتری انکشاف ایتدیرن ، شاعرلره موسیقی شناسلر اولمشدر . ابتداء شیلله ر، کوته کبی شاعرلر یتیشدیلر ، نشیده لر یازدیلر ؛ و صوکرا موسیقی شناسلر بونشاندی انشادایلدیلر . اون سکزنجی عصره قدر بوتون آلمانیا ده ، ایتالیان موسیقیسنه قارشی نهایتسز بر مجلوبیت وارکن ، بو عصردن اعتباراً ، آلمانلر مستقل بر موسیقی به صاحب

اولمغه باشلامش وهاندل ، باخ ، هایدن ، موزارت ، هومهل بو تاریخلرده
اشتهار ایشلدر .

هاندل ، اساساً صاقسونیالی ایکن ، لوندیره کیده رک انکلیر تابعیتته کیرمش
ولونده کی اقامتی مدتیجه بسته له دیکی قرقی متجاوز او به راسی ایله ایتالیان
بسته کارلرینه تفوقنی تسلیم ایتدیرمشدر . فقط ، هاندل ، او به رالریله اشتهار
ایتدکن برمدت صوکر ، تماشا موسیقیسندن واز کچمش رکلیسا موسیقسیله
اشتهال ایتمکه باشلامشدر . بومساعینک نمره سی اوله رق ، یازدینی (اوراتورسیو) لر
انافس اناردندر .

باخ ، ابالموسیقی عنوانی بحق احرارز ایتدیکی کبی ، هایدن ده . نفونی
موجدلکی شرفنی قازانمشدر . ایتالیان لحنک لطافت سامعه نوازی ایله
اورکستراسیون فنک تنوعات ترینیه سنی ، ایلک دفعه یکدیگریله مزج ایتمکه
موفق اولان هایدن ، آلمانلرک مدار افتخاری اولان اسانده دندر .

آلمان تاریخ موسیقیسنده ، موزارت کده مهم برموقی وارددر . موزارت ،
دها پک کوچوک یاشده ایکن ، موسیقده فوق العاده استعداد کوسترمش
بویوک برالحان شناسدر . دون ژان ، نوس دو فیگارو ، فلوت آناشانه عنوانی
او به رالریله ابقای نام ایدن موزارتک ، آجدینی مسلکه اون دو قوزنجی عصر
موسیقی شناسلری ده تماماً سلوک ایتشلردر .

اون دو قوزنجی عصر ، آلمان موسیقسی ایچون فخر و شرفله مشحون
برعصردر . بو تاریخده ، فرانسه ده ، ایتالیان موسیقسی علیه شدتلی
مباحثه لر جریان ایدرکن ، آلمانیا ده « به توفن » ، جهان موسیقی بی اساسندن
ده کیشدیره جک آثار دها کوسترمشدر . به توفن ، حس سمعدن محروم اولدینی
حاله ده ، وجوده کتیردیکی اثرلر ، بوکون تقلیدی ناقابل آثار مخلده دندر . بو
اعتبار ایله ، به توفن برخارقه موسیقیدر .

اوروپا ده ، کلاسیک موسیقینک تابع اولدینی قیود و شرائطی بر طرف
ایده رک ، ابتدا رومانیک موسیقی بی احداث ایدن اسانده نک اک مهملری

و بهر ، شوبه رت ، مه ندلسون ، شوپن ، لیست ، شومان کبی ، بنه آلمان الحان شناسلریدر . فقط ، آلمان حیات صناعتنک باغرنندن دوغمش بردهای مستثنا وارد درکه ، بو ، « ریخارد واغنه ر » در . واغنه ر ، رومانیک اسلوبنک مشخصی اولدینی کبی ، تماشا موسیقیسی ده یکی برشکله تحویل ایتمش و قیمتدار مساعیسیله غرب اورکه ستراسنه برا کملیت افاده بخش ایلشدر . واغنه ر ک اوپه رازرنده بالخاصه جالب دقت اولان جهت ، مغنی طرفندن افاده ایدیه جک حیانتک ، اورکه سترایله تصویر اولونمق ایسته نلسیدر . واغنه ر اسلوبی ، هر مملکت موسیقی شناسلری اوزرنده مهم تأثیرلر اجرا ایتمش ؛ وهردی بیله صوک اثرلرنده بوتأثیره قایلقدن مصون قاله مامشدر . ایسته ، بو احتمالله ، واغنه ر ک اشعه طلوعاتی تان هویزه لرلری ، لوفترین لرلی ، وال کورلری بوتون عالمه نشر ایتمش و بو سایه ده آلمانیا ، جهانده برملت ایچون نصیب اوله بیله جک شعله کاله ایرمشدر . آلمانلر ، واغنه ردن صوکر اجهانده بویوک الحان شناس یتیشامش اولدیغنه قائلدر . فی الحقیقه ، موسیقی شناسلر ، واغنه ردن صوکر ایتیشن مشهور فرانسیز بسته کارلری سن سانه ایله ماسه نایی ، واغنه ری استخلاف ایده جک مرتبه ده بولیورلر .

*
**

اون سکزنجی عصرده ، اوپه رالره یکی بر دوره داخل اولان آلمان موسیقیسی ، اون دو قوزنجی عصرده مملکتک هر طرفنده تأسیس و کشاد ایدیلن دارالالحانلر سایه سنده تعیم و تکمیل ایتمش ؛ و بو سایه ده ، بو عصر ، یالکیز آلمانیا ایچون دکل ، بوتون جهان تمدن ایچون بر موسیقی عصری اولمشدر .

آلمان حیات عرفانه شرف و یرن موسیقی مکاتب عالیسی (دارالالحان) دو قوزدر : برلین ، مونیخ ، درسد ، لایپزیغ ، قارلسروه ، قولونیا ، هیلده سهایم ، نورنبرغ ، وایمار ؛ بونلردن باشقه ، بره سلاو دارالفونونده یالکیز کلیسا موسیقیسنه عائد بر دارالمساعی ، بامبرغده بر موسیقی آفاده میسی ،

دور نمونده نوربصردن محروم اولان عسکرلره مخصوصی بر قونسرو اتوار موجوددر .

دارالالحانلر ، تدریسات اعتباریله آزچوق فرقلر ائانه ایدر . زیارت ایدر . بیلدیکم برلین ، مونیش ، درهسد ، لای بزیغ دارالالحانلری آراسنده ، تأسیساتنک مکملیتی وآلات تدریسیه سنک مبدولیت ونفاستی وبالخاصه مملکتنک الک کزیده استادلرینه مقراولمسی اعتباریله ، برلین دارالالحانی ، شبه یوق که ، برنجی موقعی احراز ایدر برآزادل ، اسمنی حرمله یاد ایتدیکم پروفیسور شه بدک رفاقت لطفکاریسی ودارالالحان مدیری دوقسور بارتنک دلالت مهمانئوازیسیله بو معظم مؤسسه یی زیارت وتدقیقه موفق اولدم .

مکتب دوت بویوک شعبه یی احتوا ایتکده در : بسته کارلق ، اورک سئرا ، پیانو واورغ ، تغنی ! بو شعبه لر دن باشقه ، مکتبک عسکر وکلیسا موسیقیسی ایچون ایکی قسمی دها واردر . برده ، - صنایع نفیسه مکتبلرنده اولدینی کبی - مجروح ضابطان وافراده مخصوص اوله رق مستقل صنفلرده آچیلمشدر . هر شعبه نک معارف نظارتی طرفندن منصوب بر مدیری ، ومکتبک برمدیر عمومیی واردر . مدیر عمومی ؛ مؤسسه نک نظارت عالییه سی وظیفه سیله مکلفدر . فقط ، مکتبی خارجه قارشی تمثیل ایدن ، شعبه مدیرلریله موسیقی آقاده میسنک ایکی کاتبندن مرکب اولان هیأت اداره در . بو هیأته ، هر سنه شعبه مدیرلرندن بری ریاست ایدر . مکتبک مدرسلری ، نظارت طرفندن نصب وتعیین ایدیلیر ؛ ومساعده مخصوصه استحصال ایتمه دجه دیگر برمؤسسه ده وظیفه درعهده ایده مزلر .

دارالالحانه دخول ایچون اون سکز یاشنی اکمال ایتش ، سلطانیلرده خدمت مقصوره صنفلرینه داخل اولمش بولونمق وموسیقی ایچون قابلیت مخصوصه یی حائز اولمق شرطدر . مکتبه قیزلرده قبول اولونور . وتدریسات مختلطاً جریان ایدر . قید وقبول شرائطنی حائز اولمیانلرک ، سامع صفتیه درسره دوامنه مساعدده اولته بیلیر .

حين قبولده ، موسيقيده استعداد و قابليت شرطنه اهميت مخصوصه عطف ايدلمكده در . حتى بعدالقبول ، برنجي نصف سنه درسيه ظرفنده قابليتسرليكي تحقواقيدنلرك قيدرلى تورقين اولونور وبالعكس موسيقيده استعداد فوق العاده سى اولان كنجلرك خدمت مقصوده شرطندن استننا ايدلدكلى نادردكلدر . مدير ، بو قابليت شرطنه بالخاصه نظر دقتمى جلب ايدهرلك ديوردى كه : « موسيقى تحصيل ايدم بيلمك ايجون قابليت فطريه اساسلى بر شرطدر . موسيقيدن برحظ طويه بيلمك ؛ صوتك ، آهنگك مختلف ارتفاعلى آراسنده كي فرق حس ايتمكه توقف ايدر . طنتى تفريق ايدم بيله جك قابليتى حائز اولمايلر ايجون ، موسيقى على العاده بر ترنم يرينه بيله كچه مز . بو كيلرك ، موسيقى تحصيلنه حصر زمان ايتلملى بيهوده در . موسيقى قابليتى ، بر ذكا مسئله سى دكلدر . بز حس مسئله سيدر . ته قدر داهيلر واركه ، موسيقيدن بر حظ طويه مامشدر . مثلا ، ويقتور هوغو ، موسيقى ي « كورولتينك آك آز جان صيقانى » اوله رق نلقى ايدىور . گوته ، موزارتك پارچه لریدن كافى درجه ده متحسس اوله ماديفندن قاچ دفعه شكائتلر ايتمشدر . برنغمه يي ، ديكرندن فرق ايدم بيله جك قدر فيض الحانندن محروم اولان كنجلرى ، بو سقف عرفان آلتنه طوبلامامنى ، اك معقول بر اساس اوله رق قبول ايدىورز . »

قيد و قبول معامله سى ، قيش و ياز نصف سنه درسيه لرى ابتداسنده اولمق اوزره سنه ده ايكي دفعه اجرا ايديلير . يالكوز ، فصل عمومى به داخل اوله جق طلبه ، منحصر آء ياز نصف سنه درسيه سى ابتداسنده قيد ايدلمكه مجبوردر . درس لرندن بر قسمى مجبورى ، ديكر قسمى اختياريدر . بسته كارلق شعبه سى طلبه سى ايجون ، بيانو و تاريخ موسيقى ؛ تغنى شعبه سى ايجون ، نظريات موسيقيه ، بيانو ، تاريخ موسيقى ، ايتاليانجه ، انشاد ؛ اوركه ستر طلبه سى ايجون ، تاريخ موسيقى ، نظريات موسيقيه ، بيانو ؛ بيانو واورغ قسمى ايجون ، تاريخ موسيقى ، نظريات موسيقيه واورغ ترتيبانى درس لرينك تعميقى مجبوريدر .

دارالاحانلرده مدت تحصیل ، غیر معیندر. درسری منتظماً تعقیب ایتک شرطیله طلبه ، تحصیلی ایسته دیکی قدر تمید ایده بیلیر . صنف و مآذونیت امتحانلری ده اجرا ایدلز. تحصیلی کافی کوریلندله تصدیقنامه ویریلیر . هر نصف سنه درسیه ابتداسنده ، مکتبک مسامره سالوننده مسامره لر ترتیب ایدیلیر. مسامره لره مدرسلرده اشتراك ایدر. وشهرک الک کبار عالمه لری وطلبه نك ولیلری دعوت اولونور. خارجدن کیمسه بولونماز . طلبه ، مکتبدن مآذونیت استحصال ایتدکجه خارجده مسامره ویره مز. وبسته لرینی، استادلرینک مساعده سی اولماقچه طبع ونشر ایلیمه مز .

*
**

مکتبک تأمین مکملینی ایچون بر شی اهل ایدلماشدرد. صونک خارجه عکس ایتامسی، درسرك سکون وسلامتله اجرا ایدبله بیلیمسی ایچون درسخانه لرك دیوارلری ، طاوانلری ، قابولری کنیش قماشلرله قاپلامش ، و دوشه مه لر سسی عکس ایتدیرمه جك صورتده ، خصوصی مواد انشائیله وجوده کتیرلشدر. پیانو واورغ کبی، اوزون بر ممارسه یی استلزام ایدن درسلوده ، بر صنفده آلتی شا کرددن فضله بولونه ماز .

مکتبک بک زنکین بر کتبخانه سی ، بر فهرزیات موزه سی وجهانده مثلی بولونمیان بر موسیقی نمونه کاهی واردرد. کتبخانه ده موسیقیه ، تاریخ الحانه عائد هر لساندن بیکلرجه آثار مطبوعه ؛ وبه توفن ، باخ کبی اسانده نك آل یازیلری موجوددر. موسیقی موزه سنده شرق وغربده وتاریخک هر دورنده یاشامش ملتلرك مختلف سازلری ، واک بویوک حکمدارلرك ، استادلرك آثار متروکسی غایت منتظم بر تصنیف داخلنده تشهر ایدلشدر. تورک ، عرب ، عجم موسیقیسنه عائد سازلرده مهم بریکون تشکیل ایدیور. موزه نك، بالخاصه، آلمان حیات موسیقیسنه عائد قسمی ، امثالسز درجه ده مکملدر . بوندن درت بیک سنه اول ، زهرمن اقوامی طرفندن استعمال اولونان بورولردن ،

سازلردن باشلايه رق بوکونه قدر تعقيب ايديلن سير تکامل غايت منتظم بر
سلسله يه تابع اوله رق اراؤه ايدلمشدر .

*
**

برلينده ، صنايع نفيسه آقاده ميسنه مربوط اولوق اوزره ، دارالاحان دن
باشقه ، برده اختصاص موسيقى مکتبی وکلیسا موسيقيسینه مخصوص دارالمساعی
واردور . بومکتبلر ، بالخاصه بسته کار يتيشديرر . هر صنفه قبول ايديلن طلبه ناک
مقداری آلتی تجاوايتمز . موسيقییه قابلیتی اولدینی بر استاد طرفدن تصدیق
ايدیلن هرکنچ ، بومؤسسهره داخل اوله بیلیر . اختصاص موسيقي مکتبلرنده ،
هر اوچ سنه ده بر طلبه آراسنده مسابقه لر ترتیب اولونور ؛ بو مسابقه لرده
احراز موفقیت ايدنلره آقاده می طرفدن مکافات تقدیه ویریلیر . اختصاص
مکتبنده وکلیسا دارالمساعيسنده تحصیل ، مجانیدر .

صنعت و تدریسات صنایع

« حیاتی، دیو حقیقتله چارپیشان قازانیر . » — برعصر اولکی آلمانیا . — ۱۸۷۶ دن صوکرنا صنایعک ترقیسی . — دنیانک الک بیوک کتاب مسجصلی . — نفوس باشنه ، سهده پر کتاب . — دمیر و کومور معدنلری . — دمیرجیلکده انکاترینه تفوق . — نفوسک تزیادی . — برعصرده یکومی بش میلیوندن ، یخش میلیون . — فرانسه ایله برهقایسه . — فن وهندس مکتبلری . — فن مکاتب عالیسی . — تکنیکوملر . — تالی وابتدائی صنایع مکتبلری . — وضعیت جوغرافییه و مکتبلر . — معدن مکتبلری . — کیمی مکتبلری .

« حیاتی، دیو حقیقتله چارپیشان قازانیر ! » .. آلمانیا، بوفکرک الک بازو تجلیکاهیدر . ده برعصر اول ، آلمانیا، اقتصاداً فقیر و پریشان بر مملکتدی . شیمیدیکی آلمان اراضیسنده ، اوزمان ، یکرمی بش میلیون نفوس یاشایور و بونک اوچ ربی قروی بر حیات کچیریوردی . زراعت ابتدائی ، صنعت و تجارت مفقود بر حالد ایدی . ۱۸۳۵ تاریخنه قدر ، مملکت ، ترقیات اقتصادیه نیک مهم وسائطندن ، طرق نقلیه دن محروم و فضله اوله رق اوتوز سکز داخلی کومروکله تجارت قابولری کلیاً مسدود ایدی . بو تاریخده ، بر طرفدن آلمانیا نیک برنجی شومندوفر خطی ، نوره مبرغ — فورت خطی کشاد اولونیور ؛ دیگر طرفدن کومروک اتحادی (زولفهراین) ایله داخلی کومروکلر لغو ایدیلهدک ، حیات صنعت و تجارت ککله باشلایوردی . ۱۸۴۵ ده ، اون سنه ظرفنده ، شبکه حدیده نیک ۲۱۳۱ کیلومترویه بالغ اولدیفنی ، صنایعه استحصاله عظیمه باشلادیفنی ، و بالخاصه ۱۸۴۸ اختلاندن صوکرنا ، حمایه پولتیقهسی تعقیب ایدیلهدک ، صنایع داخلیه نیک سرعتله ترقی ایلدیکنی کورییورز . بو ترقی ، ۱۸۷۰ دن صوکرنا اعظمی بر سرعت اکتساب ایتشدی . ۱۸۷۰ مظفریتنی متعاقب ، فرانسه دن آلتان میلیاردلر ، مملکتده فوق العاده بر فعالیت صنایع اوایند برمش ؛ و آلمانیا بو عظیم ثروت ایچنده عادتا سرمست اولمشدی . فی الحقیقه ، فرانسه دن آلتان

ایکی یوز الی میلیون لیرانک بر قسم مهمی ، تجربه لر اوغورنده محو اولدی ؛ و برابرنده بر چوق ثروتلری ده برابر آلوب کوتوردی . فقط ، بوسقوط ، پک آز دوام ایده رک آلمانیا ، طریق صنعت و تجارتده موفقیتله یورو مکه باشلادی .

آرتق ، شماع فن ، کیدیله جک یولی تنویر ایتیش ؛ و آلمانیا ، متین خطوله لرله بویولدن یورو مکه عزم ایلشدی . ۱۸۷۶ دن سوکرا ، آلمانیا ده صنایعک ترقیسی درجه سی حقنده بر فکر حاصل ایده بیلیمک ایچون ، شو ارقامی تدقیق ایتیلدر :

۱۸۶۶ دن ۱۸۷۳ . قدر ، یدی سنه ظرفنده ، ایتالیا ؛ انکلتراه ۴۰ ، آلمانیا به ۸۰ ، فرانسه و بلجیقایه ۲۶۳ لوقوموتیف سپارش ایتیش اولدینی حالده ، ۱۸۷۶ دن ۱۸۸۵ . قدر ، ینه عینی مدت ظرفنده ، انکلتراه به ۴۳۰ فرانسه و بلجیقایه ۷ و آلمانیا به ۳۲۲ لوقوموتیف سپارش ایلشدی .

صنایع معدنیه ؛ ۱۸۰۰ ده ، سنوی ۲۵ میلیون مارقلق محصول و یردیکی حالده ، ۱۹۰۰ ده ، بو مقدار ۴ میلیارد مارقه یوکسملش و صنایع کیمیوه محصولاتی ، یاریم عصر اول غایت اهمیتسز بر راده ده ایکن ، بوکون سنوی بر بوجوق میلیون مارق قیمتده محصول تأمین ایتشدی . صنایع الکتریقیه ده ، صوک بش سنه ظرفنده فوق العاده ثمره لر و یرمشدی . آلمانیا ده ، صنایع الکتریقیه ، ایوم ۶۲۵ میلیون مارقلق بر سرمایه ایله جالیشمقده و ایکی بوجوق میلیارد مارق قیمتده تأسیساته مالک بولونمقده در .

کتابچیلق صنعتی ده ، عظیم ترقیلره مظهر اولش ؛ آلمانیا جهانک الک بویوک کتاب مستحصلکنی احراز ایلشدی . بر عصر اول ، سنوی ۳۹۰۰ اثر طبع ونشر ایدن آلمانیا ، شیمدی ، سنوی اتوز بیک اثر موقع انتشاره وضع ایدیور . کتابچیلقده ، آلمایادن سوکره برنجی کلن فرانسه ده بیله . سنه ده انجق اون اوچ بیک اثر طبع و تمثیل ایدلمکده در . آلمانیا ده نشر اولونان هزاردن ، وسطی اوله رق ، ایکیشر بیک نسخه طبع ایدلدیکنی

فرض ایدم جک اولورسوق ، سنهده نفوس باشنه تقریباً بر کتاب اصابت ایدیور دیمکدر .

آلمانیاده کتابجیلوق ایله اشتغال ایدن ۷۵۰۰ مؤسسواردر . بومؤسسولرک ممالک اجنبیه اولان اخراجاتی ، سنوی ۳۰۰ میلیون مارقی تجاوز ایدیور . آلمانیاده ، صنعت تحریرده ، دیگر صنایع کبی تنسیقه تابع طوتلشدر . بوراده ، محررلره اختصاصلری داخلنده موضوعلر تعیین ایدمک ، کندیلری فعالیتیه سوق ایدن ، طابع وناشرلردر . آلمانیاده کی طوفان نشریاتک اک مهم عاملی کتابجیلرک رقابتی و حیات صنعتده کی فعالیت فوقالعاده لیدر .

آلمانی ، صنایعک ترقیسنی ، بالخاصه دیمبر وکومور معدنلرینه مدیوندر . ۱۸۸۰ ده سنوی ۵۰ میلیون طونیلاتو کومور ، ۲ میلیون ۷۰۰ بیسک طونیلاتو دیمبر استحصال ایدلیدیکی حالده ؛ الیوم کومور استحصالاتی ۲۲۵ میلیون ، دیمبر استحصالاتی ۱۵ میلیونه بالغ اولمشدر . یکرمنجی عصره قدر بوتون جهان ، دیمبرجیلکده انکلیزلرک کهنه وارده جق برملت تصور ایدمیوردی . آلمانی ، بو اعتقادک بطلاتی اثبات ایتدی . فیالحقیقه ، ۱۹۰۳ دن بری دیمبر وچلیک استحصالاتی اعتباریه انکلیزیه ده کچمشدر . شیمیدی آمریقا ایله بوی اولیور .

صنایعک بو خارقه نما تکاملی ، آلمانی سیاست اقتصادیه سنهدهده بوبوک برتحول وجوده کتیرمشدر . بوکون ، آلمانی ، منافع اقتصادیه سنک تعلق ایتدیکی بوتون ساحلره اهمیت مخصوصه عطف ایتمش ؛ واولادینی یالکیز آنا حدودی داخلنده چالیشان برزمه فعال دکل ، بلکه آلمان عنصرینک بررول اوینایه بیلیدیکی هر برده ، آنا وطنک حدودلری خارجندهده ، متزاید بر فعالیتله چالیشان برعضو مکمل عد ایلشدر .

آلمانیاده ، حیات اقتصادیه نک تکملی مملکتیه برکتلی برنسل یتیشدیرمش ؛ و بالمقابله ، نفوسک ترایدی وطنه قوتلی برسی اردوسی حاضر لایه رق سعادت

عمومیه به خادم اولمشدر . بر عصر اول ، عینی اراضیده یکریمی بش میلیون انسان یاشارکن ، بومقدار ، الیوم یتمش میلیونه بالغ اولمشدر .

آلمانیاده ، تراید نفوسك درجهسنی دها ای تقدیر ایده بيلمك ایچون ، یاریم عصر اول ، کندیسيله عینی درجهده نفوسه مالک اولان فرانسه آراسنده بر مقایسه یایمیدر : یاریم عصر اول ، هرابیکی مملکتك نفوسی یکدیگیرینه مساوی ، اوتوز دردر بوجوق میلیون ایکن ، بوکون آلمانیا فرانسه دن یکریمی میلیون فضله نفوسه مالکدر . آلمانیاده تراید نفوس ، سنوی یوزده ۱۰۵ : فرانسهده ایسه یوزده ۲۱،۰ در ۱۸۷۱ ده ، آلمانیاده کیلومترو باشنه ۷۶ نفوس اصابت ایدرکن ، بوکون شو مقدار ۱۲۰ یه چیقمشدر . ۱۸۷۱ ده فرانسهك یوز بیک نفوسلی دوقوز ، آلمانیانك اون شهری وارکن ؛ بوکون فرانسهك یوز بیک نفوسلی شهرلرینك عددی اون بش ، آلمانیانك ایسه اللی در !



آلمانیاده صنایعك انكشاف وترقیسنك اك بوپوك عاملی ، فن ومهندس مکتبلیدر . آلمانیا ، اون سکزنجی عصر دن بری تدریسات فیه وصناعیه ایله اشتغال ایتمه باشلامشدر . مملکتك هر طرفنده صنایع تدریسات عینی نسق وطرزده تنظیم ایدلش دکلدر . ایمپراطورلق قانونی ، تشکیلات صنایعه حقتده مواد عمومیه بی شاملدره تدریسات صنایعه ، هر حکومتك قوانین خصوصیه سنه توفیقاً تنظیم ایدلشددر . مع مافیه ، بعض نقاط محدودده دن صرف نظر ایدیلیرسه ، حکومتلك تدریسات صنایعه سی آز چوق بربرینه مشاهددر .

ایمپراطورلق صنایع قانونی ، صنایع مختلفیه سلوك ایده جك کیسه لوك معین بر امتحان کچیرملری اساسنی قبول ایتمشدر . برصنعت ایچون لزومی اولان معلوماتك اکتساب ایدیلوب ایدلدیکنی اظهار ایدن بوامتخانه حاضر لانتق

ایچون ، نامزدلرک معین صنایع مکتبیرینه دوامنه و بناء علیه او مکاتبیک کشادینه لزوم کوسترمشدر . ایمراطورلغه داخل بولونان هر حکومتده کمیچی ، ما کینیست ، دومنچی ، خلاصه مختلف صنایع عملیه مکتبیری بوسیله کشاد و تکثیر ایدلمشدر .

آلمانیاده ، مکاتب عالیته اداره رسمیہ آلتنده بولونمسی قبول ایدلدیکی حالده ، فن و مهندس مکتبیری حقنده - تجارت مکتبیری کچی - بواساس ، آنجیق قسماً جاریدر . بوتقطه نظرندن مهندس و صنایع مکتبیریخی اوچ قسمه آپیرمی ممکندر :

برنجیسی : مؤسسات رسمیہ Staatsanstalten ؛ در . بومکتبلرک برقمسی دوعرودن دوعرویه حکومت طرفندن اداره اولونور . دیگر قسیمی ده حکومت طرفندن اداره ایدلمکله برابر ، مؤسسات صناعیه نیک و جمعیتلرک معاونته مظهر اولور .

ایکنجیسی : مؤسسات بلدیہ Gemeindeanstalten ؛ در . بومؤسسات برقمسی منحصر آ بلدیہ طرفندن اداره اولونور . دیگر قسیمی ده بلدیہ طرفندن اداره ایدلمکله برابر ، علاقہ دار اولان مؤسسات صناعیه نیک و جمعیتلرک معاونته مظهر اولور .

اوچنجیسی : خصوصی مؤسسات Prirvatanstalten ؛ در . بونلر منحصر آ فابریقه لر و جمعیتلر و یا اشخاص طرفندن اداره ایدیلیر . مع مافیه اداره لری مصارف عظیمه اختیارینه متوقف اولدینی ایچون حکومت و بلدیہ لر طرفندن معاونت و حمایت مظهر اولورلر . بلدیہ لرک مساوتی ، علی الا کثر ، مکتبیک مبنی بولوندینی عرصه نیک تبرع ایدلمسی ، یا خود انشاء نیک بلدیہ جه درعهده ایدلمسی صورنیله واقع اولور . بلدیہ لر ، بنسا ایتدکلری مؤسساتلری تماماً تبرع ایدمه جک یرده ، اکثریا ، انشاء آتہ مقتضی پاره نی غایت معتدل فائضله واوزون برمدت ظرفنده اطفا ایدلمک شرطیله اقراض ایدرلر .

آلمانیاده ، فن و مهندس مکتبیری درت درجه اوزریشه مؤسدر :
دارالفنون پایه‌سنده مکاتب عالیہ ، تہ کینقوم لر ، تالی صنایع مکتبیری ،
ابتدائی صنایع مکتبیری !

دارالفنون پایه‌سنده کی فن مکاتب عالیہ سنک Technische Hoh schulen
ظاہری ؛ مستقلاً چالیسہ بیلہ جک و بیوک تشبثات صناعیہ کی ریشہ بیلہ جک
مهندسیری یتیشدیرمکدر. آلمانیاده فن مکاتب عالیہ سی ، اون دو قوزنجی عصرک
محصولیدر. بو مکتبلر ، ۱۸۷۰ تاریخہ قدر دارالفنونک حائز اولدینی حقوقی
حائز دکلردی. اوتاریخندن اعتباراً ، بو حقوقی اکتساب ایتمش و مأذونلرینہ
(دو قور - مهندس) عنوانی ویرلمک باشلانمشدر. آلمانیاده ، الیوم اون بر فن
مکتب عالیسی واردر. بو مکتبلرہ دخول شرائطی ، دارالفنونلرہ قید و قبول
شرائطک عینیدر. مع مافیہ ، نامزدلرک لا اقل بر سنہ بر فابریقہ دہ عملہ لک
ایتمش اولسی شرطدر .

بو مؤسسات عالیہ دن شارلوتنبورغ ، درسد و مونیخ مکتبیرینی زیارت
و تدقیق ایتدم . بو مؤسسہ لر ، ابداعات فنیہ نک اک صوک واک مکمل برر
محصولیدر . بالخاصہ شارلوتنبورغ فن مکتب عالیسی ، معظم و محتشم بر اثر
نفیسدر . فن مکتبی ، باشلیجہ شو قسملری احتوا ایدر : طرق و معابر ،
ماکنہ و الکتریک ، بحریہ مهندسلیکی ، معماری ، کیمیا و صنایع کیمیویہ ،
ریاضیات قسملری ! ہر قسمک مکمل بر موزہ سی ، دارالمساعیسی ، عملیاتخانہ سی ،
ماکنہ لردائرہ سی ، مکتبک معظم بر کتبخانہ سی ، رصدخانہ سی ، فوطوغراف
دائرہ سی واردر .

تہ کینقوم لر Technikum ؛ درجہ تحصیل اعتباریلہ ، فن مکاتب عالیہ سی
ایلہ تالی مکاتب صناعیہ آراسندہ بر موقع احراز ایدر. و مأذونلری (مهندس)
نامنی آلیر . (صنعت آقادیہ سی Gewerbeakademie) نامیلہ دہ یاد اولونان
بو مکتبلر ، فن مکاتب عالیہ سنہ نسبتلہ دہا عملی برر مؤسسہ در . بو مکتبلرہ
سنہ درسیہ اٹناسندہ مذاکرہ لر ، تکرارلامہ لر ، تحریری استجوابلر اجرا

ایدیلیر . ته کینقو ملره ، آلتی سنه لك سلطانی مأذونلری قبول ایدیلیر .
مع مافیة ، نامزدلرك لا اقل برسنه ، بر فابریقه ده عملیات کورمش اولملری ده
لازمدر . مدت تحصیل، یدی نصف سنه درسیه در . صاقسونیا ته کینقو ملرنده
اجرت تدریسه ، صاقسونیا لیلر ایچون سنوی ۱۲۰ ، آلمانلر ایچون ۱۸۰
واجنیلر ایچون ۳۰۰ مارقدر .

بو قسم مکتبلردن که منیج صنعت آقاده میسی - Königliche Gewerbe
akademie میتواید مهندس مکتبی مدیر و مدرسلری رفاقیله زیارت
ایتدم . که منیج آقاده میسی ؛ صاقسونیا داخلیه نظارتنه مربوطدر و دوغروندن
دوغرویه حکومت طرفندن اداره ایدلمکده در . کیمیا ، ماکنه و معماری
شعبه لرینی حاویدر . میتواید ته کینقوم مکتبی ایسه ؛ یاریم عصرلق بر حیاته
مالک خصوصی مؤسسه در . فقط ، مدرسلری صاقسونیا معارف نظارتنك
تنسییله تعین اولونور . مکتب ، میتواید بلدیسه سی طرفندن معاونت مخصوصیه
مظهر اولمقده در . از جمله ، مکتبك انشآت مصرفی کاملاً بلدییه طرفندن اقراض
ایدلش و بو پاره قرق سنه ظرفنده تأدییه اولونورق مکتب ، ابنیه سنه صاحب
اولمشدر . مکتبك شهرت قدیمه سی ، محیطنك سکون و لطافتی ، برچوق
اجنبی کنجلیرینی بورایه جلب ایتمشدر .

هر ایکی مکتبك برر خصوصی فابریقه سی ، متعدد الکتریک دائره لری ،
تجربه خانه لری واددر . مکتبه موجود بالعموم ماکنه لر ، هب مکتب فابریقه لری
طرفندن وجوده کتیرلمشدر . بو فابریقه لرده طلبه عملیات و تطبیقات کوریر .
فابریقه لر خارجدن ده سپارش قبول ایدر . میتواید ته کینقومی ، - یالکز اون
سکزیبک نفوسی حاوی اولان - میتواید قصبه سنك ترقیسنه بویوک خدمت لر
ایتمش ؛ شهرده ، کنجلیر ته کینقوم تحصیلنه حاضر لامق ایچون متعدد دیسه لر
آچیلش ، میتواید عادتاً بر طلبه شهری اولمشدر .

تالی صنایع مکتبلری Mittlere Fachschulen ؛ تشبثات صنایه ایچون
لازم اولان ایشلمه مأمورلرینی ، معلومات صنایه سنی ایلرلتمك ایستین

کوچوک متشبتلری یتیشدیرن مؤسسہلردر . تالی صنایع مکتبتلرینه داخل اوله بیلیمک ایچون، سلطانیلرده خدمت مقصوره صنفلرینه ترفیع ایتیش، یاخود بودرجهده حائز معلومات اولدیغنی بالامتحان اثبات ایتیش اولمق ؛ وباشقهجه بر، بعضاً ایکی سنه بر فابریقهده عملیات کورمش بولونمق لازمدر. بومکتبتلرک اکثری خصوصی آتلهلرلی و فابریقهلری حاویدر. طلبه بورالرده مکتسبات عملیه سنی توسیع ایدر .

بومکتبتلرده مدت تحصیل ، علی الاکثر ، درت نصف سنه درسیه در. مع مافیه ، مدت تدریسیه سی ایکی نصف سنه درسیه دن عبارت اولان ماکنه مکتبتلریده واردر. اجرت تدریسیه ، وسطی اوله رق ، سنوی آلتیش الی یوز الی مارق قدردر .

ابتدائی صنایع مکتبتلری Nidere Fachschulen ؛ بویوک فابریقهلرده استخدام اولونه جق ایکنجی و اوچنجی درجهده مأمورلری و کندی باشنه کوچوک تشبثاته کیریشه بیله جک کنجلیری یتیشدیرن مؤسسہلردر. بومکتبتلره داخل اوله بیلیمک ایچون ، تحصیل ابتدائی بی واون آلتی یاشنی اکمال ایتیش اولمق و بالخاصه حساب ورسمده معلومات کافیه بی حائز بولونمق و بر فابریقهده بر سنه ، بعض مکتبتلرده ایکی سنه ، بالفعل چالیشمش اولمق شرطدر . حساب ورسمده کافی درجهده معلوماتی حائز اولمیانلر ایچون، بومکتبتلرده ، احضاری صنفلری آچیلدینی کبی ؛ خارجهده عملیات کورمیانلرکده ، تحصیل عملی کوره بیلملرینی تأمین ایتیمک ایچون مکتب داخلنده آتلهلرلر تأسیس ایدلمشدر .

ابتدائی صنایع مکتبتلری آراسنده ، دولکر مکتبتلری اک زیاده تعمم ایتمشدر . شهرلرک سرعتله بویومه سی ، مسکنلرک حفظ صحت قواعدینه موافق بر طرزده انشاسی لزومی حس ایتدیرمش ، و بو جهتله منتظم بر تحصیل تعقیب ایتیش اوسته لر یتیشدیرلمک اوزره دولکر مکتبتلری تأسیس و تکثیر ایدلمشدر .

ابتدائی صنایع مکتبلرنده مدت تحصیل، درت نصف سنه درسیه در. بو درت نصف سنه نك بربرینی تعقیب ایتمی ده شرط دکلدر. از جمله، دولکر مکتبلرنده، طلبه یازین عملیات کورمک اوزره تحصیللرینه فاصله ویره بیلیرلر. بو درت نوع فن ومهندس مکتبندن ماعدا، تحصیل ابتدائی بی ا کمال ایتمش و هنوز اون سکر یاشنه بالغ اولامش بولونان کنجلره، معلومات ابتدائیه لرینی توسیع وتکمیل ایتمک مقصدیه، آچیلش بر طاقم صنایع مکتبلری ده ا وادر، که بولر، (اکال مکتبلری) نام عمومیی آلنده یاد اولونور. بو مکتبلری اثرمد آریجه تدقیق ایدیورم.

*
* *

درت درجه اوزرینه مؤسس اولان فن ومهندس مکتبلری؛ بولوندقلری محیطک احتیاجانه، و شرائط اقلیمیه وطبیعه اعتباریه، اوراده ساکن بولونان خلقک طرز اشتغالاتنه کوره مختلف نوعلر اراده ایدر. مملکتک وضعیت طبیعی سنه نظراً موجود فن ومهندس مکتبلرینی اوچ طاقه تفریق ومطالعه ایدیه بیلیر: معادن ساحه سنده، محصولات صناعیه ساحه سنده، دکر ونهر سواحلنده بولونان مکتبلر!

معادن ساحه سنده بولونان مکتبلر؛ علی الاکثر، معدن مکتبلریدر. آلمانیا ده برلین، غلاوستان و فرایبورغ ده بر معدن مهندسی مکتب عالیه سی وبر جوق قالی معدن مکتبی وادر. معدن مکاتب عالیه سنده مدت تحصیل درت سنه در. مکتبلر، معادن، تحت الارض انشاآت، طوز استحصالاتی شعبه لرینی احتوا ایدر. تدریس اولنان باشلیجه قنلرده شونلردر: ریاضیات، طبیعیات، تطبیقات الکتریکه، کیمیای تحلیلی، کیمیای کمی و کیفی، معدنیات، مستحانات، ماکنه انشاآتی.

هر مکتبک موزه و کتبخانه کی دواژندن باشقه، تحت الزمین انشاآت ایچون برر فابریقه سی وادر.

محصولات صناعیه ساحه‌سندہ بولونان مکتبلر؛ ماکنہ ، انشاءات وکیما مهندسلی مکتبلرندن عبارتدر . بوساحه‌ده کی فن مکتبلری بالخاصہ ، ماکنہ ، کمی انشاءاتی ، کمی ماکنہ جیلنی ، الکتریک مهندسلی قسملرنی احتوا ایتمکده در . بوساحه‌ده ، تالی وابتدائی صنایع مکتبلرینک مقداری‌ده کثردر . کیما کرلر ، عالی درجه تحصیل ، فلسفه فاکولته لرنده ، فن و زراعت مکاتب عالیہ‌سندہ کوررلر . بو مؤسسه لرده کیما تدریساتی ایچون آیرنجہ شعبه لر وارددر . کیما کر یتشدیرمکه مخصوص تالی درجه‌ده مکتب موجود دکلدر . یالکز تالی صنایع نسجیه مکتبلرنده بویاجیلغه مخصوص برر شعبه وارددر . ابتدائی کیما صنایع مکتبلرینک عددی‌ده غایت محدوددر . بولرده معدن اوجاقلرنده وبورسلن قاب‌اعمالی صنعتنده استخدام اولونانلره مخصوص مکتبلردر .

دکز و نهر سواحلنده بولونان مکتبلر؛ کمیچی و ماکنیست مکتبلرندن عبارتدر . آلمانیا‌ده Nawigationschule دینلن کمیچی مکتبلری پک زیاده ترقی‌یه مظهر اولمشدر . بو مکتبلرک مدت تحصیلیه‌سی بش الی اون ایکی آیدر . بومکتبلره داخل اوله بیلیمک ایچون ، ابتدائی تحصیلنی اکمال ایتمک وحساب وطوبوغرافیادن امتحان ویرمک کافیدر . بودرجه معلوماتی حائز اولمایانلر ایچون احضاری کیچینک مکتبلری‌ده آچیلمشدر . الیوم ، یالکز پروسیاده اون ایکی کمیچی مکتبی وارددر .

تجارت و تدریسات تجاریه

آلمانیاده تجارتك انكشافی و ترقیبی .- تجارت فیلسی ، اوج میلیون طون .- ۵۰ بیك پوسته مرکزی .- دنیانك اك معظم شركت بحریه سی .- ایمپراطور سفینه سی زیارت .- دنیانك اك بویوك لیرانلری .- هامبورغ لیانی ایچون اختیار اولونان فداكارلق .- بانقهر .- جهان تجارت عمومیه سنده آلمانیا ، انكلتره ایله بوی اولچیور .- یكری سنه ده یوزده یوز ترقی .- آلمانلر ، مادروطن خارچنده .- تجارت مكالاب عالییه سی .- تالی وابتدائی تجارت مكتهلری .- موزلره و خزینه اوراق .- تدریسات تجاریه جمعی .- السنه شرقیه مكتهی .

آلمانیاده تجارت ، اون دو قوزنجی عصر واسطندن اعتباراً انكشاف ایتكه باشلامشدر . ۱۸۳۵ ده ، داخلی كومروكلارك لغوی ، وسائط نقلیه نك تكشیری داخلی تجارتی توسیع ایتدیكى كی ؛ تجارت فیلسنك تأسیس و تزیدی ده خارجی تجارتك ترقیبسه یارديم ایتمشدر . بالخاصه ، ۱۸۹۵ دن اعتباراً ، آلمان حیات تجاریه سنده حمالی بر فعالیت باشلامش ، و آلمانیا صنعت و تجارت عالنده مستثنا بر موقع احراز ایلشدر .

۱۸۵۷ ده ، آلمانیا داخلنده کی یوللر ۳۰ بیك کیلومترو طولنده ایكن ، بالخاصه ، صوك اوتوز سنه ظرفنده کی فعالیت نمره سی اوله رق ، الیوم ۱۰۰ بیك کیلومترویه ؛ شومندوفر خطوطی ۴۶۹ کیلومترو دن ، ۶۰ بیك کیلومترویه بالغ اولمشدر .

آلمانیا ، اوروپاده دمیریولنه اك چوق صاحب اولان مملكتلردن بریدر . آلمانیاده یوز مربع کیلومترو اراضی یه ۱۱ بوچوق ، انكلتره ده ۱۱ و فرانسه ده ۹ کیلومترو دمیریولی اصابت ایدیور .

صوكر ، پوسته و تله فون خصوصنده ده ، اوروپاده ، آلمانیا برنجیلکی احراز ایتمشدر . آلمانیا ، فرانسه دن ۲۰ میلیون فضلّه نفوسه مالك اولدینی حالده ، فرانسه نك ۱۲ بیك پوسته مرکزینه مقابل ، آلمانیاده ۵۰ بیك مركز وارددر . انكلتره ده کی مراکزده ۲۲ بیکی تجاوز ایده میور . كذلك ، فرانسه ده

تلهفون خطوطی ۴۳۰ بیک کیلو مترویه ، آلمانیاده بر میلیون ۴۰۰ بیکه بالغ اولویور .

تجارتک ترقیسنه اک بارز دلیل اولوق اعتباریله ، پوسته مناقلاتی ده تدقیق ایدم بیلیرز: آلمانیاده سنوی ۵ میلیارد مکتوب و پوسته پا کتی نقل ایدلدیکی حالدہ ؛ فرانسه ده آنجق ۲ میلیارد ۷۰۰ میلیون نقل ایدیلور .

آلمانیا استقبالی دکرلرده کوریور ، وبونک ایچون تجارت فیلوسی تزییده جالیشیور . ۱۸۵۰ ده ، تجارت فیلوسنک حجم استیعیایی یاریم میلیون طون ایکن ، ۱۹۱۳ ده اوج میلیون یوز الی بیک طونه بالغ اولمش ، بواعتبارله ، انکتره دن صوکر ا برنجیلکی احراز ایلشدر .

آلمانیا ، تجارت فیلوسی تزیید ایدرن ، کیلرک جسامتری ده متمادی آرتریمغه اعتنا ایتمش ، و بوسایه ده اک مهم سفرلری ، اعظمی برسرعتله اجراییه اجنبی سفائن شرکترلیله رقابته موفق اولشدر . مثلاً ، هامبورغ - آمریکا خطی و نورددویچر لوئید نامنده کی آلمان سیرسفائن شرکتری ، دنیامک اک معظم ایکی شرکت بحریه سی در . ایوم ، شبکه عمومیهنده آلتشه قریب خط اولان ، هامبورغ - آمریکا خطی شرکتنک مختلف جسامت و شکله بر میلیون طونه بالغ اولان کیلری واددر . بو شرکتنک ایمپراطور و فاترلاند ؛ و دیگرینک قولومبوس و هینده نورغ اسملونده کی واپورلری ، آلمان انشآت قنک برر معجزه سی عدا اولونه بیلیر . حربک فردای اعلانندن بری ، هامبورغ لیماننده سسز و ولوله سز اویویان ، و صلحک فردای اعلاننده بو صحنه سکونی بر فریاد آفته صارصه رق ، بوتون سرمایه قوتیله اوقیانوسلره آتیله جق اولان « ایمپراطور » ی زیارت ایدم بیلمشدم . اوتوزبش بیک طون حجمنده ، ۲۴۰ مترو طولنده و ۲۶ مترو عرضنده اولان بو کئی ، بر سفینه دکل ، عادتاً برشهر سابعدر . ایچندن بر فیلک راحتجه کچه بیله جکی دیو آسا باجاری ، ۴۸ مترو ارتفاعنده در . ذروه لرینک الکتریق شراره لر یله بوتون جهان خارجییه مربوط اولان دیرکلری ، قرینه دن اعتباراً ۶۲ مترو یوکسلکه مالکدر .

کینک عظمت تشکیلاتی حقنده بر فکر ایدینه بیلیمک ایچون ، دوشونمایدیرکه ، آلتی بیک یولجی بی کمال استراحتله نقل ایدر ، و مسافر لری اوزون سفرنده نه تیارودن ، قافه قونسردن ، نه غزنه دن ، بانیودن ، سپوردن محروم ایلر . ایچنده واسع تماشا کاهی ، معظم مسامره سالونلری ، بش یوز کشی بی بردن اطعام ایدمه بیله جک لوقانطه لری ، غزنه نشر ایدن بر مطبعه سی ، واسع دکز بانیولری ، سپور محملری واردر .

*
* *

آلمانیا ، بر طرفدن تجارت فیلوسنی تزییده ، دیگر طرفدن لیمانلری دنیانک الک ایشلک واک تجارتکاه لیمانی حالته افراغه چالیشور . بوکون ، اوروپانک ، حتی بوتون دنیانک الک یوکسک لیمانلری - هونغ - قونغ دن صو کرا - انکلیزلرک لوندره ، لیورپول ، قاردیف لیمانلری ایله ؛ آلمانلرک هامبورغ ، برهم و بلجیقانک آنوه رس و روتردام لیمانلریدر . بولیمانلر ایچنده ، فوق العاده برسرعتله ایلریله بن هامبورغ و آنوه رسدر . هامبورغ و آنوه رس ، ۱۸۸۵ دن ۱۹۸۵ سنه سنه قدر بر مثلدن فضلہ بویومشدر . آنوه رس بر ترانسیت لیمانی اولمق اعتباریله ، طالعنی آلمانلر مدیوندر . ۱۹۰۹ تاریخنه قدر لوندره لیمانی ، اوروپاده برنجی موقعی حائز ایکن ؛ بو تاریخدن اعتباراً موقعی هامبورغ و آنوه رسه ترک ایتمشدر . فی الحقیقه ، ۱۹۰۹ ده هامبورغ لیمانه ۲۲ ، آنوه رسه کذلک ۲۲ و لوندره ۲۰ میلیون طون هجومده کمی کیرمشدر . هامبورغ شهری ، لیمانسک بو یوکسک موقعی احراز ایدمه بیلیمسی ایچون هیچ بر فدا کارلقدن قاجامشدر : ألبا متبغنده نهرک تطهیری و اوتوز کیلومترو طولنده ریختم انشاسی ایچون ۴۰۰ میلیون مارق صرف ایدلمش ؛ و سرست لیمان تأسیس ایدمه بیلیمت ایچون ، اولجه بوراده بولونان اوتوز بیک کشیک بر قصبه نك اورته دن قالدیرلمسندده تردد ایدلماشدر .

هامبورغ لیمانی ، حرب مناسبتیله بوتون حیات فعالیتی توقف ایتدیکی بر

زمانده كزيبوردم . فقط ، نظرمی آلوب کوتورن یوزلرجه آنبارلر، حوضلر، ترسانه لر، اعمالخانه لر، بخار و الکتریک ماکنه لری ، نهایتسز کیلر ، ماونه لر لیمانک حال صلحه دنیانک حیرت آور بر فعالیت صحنه سی اولدیفنه شبیه براقیوردی . فی الحقیقه ، صوگ صلح سنه سی لیمان ۷۴ بیک کمی - یومی ایکی یوز سفینه - کیروب چیقمشدر . ألبا طریقیله داخله کلوب کیدن کیلرکده یومی ایکی یوزدن دون اولمدینی دوشونیلیرسه ، لیمانک فعالیتی درجه سی حقیقه تام بر فکر ایدینلمش اولور .

آلمانیه تجارتک توسعنه خدمت ایدن عامللردن بری ده ، اعتبار مؤسسه لریدر . باقه لریک ترقیسی حقیقه بر فکر ایدینه بیلیمک ایمچو ، شوارقامی تدقیق ایتلیدر : ۱۸۴۶ ده ، پروسیاده یالکنز ۴۴۲ مؤسسه صرافلقه اشتغال ایدرکن ، ۱۸۹۰ ده بو عدد ۲۷۶۳ . بالغ اولمشدر . بالخاصه ، ۱۸۵۳ و ۱۸۵۶ ده تأسس ایدن ایکی بویوک مؤسسه مالیه نک « دارمشته دربناق » و « دیسقولنلو گه زملشافت » باقه لرینک ۴۴ میلیون ، وده ایدی آلمان باقه سنک ۱ میلیارد ۴۰۰ میلیون بالغ اولان سرمایه لری ، آلمان حیات تجارتیه سنک توسعنه و ترقیسنه پک جوق خدمت ایتمشدر .

ایشته ، بو واسطه لرله آلمانیا ، جهان تجارت عمومیه سنده ، ایکنجی درجه نی احراز ایلمشدر . آلمانیا ، یکرمی سنه اول ، تجارت عالمده انکلتزه آمریکا و فرانسه نی متعاقب دردنجی برموقی حائزایکن ؛ بوکون انکلتزه دن صوکرکی موقی اشغال ایتمش و آمریکا اوچنجه ، فرانسه ایسه دردنجی موقه دوشمشدر .

آلمانیانک تجارتده نه عظیم خطوه لر آتدیفنی تقدیر ایده بیلیمک ایمچو ، انکلتزه ایله آرالرنده شویله بر مقایسه یایمق ممکنده : ۱۸۸۵ ده ، انکلتز لریک ممالک اجنیه یه اولان مجموع اخراجاتی ۵ میلیارد ۳۲۶ میلیون ، آلمانلریک مجموع اخراجاتی ۳ میلیارد ۵۷۵ میلیون ایکن ؛ ۱۹۰۰ ده انکلتزه نک اخراجاتی ۸ میلیارد ۲۴۵ میلیون ، آلمانلریکی ۷ میلیارد ۱۶۴ میلیون بالغ اولمشدر . بو

حسابه نظراً ، بکرمی سنه ظرفنده ، انکلتره یوزده ۴۵ ، آلمانیا یوزده ۱۰۰ نسبتنده بر ترقی کوسترمشدر .

آلمانلر ، تجارت امليله دنيانك هر طرفه ياييلمشلردر . بوكون ، مادر وطن خارجنده ، آمریقادہ ، مستملكانده ميلیونلرجه آلمان صنعت و تجارت عالمده چالیشیور . اون دو قوزنجی عصر ظرفنده ، بالخاصه آمریقایه بش میلیون آلمان هجرت ایتمشدر . الیوم ، آمریقادہ لسانلرینی ، ملی حرنلرینی تماماً محافظه ایدهرک یاشایان اون ایکی میلیون آلمان وارددر . بوندن باشقه ، اوروپانك هر طرفده آلمان تاجرلرینه تصادف اولونور . فرانسهده ۸۷ بیک ، انکلترهده ۵۳ بیک ، ایتالیاده ۱۱ بیک ، دانیمارقهده ۳۵ بیک آلمان مملکتک حیات تجاریه سنه اشتراك ایه مشدر . بالقان حکومتلرنده ، اسقاندیناویاده و مملکت مزدهده آلمان عنصری ، تجارت عالمك الك فعال اعضاسی میانه داخل اوله بيلمشددر .

*
**

آلمانیا ، حیات تجاریهده کی موقع رفیعنی ، علمی مؤسسه لرینه مدیوندر . آلمانیاده تجارت مکتبلری ، بالخاصه صوك ربع عصر ظرفنده لایق اولدینی ترقیاته مظهر اوله بيلمشددر . ابتداءً ، ۱۸۳۱ ده لای پزینده بر تجارت مکتبی آچیلمش و یاواش یاواش هر طرفده تجارت اودالری و افراد طرفندن بو صنف مکاتب تأسیسنه باشلانمشدر .

آلمانیاده ، عالی ، تالی و ابتدائی درجه لرده اولقی اوزره اوچ صنف تجارت مکتبی وارددر :

تجارت مکاتب عالیسه *Handelshochschulen* ؛ بویوک تشبثات تجاریه یی اداره ایده بيله جك متخصص ، و تالی و ابتدائی تجارت مکتبلرینه معلم یتیشدیرن مؤسسه لردر . ایلک رسمی تجارت مکتب عالیسی ، ۱۸۹۸ ده لای پزینده کشاد ایدلش و بوندن صوکر ، قولونیا ، آخن ، فرانقفورت ، هامبورغ ، برلین ، مونیخ ، هانوراده برر عالی تجارت آقاده میسی

آچيلمشدر . برلين ، لای پزیغ ، هامبورغ ، فرانقفورت ، مونیخ تجارت مکتبیرینی زیارت ایتم . بومکتبلرده ، طلبه ، درسارک برقسمنی دارالفنونده تدرس ایدره . بالخاصه ، لای پزیغ تجارت مکتبنده ، درسارک همان یالکیز عملی قسمی کورستیلیر . طلبه ، نظریاته تعلق ایدن درساری دارالفنونده تعقیب ایدره . آخن تجارت مکتبی ایسه ، مهندس مکتبه مربوطدر . بو جهته ، درسارک قسماً مهندس مکتبنده کوریلیر . فرانقفورت تجارت مکتب عالیه سی ده ، اخیراً تأسیس اولنان فرانقفورت دارالفنونک بر شعبه سی مقامه قائم اولمشدر .

عالی تجارت مکتبیرینه ، آلتی سنه ک سلطانلی مأذونلری قبول اولونور . یالکیز آخن ده ، مکتبه قید و قبول ایدیه بیلیمک ایچون دو قوز سنه ک سلطانیدن مأذون اولوق شرطدر .

تجارت مکتبنده وسطی اوله رق ، بر نصف سنه درسیه ایچون ، یریلردن ۲۰ مارق واجنیلردن ۱۰۰ مارق اجرت درسیه آلتیر . دارالفنون مداوملری ایله سنلری ایلرله مش اولان تاجرلر ، مکتبه سامع اوله رق دوام ایدیه بیلیرلر .

تجارت مکتب عالیه سی پروغراملری ، شودرسلری احتوا ایدره : اقتصاد ملی و اجتماعی ، تاریخ اقتصاد ، علم مالی ، تاریخ تجارت ، نقد و اعتبار معاملات ، سیاست تجاریه ، احصائیات ، سیغورطه لر ، مستملکات پولتیقه سی ، حقوق تجارت بریه و بحریه ، چک حقوقی ، مدخل حقوق ، حقوق اداره ، حقوق دول ، افلاس ، عمله سیغورطه لری ، عمومی واقصادی جوغرافیا ، علم اقوام ، اجتماعیات ، تاریخ ، ادبیات ، تاریخ صناعات ، علوم طبعیه ، مخبرات تجاریه ، اصول دفتری ، حساب تجاری ، ریاضیات ، امتعه تجاریه ، مواد ابتدایی بی مواد معموله حالته افراغ ایتمه ک اصوللری . بوندن باشقه ، هر مکتبنده فرانسزجه ، انکلیزجه ، آلمانجه ، روسجه ، اسپانیولجه ، ایتالیانجه لسانلرندن ایکسی ویا اوچی تدریس اولونور .

تجارت مکاتب عالیہ سنک اکثرندہ ، تالی درجہ دہ کی تجارت مکتبہ لیرنہ معلم یتشدیرن بر دارالمعلمین صنفی واردر . دارالمعلمین طلبہ سی عموم درسلدن ماعدا ، دارالفنون فلسفہ شعبہ سندہ فن تربیہ درس لیرنی تعقیبہ مجبوردر . دارالمعلمین صنفی مداوملوی ، تطبیقات درسیہ ایچون ، وقت وقت تالی تجارت مکتبہ لیرنہ کیدہ دک درسلدہ حاضر بولونور ویا بالذات درس تقریر ایدہ دلر .

تجارت مکاتب عالیہ سنک مدت تحصیلی ، عادیاً دوت نصف سنہ درسیہ در . مع مافیہ ، - دارالفنونہ اولدینی کبی - بورادہ دہ تحصیلک سربستیسی اساسی قبول ایدلدیکی جہتلہ ، طلبہ مدت درسیہ بی ایستہ دیک قدر تمدید ایدہ بیلیر . سنوی امتحان اصولی دہ یوقدر . یالکز مآذونیت امتحانی اجرا ایدیلیر .

هر تجارت مکتب عالیہ سنک بر دیوانی واردر . دیوان ، حکومت قومیسری ، تجارت اوداسندن منتخب اوج اعضا ، مکتبک بولوندینی شهر نامه کوندریلن برمرخص ، دارالفنون مدرسلرندن اوج ذات ، مکتبک مدیر ومدرسری ایله شهرک تالی درجہ دہ کی تجارت مکتبہ لیرنی معلملرندن منتخب ایکی ذاتدن مرکباً تشکل ایدہ در . وظیفہ سی ، مکتبک ترقیاتی تأمین ایدہ جک اسبابی استکمال ایتمکدن عبارتدر .

تالی تجارت مکتبہ لیرنی Höhere Handelschulen ؛ نک غایہ سی کنجلیری ، حیاتلیرنی سرعتله قازانہ بیلہ جک معلومات وقابلیت تجاریہ ایله یتشدیرمکدن عبارتدر . تالی تجارت مکتبہ لیرنہ ، آلتی سنہ ک سلطانی مآذونلری قبول اولونور . بو قسم تجارت مکتبہ لیرنی ، تشکیلات اعتباریلہ ایکیہ آیریلیر : بر قسمی مستقل تجارت مکتبہ لیردر ؛ دیگر قسمی دہ سلطانی مکتبہ لیرنہ ملحق اولان مکتبہ لیردر . مستقل تجارت مکتبہ لیرندہ ، بالخاصہ تجارتی درسلدہ کوستریلیر . ملحق تجارت مکتبہ لیرندہ ایسہ ، دیگر سلطانی درسری میانندہ بالخاصہ تجارتی لملقی اولان مباحث توسیماً تدریس اولونور .

ابتدائی تجارت مکتبہ لیرنی Niedere Fashulen ؛ تحصیل ابتدائیلیرنی

اکمال ایتش کنجیله کوچوک تشبثات تجاریه ده بولونه بیله جک و حیاتیلی قازانه بیله جک معلوماتی اعداد ایدن مکتبلردر . اکثریاء ساده جه « تجارت مکتبی Handelschule » نامیله یاد اولونان بومکتبلر، تشکیلات اعتباریله ایکی قسمدر : برقمسی مستقل تجارت مکتبلری Reine Fachschule در؛ دیگر قسمی مکاتب ابتدائیه مالحق اولان مکتبلردر . مستقل تجارت مکتبلرنده درس لر عمومیله تجاریدر . مالحق اولان مکتبلرده ایسه ، دیگر ابتدائی درس لر میاننده تجارت عائد اولان قسملر ده ا زیاده توسیع اولونور .

بو اوج درجه تجارت مکاتبندن باشقه ، تجارت اکمال مکتبلری واردرکه ، بولنری آیری برقمسده تدقیق ایدیورم .



علی العموم تجارت مکتبلرنده ، نظر دقیمی جاب ایدن نقاطدن بری ، موزهلرله تجارتخانه نمونه لری و خزینّه اوراقدر . هر مکتبه ممالک مختلفه محصولات و معمولاتنه عائد مکمل برر موزه ، تطبیقات درسیه ایچون بر تجارتخانه و یا باقه نمونه سی ، برده خزینّه اوراق واردر . خزینّه اوراق ، آلمانیا ده و ممالک اجنیه ده موجود بالعموم تجارت شرکتلری و تجارت اودالری طرفندن نشر اولان سنوی راپورلری و اوراق تجاریه نمونه لری احتوا ایدر .

تجارت مکتبلرنده تطبیقات و ممارساته بویوک اعتنا عطف ایدلمکده در . اقتصاد و حقوق اداره کبی بعض درس لک ممارسه لری دارالفنونه مربوط دارالمساعیلرله اجرا ایدلیدیکی کبی ؛ برقمس ممارسه لرده مکتب داخنده ، و یا وقت وقت مؤسسات صناعیه و تجاریه بی زیارت صورتیله یاییلیر . بوندن ماعدا ، هر مکتبه ، طلبیه تحریری وظیفه لر ویرلمکده اصولدندر .

تجارت اودالری ، تجارت مکتبلرینه مهم و مالی معاونت لرده بولونور . علی العموم تجارت مکتبلرینک اداره لری ایچون لازم اولان تخصیصاتک مهم

برقسی، تجارت اودالری و تاجرلر طرفندن تسویه ایدیلیر . بومکتبلره، حکومت و بلدیلهر طرفندن ایفا ایدیلن معاونت ایکنجی درجهده در .
تدریسات تجاریهیه تعلق ایدن مسائلی تدقیق و حل ایتک اوزره (آلمان تدریسات تجاریه جمعیتی) نامیله بر جمعیت شکل ایتشدیر. جمعیت، آلمانیاک هر طرفنده اجتماعلر و قونغرلهر عقد ایدرک تدریسات تجاریهیه مکملیتنی تأمین ایدمک اسبابی استکمال ایلهر و رسائل موقوته نشر ایدره؛ آثار تجاریهیه تدارک و احضاری ایچون تشویقات و معاونانده بولونور .

*
**

شرقده اجرای تجارت ایدمکچکله، شرق لسانلرینک تدریسی، آسیانک احوال اقتصادیسی حقنده معلومات اعطاسی مقصدیله برلینده، بر السنه شرقیه آقاده میسی تأسیس ایدلمشدر. بومکتبی، دیگر مکاتب تجاریهیه تشبیه ایتک دوغرو اوله مز. چونکه، شرق آقاده میسنک غایه لرندن بری ده، شهنبدرلک، ترجمانلق کبی خارجییه مأموریتلرنده بولونه جقلره و ممالک شرقیه ده کی آلمان مکتبلرنده معلمک ایدمکچکله، بومکتبلرک لسانلری، عادتلری، اجتماعاتی حقنده صحیح معلومات ویره بیلیمکدر. ۱۸۸۹ ده، بسبارق طرفندن تأسیس ایدیلن بو مکتب، آلمان مؤسسات علمییه سی آراسنده مهم برموقع احراز ایلشدر. خارجییه نظارتی، ممالک اجنیهیه مأمور اوله جقلرک بومکتبدن نشأت ایتش اولماسی اصول اتخاذا ایتدیکی کبی؛ معارف نظارتی ده اخیراً آسیاده معلمک ایدمک کیمسه لرک بومکتبده اکمال تحصیل ایتش اولماسی اساسی قبول ایلشدر .

آقاده می مدیری مستشرق دو قنور زاخاوک دلاتیله، بو عالی مؤسسه یی تدقیق ایدم بیلیمشدم . مکتبک ایکی قسم طلبه سی واردر : برنجی قسم؛ دارالفنون دوام ایدن سلطانی مآذونلر یدرکه، بونلر ایکی سنه تحصیلدن سوکرا شهادتنامه اخذ ایدم بیلیرلر . دارالفنون طلبه سنک، دارالفنون

دواملرینه خلل کلمکسزین درسلی تعقیب ایدم بیلمه لرینی تأمین ایتک ایچون آقاده میده، درسلی صباح سکزدن اونه قدر دوام ایده. ایکنجی قسم؛ بالامتحان قید و قبول ایدیلن طلبه درکه، بونلره اکمال تحصیل شهادتنامه سی ویرلر.

آقاده میده تدریس اولونان لسانلر شونلردر: تورکجه، عربجه، فارسیجه، ژاپونجه، چینجه، حبشجه، اردو لسانی، آفریقا لسانلری، رومجه، انگلیزجه، فرانسزجه، رومنهجه، روسجه، اسپانیولجه، بلغارجه، صربیجه. هر لسان درسده، او لسان ایله متکلم اولان خلقلک طبایع وعاداته، جوغرافیاسنه، طرز اداره سنه، حقوقنه، اقتصادیاتنه عائد اولق اوزره آیریجه درسلی وارد. حالاً لسان شعبه لرینک الک زکیفی، تورکجه شعبه سیدر. بو شعبه نك بش یوز طلبه سی وارد. مکتبده عمومه مخصوص اولق اوزره آچیلان تورکجه اقشام درسلینه ده بیک طلبه دوام ایتکده در.

زراعت و تدریسات زراعیہ

آلمانیازراعت مملکتی دکلدر۔ — طوپراغک خستی، فن تلافی ایدر۔ — رابفایزدن لر۔ —
چفتجیلره سنوی یدی میلیار اقراضات۔ — زراعت، بیطر و اورمان مکتبلیری۔

آلمانیاء عرض درجه سنه نظر آ، اوروپا حیوبات منطقه سنه داخل
ایسه ده، اقلیمی، اراضینک ترکیبی، ارتفاع زمینی، نہرلری اعتباریلہ ای
بر زراعت مملکتی دکلدر۔ اقلیم و هوا شرق جہتلرنده و جنوب یایلالرنده
چوق سرتدر۔ جنوب طرفلری، داغلق اولوق حبیبیلہ زراعتہ مساعد اراضیسی
آزدر۔ زراعت یالکز ساقس، پوزن و سیلزیایا ایلترلرنده توسع ایتمشدر۔ فقط،
طوپراغک بوخستی، فک فیض و ترقیسی تلافی ایتش؛ صنئی کوبرہ استعمالی
باتاقلق اراضینک تیپسی، عملیات زراعیہ ایچون ماکنہ لر ایجادی سایہ سنده
هکتار باشہ الدہ ایدیلن محصولک مقداری یوکہ لہکہ باشلامشدر۔ شو
مقایسہ، آلمانیانک فنی اصوللر سایہ سنده زراعتده نہ بویوک موفقیتلر تأمین
ایدربیلدیکی نباتہ کفایت ایدر:

۱۹۱۱ده بوغداى محصولی روسیہ ده، هکتار باشہ ۴,۷؛ متحدہ آمریقا ده
۸,۴ فرانسه ده ۱۳,۸؛ مجارستانده ۱۴؛ قاناداده ۱۴ مٹرو کینتال — بر مٹرو
کینتال ۱۰۰ کیلو غرامدر۔ — حاصل اولدینی حالده، آلمانیاده ۶۰,۲ مٹرو
کینتالہ بالغ اولمشدر۔

بالخاصہ، حرب عمومی اثناسنده حیوان وایشچی قوتلرینک تناقصی
تضمین ایتک ایچون، زراعت ماکنہ لرندہ مهم ترقیات وجودہ کتیرلمشدر۔
بو سایہ ده، هیچ بر محارب مملکتده یاییلہ میان زراعت، آلمانیاده مکملآ
اجرا ایدیلہ بیلمشدر۔ آلمانیانک زرع اولونان اراضیسی، حرب اثناسنده
دائما تزايد ایتدیکی حالده، مثلاً، فرانسه و روسیہ ده آزالتمش وانکترده
ثابت بر حالده قالمشدر۔ آلمانیاء دشمن اراضیسی استیلا ایدنجه، ایلک ایشی

بویرلردن ذرعاً اعظمی استفاده تأمین ایتک اولویور. علی الاکثر، برطرفده طولر کورله رکن، دیگر طرفده صاپان حزمه لری وظیفه صلحپورانه لری ایفا ایدیور.

طبیعتک تولا یتشدیرمه که مساعد اولمایان یرلرنده اورمانلر، چاپرلر یتشدیریلور. بالخاصه، جنوبی ووسطی آلمانیاده شمندوفرله سیاحت ایدیه رکن، گذرگاهک کاملاً یشیل اورمانلرله مستور اولدیغنی کوریرسکنز. آلمانیاده ۱۴۰ بیک مربع کیلومتره اورمان واردر. اورمانلرک کثرتی، صنایع خشبه نکه ترقیسی موجب اولمشدر. صوگرا، راین وادیه سنده، ساقسده و ووتنبوغده، باویه راده غایت واسع مرعالر؛ سیزیا، آلساس لورنده طبیعی چاپرلر حیواناتک تکثیرینه خدمت ایتمشدر.

آلمانیاده زراعتک ترقیسی امرنده «رایفایزن» باقه لرینک بویوک تأثیری اولمشدر. «رایفایزن» لر، برر اعتبار زراعی مؤسسه سیدر. بوابقه لرک سرمایه سی، غایت کوچوک حصه لره منقسم سندات ایله تشکل ایدر. شرکته داخل اولان زراع یکدیگرینه متسلسلاً کفیلدرلر. بوصورتله، کوبلی، محتکر فاضیلرک دام احتیالندن تخلص نفس ایدیه بیلیمکده وزراعتی ترقی ایتدیرمک ایچون محتاج اولدیغنی سرمایه یی سهولته الله ایتکده در.

آلمانیاده بش بیکی متجاوز رایفایزن؛ اون ایکی بیکده اعتبار زراعی شرکتی واردر. بو مؤسسه لر آلمان چفتچیلرینه سنوی یدی میلیار فرانق راده سنده اقراضاده بولونور. حال بوکه، دیگر مملکتلرده، مثلاً، فرانسه ده موجودی اوچ بیک راده سنده اولان اعتبار زراعی شرکتلرینک سنوی اقراضاتی ۱۰ میلیون فرانقی تجاوز ایتیهور.

*
**

زراعت، بیطر واورمان مکتبلرینک تکاملی، آلمانیا حیات زراعیه سنک یوکسه لمسه بویوک یاردم ایتمشدر. آلمانیاده زراعت مکتبلری درت درجه

اوزرينه مؤسسدر : زراعت مكاتب عاليهسى، عملى زراعت مکتبلىرى، چفتك مکتبلىرى، سيار زراعت مکتبلىرى .

زراعت مكاتب عاليهسى درتدر : برلين، بون پوپله سدورف، هوهمه-هايم، وای ههستفان زراعت آقاده ميلرى !

زراعت آقاده ميلرنده باشليجه بودرسلى تدريس اولونور : حيوانات، نباتات، فيزيك، اقاليم، عضوى وغيرى عضوى كيميا، كيمياى زراعى، باقتريولوژى، تشریح، غريزيات، نباتات خسته لقلى، تخملىر، حيواناتك تدويسى، معدنيات، زراعى انشات، اورمانچيلىق، حقوق زراعت، اصول محاسبه، اقتصاد زراعى .

عملى زراعت مکتبلىرى؛ حيواناتك تكثيرينى واداره سنى، آلات زرا-عينك استعمالنى، وزراعتك قسم عمليسىنى كوستره مکتبلردر . چفتك مکتبلىرى؛ چفتك وعمله باشيسى يتشديرمكه مخصوص اولان مؤ-سه لردر . بو مکتبلرده اكثر يتله سنهك برقسمنده نظريات، برقسمنده عمليات كوريلير . آلمان ياده بو قيل ايكي يوز قدر مکتب واردر .

سيار زراعت مکتبلىرى؛ منطقه زراعت معلملىرى طرفندن اداره اولونور . مملكتك زراعت ساحه لرى متعدد منطقه لره تقسيم ايدلىش وهر منطقه يه سوتجيكك، چفتك اداره سى، آريجيلىق، ميوه جيكك كې خصوصاتى تعليم وتدريس ايتك اوزره معلملر قمين ايدلىشدور . منطقه معلمى هر كويده بر قاچ هفته قالدورق، كويلى يه غايت عملى صورتده تدريسات اجرا ايدر لر . بيطر مکتبلرينه كلنجه؛ آلمان ياده برلين، هاننوفر، مونىخ، درسد، اشتودغار شهرلرنده بش بيطر مکتب عاليسى واردر . بيطر مکتبلرنده باشليجه؛ نباتات، حيوانات، تشریح، غريزيات، باقتريولوژى، طبابت، جراحى، سيار خسته خانه لر، داء الكلب، نعلبدلق، امراض مستولىه، ضابطه بيطريه، فيزيك، كيميا، حيوانات اهليه، معدنيات، تشخيص مرضى، عمومى مداوات، ذبحيات، لحومك معاينه سى درسلىرى كوستريلير .

آلمانیاده اورمان مکاتب عالیہ سیدہ بش در : موندن ، ٹہرسوالده ،
تاراند ، آشافن بورغ ، آیزہ ناخ مکتبہ لری ! اورمان مکتبہ لرینک مدت
تحصیلی درت ، باخود بش نصف سنہ درسیہ در . پروغراملر ، باشلیجه شو
درس لری احتوا ایدہر : طبیعیات ، کیمیا ، معدنیات ، علم اشجار ، نباتات ،
حیوانات ، اورمان حشرات ، فیزیق ، علائم جویہ ، ریاضیات ، طویوغرافیا ،
اورمانلر تاریخی ، فن زراعت ، اورمان حقوق ، آوجلیق .

تدریسات تالیه

خدمت مقصوره شرائطی . — سلطانلرک مرجعی . — سلطانئ مدیر ومعلمی . —
معلمک حکومت امتحانی . — معاشلر وترفیع اصولی . — مکتبلرک هیأت ادارهسی . —
صنف معلمی . — مکاتب تالیه نك الاساسی . — غنائزوم ، اویره آل غولفه ، وه آل غنائزوم . —
ره فورم سلطانلری . — سلطانله پروگراملری . — خصوصی مکاتب تالیه .

آلمانیهاده ، — علی العموم متحد حکومتلرده اولدینی کبی — معارف
خصوصنده عدم مرکزیت اصولی جاریدر . ایمپراطورلنی تشکیل ایدن
حکومتلرک هربری ، مکتبلرینی وتدریساتنی آرزو ایتدیکی صورتنده تشکیل
وتنظیم ایتک حقی حائزدر . مع مافیه ، ایمپراطورلق معارف امورینه بوس بوتون
بییکانه قالمش دکلدر . از جمله ، خدمت مقصوره به تابع اولق ایچون ایجاب
ایدن شرائطی ایمپراطورلق قانونی تعیین ایتشددر . ایمپراطورلغه داخل بولونان
حکومتلرک جمله سنده ، آلتی سنه ک سلطانئ مآذونلری خدمت مقصوره حقی
حائزدر . بوحق ، ایکی سنه دن عبارت اولان خدمت فعلیه عسکریه نك یالکز
بر سنه اوله رق ایفاسنی تضمن ایدر . خدمت مقصوره حقی احراز ایتک
ایچون ، آلتی سنه ک اعدادی مآذونلریشک (خدمت مقصوره امتحانی)
ویرمه لری شرطدر . بوامتحان ، آلمانجه دن باشقه ایکی لسان اجنیدن ، وبرده
جوغرافیا ، تاریخ ، ریاضیات وطبیعیاتدن اجرا ایدیلر .

آلمانیهاده ، یالکز صاقسونیا ، تدریسات تالیه حقنده بر قانون تنظیم
ایله مشدر . دیگر حکومتلرک تدریسات تالیه قانونی یوقدر . مع مافیه ، علی العموم
آلمان حکومتلرنده ، مکاتب تالیه نك ادارهسی هان یکدیکرینک عینیدر . آرالرنده
جزئی فرقلر وارددر . پروسیادن ماعدا حکومتلرده ، مکاتب تالیه دوغرودن
دوغروه معارف نظارتلرینه مربوطدر . پروسیانک وسقی ومکتبلرینک
کثرتی جهتیله نظارت ، مکاتب تالیه ایله دوغرودن دوغروه اشتغال ایدمبوره .

اوراده ، بو مکتبلرک برنجی درجهده مرجی ولایات تدریسات مجلسری
Prowinzial-Schulkolegien در . بو مجلسر ، ایکی قسم اعضادن مرکدر .
بر قسمی ، بالفعل معلملکده و مکتب مدیریتلرنده بولونمش و فن تربیه
واقف ذواتدر . دیگر قسمی ده مفتشر و اداره مأمورلریدر .

پروسیاده ، هر ولایتده دوت سنده بر ، عموم مکاتب تالیه مدیرلری بر
قونفره عقد ایدره ؛ و مسائل علمیه و تربیویه حقنده مذاکرات اجرا
ومقررات اتخاذ ایلرلر . مع مافیه ، براندنبورغ ولایتک مرکزی اولان
برلنده ، مدیرلر وائلط فلیه نیک مکملیتی دولایسیله ، سنده بر قاچ دفعه
خصوصی اجتماعلر عقد ایدره بیلدکلری ایچون ، بو ولایتده عمومی قونفره
اجتماع ایتمز .

پروغراملرک تنظیمی ودرس کتابلرینک انتخابی نظارتلره عائددر .
پروسیاده درس کتابلری ولایت تدریسات مجلسری طرفندن بش سنه مدته
انتخاب اولونور . هر بویوک شهر بر ایکی دائرة تحصیلییه قریق اولونه رق ،
هر دائرة داخلنده کی مکتبلره بر مؤلفک اثری قبول ایدیلیر . و بر دائرة
داخلنده غنی کتابلر اوقونور .

علی العموم سلطانی شهادتنامه لرینک ، ایمراطورلره داخل بولونان حکومتلرک
هر برنده متقابلاً طائمنسی اساسی قبول ایدلمشدر . هر حکومتده تام برسلطانی
تحصیل مدتی دوقوز سنده در . واک اشاغی صنفه قبول ایدیله بیلیمک ایچون
دوقوز یاشنی اکال ایتمک ، اوچ سنه لک بر تحصیل ابتدائی کورمک شرطدر .
سلطانی طلبه سندن سنوی وسطی اوله رق ۱۲۰ مارق اجرت تدریسه آلییر .
معلم اولادی و فقیر طلبه تماماً و یا قسماً اجرتدن استتنا ایدیلیر .

هر حکومتده ، سلطانی مآذونلری ایچون مآذونیت رؤسی امتحانی شرائطی ده
یکدیگرینک عیندر . مآذونیت رؤس امتحانی ، آلمانجه ، لاتینجه ، روبجه ،
فرانسزجه ، ریاضیات و تاریخ درسلرندن اجرا اولونور .

علی العموم آلمان حکومتلرنده دوقوز و آلتی سنه لک مکاتب تالیه مدیرلری

نظارتجه انتخاب ومأموریتلری باراده حکمدای اجرا ایدیلیر . معلمر ، پروسیاده ولایت تدریسات مجلسلرنجه ، دیگر حکومتلرده نظارتجه تعین ایدیلیر . دو قوز سنه لك سلطانی مدیرلری ، دارالفنون مدسلری و دردنچی صنف مشاور Rat [*] لرله هم رتبه در . صنفلری تمام اولمایان سلطانی مدیرلرینه ، اون ایکنجه مأموریت سنه لرخی متعاقب ، دردنچی رتبه دن « مشاور » عنوانی ویریلیر . مکاتب تالیه معلملری « Oberlehrer » عنوانی حائزدرلر . مقداری ، موجود معلملرک ثلثی تجاوز ایتمه مک شرطیله ، نظارتجه ، معلملردن مناسبلرینه « مدرس » عنوانی ویریلیر .

*
**

مکاتب تالیه قسم تالی معلملرینک ، دارالفنوندن ویا مکاتب عالیهدن ؛ و قسم ابتدائی معلملرینک دارالمعلمیندن مأذون اوله لری شرطدر . مع مافیه ، بوشرائطی حائز اولمایانلر دخی ، بالامتحان تالیه معلملکنی احراز ایده بیلیرلر . بوامتحان ، دارالفنونده اجرا ایدیلن برحکومت امتحانی در . امتحانه داخل اوله بیلیمک ایچون ، دو قوز سنه لك برآلمان سلطانیسندن مأذون اولوق و بر آلمان دارالفنونده اوچ سنه منتظماً تحصیلده بولونمق شرطدر . ریاضیه ، فیزیک وکیما معلملکلی ایچون ، برآلمان فن مکتب عالیسنده بر بوجوق سنه تحصیل ، اوچ سنه دارالفنون تحصیلنه معادل عد اولونور . فرانسزجه وانکلزجه معلملکلی ایچون ، فرانسه وانکلترده تحصیلده بولونمق اولوق ، دارالفنونده بر سنه تحصیل معادل طوتیلیر . مع مافیه ، معارف نظارتلری ، بوشرائطی تعدیل ایتمک صلاحیتی حائزدر . برده ، معلملک شرائطی حائز اولمایان راهبرک نظارتک مساعده سیله علوم دینه معلملکلیینه تعینی حائزدر . معلملرک چین تعینتده ، هانکی درس معلملکنه تعین ایدلدیکی تصریح

[*] Rat آلمان رتب ملکیه سندن بریدر .

ایدلز . درسارک ، معلمارک اختصاصارینه کور توزیی، مکتب مدیرارینه
مانددر .

معلمارک حکومت امتحانی، عموم، و اختصاصی اولمق اوزره ایکی قسمدر:
عمومی امتحان، نامزدک معلمارک ایچون لازم اولان معلومات عمومییه حائر
اولوب اولمادیغنی تدقیقه معطوفدر . هرنامزده، اولاعمومی امتحانه داخل اولور.
بو امتحان، فلسفه، فن تربیه، آلمان ادبیاتی، معلومات دینه درسارندن
اجرا ایدیلیر . عمومی امتحانده موفق اولانلر، اختصاص امتحانه داخل
اولورلر .

اختصاص امتحانی، نامزدک معلمارک طالب اولدینی درسدن و بودرسله
علاقه دار اولان قسارندن اجرا ایدیلیر . نامزدلر بو امتحاندهده موفق
اولدقدن صوکارا، وظیفه به باشلایه بیلیمک ایچون، بر سنده دارالمعلمینلرده
تطبیقات درسیده بولونمغه مجبوردرلر .

حکومت امتحاندهده موفق اوله میانلر، ایکی سنه صوکارا، تکرار امتحانه
قبول اولونه بیلدکلری کبی، امتحاندهده موفق اولدقدن آلتی سنه صوکارا،
دها یوکسک درجهده معلمارک ایچون، ایکنجی بر امتحان طلبنه حقاری وارددر .
پروسیاده، نامزدلر، حکومت امتحانندن باشقه، دها بعض
قیده تابعدر . نامزدلر، امتحاندهده موفق اولدقدن صوکارا، اسمنی ولایت
تدریسات مجلسنک قدم سجنه قید ایندیریرلر . منحل اولان معلمارکله،
نامزدلردن قدم صیراسیله بری انتخاب اولونور . مع مافیه، نامزده، اصالة بر
وظیفه درعهده ایتمزدن اول، تکلیف اولونه حق بر معلمارک وکالتنی قبوله
مجبوردر . معقول بر سبب اولمقسزین قبولدن امتناع ایدن نامزده، برنجی
دفعهده، قدمندن آلتی آی غائب ایدر و تکراری حالنده سجدلن تماماً
اخراج ایدیله بیلیر . برده، نامزدلر بر وظیفه به تعیین ایدیلنجه به قدر، مکاتب
تالیه معلم معاونلکلرنده فخریاً ایفای خدمت ایدرلر .

مکاتب تالیه مدیر لر ینک معاشلری؛ آلمانیا نك مختلف حکومتلرنده، سنوی ۴۵۰۰ ایله ۸۵۰۰ مارق آراسنده تخالف ایدهر. تالیه معلملر ینک معاشلری ده، ۲۷۰۰ مارق دن باشلایه رق ۸۲۰۰ مارق قدر یوکسه لیر. معاشاتک تعیین و تزیید مقداری خصوصنده شو اساس قبول ایدلمشدر :

صنوف تالیه معلملری ؛ دوقوزنجی مدت خدمت سنه سنه قدر، هراوچ سنه ده بر یدیشر یوز مارق ؛ و دوقوزنجی سنه دن یکرمی بشنجی سنه یه قدر هردت سنه ده بر آلتیشر یوز مارق ضمه مظهر اولورلر .

صنوف تالیه معلملرینه بو معاشاتدن باشقه ؛ سنوی معین بر مسکن اجاره سی تسویه ایدیلیر. بو اجاره شهرک بدلات اجاره سنه کوره ده کیشیر . حد اعظمیسی ۱۳۰۰ مارق در . اکثر مکاتب تالیه ده، مدیرلر مخصوص خصوصی دائره لر وارددر. مدیر ، عائله سیله بوراده اقامت ایدهر . خصوصی دائره سی اولمایان مکتبلرده مدیرلر سنوی ۱۸۰۰ مارق قدر مسکن کیراسی ویریلیر .

مکاتب تالیه ده مستخدم غنا ، آل ایشلری ، رسم معلملر ینک معاشلری بواساسلر خارجنده در. بونلر، خارجنده چالیشه بیله کلری ایچون معاشلری ده آزددر. سنوی ۱۸۰۰ مارق دن باشلایه رق ، اون بدی سنه خدمتدن سوکرا ، ۴۲۰۰ مارق قدر یوکسه لیر . بو قسم معلم و معلملر ده سنوی ۸۰۰ مارق خانه کیراسی ویریلیر .

مکاتب تالیه قسم ابتدائی معلملر ینک معاشلری ، علی العموم ابتدائی مکتبلری معلملری معاشاتی حقنده کی اساسلر توفیقاً تعیین ایدیلیر .

بومعاشات ، مصارفی دوغروندن دوغرویه دولت بودجه سندن تسویه ایدیلن مکتبلرده ایفای وظیفه ایدن معلملر شاملدر. بلدیله لر طرفدن اداره اولونان تالی مکتبلری معلملر ینک معاشلری سنوی ۲۰۰ الی ۱۲۰۰ مارق فضلده در. ذاتاً آلمانیا ده بویوک شهرلر ، تالی مکتبلرینی بالذات اداره ایدهرلر .

از جمله، برلین تالیه مکتبترینک مصارفی، عموماً بلدیله لر طرفدن تسویه ایدیلیر.

*
**

مکاتب تالیهده هیأت اداره نامه، یالکز بر مدیر و برکاتب وارددر. مدیرلر، هفتهده اون ایکی ساعت درس ویرمکلهده مکلفدر. مکتبلرده، معید و مربی نامیله کیسه استخدام ایدلر. طلبه نك اداره و تربیه سنه مکتب معلمری نظارت ایددر.

صنفلرک وحدتی تأمین ایتمک ایچون غایت اینی بر اصول اتخاذ ایدلمشدر: هر صنفك Ordinarius، یاخود Classenlehrer نامیله بر « صنف معلمی » وارددر. صنف معلمی، مدیر طرفندن انتخاب و مأموریتی نظارتجه تصدیق اولونور. صنف معلمی، مأمور اولدینی صنف طلبه سنك استعداد و تمایلی، سعی و غیرتی، مکتب خارجنده کی حرکاتی متبادیاً تدقیق و تفتیش ایددر؛ طلبه و لیلریله مخبرات و مناسبانده بولونور؛ طلبه نك تحریری و وظیفه لرینی معاینه ایددرک نتیجه دن مدیریتی خبردار ایله ر. و صنف دفترلرینی طوتار. بوندن باشقه، صنفنده تطبیقات درسیهده بولونان معلم ناصردلرینه رهبرلک ایددر.

معلملرک هفته لقی ساعات اشتغالی، قدملریله معکوساً متناسب اولمق اوزره تحدید ایدلمشدر: معلملر، اون ایکنجی مدت خدمت سنه سنه قدر هفتهده ۲۴؛ یکرمی دردنجی مدت خدمت سنه سنه قدر هفتهده ۲۲؛ یکرمی درت سنه دن فضله خدمتی اولانلر هفتهده ۲۰ ساعته قدر درس آلمغه مجبوردر. معلملر دیگر مکتبده وظیفه درعهده ایددر مزلر.

*
**

آلمانیا، سلطانی مکتبترینک غایه سی، کنجلی تحصیل مالی بی تمقید ایددیله جک معلومات ایله مجهز اوله رق یتیشدیرمکدن عبارتدر. مکتبلرده، معلومات علمییه نك مرکز نقلتی، کنجک آنبیاً تعقید ایددیله جکی مسلک

کوره تعیین ایتک اساسی تعقیب ایدلدیکی جهته ، تحصیل تالی مختلف قسمله آیرلش وهر قسم برنوع مکتب تشکیل ایتشد .

مکاتب تالیه ، پروغراملرنده لاتینجه و روجه موجود اولوب اولمادیغه نظرآ ، اولآ ، ایکی بویوک قسمه آیریلیر : برنجی قسم ؛ لاتینجه و روجه تدریس اولونان سلطانیلردرکه ، Humanistische Anstalt نامی آلتده یاد اولونور . بونلرده ایکی نوعدر : غمنازیوم و پروغمنازیوم لر !

غمنازیوم لک Gymnasium ؛ غایه سی ، حقوق والهیات فا کولته رینه داخل اوله جق کنجلره لاتین و یونان مدنیق حقنه معلومات کافیه ویرمکدر . مدت تدریسه سی دوقوز سنه در . غمنازیوملرده ، اوچنجی صنفدن اعتبارآ فرانسزجه و صوک اوچ صنفده اختیاری اوله رق انکلزجه ده تدریس اولونور . پروغمنازیوم لر Progimnasium ؛ یالکز آلتی سنه یی حاوی اولان غمنازیوم لردر . بومکتبی اکمال ایدنلر ، تعقیب تحصیل ایتک ایچون دها اوچ سنه برغمنازیومه دوامه مجبوردرلر . مع مافیه ، باویه راوصاقسونیا تک پروغمنازیوملریله ، بونلر درجه سنده اولان وورتمبورغک لیسه لری عموماً آلتی سنه دکدر . بعضلری دها فضله ، اکثریسه ده دها نقصان صنفی شاملدر .

لاتینجه و روجه تدریس ایدله یین مؤسسات Lateinlose Realanstalt ؛ ده ایکی نوعه آیریلیر : او برره آل شوله و ره آل شوله لر !

او برره آل شوله لر Oberrealschule ؛ لاتینجه و روجه رینه ، فرانسزجه وانکلزجه تدریس اولونان سلطانیلردر . بونلرک ریاضیه و طبعیه درسلی مفردات پروغرامی ده غمنازیوم پروغراملرندن دها واسعدر . غایه سی ، کنجلری ، بالخاصه ، فن مکاتب عالیسه اعداد ایتمکدر . مدت تدریسه سی دوقوز سنه در .

ره آل شوله لر Realschule ؛ یالکز آلتی سنه یی حاوی اولان او برره آل شوله مکتبلریدر . بو مکتبک مآذونلری ده ، مکاتب عالییه داخل اوله ییلمک ایچون دها اوچ سنه ، بر او برره آل شوله یه دوامه مجبوردرلر .

بو درت نوع سلطانلردن باشقه، هرايكي قسمك تركييله حصوله كلن برطاقم سلطانلر واردركه، بونلرده، ره آن غمنازيوم ايله رآل پروغمنازيوم لردر. ره آل غمنازيوم لر Realgymnasium؛ غمنازيوم لرله او بر رآل شوله لر آراسنده متوسط بر موقعي حائز اولان مكاتب تاليه در. بومكتبلرده، السنه قديمه دن يالكز لاتينجه والسنه جديده دن فرانسزجه وانكليزجه تدريس اولونور. طبعيه ورياضيه درسلى پروغرامى، غمنازيوم پروغراملردن ده ا واسعدر. فايه سى، كنجلى، بالخاصه، فلسفه فاكولته لرينه اعداد ايتمكدر.

ره آل پروغمنازيوم لر Realprogymnasium؛ يالكز آلتى سني حاوى اولان ره آل غمنازيوم مكتبليردر. بو مكتبك ماذونلرى ده تعقيب تحصيل ايتمك ايچون، ده اوج سنه بر رآل غمنازيومه دوامه مجبوردرلر. شوايضاح ايتديكم سلطانلردن باشقه، برده ره فورم سلطانلرلى واردر. ره فورم سلطانلرلى، تشكيلات و پروغرام اعتباريله، ديكر سلطانلرلى عيندر. يالكز، بوراده او بره رآل شوله، ره آل غمنازيوم و غمنازيوم لر بر مؤسسه داخلنده برله شديرلشدر. برده فورم سلطانيسنده برنجى اوج صنفده، او برده آل شوله، ره آل غمنازيوم و غمنازيوم لر طلبه سى مشترك درس كوريرلر. بو صنفلرده، لسان اوله رق، عموماً فرانسزجه تحصيل ايدرلر. طلبه، دردنجى صنفدن اعتباراً، ايكي قسمة آيريلير: او بره رآل شوله طلبه سى متباقى آلتى سنه لك تحصيل آيريجه تعقيب ايدر. بو آلتى صنفده لسان درسى اوله رق فرانسزجه وانكليزجه اوقورلر. ره آل غمنازيوم و غمنازيوم طلبه سى، ده ايكى سنه مشترك درس كوريرلر؛ و بوايكي صنفده فرانسزجه دن باشقه، لاتينجه يي ده تحصيل ايده دلر. آلتنجى صنفدن اعتباراً، بوايكي قسمة منسوب طلبه ده آيريلير. و صوك درت سنه تحصيلنى آيرى آيرى تعقيب ايدهر. ره آل غمنازيوم طلبه سى، بو صنفلرده لاتينجه و فرانسزجه دن باشقه انكليزجه يي؛ غمنازيوم طلبه سى ده روجه، فرانسزجه وانكليزجه يي، يا خود عبرايجه يي تحصيل ايدهر.

ره فورم تشکيلاتنک فائده سی ، مکتبه اوج ویش سنه مشترکاً تعقیب تحصیل ایدلک اعتباریه ، طلبیه ، بو قسملردن هانکیستی ترجیح ایتمک کنیدی ایچون دها مفید اوله جغفی دوشونمکه میدان و امکان برافاسیدر . ره فورم مکتبلرینک الک زیاده تعمم ایتدیکی یر ، فرانقفورت (ماین اوزرنده) شهریدر .

بروسیاده ، علی العموم دوقوز و آلتی سنه لک سلطانیله ، بعضاً (فورشوله Forschule) نامی ویریلن اوج ابتدائی صنفی الحاق ایدیلیر . باویه را ، وورتمبرگ ، صاقسونیا مکاتب تالیه سندم بو صنفلر موجود دکلدر .

سلطانی مکتبلرینک مفردات پروگرامی شو درسلی احتوا ایدر : علوم دینیه ، آلمان ادبیاتی ، تاریخ ، ریاضیات ، طبیعیات ، رسم ، جوغرافیا ، خط ، تربیه بدنیه ، غنا . سلطانیلرک نوعه کوره ، لاتینجه ، فرانسزجه ، وانکلزجه درسلدن بری ویا بر ایکیمی ده تدریس ایدیلیر . درسلی ، هر صنفده - تربیه بدنیه و غنا ده داخل اولدینی حالده - هفته ده ۲۸ الی ۳۳ ساعتدر .

*
* *

آلمانیا ده تالی درجه ده خصوصی مکتب کشاد ایده بیلیمک ایچون ، مدیر ومعلملرک رسمی مکتبه آرانیلان اوصافی حائز اولماسی و پروگراملرک رسمی پروگراملرک عینی اولسی شرطدر . اجنیلر ، نظریات اعتباریه مکتب آچه بیلیرلر . فقط معلم اوله بیلرک حکومت امتحانه تابع اولماسی و بو امتحانه اجنبی تابعیتده بولونانلرک قبول ایدلما مکده بولونماسی جهتیه ، فعلاً بوکا امکان یوقدر .

بلدیله ، اکثریا خصوصی اناث اعدادیلرینه تخصیصات ویریرلر . مثلاً ، برلین بلدیسی بو اوغورده ، سنوی ۱۶۰ بیک مارق صرف ایتمکده در . فقط ، خصوصی ذکور اعدادیلرینه معاونت ایدلایکی نادردر . چونکه ،

آلمانیاده رسمی ذکور مکاتب تالیه سی کافی درجه ده در. بالعکس، رسمی افات
اعدادیلرینک مقداری غایت محدود در .
خصوصی دارالمعلمین کشادینه ده مساعد ایدلمکده در. فقط، رهبانه
بو مساعد بخش ایدلمه مشدر. قتولیک راهبری یالکز اعدادی وابستدائی
مکتبیری کشاد ایده بیلرلر. علی العموم خصوصی مکتبلر، عینی رسمی
مؤسسهر کبی دولتک تفتیشه تابعدر .

دارالمعلمین

دارالمعلمینلر تاریخچهسی . — پروسیاوصاقسونیا تشکیلاتی . — حکومت امتحانی . —
تعلیمات مکتبیلری . — تربیه یغنیه ، آل ایهلری ، صفایع دارالمعلمینلری .

آلمانیا ده دارالمعلمینلر ، یوز سنه لك بر تاریخچه مالکدر . فقط ، ۱۸۲۶
تاریخچه قدر بو مؤسسملر حقیقی معلم یتیشدیره جك اوصافی حائر دکلدی .
بوتاریخچه ، « لودویغ به که ندورف » دارالمعلمینلر ده بعضی اصلاحات وجوده
کتیرمش ، وبالاخیره « ویلهلم هادیش » و « آدولف دیسته روه غ » بو مؤسسهرلك
ترقیسنه پك چوق چالیشمشلردر . بالخاصه ، ۱۸۷۲ دن سوکرا ، بشمارك
همتیله دارالمعلمینلر ، ایمجابات عصریه به تماماً موافق برر ، عرفان مؤسسسهسی
حالی کسب ایتمش ؛ ومعارف ناظرلی دوقتور فالق ورفیق مساعیسی دوقتور
شنایدرك فعالیتلرله ، دارالمعلمینلر کلیسانك نفوذندن بوس بوتون قورتاریله رق ،
کنجیله حر بر تربیه ویرلمهسی اسبابی تأمین اولونمشدر .

آلمانیا ده ، دارالمعلمینلر حقنده بر قانون موجود دکلددر . دارالمعلمین تشکیلاتی ،
عمومیتله ، ایکی شکل اداؤه ایددر . برنجی شکل ، پروسیا تشکیلاتی ؛ ایکنجیسی ،
صاقسونیا تشکیلاتی در . هر ایکی شکله تحصیل مدتی آلتی سنه در . برنجی
شکله دارالمعلمین تحصیلی اوچر سنه مدته ، یکدیگرندن آیری ایکی مکتبه
اجرا ایدیلیر . بو مکتبلرک برنجیسی ، دارالمعلمین احتیاط قسمی Proseminar ؛
دیگری اصل دارالمعلمین Seminar در . ابتدائی تحصیلی اکمال ایدمنلر ابتدا ،
احتیاط قسمنه قبول اولونور . اوچ سنه تحصیل ایتدکن سوکرا ، دارالمعلمینه
داخل اولور . آلتی سنه لك سلطانیلری اکمال ایدمنلر ، دوغرودن دوغرویه
دارالمعلمین صنفلرینه قبول اولونه بیلیرلر . صاقسونیا تشکیلاتنده ، آلتی صنف
هموماً ، دارالمعلمین صنفلی عد اولونور ؛ و بر بنا داخنده بولونور . درت

اولکی صنفده عمومی تحصیل و صوک ایکی صنفده مسلک درسلی تعقیب ایدیلیر .

پروسیا تشکیلاتنده ، مکتبلر آیری و طلبه مقداری محدود اولمق دولا ییسیله ، اداره و تفتیش دهاسیل واسر تربیه دهاسی مضبوطدر . بوعتبار ایله ، برنجی نوع تشکیلات ، دیکرینه ترجیح ایدلمکدهدر . هس و باد غران دوقه لقلرنده ، معملکه حصر حیات ایده جک ره آل و او برره آل شوله مآذونلری ایچون ، دارالمعلمینلرده آیریجه درس لر آچیلمشدر . بو مکتبلر مآذونلرینه ، یالکیز فن تربیه ، اصول تدریس ، تاریخ تربیه و روحیات درسلی کوسترلمکدهدر . دارالمعلمینلر — یک محدود استثنالردن صرف نظر — عموماً حکومت مؤسسه لیدر . و دوغروندن دوزغروییه معارف نظارتلرینه ، پروسیاده ولایت تدریسات مجلسلرینه مروطدر . مصارفی ده دولت بودجه سندن تسویه اولونور . یالکیز ، پروسیا تشکیلاتنده کی احتیاط قسملری بمضاً حکومت ، و اکثریتله شهرلره عائددر .

دارالمعلمینلرده اوقوت دیریلان درس لر شونلردر : علوم دینی ، فن تربیه ، روحیات ، آلمان ادبیاتی ، انگلیزجه ، فرانسزجه ، لاتینجه ، تاریخ ، جوهر ایفاء ، ریاضیات ، طبیعیات ، معلومات مدنییه ، زراعت ، اقتصاد ، حفظ الصحه ، رسم ، موسیقی ، غنا ، آل ایشلری ، تربیه بدنییه .

دارالمعلمینلر ، اکثریتله لیلیدر . نیته کیم ، پروسیا یک ۱۷۵ دارالمعلمیندن ۹۷ سی لیلیدر . لیلی طلبه اباته مصرفی و مکتب اجرتی اوده مز لر . یالکیز ، یمک مصرفلرینی تسویه ایده ر لر . مع مافییه ، فقیر طلبه بو مصرفدن استثناء ایدلمشدر . دارالمعلمین مآذونلری ، بش سنه مدتله ، صاقسونیاده اوج سنه مدتله تکلیف اولونه جق خدمتی قبول ایتمکه ، یاخود کندیلری ایچون اختیار اولونان مصارفی تأدیه ایله مکّه مجبوردر .

دارالمعلمینی اکیال ایده نلر ، حکومت امتحانسه تابعدر . بوامتحان ، معارف نظارتی و ولایت مرخصلریله دارالمعلمین معلملرندن مرکب برهیأت

طرفدن ، دارالمعلمینده ، تحریری و شفاهی اولق اوزره اجرا ایدیلیر .
دارالمعلمینده اکال تحصیل ایتهمش اولانلرده امتحانه داخل اوله بیلیرلر .
امتحانده موفق اولانلر ، مکاتب ابتدائیه معلمکنی احراز ایدرلر . فقط
مسلکده ترفیع و ترقی ایده بیلیمک ایچون ، معلملر ، برنجی امتحانک اجرا سندن
اصغری ایکی ، اعظمی بش سنه صوکر ، دارالمعلمینده ایکنجی بر امتحان
دها ویرمه مجبور دیر .

دارالمعلمین مآذونلری میاننده ، معلمک ایچون فوق العاده قابلیت
کوستره نلر ، — اکثر آلمان حکومتلرینده — دارالفنونه دوام ایتک صلاحیتی
بخش ایدلمشدر . بوضورتله ، فلسفه فاکولته لرینده فن تربیه درس لرینی اکال
ایده نلر ، دوغرودن دوغرویه دارالمعلمین و سلطانی معلمی و مکاتب ابتدائیه
مفتشی اوله بیلیرلر .

هر دارالمعلمینه ملحق ، بر تطبیقات مکتبی واردر . مآذونلرک کوبلرده ،
مختلط مکتبلرده تدریس آئمه بولونا جقلری نظر دفته آله رق ، تطبیقات
مکتبلرینسک مختلط اولماسنه اعتنا ایدیلیر . تطبیقات مکتبلری ، دارالمعلمین
بنالری داخلنده ویا جوارده بولونور .

تطبیقات درس لری منتظم بر پروغرام داخلنده اجرا ایدیلیر . سنه درسیه
ابتداسنده ، هر معلم ، کندی درس نه عائد مباحثک فهرستی طلبیه ویریر .
طلبه ، بو بختلری آرالرنده تقسیم ایدر . معلم ، مراجعت ایدیلر جک آثار
حقننده طلبیه تنویر ایلر . طلبه ده ایجاب ایدن اثرلر مراجعتله درس نی
کاملأ حاضر لامغه چالیشیر .

تطبیقات مکتبنده اکثر درس لر ، دارالمعلمین طلبه سی طرفدن ویریلیر .
تقریر آئناسنده ، مقرر طلبه تک صنف رفیق لری و تطبیقات مکتبی مدیری
و درس معلمی حاضر بولونور . درسک ختامندن صوکر ، — تطبیقات صنفی
شاگردانی حاضر اولقمسزین — مقرر تنقید ایدیلیر .

آلمانیده، اختصاصه تعلق ایدن بعض درسره معلم و معلمه یتشدرمک مقصدیه آچیلش، دیگر دارالمعلمینلرده واردر. تربیه بدنیه، ال ایشلری، صنایع، اعمال، دیلسز و صاگیرلر دارالمعلمینلری بوزمره دندر. اعمال و دیلسز و صاگیرلر دارالمعلمینلری آیری بر قسمده موضوع بحث ایتدیکم ایچون، بوراده دیگرلری حقنده بعض معلومات ویرمک ایسته یورم :

آلمانیده، ابتدائی وتالی مکتبلرینه تربیه بدنیه معلمی و معلمه سی یتشدرمک اوزره آچیلش اولان تربیه بدنیه دارالمعلمینلری عموماً نهاریدر. و تحصیل مدنی غایت آردر. تحصیل، نظری و عملی در. نظری تحصیل؛ تشریح، فن و وظائف الاعضاء، اصول تدریس، تربیه بدنیه نظریاتی و حفظ الصحة اطفالدن؛ عملی تحصیلده جهاستیق، تربیوی اویونلر، اسپورلر، بوزمه و انداخت تعلیملرندن عبارتدر.

اسپانداوده زیارت ایتدیکم تربیه بدنیه دارالمعلمینی مختلف قسملری شاملدر : اصل دارالمعلمین قسمی، بالفعل خدمتده بولونان تربیه بدنیه معلم و معلمه لرینه مخصوص قسم، معلم و معلمه اولمایه جق کنجلره مخصوص قسم، اسپور صنفلری !

دارالمعلمین قسمنه داخل اوله بیلیمک ایچون، بر دارالفنون مداومی، یاخود بر ابتدائی معلم و معلمه سی اولمق شرطدر. بو قسمده معلملر یدی، معلمه لر آلتی آی درس کوریرلر. واکمال مدت ایدنجه بر اهلیت تصدیقنامه سی آلیرلر. بالفعل خدمتده بولونان معلم و معلمه لر، مکتبلرینک تعطیل مدتی اثناسنده یالکیز درت هفته لک بر تحصیل تعقیب ایدرلر. معلم و معلمه اولمایه جقلره اسپور صنفلرینه دوام ایده نلرک تحصیل مدتلی معین دکدر. بونلر، علی الاکثر بر سه قدر تحصیل ایده دلر.

ال ایشلری معلم و معلمه سی یتشدرمک اوزره، پروسیا و صاقسونیده ال ایشلری دارالمعلمینلری تأسیس ایدلمشدر. پروسیاده کی ال ایشلری

دارالمعلمینری، اکثریتله صنایع مکتبیری داخلنده بر صنف مخصوصدن عبارتدر. بو مقصدله برلین، بره سلاو، کونیفسبرغ، هاکن ووستفالیا صنایع آقاده میلرنده دارالمعلمین صنفیری کشاد ایدلمشدر.

صاقسونیاده، لای پزیفده مستقل بر آل ایشی دارالمعلمینی وارددر. باویه راده آل ایشلرینه مخصوص دارالمعلمینلر موجود دکدر. بوراده بر قسم صنعتکارلر، آتله یده بالذات چالیشهرق معلملکه حاضرلانیلر. دارالفنون مدیری پروفه سور فون اشتروپل رفاقیله لای پزیفده کی آل ایشلری دارالمعلمینی تدقیق ایدم یلمش ایدم. بو مؤسسه، دوقتور پایست طرفندن تأسیس ایدلمش، و صاقسونیا آل ایشلری جمعیتک حمایه مخصوصه سنی تأمین ایله مشدر. آل ایشلری دارالمعلمینه، اکثریتله بالفصل خدمتده بولونان ابتدائی معلملری دوام ایتکده در. معلملر تعطیل اثناسنده بورابه کله رک ایکی آی تحصیل ایده رلر. موفقیتی کوریلنلره تصدیق نامه ویریلر. مکتب؛ رسم، دوغرامه جیلق، مجلدلک، دمیرجیلک، ویا لکنز مجروح عسکرلره مخصوص اولمق اوزره — ترزیک و قوندره جیلق شعبه لرینی حاویدر.

صنایع دارالمعلمینلری ده؛ صنایع مکتبیرینه معلم یتیشدیرمکه مخصوص اولان مؤسسه لر در. به قسم دارالمعلمینلر آراسنده، که منیچ صنایع دارالمعلمینی برنجی درجه یی احراز ایده ر. شهرامینی دوقتور فیشه رک دلالت و رفاقیله زیارت ایده بیلدیکم شو مؤسسه، فنک صنعتک اک صوک بدیمه لرینه جلوه کاه اولمشدر. دارالمعلمینه داخل اوله بیلیمک ایچون، یکریمی اوچ یاشنی اکال ایتمش، دارالمعلمیندن مأذون بولونمش اولمق و لا اقل اوچ آی برقا بریقده چالیشمش اولمق لازمدر. صنایع مکتبیری مأذونلری ده، برقا بریقده لا اقل ایکی سنه عملیات کوردکلری تقدیرده دارالمعلمینه داخل اوله بیلرلر.

فادينك موقى وتربيه اناث

آلمانيا فيض كالنى ، آنا قوجاغندن آلمشدر . — اجتماعى حياتك هر صفحه سنده قادين ، ارككك يرينه قائم اولويور . — نفوس عموميه كي بوجلق نامل دوله جق ؟ — آلمان قادين نظرنده اولاد : هر-وكينك اوستنده اوجان بركلهك ! — اناث مكاتب تاليه سى . — اداره بيتيه ، دارالمعلمات ، سلطانى قصبرى . — مدير ومعلملر . — ابتدائى دارالمعلملر . — آل ايشلرى و اداره بيتيه دارالمعلملرى . — آنا دارالمعلملرى . — هورتلر .

« قادينلرني اوقوتمايان ملت ، اوغللرني معنوى اوكسوزلكه محكوم ايتمش ديمكدر . خسرانه آغلاسين ! »
توفيق فكرت

آلمانيا ، فيض كالنى آنا قوجاغندن آلمشدر . والدنك ، چوجوق اوزرندن بوتون حيات مدتجه دوام ايدن تاثيريني نظر دقته آلهرق ، آلمانلر قادين تربيه سنه بويوك اهميت عطف ايتمشلردر . آلمان حيات عرفانده كوريلن كلك ، مهم عامللرندن برى ده قادينلردر . آلمان عائله حياتى ، قادين سايه سنده يوكسه لمشدر . فى الحقيقه ، چوجوق والد قوجاغنه فكرى ، اخلاقى ، بدنى قابليتلرندن هيچ برى توضح ايتكمسز ين كليز . بو قابيلتر ، آغوش مادرده انكشاف وقرر ايدر . چوجوقلرده كي حسيات نحييه نك ايلك تخملى ، والدنك هميله نشو و نما بولور . وظيفه سنى بيلن بر والد ، منسوب اولدينى وطنه فضيلتلره مجهز وطنداشلىر يتيشدير بر .

آلمانلارده كي تدقيق سياحتلوم ، آلمان قادينك ، حيات اجتماعيه نك مهم بر ناظمى اولدينى حقنده كي قناعتلرمي قوتله شديردى . آلمانلارده ، بوكون ، قادينك نفوذ ايتمه ديكي بر ساحه قالمامشدر . آلمان قادينى ، بالخاصه بو حرب ائناسنده ، ارككك چكلكه مجبور اولدينى هر صفحه ده ، آلك يرينه قائم اولمش وبوسايه ده اجتماعى ماكنه نك روشنه مان هيچ خلل كله مشدر . مكتب كرسيلرندن مهمات اعمالخانه لرى ايشچي كنه قدر ، هر طرفده ، قادين ، ارككك يزىنى اشغال ايتمش ، وعزم و فعاليتله حيرت آور موقيتلر كوسترمشدر .

دارالفنون صیرالرنده ارککلرک بوشلفنی طولدیران، مکاتب تالیه کرسیلرنده معلملره وکالت ایدن، خسته خانه لرده یارالیلره بنقان، موقفلرده عسکره اکمک وچای طاغیتان، کوبده ترلارلی سورن، یولده کوپرلری تعمیر وانشا ایدن، شهرده تراموای و آرابه لری سوق واداره ایله یین، تله فونکیزی ایشله تن، مکتوبلریکیزی کتیره ن، غزته کزی توزیع ایدن، اوتله اودا کزی، لوقانه ده بمککزی احضار ایله یین هب اودر.

آلمان قادینی، ساده جه ایی برزوجه، مشفق بروالده دکل؛ بلکه حیات عمومیته هر صفحه سنده ارککه شریکه مساعی اولان بر عضو مکملدر. او، ارککلک اوموزلرینه آتیلمش بریوک دکل؛ حیثیتی بیلن وکندینه حرمت ایتدیره ن بر جمعیت آدمیدر. وبویله اولدینی ایچون حقوقه ده تماماً صاحبدر.

آلمان قادینی، شیمیدن، حربک جمعیتده تولید ایتدیکی درین بوشلقلی دولدرمغه چالیشور. فی الحقیقه، ایشته درت سنه در، مملکتده قوت و زندگی نامنه نه وارسه، هب سوندی. هر محارب مملکتده اولدینی کبی، وطنک اک کزیده کنجلی قیرلدی، افول ایتدی. وطن، احتیاط واستقبال قوتندن بک جوق غائب ایتدی. نفوس عمومیته کی بو بوشلفنی دولدرمفی تأمین ایده جک تدبیرلر نه اولورسه اولسون، یقین بر آتیده بونک تلافیسی ممکن اوله مایه جقدر. بو بوشلق، بلکه جدی وعمومی رسی ایله یکر می سنه صو کرا دولدریله بیله جک. حال بوکه، صلح عقد اولونور اولونماز، بوتون ملت ایچون مدهش بر جدال اقتصادی باشلایه جق. بویکی حربیه شیمیدن حاضر لانتق لازمدر. بونک ایچون، قادینلری ده فردایه اعداد ایتک، حیات معیشتده آنلرکده فعالیتدن استفاده ایله مک ضرورتی واردر. ایشته، آلمانیا، قادینلری، شیمیدن یارینکی حیاتده مظفریتی تأمین ایده بیله جک بر تربیه ایله پرورده ایتکه چالیشور.

بر طرفده حیاته حاضر لانان آلمان قادینی، دیگر طرفده اک مهم وظیفه سنی ده بر لحظه اونوتمش دکدر. آلمان قادینی، چوجوق یتشدیر می

و آتی تربیه ایتمکی ال معزز بروظیفه اوله رق طائیشدر . آنک نظرنده ، ای
و محترم بروالده اولق ، ال یوکسک بر املدر . آلمان قادی ، آشیانه سنده
چوجوق سنی ، سعادت مزده جیسی اوله رق تلق ایدر . آنک فکرنبه ،
بشیکرده کی سودالری بیلمین ، پنجره لوندن چوجوق سسلری طویولمایان
بر آشیان ، ناقص بر آشیاندر . و هرقاص اولان شی کی آز سویلیر . آلمان
قادی نظرنده اولاد ، هرسوکنک اوستده اوچان زمین برکله بکدر .

*
**

آلمان قادینی یارینه حاضرلایان و مواجه مدینده یوکسه لن ، بلا شبهه ،
مکتبلدر . اکثریتله ، ابتدائی صنفلیله دارالفنون صیرالونده مختلط بر
تحصیل تعقیب ایدن قادیلر ، بالخاصه تالی مکتبلده ، ارککلردن ایرلقده در .
بو جهته ، انا نه مخصوص تدریسات تالیه مؤسسه لر نی آیریمجه تدقیق ایتمک
ایجاب ایدمک .

آلمانیده ، انا ث مکاتب تالیه سنی تدقیق ایدم بیلیمک ایچون ، هر حکومتک
بو قسم مؤسسه لر نی آیری آیری کوزدن کیرمه لیدر . چونکه ، تشکیلات اعتباریله ،
ایمپراطورلغه داخل بولونان مختلف حکومتلرک قیز مکتبلری آراسنده فرق
اولدینی کی ؛ عینی حکومتک مختلف قیز مکتبلری ده ، باشقه باشقه تشکیلاته
تابع اولمشدر . مثلاً ، پروسیاده رسمی انا ث اعدادیلرینک بر قسمی اون ،
بر قسمی دو قوز سنه اوزرینه تنسیق ایدلمشدر .

مع مافیه ، بوکون اون سنه لک تحصیل قالی ده کافی کوروله بور . بونک
ایچون ، انا ث اعدادیلرینه ده بعض قسملر علاوه ایدیلرک ، قیزلرک دارالفنونه
حاضرلانه بیلملری ، یا خود معلمه و او خانمی یتیشدیرلر سی اسبابی استکمال
ایدلمشدر . بو صورتله ، بو قسملردن برنی تمقیب ایدمک قیزلر ، اعدادی تحصیل
برابر ، اون ایکی الی اون درت سنه لک بر تحصیل قالی کوریورلر .

بو تشکیلاتی ، مجلاً ایضاح ایدم بیلیم :

اصل اناث اعدادیلری Höhere Mädchenschule؛ اون صنفدن مرکدر.
بو صنفلرک اوچی ابتدائی، اوچی رشدی و صوگ درت صنف اعدادی
صنفلریدر. ابتدائی برنجی صنفه داخل اوله بیلیمک ایچون، دوقوز یاخنده
اولوق شرطدر. ابتدائی و رشدی صنفلرینه ذکورشا کورده قبول اولونه بیلیر.
ابتدائی، یاخود ابتدائی و رشدی صنفلرینک مکتبه ملحق اولماسی مجبوری
دکلدر. بو صنفلری حاوی اولمایان اعدادیلره واردر. بونلره «مخدوف اناث
اعدادیلری Gehobene Mädchenschulen» نامی وریلیر.

اعدادیلره علاوه اولونان قسملره کلنجه؛ بونلر اوچدر: اداره بیتیه،
دارالمعلمات، سلطانی قسملری!

اداره بیتیه قسیمی Frauenschulklassen؛ تالی تحصیلی اکیل ایتدکن
صوکره، دارالفنون تحصیلی تعقیب ایتیه جک و معلمه اولمایه جق قیزلری ائی
بروالده، مدیر برأو خانمی اوله رق یتیشدیرمک غایه سنی تعقیب ایدر. مدت
تحصیلیه سی، اون سنه ک اعدادی تحصیلی متعاقب، ایکی سنه در. بوقسمه
اعدادی تحصیلی اکیل ایتیه مش، فقط درجه تحصیلی و تربیه سی مکتبه
کافی کورولمش اولانلره قبول اولونه بیلیرلر.

دارالمعلمات قسیمی Höheres Lehrerinnen Seminar؛ ابتدائی مکتبلرینه
واناث اعدادیلرینک کوچک تالی صنفلرینه معلمه یتیشدیرمک مخصوصدر.
بوقسمک تحصیل مدتی، اون سنه ک اعدادی تحصیلی متعاقب، درت سنه در.
اعدادی مآذونی اولمایانلره، بودرجه ده حائز معلومات اولدولرینی بالامتجان
اثبات ایتدکلری تقدیرده قبول ایدیه بیلیرلر.

بویاکی قسمنده بعض درسلمشترکدر. اداره بیتیه قسمنه داخل اولانلر،
آرزو ایتدکلری تقدیرده، دارالمعلمات قسمنک بعض درسلرینه سامع اوله رق
دوام ایده بیلیرلر.

اداره بیتیه و دارالمعلمات قسملرینه ملحق بر تطبیقات مکتبی واردر.
هرایکی قسم طالباتی بوراده تطبیقات درسیده بولونورلر. تطبیقات مکتبی،

آنا صنفلیله ابتدائی صنفلیرنی حاویدر. اکثریتله، اعدادینک ابتدائی صنفلیری تطبیقات مکتبی وظیفه‌سنی کوریر. و بوتقیدرده، مکتبه برآنا صنفی علاوه ایدیلیر.

سلطانی قسمی Studienanstalt؛ نك غایه‌سی، قیزلری دارالفنون تحصیله حاضرلامقدر. بوقسم، ذکور سلطانیلری کبی - اوبرره آل شوله، ره آل غمنازیوم و غمنازیوم شعبه‌لرینه آیرلمشدر. اوبرره آل شوله قسمنک مدت تحصیلیه‌سی بش، دیکرلرینک آلتی سهدر. مع‌مافیله، طلبه اوبرره آل صنفلیرینه اعدادینک سکنرنجی صنفی، و ره آل غمنازیوم ایله غمنازیوم صنفلیرینه بدنجی صنفی متعاقب داخل اولدقلری ایچون، نتیجه اعتباریله، هر اوچ شعبه‌ده تحصیل مدتی بردر. یعنی اعدادی صنفلیله برابر اون اوچ سهدر. هراناث اعدادیسنده بوقسملر تشکیل ایدلمش دکلددر. اعدادی صنفلرندن باشقه تشکیلاتی اولمایان اعدادیلر اولدینی کبی، اکثر اعدادیلرده بوقسملردن بری ویا ایکیسی موجود اولور.

آلمانیا‌ده، رسمی اناث مکاتب تالیه‌سی، خصوصی اعدادیلره نسبتله محدوددر. ۱۹۱۱ ایستاتستیقه نظراً، حکومت و بلدیله‌ر طرفندن اداره اولونان اناث مکاتب تالیه‌سنک عددی ۳۶۰ و خصوصی اناث مکاتب تالیه‌سنک مقداری ۴۶۸ در.

*
**

اناث اعدادیلرنده تدریس ایدیلن درس‌لر شونلردر: علوم دینی، آلمانجه، فرانسجه و انکلیزجه، تاریخ، جوغرافیا، علوم طبیعی، حیاتیات، کیمیا، فیزیق، ریاضیات، رسم، یازی، آل ایشلری، غنا، تربیه بدنیه. دارالمعلمات و اداره یتیمه قسملرنده؛ فن تربیه و اصول تدریس، روحیات، معلومات زراعیه، معلومات اقتصادی و حقوقیه، تشریح و غریزیات، حفظ صحت، آل وایکنه ایشلری و دیکیش، اوتو، تطهیر، طباحت، اقتصاد

یپی درسری کوسریلیر . سلطانی قسیرینک پروغراملری ، بعض درسری مستتتا اولوق اوزره ، ذکور سلطانی پروغراملرینک عینیدر .

اثاث اعدادیلرنده ، مدیر و مدیرلرک وقسم تالی معلم و معلملرینک دارالفنوندن ویا مکاتب عالیهدن ؛ وقسم ابتدائی معلم و معلملرینک دارالمعلمین ودارالمعلماتدن مأذون اولملری شرطدور . مع مافیہ ، بو شرائطی حائز اولمایانلر ، ذکور مکاتب تالیهده اولدینی کبی ، بالامتحان تالیه معلم ومعلمه لکنی احراز ایدیهیلیرلر .

اعدادیلرک قسم تالیرلیه اداره ییته ، دارالمعلمات وسلطانی قسملرنده استخدام اولونان معلم ومعلملرک عددآ ، نصف نصفه اولمهسنه اعتنا ایدیلیر . وهرحاله معلم ویا معلملرک مقداری ، عمومک ثلثندن دون اوله ماز . لیلی مکتبلر ، مدیر طرفندن اداره ایدلدیکی تقدیرده ، بهمه حال برده مدیر معاونه سی بولونور .

صنوف تالیه معلملرینک معاشاتی، ذکور مکتبلرده کی معلم معاشاتنه قیاسآ تعیین ایدیلیر . معلملرک معاشلری ده ، ۲۰۰۰ مارقدن باشلایه رق ۴۲۰۰ مارقه قدر یوکسه لیر: اون ایکنجی مدت خدمت سنه سنه قدر، هراوچ سنهده بر دردر یوز واون سکزننجی مدت خدمت سنه سنه قدر، هراوچ سنهده بر اوچر یوز غروش ضم اولونور . معلملره معاشدن باشقه ، مکاتب تالیه معلملرینه ویریلن مقدارده ، سنوی معین برمسکن اجاره سی ویریلیر . مکاتب تالیه غناه، آل ایشلری ورسم معلملرینک معاشلری ۱۴۰۰ مارقدن باشلایه رق اون بش سنه خدمتدن صوکرا، ۲۰۰۰ مارقه بالغ اولور . بوقسم معلملره ده، بودرسر معلملرینه ویریلن مقدارده خانه کیراسی تسویه ایدیلیر . قسم ابتدائی معلملرینک معاشاتی، علی العموم ابتدائی مکتبلری معلملرینک معاشلری حقنده کی اساسلره توفیقآ تعیین ایدیلیر .

آلمانیاده ، مستقل اوله رق تأسیس ایدیلن دارالمعلماتلرک عددی محدوددر . اعدادیلره ملحق اوله رق تشکیل ایدیلن دارالمعلماتلر ایسه بونلرک فوقنده ، احضاری درجه سندهدر . بوملحق دارالمعلماتلرک مأذونه لری ، قالی مکتبلردهده معلمه لک ایده بیلیرلر . ابتدائی دارالمعلماتلرک اکثریسی ، خصوصی مؤسسه لردر . مثلاً ، پروسیاده کی عموم رسمی دارالمعلماتلرک عددی ده انجق ۱۷ در . حال بوکه ، ابتدائی دارالمعلمینلرک مقداری ۱۷۵ . بالغ اولو یور .

ابتدائی دارالمعلماتلرک برنجی صنفلرینه ابتدائی مکتبلری مأذونلری قبول ایدلمکدهدر . مدت تحصیایه لری بش سندهدر . بودارالمعلماتلر آراسنده هامبورغ دارالمعلماتلری بالخاصه شایان تدقیقدر . هامبورغ شهرنده ، ایکی دارالمعلمات واردر . بو مکتبلردن برنجی ، شهر تدریسات قالیه مشاوری پروفه سور پوتهر رفاقیله زیارت ایده بیللمشدم . هامبورغ ، معلملرنی الک جوق اقدار ایدن بر شهر اولدینی ایچون ، مکتب ، آلماننک الکزیده معلم ومعلمه لرینک ید اقتدارینه تودیع ایدلمش ؛ هر درلو لوازم وآلات درسیه ایله مکملأ تجهیز اولونمشدر .

*
* *

آنا مکتبلرینه معلمه ییشدیرمک مخصوص آنا دارالمعلماتلری ده آچیلمشدر . بو مؤسسه لرده اکثریتله خصوصیدر . پستالوجی - فروبهل دارالمعلماتنده بو قسملر موجوددر . بر قادین جمعیتنک حمایه مخصوصه سی تحتده اداره اولونان وآنا دارالمعلماتی ، آل ایشلری ، اداره بیتیه وطباخت قسملرنی احتوا ایدن بو مؤسسه عالیه نك تشکیلات و اداره سی ، براندنبورغ تدریسات مفتشی دو قنور بوراینک دلالت ورفاقتیه تدقیقه موفق اولمشدم .

پستالوجی - فروبهل مؤسسه سی ، یالکز آلمانیاده دکل ، بوتون جهانده کی امثاله رقابت ایده جک بر مکملیتی حاضردر . الکز نکیکن طائله قیزلرینه مقر تحصیل اولان بو دارالمعلماتنک ، حیات معنویه سی قدر ،

حیات مادیه سی‌ده مکملدر . مکتبه ، دارالمعلمات قسملرینه تطبیقات وظیفه سنی ایضا ایتک اوزره ، متعدد آنا صنفلری وهورت لر آچیلمشدر . هورت ، ابتدائی مکتبلرنده تحصیل ایدن واولکله دن صوکر ، کیده جک یری اولمایان فقیر چوجوقلر ایچون آچیلمش اولان ملجألردر . بو ملجألره اون آلتی یاشنه قدر قیز وارکک شا کرد قبول ایدیلیر . ارککلره دوغرامه . جلیق ، مجلدک ، سبتجیلک ؛ قیزلره نقش ، دیکیش و ییچکی کوستریلیر . وجوده کتیریلن اشیا ، مکتب نامه ساتیلیر . وشا کردانه بر حصه تفریق ایدیلیر .

أل ایشلری معلمه سی یتیشدیر مک اوزره اکثر اناث صنایع مکتبلرنده بر دارالمعلمات صنعی کشاد ایدلشددر . بو صنفلرده تحصیل مدتی برسنه در . درس لر ؛ ایکنه ایشلری ، دیکیش ، ییچکی ، تعمیر ، یامه ، بروده ری ، باطرون اوزرینه رسم ، حاضر البسه جیلک ، چاشیر طاقلری ، کیمیا ، رسم ، فن تربیه ، حفظ صحت ، آلمانجه ، معلومات مدنیه ، حساب ، موسیقی ، تربیه بدنیه دن عبارتدر .

اداره یتیه درس لرینه معلمه یتیشدیر مک مقصدیله ، اداره یتیه دارالمعلماتلری ده تأسیس ایدلشددر . پستالوجی - فروبهل دارالمعلماتنک أل ایشلری و اداره یتیه قسمنک مدت تحصیلی ؛ برسنه سی مشترک ، برسنه سی آیری اولق اوزره ایکی سنه در . بو قسملره داخل اوله بیلیمک ایچون بر اناث اعدادیسندن مأذون اولق لازمدر . اکمال تحصیل ایده نلر ، بر حکومت امتحانی کچیردکن صوکر ، مکاتب تالیه ده أل ایشلری و اداره یتیه معلمه لکلرینی احراز ایده بیلیر لر .

تدریسات ابتدائیه

ملتك حیات سیاسیه سنده ألك مؤثر قوت « لوتر » تحصیل ابتدائینك اساسلری .
قویور استقبال ، تربیه مسئلهسی اك ایی حل ایدن ملته عائددر مجبوریت
تحصیل ابتدائی مکتبلری ابتدائی معلم ومعلملری تحصیل ابتدائی وتالی ایچون
سنوی ۷۰۰ بوجوق میلیون مارق .

ملکتمده جدی ودواملی برتجددك مبدئیی ، خلقك منور قسمنده دكل ،
كتله عوامده آرامق ایجاب ایدر . بر ملتك حیات سیاسیه سنده اك مؤثر
قوت ، اودر . عوام ، افکار ومعلوماتندن ، اعتقادات فکریه سندن زیاده ،
حسیاته ، مروتات وغنعاتنه وخارجی تلقیناته تابع اولدینی ایچون ، ابتداء ،
آنلری تعلیم وتربیه ایتك ، معرفتی آنلر آراسنده تعمیم ایله مك لازمدر . بو
مقصدله دركه ، هریرده تحصیل ابتدائینك مجبوریتی اساسی قبول ایدلمشدر .
مجبوریت تحصیل ، آلمانیاده اون آلتنجی عصردن اعتبار آباشلا یور . اون
آلتنجی عصرده ، لوتر پروتستانلی تأسیس ایدنجه ، تحصیل ابتدائینكده
طبیعتیه ، تمیل طاشلری آتلمشدر . پروتستانلقد هر کس کندی وجدانه
قارشى مسئول اولویور ، وبونکچون هر فرد اینجیك مندرجانه وقوف کسب
ایتمك مجبوریتنده بولونیوردی . لوترك یاپدینی دینی انقلاب ، عینی زمانده
تربیی برانقلابی ده احتوا ایدیور ، پروتستانلق علم ایله دینی توحید ایله یوردی .
لوتر ، پروتستانلی نشر وتعمیم ایتك ایچون ، تحصیل ابتدائینكده عمومیه
له شیرلمسینه چالیشمش ، ویکی مکتبلر کشاد ایدمك اوزره حکومتدن تخصیصات
آله بیلمشدر . بو صورته ، دولت ، یاواش یاواش کلیسا یرینه قائم اولمش ،
ومعارف تشکیلاتی آله آلمشدر .

تحصیل ابتدائینك مجبوریتی ، اون سکنزنجی عصرک نصفه دوغرو ،
ایمپراطورلنی تشکیل ایدن حکومتلرک کافه سنده تصدیق قانونییه اقرار ایتمش .

واون دوقوزنجی عصردن اعتباراً ، بلا استثنا هر طرفده تحصیل ، بالفعل مجبوریته آئنه آئمشدر. بالخاصه ، ۱۸۷۰ مظفریتدن سوکرا ، بومجبوریت ، الک مقدس بر وظیفه ملقی ایدلمشدر. فی الحقیقه ، ۱۸۷۰ مظفریتک سری ، آلمان حریتک ، فرانسز عرفانه تفوقدن نشأت ایتدیکی ، سه دانک حقیقی قانچلری ، ابتدائی معلمری اولدینی قناعتی تقرر ایتمش و بوتاریخدن سوکرا ، وظیفه تحصیل بوتون ملتک وجداننده کوکله شمشدر .

حیات اقتصادیته انکشافی ده ، تحصیل مجبورییه قارشلی اولان شوق وانجذابلی تزیید ایلهمشدر. فی الحقیقه ، تحصیل و تربیه ایله اقتصادیات آراسنده صیقی بر رابطه واردور. زراعت ، صنعت و تجارتک ترقیبی ، یالکیز کاشف و مختزلرک تفوق ذکاسنه دکل ؛ بلکه ، عمله سفکده عرفانه باغلیدر . دیگر جهتدن ، احوال اقتصادیته تکاملی ، مکتبلرایچون دهافضله مصرف اختیارینی تسهیل ایدر و بالخاصه چوجوقلرک آل امکندن استغنا حاصل ایدرک ، کنجیله تربیه فکریه لری ایچون زمان براقیدریر .

آلمانیا ده ، تحصیل ابتدائینک منافعنی تقدیر حسی تدریجاً ، اهلینک بوتون طبقاتی آراسنه نفوذ ایتمش ، و « تحصیل مجبوری » کلمه سی یاواش یاواش آلمان لسانندن قالمشدر. بوکون ، آلمانیا ده ، چوجوقلرینه مکتب تحصیلینی تأمین ایتک ایچون ، وسائط ممکنه نی استعمال ایتیه چک برتک بابا تصور ایدیلهمز . بو سایه ده درکه ، آلمانیا ده اوقویوب یازمه بیلهمینلرک عددی همان صفر درجه سنه ایتمشدر : ۱۹۱۳ ده ، خدمت عسکرییه داخل اولان عسکرلردن ، اون بیکده یالکیز دردی مکتب تحصیلی کورمه مشدی . مع مافییه ، بو تحصیل کورمه مش اولان نفراتک نصفنی ده ، کنجک حیاتی ممالک اجنبیه ده کچیرمش اولانلرک تشکیل ایتدیکنی اشارت ایتک ایجاب ایدر. خلاصه ، استقبال ، تربیه مسئله سنی الک ایی حل ایدن ملته عائد اولمق لازم کلیورسه ، شبهه یوق که ، آلمانیا ، بوسلطنت آتینک حکمرانی اوله جقدور. چونکه ، آلمانیا ، مملکتنده تحصیل مجبوری نی الک ایی صورتده تطبیق

ایتمش ، هر درجه تحصیل الك قابلتلی معلملریدینه تودیع ایله مش ، مکتبلری
الك مکمل تشکیلات و اصلاحاته مظهر قیلمشدر .

*
**

آلمانیاده تدریسات ابتدائیه نك غایه سی ؛ کنجلره ملی و دینی بر تربیه
ویرمکدن ، عملی حیاته کندیلرینه لازم اوله حق معلومات عمومیه یی اوکره تمکدن
عبارتدر .

مجبوریت تحصیل ؛ باویه را و مکتنبورغده آلتی یاشندن اون اوچ یاشنه ،
وورتنبورغده یدیدن اون درده ، و دیگر متفق حکومتلرده - واستناء مونیخ
شهرنده - آلتیدن اون درت یاشنه قدر دوام ایدهر . ذکا و تربیه سی کافی درجه ده
تکامل ایتمه مش اولان چوجوقلر ، هر طرفده بر ، و ورتنبه رغده ایکی سه
دها فضله مکتبده آلیقونه بیلیرلر . و ورتنبه رغده ده ، بنیه سی مساعد اولان
چوجوقلر ، آلتی یاشندن اعتباراً تحصیله باشلایه بیلیرلر .

مجبوریت تحصیلیه دن هیچ برچوجوق صورت دائمده استننا ایدیله مز ،
اسباب صحیه بناء ، موقتاً استننا جائزدر . اونی ترک ایده میه جك درجه ده
معلول اولان اطفاله ، خانه لرنده ، سیار معلملر طرفندن درس ویریلیر .
ضعیف و غیر طبیعی چوجوقلرله ، اعمی و صاغیر و دیلمزلر ایچون آیری
مکتبلر کشاد ایدلمش اولدینی جهتله ، بو مجبوریت آنلر حقنده ده تماماً
تطبیق ایدلمکده در . صاغیر و دیلمزلر ایچون ، مجبوریت تحصیل ، یدی
یاشندن و کورلر ایچون بش یاشندن اعتباراً باشلاهور .

تحصیل ابتدائی یی اکمال ایتدکدن سوکرا ، قالی تحصیلی تعقیب ایتمه جکلر
ایچون ، مجبوریت تحصیل دها بر ایکی سنه دوام ایدهر . و بوکیلر اکمال
مکتبلرینه قبول اولونور . بو جهتی آریجه تدقیق ایده جکم .

آلمانیاده تحصیل ابتدائی عموماً بحانی دکلددر . چوجوقلرون علی الاکثر
بك کوچوک بر اجرت درسیه آلتیر . مع مافیه ، فقیر طلبه اجرندن استننا

ایدلدیکی کبی ، بعض یرلرده ، ولایت بودجهلرنده آجیق بولونمادیجه عموماً
اجرت دخی استیفا ایدلر .
طلبه دن آلتان اجرت اکثریتله ولایتلره ، باویه را و آلاس لورنده
معلملره عاندر .

.*

آلمانیاده ، هر مذهبك كندینه مخصوص ابتدائی مکتبلی وارد .
پالکز بر قاج حكومتده قاتوليك و پروتستان چوجوقلری بر آراده تدریس
ایدلکده دره . مع مافیه ، بو مکتبلرده تدریسات دینه آیریدر . هیچ بر مذهبه
منسوب اولمایان غیرروحانی عمومی مكاتب ابتدائیه نك عددی غایت محدوددر .
ذکوروانانه مخصوص مختلط مكاتب ده آذر . اکثریتله قیز وارلك چوجوقلر
ایچون آری آری مکتبلر آچیلمشدر .

شهرلرده ، عینی ابتدائی مکتبنده قیز وارلك چوجوقلر ایچون آری بنالر
تخصیص ایدلشددر . بو بنالر ، یکدیگرینه ملاصقدر . فقط بانچه لری آیریدر . بر بنا
داخلنده تحصیل کورده قیز وارلكلر كده ، صنفلی آیرلشددر .

آلمانیاده ، ابتدائی مکتبلرینه ، بری نینسانك برنجی کونه ، دیگری
تشرین اولك برنجی کونه قدر آلتی یاشنه واصل اولانلره مخصوص اولمق
اوزره ، سنهده ایکی دفعه طلبه قبول ایدیلر . ویاذ وقیش دووه قبولیه لرنده
قید اولتان شا کردلر ، آری آری صنفلرده تحصیل ایتدکلی جهته ، ابتدائی
مکتبلرنده صنفلر دائما ایکیشر شعبه در . بو صنفلره ، تصادف ایتدکلی
بایراملره اضافه پاك سیستمی ، سهن میشل سیستمی عنوانی ویریلر .

قیز وارلك چوجوقلره مخصوص ابتدائی مکتبلی اوچ قسمدر : کوی
مکتبلی ، شهر مکتبلی ، نمونه مکتبلی !

کوی مکتبلی Folksschulen ؛ برالی درت درسخانه و معلمی مکتبلردر .
کوچوك کویلرده کی مکتبلر ك اکثری ، بر درسخانه و معلمی ابتدائی

مکتبیدر. میتواند جوارنده ، بر کویده بویه برمکتبی زیارت ایتدم. بورایه مجبورت تحصیل دوره سی داخلنده بولونان مختلف یاشلرده چوجوقلر دوام ایدیور، وطلبه مقداری بر صنفده یتمنی تجاوز ایله یوردی .

بر درسخانهلی مکتبلرده شاگردلرک عددی سکسانی تجاوز ایتدیکی ، وایکنجی بر معلم تدارکنه امکان مالی اولمادینی تقدیرده ، چوجوقلر یالکنز یاریم کون درس کوریرلر. ومکتب ، (یاریم کون مکتبی Halbtagschule) نامنی آلیر . ایکی درسخانه ومعلمی مکتبلرده شاگردلرک عددی یوز یکری یی تجاوز ایتدیکی تقدیرده، اوچنچی بر درسخانه کشاد ومعلملر اوچه ابلاغ اولونور.

بر وایکی درسخانه ومعلمی مکتبلر مختلطدر . اوچ ویا دهها زیاده درسخانهلی مکتبلرک یوقاری صنفلرنده قیز وارکک چوجوقلر یکدیگرندن تفریق اولونور .

شهرمکتبلری Bürgerschulen ؛ یدی وسکنز صنفلی ابتدائی مکتبلریدر. قیز وارکک چوجوقلر ایچون ، آیری آیری شهر مکتبلری آچیلمشدر . نمونه مکتبلری Mittelsschulen ؛ بویوک شهرلرده آچیلان دوکوز صنفلی مکتبلردر. بو مکتبلرده ، تدریسات عمومی دن باشقه ، بر وبعضاً ایکی اجنبی لسانی ده تدریس اولونور .

ابتدائی مکتبلرنده شو درسلر اوقوندیریلیر: علوم دینی ، آلمانجه ، حساب وهندسه ، رسم ، تاریخ، جوغرافیا ، علوم طبیعی ، غنا ، تربیه بدنی، آل ایشلری . قیزلر ایچون تربیه بدنی ، ارککلر ایچون آل ایشلری درسلی اختیاریدر .

درسلر صباح ساعت سکزدن اون ایکی به وهفته ده نهایت اوچ کون، فضله اوله رق ایکیدن درده قدر دوام ایدر. اوکله دن صوکرکی درسلر، تطبیقاته منحصردر. مختلف صنفلرده ، هفته ده ۲۰ دن ۳۲ ساعته قدر درس کوستریلیر .

بر صنفده بولونه بيله جك طلبه نك عددی ، هر یرده مختلفدر . هامبورخ ،
لوهك ، والده كده بو عدد اللی بی ؛ بره من ، صاقسونیا و ماینسگن ده آلتشی ؛
پروسیاده بر درسخانه لی مکتبلر ایچون سگسانی ، دیگرلری ایچون تیمشی
تجاوز ایده مز .



ابتدائی مکتبلرینه معلم و معلمه اوله بیلیمك ایچون ، دارالمعلمین و دارالمعلماتدن
مأذون اولقی ، یاخود بر حکومت امتحانی و یرمك لازمدر . مع مافییه باویه و
وهه سده معلم و معلمه لرك ، رسمی بر دارالمعلمین و دارالمعلماتدن مأذون
اوله لری مجبوریدر . صاقسونیاده ، معلمه لرك تأهل ایتمه مش اوله لری و خدمت
تعلیمییه بولوندیجه اوله نهمه لری ده اصول اتخاذ ایدلمشدر .

ابتدائی معلم و معلمه لری ، دیگر بر وظیفه درعهده ایده مز لر . معلم و معلمه لر
بر صنفده مختلف درس لر تدویس ایده لر لر . آلمانیا ده ، ابتدائی معلملرینك
متخصص اوله لری ، مفید اوله دن زیاده ، مضر عد اولونویور . چونكه ،
اختصاص اربابی ، هر موضوعی كندی ساحه اختصاصه سوروكله مكه میالدر .
حال بوكه ، بو مکتبلرده ، تدریساتك غایبه سی ، جو جو قلدرد سده جه بر حرکت
فکریه تولید ایده بیلیمكدن عبارتدر .

معلم و معلمه لرك هفته لی ساعات اشتغالی ، سنلریله معكوساً متناسب اولقی
اوزره تحدید ایدلمشدر : معلم لر ، اوتوز یاشنه قدر هفته ده ۲۹ ، قرق یاشنه قدر
هفته ده ۲۸ ، الی یاشنه قدر ۲۷ ، الی دن یوقاری سنده بولونانلر ۲۶ ؛
معلمه لر ، اوتوز یاشنه قدر هفته ده ۲۵ ، قرق یاشنه قدر ۲۴ ، الی یاشنه قدر
۲۳ ، الی دن یوقاری سنده بولونانلر هفته ده ۲۰ ساعته قدر درس درعهده
ایده لر لر . مدیرلرده ، هفته ده ۸ الی ۱۰ ساعت درس و یرمكه مكلفدر .

ابتدائی معلملرینك معاشلری ، سنوی ۲۴۰۰ مارقدن باشلایه رق ،
یگریمی برسنه خدمتدن سوكر ا ۴۸۰۰ مارقه قدر یوكسه لیر : ایلك دوقوزنجی

مدت خدمت سنه سی ظرفده ، هراوچ سنهده بر دردر یوز؛ آندن سوکرا
یکرمی برنجی خدمت سنه سنه قدر، هراوچ سنهده براوچر یوز مارق ضمه
مظهر اولورلر .

ابتدائی معلمه لرینک معاشلری ده ، ۱۶۵۰ مارقدن باشلایه رق اون سکز
سنهده ۳۰۰۰ مارق قدر یوکسه لیر: معاشلرینه ، ایلک دوقوز سنه ظرفده
هراوچ سنهده بر ایکی یوز الیشیر ، وایکنجی دوقوز سنه ظرفده هراوچ
سنهده بر ایکیشیر یوز مارق ضم اجرا ایدیلیر .
معلم ومعلمه لره بومعاشاندن باشقه سنوی ۸۰۰ مارق او کیراسی ویریلیر.

..*

مکاتب ابتدائیه نك انشاوتأسیسی ، وسائط تدریسیه نك تدارکی مصارفی،
معلم معاشلری ، معلملرک قاعد و عائله معاشلری ولایتلر طرفندن تسویه اولونور.
هر ولایت ، بو مصارفه قارشیلق اولمق اوزره ایجاب ایدن وارداتی ، کلیسا
اوقافنک بر قسم ایرادیلر ، اهالیدن تحصیل اولونان مصارف حصه اعانه سی
حاصلاتندن تأمین ایدر . مصارف حصه اعانه سی ، هرکسه ثروت و ایرادیلر
متناسباً توزیع و تحصیل اولونور . بر شهرده اقامت ایدن هر عائله صاحبی ،
اولادی اولسون اولماسون، حصه اعانه اعطاسیلر مکلفدر . چفتلک صاحبلی،
کندی چفتجیلرندن فقیر اولانلره عائد حصه اعانه نی بالذات تسویه ایدر لر.
برمکتبک بولوندینی دائره داخلنده اقامتگاه صاحبی اولان وشخصی وارداته
مالک بولونان قادینلرده ، بومکتب ویرکیسی تأدیه ایتمکله مکلفدر .
شهرلرده بلدیله لر وکویلرده چفتلک صاحبلی ، شهر ومالکانه داخلنده
یتیشن و ابتدائی مکتبلرینک انشآت و تعمیراتی ایچون لزومی اولان مواد
ابتدائیه نی مجاناً ویرمکه مجبوردرلر .

وارداتی، مکتبلرینی اداره به کفایت ایتمه ین ولایتلره ، دولت بودجه سندن
مناسب مقدار تخصیصات اعطا ایدلمک صورتیله معاونت اولونور. مع مافیه ،

ابتدائی مکتبیری مصارفك مهم بر قسمی ، ینه ولایتلرجه تسویه ایدلکده در .
۱۹۱۱ ده ، آلمانیاك ابتدائی وتالی مكاتب عمومیه سی ایچون جمعا ۷۰۰
بوجوق میلیون مارق مصارف اختیار ایدلش ، بونك ۴۸۴ میلیون ولایتلر ،
وانحقق ۲۱۶ بوجوق میلیون مارقنی دولت اوده مشدر .

عمومی و خصوصی ، بالعموم مكاتب ابتدائی ، دولتك نظارت و تفتیشی
آلنده در . امر تفتیش ، ولایت تدریسات محلسلری اعضایی و معارف مفتشلری
معرفیله اجرا ایدیلیر . بعض حكومتلرده ، کلیسایه ده مكاتب ابتدائیك
تفتیشاته اشتراك حق ویرلشدر . مع مافیله ، رهبانك تفتیشی ، حكومتك امر
ومساعده سیله وقوع بولور .

اکال مکتبلی

اکال مکتبلیزک واسیسی و.ا.اره سی . - مونیخ علی سنایر اکال مکتبلی . -
 • کارهن اشنایر • اکال مکتبلی حقده نه دوشونیور ؟ - قیزله مخصوص اکال مکتبلی .

اکال مکتبلی Fortbildungsschule ؛ تحصیل ابتدائی بی متعاقب ،
 عالی تحصیلی تعقیب ایتمکسزین زراعت ، صنعت و یا تجارت حیاته آسلمش
 اولان وهنوز اون سکر یاشنه بالغ اولمیان کنجلره ، ایشلرندن ایرلمکسزین ،
 محتساج اولدقلری معلومات عملیه بی وزمانک ای بر ایشجیدن بکله دیکی
 رسوخ و عمارسه بی ویره ن چیراق مکتبلیدر .

اکال مکتبلینه دوام ، ۱۸۷۰ دن بری ، ایمراطورلغه داخل اولان
 حکومتلرده ندریجاً مجوریت آلتنه آلفغه باشلامشدر . شهرلرده کی اکال
 مکتبلینه دوام مجبوریتی ، ارککلر ایچون هفته ده اعظمی اون ، قیزلرایچون
 اعظمی یدی ؛ و کویلرده کی مکتبلره دوام مجبوریتی هفته ده اوچ ساعت در .
 مجبوریت مدتی ده ، برالی درت سنه در . مثلاً ، باددوقه لفته بو مجبوریت ارککلر
 ایچون ایکی ، قیزلرایچون بر ؛ صاقسونیا ، باویه راوه سه ده اوچ ؛ وورتمبرغه ده
 درت سنه در . بو مجبوریت رعایت ایتمه یئرله جزای نقدی و حبس ایله مجازات
 اولونور . جزای نقدی یکریمی الی قرق فهنیکدن ، حبس ده پولیس معرفتله
 جبراً مکتبه سوق ایده لره ک اقسامه قدر اوراده قالمقدن عبارتدر .

اکال مکتبلرلنده تدریسات ، بازار کونلری اوکله دن اول ، سائر کونلر
 ایشام بشدن یدی به قدر اجرا اولونور . سن مکلفیت داخلنده بولونان
 کنجلری استخدام ایدن فابریقه تورلر ، تجارت خانه و جفتلک صاحبلی درس
 ساعتلرلنده - اجرترلرندن بر شی تزییل ایتمه مک شرطیله - کندیلرینه
 درخصت ویرمه ک مجبوردر . پروسیاده ؛ ۱۹۰۴ تاریخنه قدر ، اکال مکتبلینه

دوام ، قسماً اختیاری اولدینی حالدہ ، بوتاریخدن اعتباراً اکثر ناحیہ لردہ دوام ، مجبوریئت تختہ آلمشدر .

هرمسلك وصنعت اربابنه مخصوص اكال مكتبلى واردر . پروسياده زراعت اكال مكتبلى اكثرى تشكيل ايدہ . پروسياده ، اكال مكتبلىنه دوام ايدہ نلرك يوزده الهى بنى زراعتده چالیشان چوقفلورد . صنايع عمليه ايجون موجود اولان اكال مكتبلىنك باشليجه لرى شونلردر : بجلده ، دولكرك ، اجزانا جبرى ، قصاب ، باغچوان ، برز ، جاجى ، دميرجى ، مرانفوز ، جوامر جى ، قويوجى ، طباحت ، پاسته جى ، سبتيجى ، بوياجى ، ديوار جى ، اكر جى ، قوندوره جى ، نساج ، دوشمه جى ، شكر جى ، مطبعه جى مكتبلى .

صنايع عمليه اكال مكتبلىنك اكثرينله ، ايكي اوچى بر آرادہ بر بنا داخلندہ بولونور . كه منيچده ، براكال مكتبندہ سكر مختلف صنعت اربابنه مخصوص قسملر كورمشدم . صنايع عمليه اكال مكتبلىنك اك زياده تعمم ورتنى ابتدئى بر ، صاقسونيا و باويه رادر . يالكز مونيخ شهرندہ ، ۶۶ ذكور و ۴۲ اناث اكال مكتبى آچيلمشدر . بو مكتبلىه دوام ايدن شاگردانك مجموعى بكرمى بيكى متجاوزدر . مونيخ تدريسات مديرى پروفه سور ، كدرشن اشتايه ر ، ك رفاقيه ، بو مكتبلىردن بعضيلرى تدقيق ايدہ بيلمشدم . كدرهن اشتايه ر ، بالخاصه اكال مكتبلىنك ترقيسنه چاليشمش برتريه شانسدر . يالكز آلمان ياده دكل ، بوتون جهان مربيلرى آراسنده محترم بر موقى حائز اولان پروفه سورك ، بو مكتبلىر حقندہ كى فكر و مطالعه سنى اهميت مخصوصه ايله ديكله مك ايسه يوردم . پروفه سور سؤاللر مه شو يولده جوابلر ويرمشدى :

د كنجلره ، صنعت حياننده عملى بر رسوخ بخش ايدن صنايع اكال مكتبلىرى ، بوتون ترقياتى ، مكاتب ابتدائيه ده تعقيب ايديلن آل ايشلرى تدريساتنه مديوندر . آل ايشلرى ، چوجوغه حياتده چارپيشمق لزومى ،

و موفق اوله نك يوللريني اوكره تيور. و چوجوق اُلا ايشلريله اشتغال ايدهر ك صنعت حقنده حرمتكار برفكر صاحبي اولويور. چوجوقلر، فطرة اللربله، آياقلربله، قوللريله اوينامغه و چاليشمغه ميالدر. مكتب حياتكزده ، اوزون بردرس اناسنده ، چاقكزله صيرا كز اوزرينه ، هيچ دكلسه اسمكزي ، نومروكزي. اوينمغه چاليشديغكزي البته انكار ايدهر مزسكز ! انكي مكتب صيرالربله بو كونيكي مكتب صيرالري آراسنده كي فرق ، بوكون چوجوقلرك فعاليت ميلتي ، اُلا ايشلري درسخانه لرنده تسكين ايدهر بيله جك وسائله مالك اوله لرندن نشأت ايدييور !

« مونيخ اكمال مكتهلرنده چاليشان كنجلرده كورديككز شوق و فعاليت ، تدريساته اُلا ايشلرينك اساس اتخاذايدلمش اوله سندن متولددر . بو ، باويره مكتهلرينك خاصه ميوزه سيدر . كوييورسكزكه ، بوراده دستره نك استعمالی ، رنده نك ايلري كبري حركتي ، چكيچك آهنگدار ضربه لري چوجوغك روخنه مستتا بر كشايش ويريور . باقكز ، بوراده كنجلر آراسنده نه مسعود بر رقابت وارددر. هربري ، عيني ايشك بر قسمي ياقمقدن متولد بر ذوقله چاليشيركن ، قبلرنده نه اصيل دويغولر ياشايور . » اكمال مكتهلرينك تأسيس و اداره سي شهرلره عائددر. معافيه، معاشات و مصارفك بر قسم مهمي ، اكثر يتله اصناف و تجار جمعيلوي طرفدن تسويه ايدلمكده در .

اكمال مكتهلرينك مدت تحصيليه سي، درس ساعتلرينك و تعقيب اولونه جق درسلك عددينه كوره ده كيشير . عموميت اعتباريله بر الي اوج سنه در . صوك زمانلر ، اوسته لره و تحصيل سنني كچيرمش اولان ايشجيلره مخصوص اكمال مكتهلري ده كشاد ايدلمشدر. بو قسم اكمال مكتهلري ايچنده ، آلمان ياده اك زياده ترقيه ورغبته مظهر اولان دميرجي اكمال مكتهلريددر .

اکال مکتبلرنده درسله همان کاملاً ابتدائی معلمری طرفدن تدریس ابدلمکده در. مثلاً، پروسیاده موجود ۵۲۰۰ اکال مکتبی معلمندن، بش یکی ابتدائی خواجه سی در.

اکال مکتبلرنده کوستریلن درسلك باشلیجه لری شونلردر: علوم طبیعی آلمانجه، حساب وهندسه، اصول دفتری، معلومات حقوقیه واقتصادیه، رسم، تاریخ، علوم دینیه، جوغرافیا، غنا. بونلردن باشقه، مکتبک نوعه کوره عملی صنعت، زراعت وتجارت درسلی ده وارد در.

قیزلره مخصوص اکال مکتبلری، پروغراملر اعتبارله ایکیه آیریلیر: برنجیسی، تحصیل ابتدائیسنی اکال ایتمش اولان قیزلره، وظائف بیتیه نك احتیاج کوستردیکی معلوماتی ویریر. ایکنجیسی؛ قیزلرک ابتدائی مکتبلرنده اکتساب ایندیکی معلوماتی توسیع ایلدر. بوایکنجی قسم اکال مکتبلری پروغراملرینه اصول دفتری، استه نوغرافی ورسم درسلرینک علاوه سی صورتیه قیزلره، تجارت و صنعت تحصیلنک مبادیسده کوسترلمکده در.

قیزلره مخصوص اکال مکتبلرینک اک کزیده لری، برلین اکال مکتبلریدر. بومؤسسه لره، معلومات ابتدائیه سنی اکال وتوسیع ایتمک ایسته یین بویوک خانملرده قبول اولونویور. بومکتبلرده اوقوتدیریلن درسلر شونلردر: آلمانجه، حساب، اصول دفتری، استه نوغرافی، داقنیلوغرافی، رسم، فرانسزجه، انکلیزجه، آل ایشری، بیجکی، دیکیش، اوتو، تربیه بدنیه، غنا، تاریخ، تجاری جوغرافیا، یازی، طباحت.

غير طبيعى چوجوقلر ومعاون مکتبلر

تربيه نقطه نظرندن بر چوجوق انمودجى بولونهز . — منفارده تجانس فاصل تاهين اولونور ؟ — غير طبيعى چوجوقلر . — غير طبيعىلىك تعميه : روسى تجريبيلر . — معاون مکتبلر وبو مؤسسيلرده اصول تدريس . — برلينده بر معاون مکتبى زيارت . — دوكتور رايمانك مطالعاتى . — معاون مکتبلرلىك تأمين ايشدى فائدهلر . — آهيى هوا مکتبلرى . — اورمان اچنده بر عرفان مؤسسسى .

آلمانىا ، چوجوق تربيه سنده ، چوجوقلر ك قابليتنى اك مهم تربيه مسئلهسى عد ايتمشدر . فى الحقيقه ، تربيه نقطه نظرندن بر چوجوق انمودجى بولوق قابل دكلدر . عيى ياشده بولونان چوجوقلر آراسنده ، قوت بدن ، ذكا ، فعاليت ، قوه سامعه وباصره اعتباريله بويوك فرقلىر كوريلور . بونلر ، ولادى ، ارثى ويا عارضى سيلر ك نتيجه سيدر . وبو اسباب ايله بويوين ويشانلار چوجوقلر ك قابليت واستعدادلرى ده ، بالطبع ، باشقه باشقه اولور . ايشته ، تربيه نك روسى ، بو مختلف قابيلتلردن هر بيرينه كوره آيرى بر اصول وضع ايدربيلمكدر .

بوقدر مختلف قابيلته اولان چوجوقلرى ، عيى صنفده ، عيى اصوله وعيى پروغرامه توفيقاً تعليم وتدريس ايتمك ، وصوكرام چوجوقندن عيى غيرتى وثمرتى بلكه ملك البته دوغرو اوله منزه تعليم وتربيه مسئله سنده ، طلبه نك تجانسى تأمين ايدلمكجه ، معلمى چوجوقلر ك جمله سيله علاقه دار ايتمك قابل دكلدر . بوشرايط تحتده ، نه صنفك انضباطى تأمين ايديلير ، نه ده پروغرامك حسن تعميقى قابل اوله بيلير . معلم ، غير طبيعى چوجوقلرله اوغراشيرسه ، ملكه وقابليقى مكمل اولانلر درسك آغير كيتمهسى يوزندن اوصانيرلر ودقتلر ينى كسرلر ؛ طيعيلرله مشغول اولورسه ، صنفده دائماً ضعيف بر كته موجود اولور . وبو كته ، ياواش ياواش تعليم ذوقنى غائب

ایده و چالشهاغه باشلار . بوسورتله ، ضعیف چوجوقلره جمعیت نامنه ضایع اولمش برر عضو نظریله باقلمق لازمدر .

چوجوق وارکه ، ذهنی مشغلهلره قارشى هیچ بر قابلیت کوسترمن . عینی چوجوق ، رسمه بویوک بر استعداد کوستره بیلیر . ایشته ، بویله ، هنوز انکشاف ایتمه مش قابیلتری بولوب چیقارمق وبونلری تیمه ایده رک ، اصحابی هم کندینه ، هم جمعیه نافع بر حاله کتیره بیلیمک ایچسون ، چوجوقلری قابیلترینه کوره آیری آیری قبیع ایله مک ایجاب ایدر .

بناءً علیه ، تربیه مسئله سنده طبیعی چوجوقلره ، غیرطبیعی اولانلری آیری آیری مکتبلرده ، وهیچ دکلسه ، بر مکتبه آیری صنفلرده وآیری پروگراملره کوره تربیه ایتمک لازم کلیر . ایجه برزماندن بری تربیه شناسلری اشغال ایدن بومهم مسئله ، آلمانیا ده ایلک دفعه ، ۱۸۱۶ ده اهمیتله تلقی ایدیلرک ، بوتاریخده چوجوقلر ایچون سالسبورغده بر مکتب آچیلمش و ۱۸۴۶ دن سوکرا ، بومکتبلر مملکتک هر طرفده تعمیم ایله مشدر . ایوم ، آلمانیاک ۲۳۰ شهرنده بونوع مکتبلر تأسیس ایدلشدر . بورالره دوام ایدن قیز وارکک شاگردانک مقداری اوتوز بیکه قریبدر .

غیرطبیعی چوجوقلر ؛ تولدلرندن یاخود کوچوک یاشلرندن اعتبارآ ، بر عارضه فکریه ویابدنیه نتیجه سی اوله رق ، کندی هم سنلری اولانلر سویه سنده بولونمایان روحاً ویابدناً ضعیف چوجوقلردر : احمقلر ، بودالار ، ایسته ریکلر ، قرارسزلر ، یاریم صاغیرلر ، قصیرالبصرلر ونهایت تنبلر هب غیرطبیعی عد اولونان چوجوقلردر . اعماللره دیلسز وصاغیرلری بوغیرطبیعیلردن آیرمق ایجاب ایدر . فی الحقیقه ، بونلرده غیرطبیعی چوجوقلردر . فقط ، بونلرک معلولیتی ده ایلک اسکى زمانلرده نظردقتی جلب ایدرک کندیلرینه مخصوص مکتبلر آچیلمشدر . بناءً علیه بونلری آیری بر قسمده مطالعه ایتمکى ده موافق بولویورم .

برچوجوغک غیرطبیعی اولوب اولمادیغنی ناصل تعین ایدیورلر ؟ چوجوغک

ضعف بدنی و روحی ایله معلول اولوب اولمادینی ، مکتبه حین قبولنده بعض تدقیقات ایله تعین ایدلمکدهدر . بوتدقیقات ، چوجوغه بعض سؤالر توجیه ایتمکدن و بعض کوجوک تجربه لر یایدیرمقدن عبارتدر . هر یاشده کی چوجوقلرک موفق اوله جقلری سؤال و تجربه لر ، دواملی تدقیقات محصولی اوله رق ، تماماً تعین ایتمش ، بوباید تریوی بعض اثرلرده نشر ایدلمشدر . بوسورتله ، تجربه یه دعوت ایدیلن چوجوغک جوابلری ، کندی سننده کی طبیعی بر چوجوغک و یره جکی جوابلرله مقایسه ایدیلرک ، غیر طبیعیلکک درجه سنی اولچمک ممکن اولوبور .

بوروحی تجربه لر ، چوجوغک ذکاسنک ، حافظه سنک ، سرعت انتقالنک ، حساسیتک درجه سنه اذ کوزل بر مقیاس اولوبور و تجربه لرک نتایجنه کوره ، ویریلن حکملرده شواساس نظر دفته آلتیور :

کندی یاشنه مخصوص بر قاج تجربه یی ا کال ایدن چوجوق ، او یاشده کی ذکایه صاحبدر . شواعتبارله ، مثلاً ، اون یاشنده بر چوجوق ، آنجق یدی یاشنه مخصوص تجربه لر ی یاه بیلیورسه ، او چوجوق یدی یاشنده کی ذکایه صاحب عد اولونور . و بناء علیه آز جوق کری قالمش بر چوجوق صاییلر .

*
**

غیر طبیعی چوجوقلره مخصوص اولان مکتبلر ، « معاون مکتبلر » نام عمومیسيله یاد اولونور . بو مکتبلرده ابتدائی درسلری تعقیب ایدیلر . بالکزه ، دوام ایدنلرک درجه ضعفنه و معلولیتنه کوره ، درس ساعتلری بالنسبه آز ، و مفردات پروغراملری بسیط و مختصردر . یومی اشتغالات ، درت ساعتی تجاوز ایتمز . حتی بعض طلبه ، بر قسم درسلدن تماماً استنا ایدیلر .

معاون مکتبلرده ، هر صنفده بولونان طلبه مقداریده محدوددر . مثلاً ،

ياريم صاغير و قصيرالبصر اولانلرله مخصوص اولان معاون مکتبلرنده ، هر صنفده اون شا کرددن فضله بولوناماز. معاون مکتبلر، عموماً مختلطدر. معاون مکتبلرده ، درس لر ، بالخاصه کوچوک صنفلرده غایت ذوقلی محاوره لر طرزنده ویریلیر. وبوسایه ده ذکاجه ضعیف اولان طلبه نك درس لرله علاقه دار اولماسنه اعتنا ایدیلیر. برلینده احق و ابله چوجوقلره مخصوص بر معاون مکتبنده کوچوک صنفلردن باشلایه رق صیراسیله تدقیقات اجرا ایدیوردم . مکتبک ایلک صنفلی بنده یک آجی تاثیر لر بر اقدشدی . بوراده ، انسانلغک اک قابلیتسز، بلکه اک دب بخت سیالری کوریوردم . اُکری و چاریق باشلر، صارقیق دوداقلر ، آجیق آغزلر ، نورسز نظرلر . . . بو حماقت کتله سی قارشیسنده قلبمده بالکزر حس یاشایوردی : مرحت اوت بو زوالیلری بر آز تدقیق ایدیکز. کوریرسکزکه ، برچوغی اسمنی بیلیمه یور ، اونه قدر صای صایامایور؛ یورویوشنده انتظام یوق؛ عضلاتنه حکم و تصرفی مفقود . کیمی متمادیاً کولیور ، کیمی متمادیاً آغلا یور ...

کوجوک صنفلی مأیوس و متأثر ترک ایتشدم . شیمدی تدریجاً یوقاری صنفلی کزییور و یاواش یاواش روحک کشایش بولدیغنی تأثرلر مک تخفف ایتمکه باشلادیغنی ونهایت بر دقیقه اولکی یأس ونومیدی برینه ، شیمدی، قلبمده بویوک برشوق و امید بلیردیکنی حس ایدیوردم . صوک صنفلرده آرتق او اسکی چاریق چهره لر ، فرسز نظرلر یوقدی . اسکی معلول سیالر برینه ، شیمدی منتظم ، سریع ، طیبی و چالاک بر حیات قارشیسنده بولونیوردم . قابلیتسز ظن ایدیلن چوجوقلره زرو ایدیلن تربیه ، بر قاچ سنه طرفنده ایشه بویله خارقلر یاراتمشدی !

زیارتمک تولید ایتدیکی انطباعلری ، بکارافت لطفنده بولونان برلین تدریسات مدیری دوقوررایمان . ایضاح ایدیوردم . او ، معاون مکتبلرده تعقیب اولونان اصول تدریس حقنده ، بنی دها زیاده تنویر ایتمک ایسته مشدی : « فکرأ ضعیف اولان بوجوجوقلرده ، بر قاچ سنه طرفنده کوریلن بو استعداد و قابلیت ، تعقیب

ایتدیکمز اصول تربیه نك ثمره سیدر. مکتبه ، احق وابله چو جو قله ویریلن فکر و خیال لرك غایت حزم و احتیاط ایله انتخاب ایدلمه سنه دقت ایدیور ؛ و بوضعیف دماغله انحق الازوملی والک نفیس شیرلی قوبمقله اکتفا ایله یورز. بونلرایچون انتخاب ایتدیکمز قرائت کتابلری ده ، بالخاصه اکلنجهلی و جاذب حکایه لری احتوا ایده نلردر . صو کرا ، مکتبه دائماً خاطر نواز بر تربیه نك حکمران اولدینی البته نظر دقتکزی جلب ایتشدردر . بوراده ، معلملرده سرت برچهره ، آمرانه بر طور ، شدید بر لسان کوره مه یه جکسکز . بومکتبلرده معلم دها حساس ، دها شن و دها جاذب اولغه مجبوردر . ایشه ، مکتب ، بو اعتسارله ، روحاً ضعیف اولان چو جو قله تربیه ایتمش و قابلیتلرینی انکشاف ایتدیرمشدردر .

فی الحقیقه بواهتماملر ، شایان حیرت نتیجه لر ویرمشدردر . اصولک ایستناستیقله نظرآ ، معاون مکتبلرده تعلیم و تربیه ایدیلن چو جو قله ، یوزده ۷۵ ی . تماماً حیاتی قزانه بیللمش ، یوزده ۱۵ ی عینی نتیجه یه یاقلاشمش و بالکز ، یوزده ۱۰ ی قابلیت کوسترمه مشدردر .

* *

معاون مکتبلر آراسنده آچیق هوا مکتبلری ، بالخاصه تدقیقه شایاندردر . آچیق هوا مکتبلری Waldeschule ؛ ضعیف ، عصی ، قلب و جگر خسته لقلری ایله معلول و ورمه مستعد اولان چو جو قله مخصوص مؤسسه لردر . بو مکتبلر ، علی الاکثر شهر خارجنده ، اورمانلق و هواسی صاف و جید اولان محللرده تأسیس ایدلمکده در . آچیق هوا مکتبلرینک اکثریسی نهاری و بر قسمی لیلیدر . مکتبلر تراموای و شومندوفرله شهره مربوط اولدینی ایچون طلبه سهولتله کلوب کیده بیللمکده در .

•

که منیچده ، متصرف دو قنور زیهن ، بکا بومکتبلردن کزیده بر نمونه کوسترمشندی . که منیچدن شومندوفر و اوتوموبیلله ، یاریم ساعت مسافده

واقع بو آچیق هوا مکتبی ؛ اطرافه رایجکلر و چیچکلر صاجان یشیل بر چام اورمانی ایچنده در . شہرک اندیشه تعیشله متموج و متهاجم ، دغدغہلی حیاتندن چیقنجه ، انسان ، عمرینک بر قاق کونئی بوراده ، شو یشیل کولکلر آلتنده کچیرمک ایچون ، قلبنده نه یگیلمز بر آرزو طویویور .

حزیران آینده ، بولوطلری سایه دوغرو سوق ایدن خفیف بر روز کارله اورمانه کیرنجه ، بیاض ، برالماس کبی پارلایان بیاض و تمیز بر مکتب ، نظرلری جذب ایتمشدی . مشجره پر زب و فر ، افق صاف و براق ایدی . یشیل قیرلر ، زمردین داغلر ، اورمانلر ، محیطی ، نهایتسز بر حفظ و نشووه ایله اشباع ایدیوردی . بوتون طلبه ، شرقدن کلهرک بویاماچلره قدر طیرمانان یابانچی استقباله قوشمشدی ... شیمدی ، مکتبی کزیوردق . مکتب ، یوزیکرمی کشیک لیلی بردارئی ، متعدد آچیق و هوادار درسخانهلری احتوا ایدیور ، بوضیف یا ورولر بول غدا ، بول ضیاء بول هوا ویر بیلیمک ایچون هر درلو اسباب و وسائطله مجهز بولونیوردی . بورایه ، ورمه مستعد اوله رق کلن چوجوقلر ، اوچ بش آی ایچنده کسب عافیت ایدهرک شاد و مسعود اولرینه عودت ایدیور ، واوزون بر تقیده محتاج اولانلر بر قاق سنه مکتبه قاله بیلورلر . مدیره ، ایضاحات و یریوردی :

« بوراده ایضا ابتدیکمز ایکی وظیفه وار : چوجوقلرک بدنی و فکری تربیه سی . مساعد کونلرده درسلری ، اورمان ایچنده ، آچیق هواده یاییور . باغورلی کونلرده ، درسخانهده کچیره جکمز ساعتلرده نچره لری دائما آچیق بولوندیوریور . چوجوقلری کونده لا اقل بش دفعه یدیوریور و کوندوز یملکردن صوکر ، لا اقل ایکی ساعت استراحت قولتوقلرنده و آچیق هواده اویتیور . چوجوقلر ، درس ساعتلرینک خارچنده باغچه جیلک و آل ایشلریله اشتغاله ایدیور ، و هر کون - طیبیک تربیه کوره - صیجاق و یا صوغوق صو بانسورلی یاییورلر .

« تربیوی وظیفه مزیده ، معین بر پروغرام داخلنده ایضا ایدیور .

چو جوقلره اك زياته لزوملى اولان معلومات ابتدائيه ي وريپوره وكنديلرني
كونده ايكي ، نهايت ايكي بوجوق ساعتدن زياته درسله اشغال ايتمه يوزز .
مديره ، وظيفه سني حسن ايفا ايدنلره مخصوص براستراحت وجدان ايله ،
بوايضاحاتي ويريركن ، بن بر طرفدن حياتي قورتاريلن و جمعيت قزانديريلن
بوجو جوقلري سير ايدنيور ؛ ديكر طرفدن نظر خيالم ، اوزاق افقلىده
بوهمتله مفتقر ومنتظر ياشايان ياورولر اوزرنده دولاشيوردي . بودقيقه ده ،
قلبمه دامله دامله بر شينك دو كولد يكني حس ايدر كي اولويوردم ...

اعمی مکتبلی

استغلیج مکتبی زیارت — اعجازجه مجهول علملر — بر درد نهان ! — اعمالری
دوشون ایلك عالم — اعی مکتبلرنده دارالمعلمین صنفلری — « یاریم شهیدلر » — مخصوص
بوردرلر — برکوچوک ضابطک تأملری — گورلرک باصره سی : پارماقلر — اعمالر ناسل
یازیور واولویورلر ؟

صیجاق برمایس کونشنک اطرافه حیات و امید ویردن برکوننده ایدی .
برلین دن ، شومندوفرله قیسه برسیاحتی متعاقب ، استغلیج اعمالر مکتبی
زیارته گلشدم . مکتب ، لطیف بر اورمان ایچنده بنا ایدلمش ، یوز سنه لك عظیم
بر عرفان اوجاغیدر . رهگذری تعطیر ایدن چیچکلری ، چنلرینی چیکنه دیکم
باغچه لری ایله پک جاذب بر طبیعت محیطه نك آغوش شفقتده تأسیس ایدیلن
مکتب ، بنده ، باشقه هیچ بر مؤسسه نك تولید ایدمه مدیکی تأثیری حاصل
ایتمشدی .

باغچه ده چوجوقلره تصادف ایتمشدم . بونلرده ، يك نظردۀ فرق ایدیلن
بروضع احتراز واردی . سزه باقان ، فقط سزی تشخیص ایدمه مین بوطنونوق
نظرلر ، بوراده ، حیاته بر ثانیه کوره مدکلری کونشک ایشیغی ، دوداقلریله
أملك ایسته یورلر کیدی . بونلر ، شبهه سز ، صاف بر محیطک سینۀ حمایتده
باشایورلردی . فقط ، بونلر ایچون ، قوشلرک نشیده لرندن باشقه هرشی
معدوم ایدی . صو ، داغ ، چن ، چیچک ، اورمان ، کونش .. بونلر ،
آنلرجه مجهول برر عالمی . بکا اویله کلپوردی که ، بویاوردولرک هپسنک
برر درد نهانی وار . بالخاصه ، اوقدر سودکلری آنه لرینی ، بابالرینی برکره
اواسون کوره بیلیمک سعادتندن ابدیاً محروم ایدیلر .

بوايلک تأثرلرله ، شولوحه نك خیالده ترسیم ایتدیکی ، تأثیر ألما کدن
قورتولمق ، بورادن اوزاقلاشمق ایستهم .. فقط ، هیهات ..

آلمانیاده ، ایلک دفعه ، اعمالری تدریس ایتمکی دوشون مانهایم علماسندن « قریستان نیرن » در . نیرن ، ۱۷۷۵ ده اعمالر ایچون ایکی اثر یازمش ؛ بوتاریخندن سوکرا ، اعمی مکتبلری تأسیس ایدلمکه باشلامشدر . ایوم ، آلمانیاده ۳۵ اعمی مکتبی و اعمالره مخصوص ۲۶ حایه مؤسسه سی واردر . موجود اعمالرك مقداری ده ، ۳۵ بیك راده سنده در . بوکا حرب حاضرده کوزلرینی غائب ایدن ایکی بیك عسکری ده علاوه ایدرایسهك ، بو عدد ۳۷ بیكه بالغ اولور .

اعمی مکتبلرینك بر قسمی لیلی و عمومی مختلطدر . بعضیلرنده ، بومکتبلره معلم یتیشدیر مکه مخصوص دارالمعلمین صنفلری ده واردر . دارالمعلمین قسملرینه قیزلرده قبول اولونور . بوقسملرده تحصیل مدتی ایکی-نه در . تشکیلات اعتباریه صاقسونیا مکتبلری ، امثالی آراسنده برنجیلکی احراز ایده . استغلیج اعمالر مکتبی ده ، آلمانانك اك مکمل ، اك کزیده بر مؤسسه سیدر .

اعمی مکتبلرینه اش یاشندن اعتباراً طلبه قبول اولونور . مکتب ، ایکینسی احتیاط ، یدییسی ابتدائی اولوق اوزره دو قوز سنه دن عبارتدر . ابتدائی قسمی اکال ایدنلر ، مکتبک عملی صنایع صنفلرینه دوام ایدرک بوراده بر صنعت تحصیل ایدرلر . اعمی مکتبلرنده ، مجلدلک ، دوغرامه جیلک ، سبتجیلک ، نساجلق کبی صنعتلر کوسترلمکده در . طلبه و طالبانك وجوده کتیر دکلری معمولات ، مکتبده کشاد اولونان بر صائیش دائره سنده خلقه معتدل فیثانلره صائیلیر . آلد ایدیلن وارداتك بر قسمی ، مواد ابتدائیه مصرفی اوله رق مکتب وزنه سنه تفریق ایدلرکدن سوکرا ، اوست طرفی طلبه نامه بر سرمایه تشکیل ایتک اوزره تراکم ایتدیریلیر . صنعت تحصیلنی اکال ایدوب ده خارجه حیاتی قزاقق اوزره مکتبی ترك ایدنلر ، بومتراکم سرمایه دن حصه لرینه اصابت ایدن قسمی دفعه آلیرلر .

صنایع قسملرینك مدت تحصیل ، وسطی اوله رق درت سنه در . شا کردانك یکرمی یاشنه قدر مکتبده قاله بیلملری ده جائزدر . حق تحصیلنی اکال

ایده نلر، آرزو ایده دلرسه، بویاشدن صوکراده مکتبه قالدق، مکتبک آتیه لرنده اجرته چالیشه بیلورلر. اعمی قیزلر، اکثریتله بوتون حیاتی بو مؤسسه ده کچیرمکده در. بو کیلر ایچون، مکتبک یانی یاشنده آریجه بریورد آچیلمشدر. یورد، بر جمعیت خیریه طرفندن اداره ایدلمکده، و حربیده کوزلرینی غائب ایدن عسکرلرده بورایه قبول اولونمقده در.

آلمانیانک هر طرفنده، هر مؤسسه خیریه ده، موجودیتنک اک قیمتدار خزینه لرینی، وطن اوغورنده فدا ایتیش اولان زوالیلر ایچون، آغوش شفقت و تسلیت آچیلمشدر. بالخاصه، عمرینی، ابدیاً قرا گلقلر ایچنده کچیرمهک محکوم اولان عسکرلر، صنعت تعلیم ایدلسی، اک بویوک و مقدس بروطفه عد ایدلمشدر.

« شان و شرف اولن ایچون اونوتلامق، و قالان ایچون سولمک در. » آلمانیا، بودستوری کتاب اخلاقک برنجی صحیفه سنه نقش ایلمشدر. افراد ملت، بو « یریم شهیدلری، اونوتلامش، بالعکس اولنری هر وسیله ایله تعزیز و توقیر ایلمشدر. اولره برر ایش بولهدق، روحلرینی منبسط قیلمش، و عزت نفسلرینی اوقشامشدر. بو مؤسسه لرده، برصنعت اوکره نرک چیقان عسکرلر، آرتق کندیلرینی ملتک اوموزلرینه تحمیل ایدلش بر یوک عد ایتمه یورلر.

اعمی عسکرلر مخصص آتیه ده، مدیر پروفه سور مایس، بکاء هنوز کوچوک ضابط اونیفورمه سنی طاشیان، ملیح چهره لی بر عسکری کوستردی. بو، حربک ایلک مصادمه لرنده، ضرب جهه سنده ایکی کوزینی بردن غائب ایتیش، بر کوچوک مهندسدی. شیمدی سبتجیلک اوکره نیوردی. بوسوکیلی وطن مدافعنک حرمتله آئی صیقدم. بنی عسکرجه سلاملادی و آلمی برقله تر جان اولان لسانیه، حیاتنده بلکه ایلک دفعه اوله رق قارشیلانیدینی بر تورکه، خدمتلرینی و هجرانلرینی سویله مک ایسته یوردی. اونو نوازشکار برسامع وضعیله دیگله دم. او، نورلر ایچنده براقیدینی وطنه، ظلمتلر ایچنده

عودت ایدنجه، کندیته آغوش شفقتی آجان بومؤسسسه ناصل کتیرلدیکنی، بوراده ناصل چالیشدیغنی سویله یور واضطرابلرینی کؤسترمه مک ایچون جبر نفس ایدیوردی . قلبنی رنجیده ایتمه مک ایچون، برتک کله سویله مه مکه قرار ویرمشم، اگرچهره سنک بردن برهاله مائمه اورتولدیکنی حس ایتمه سیدم ... «أولی میسیکنز؟» دیه جک اولدم . سرعظه جواب ویردی : «اوت، دیدی، أولی وایکی اولاد باباسی یم . شیمدی بو سوکیلی یاورولری کوره . بیلمکدن ابدیاً محروم اولدیغمه، بیلسه کز، نه قدر مأیوسم ...» آرتق یأس و ألم فورطنه سی قومشمدی . تسلیه ایده جک بر جله بوله مایوردم . او، شهبق اضطرابانی کیزله یه بیلیمک ایچون سبتنی اؤرمکه باشلانجه، بنده، ساده جه ألی صیقدم و آیرلدم ...

شیمدی دوشونوردم ... آتی، متسلی ایده جک ملاحظه لر یوق دکلدی : وطنی ایچون یاریم شهید دوشمشدی؛ وطن، آنک بوفدا کارلغنی اونوتماش، حق مکافاتلاندیرمش بولونیوردی . او، متروک و عمامه محکوم قالماش، ایصسز بر سواقاده تسأله مجبور ایدلمه مشدی ... بوده، البته برتسلیندی ...

*
*

اعمی مکتبلری، تدریساتنده اعمالک ایکی حاسه سندن استفاده ایدیلیر . لامسه و سامعه ! صاغیر و دیلسزلرک نطق و سامعه سی کوزلرنده، کورلرک باصره سی ده پارماق لریله قولقلرنده در .

لمس ایله اشیانک شکافی تقدیر ایده بیلیمکده کی مشکلاتک و بونکچون صرفی ایجاب ایده ن زمانک اهمیتی نظر دفته آله رقی، اعمالر تدریساتنک ممکن مرتبه بسیط اولماسنه اعتنا ایدلمکده در . چوجوقلره، لمس ایله، عالم خارجی حقنده تام فکرلر ویره بیلیمک ایچون، کوچوک صنفلرده فروبهل هدیه لرینه، فروبهل تدریساتنه اهمیت ویرلمکده، وعملی حیاتده ک زیاده تصادف ایده جکلری

أشیانك شكللى ، بالذات طلبه يه ياپدىرلمقده در . هرصنّفك بر قوم حوضى واردر . طلبه بوراده ، شكلنه وقوف كسب ايتك ايسته ديكى اشياني بالذات ياپيور ؛ بوسايه ده طبيعتله صنعت ومدنيت آراسنده كى مناسبلى تماماً تقدیر ايدە بيليور .

اعمالرك چامور ايشلىرى ، حقيقه كورولمك شاياندر . شوأل ايشى درسخانه سنه داخل اولكيز ؛ بوراده ، اون ايكي ياشنده كى كنجلك وجوده كتيردكلى اثرلر قارشينده ، بويوك برحس تقدیر وحيرتله متحسس اولورسكز ! ايسته ، اوچ آرقاداش برلكده چاليشارق ، برشومندوفر گذركاھى تمثيل ايتمشلر . بوراده بوتون محيطء اك خرده نقطه لرينه قدرء تماماً جانلاندر . يرلمشدر : تونلرء كوپرلرء داغلرء صولر ... شوراده بر بكنجى قولوبه سىء اوتنده بر مانديرا ، بریده چفتجیلر ... ايكي مترو مربى بر ساحده چاموردن ، چالیدن ، چيريدن وجوده كتيريلن بولوحده ، طبيعت نه كوزل تقلید ايدلمشدر . اك كوچوك برخطا ، اك اوراق بر ذوق سزلك يوق ... زواللى اعمالر ، بومنظره يي پارماق لرينه كوره رك وجوده كتيرمشلر ، وهرقسىء — بالطبعء معلمك اخطارينه تبعاً — بر رنكه بويامشلدرد .

اعمالرء اوچ نوع يازى اوكره تيلور : اهمى يازيسى ، استه نوغرافى ، عادى يازى !

اعمالرء مخصوص اولان يازى ؛ نقطه لرله كوستريلن حرفلردن عبارتدر . هر حرفء شو آلتى نقطه :: نك اينچنده در . برنجىء ، ايكنجىء واوچنجى صيرالرده كى نقطه لردن بر ويا ايكي سئك مخذوف اولماسنه كوره ، شكل بر حرفه دلالت ايدبيور . هر طلبه نك آلتده قالين بر ايكنهء برده ييولى معدنى لوحه واردر . چوجوقء يازى به باشلاينجهء ، لوحه يي كاغذك آلتنه وضع ايدبيورء و حرفلرى ايكنه له مكه باشلايور . ييولرء كاغذك سهولته ايكنه له نمسنى تأمين ايدەر ؛ يازى ايچون قوللانيلان كاغذده دانماء قالين وقابا نوءدن انتخاب ايديلير . يازى صاغدن صوله دوغرو يازبليور . ويازى تمام

اولونجه ، كاغد ترسنه چوريليور . وايكنه ضربه لريله تشكل ايدن قابارتمه لر اوزرنده ، آل يوروتيله رك صولدن صاغه سرعتله اوقونمغه باشلايور . اعمالره مخصوص كتابلر هپ بوصورتله يازلمش اولدني جهتله ، عادى يازى ايله يازيلان نسخهلرينه نسبتله دهها بويوك بر حجمده در .

استه نوغرافى ؛ بر كله ويا بر حجابى بر حرف ايله افاده ايدرك ، برنجى شكلده يك اوزون سورن يازى يي دهها مختصر بر شكلده يازم بيلمك ايجون تعليم ايديليور . استه نوغرافى ، مكتبك ، يالكز صوك صنفلرنده كوسترلمكده در . عادى يازى يه كلنجه ؛ بو ، بالطبع نور بصردن محروم اولانلرله ، اولمايانلر آراسنده تأسيس مناسبات ايجون تعليم ايديليور . اعمالر ، بزم يازيمزى ده فوق العاده بر موفقيتله يازم بيليورلر . فضله اوله رق ، بونلره ، ماكنه ايله يازى دنخى اوكره تيلمكده در .

جوغرافيا درسلى ايجون ، قابارتمه خريطه لر استعمال ايدلمكده ، وهندسه درسلى ، آللىرى ، كنارى ديشلى لوحه لر اوزرينه كريلن ايلكلره تماس اينديره رك كوسترلمكده در .

درسخانه لرده لوحه يه وقارا تحتيه بالطبع لزوم كورلمه مشدر . اشيا درسلرنده ، اشيا نمونه لرى هر طلبه نك آلته آيرى آيرى و برلديكى ، هندسه درسنده هر طلبه نك ايلكللى لوحه سى آيرى آيرى تدقيق ايدلديكى ايجون ، صنفلر موجودينك اونر كشي يي تجاوز ايتمه مسنه اعتنا اولونور .

صاغير وديلسز مکتبلىرى

نوكون صاغير وديلسز مکتبى . — صاغيرلر، اعمارندن دها آز بدبخت. — صاغيرلر وديلسزلر
كوزلرله ايشيديور، خنجره لرله سويله يورلر . — ۹۰ صاغير وديلسز مؤسسسى . —
صاغيرلر دارالمعلميى .

برليندن قيصه بر سياحقى متعاقب ، نوكون ، صاغير وديلسزلر مکتبته
كلشدم . بوراده ده ، ابتداء ، نظرمى جذب ايدن ، چوجوقلر ك حالت روحه سى
ايدى . چوجوقلر باغچه ده شن و پرنشوه قوشيور ، متبسم نظرلرله زائرلى
سلاملا يورلردى . سهولته حس اولونه بيلردى كه ، بونلر ، اعمالره نسبتله
دها آز متالم ، دها آز بدبخت ايديلر . چهره لرند طفلانه خنده لر اوچيور ؛
سيالرنده ، تبليغ و تبليغ مرامه مقتدر اوله بيلد كدن سوكر ، بويله قالمقندن مشتكى
اولمايان بر حس تسليتك شمشعه انبساطى بلير يوردى .

مكتب ، آلمان ياده ، ناطقه وسامعه سعادتنن محروم اولان چوجوقلره
بر رها وتسليت يولى آچشدر . صاغير وديلسزلر مکتبلىرى ، محيى و تربىوى
ايكى غايه نى تعقيب ايدهر . فى الحقيقه ، طيعة ابكم اولانلره نطق خاصه سى
تماماً بخش ايديله ميور . فقط بونك نتايج مؤسسه نك مهم بر قسمى ازاله
اولونه بيليور . بو غايه وه واصل اوله بيلمك ايچون ، تربيه ، مختلف يوللرى تعقيب
ايله مشدر . اولاً ، بوزواليلره آللر و پارماقلر احانه سيله ، صنئى بر اشارت لسافى
ويريليور ؛ ودها سوكر سويله نن سوزلرى ، دوداقلر ك تقلص و انبساطيله ،
دوداقلر اوزرندن اكلايه بيلمك صنعتى تعليم ايديليور . بوسايه ده ، مکتبك
ايلك صنفلرنده صاغير وديلسز اولدقلرينه شبه ايتهديككز چوجوقلر ، صوك
صنفلرده ، سزى ، معلول اولوب اولماقلرى حقده ، جداً ترددلره دوشوره جك
موفقيتلر كوسترييورلر .

ايشته ، مکتبك يوكسك صنفلرندن برينه داخل اولكز ، هپ بر آغزندن

« غوته ن تاغ ! » ديه سلاملانديفكزي كود برسكز . صوكرا ، چوجوقلره ياواشجه خطاب ايديكز . اونلرك ، دوداقلرينك حركاڤي وخنجره لرېنك تقلصايله سزه صنعي برسسله حواب ويردكلريني كورير وحيترلر ايدە رسكز . چوجوڭك ساخته صاغير اولديڤي حقنده بيهوده شهبه دوشمه ييكز ؛ مخاطب كزك سزي هيچ آلداتماش اولديڤي قولايجه تجربه ايدە بيليرسكز . خطاب ايتمك ايسته ديككز طلبه نك آرقه جهته كچيكز ، وشيمدي سسكزي ايسته ديككز قدر يوكسه لته رك خطابلري كزي تكرار ايديكز ؛ برتك جواب آله مابه جقسكز . چونكه ، چوجوق قولايغله دكل ، كوزلريه ايشيديور .

كوجوك صنفلرده ، چوجوقلر آل اشارتلى ايله قونوشيورلر . فقط ، صنفلر يوكسه لادجه ، اشارت لسانى رينه دوداقلرك تقلص وانبساطى لسانى قائم اولويور . طلبه نى ، تصوت وتلفظ انساننده ، دوداقلرك آلدېنى شكللري حقيله ادراك آليشدير مق ايچون ، چوجوقلردن هر برينك آلنه برآينه ويريليور . وافاده ايدمك ايسته نيلن فكرلر قره تحته يازيليور . چوجوق بر طرفدن تحته يازيلان كله لرى ، و بو كله نى تلفظ ايدە ركن ، معلمك دوداقلرينك آلدېنى وضعيتى تدقيق ايدويور ، ديكر طرفدن كندى دوداقلرينه عيني شكللى ويزه بيلمك ايچون آينه ده تمرينلر ياپيور .

هر درسخانه ده طلبه نك عددى اونى تجاوز ايتمز . معلمك سهولته تفهيم مقصده موفق اولماسى ايچون ، درسخانه لرده صيرالر ، بر نصف دائرة تشكيل ايدە جك طرزده ترتيب ايدلمش ، وكرسى بودائرة نك مركزينه وضع اولونمشدر .

.*.*

آلمانىاده ۹۰ صاغير وديلسز مكته ي واردر . بونلرك ۳۸ ي ليلى ، ۱۱ ليلى ونهارى ، متباقيسى نهاريدر . بو مؤسسە لره دوام ايدەن چوجوقلرك عددى يدى بيكى متجاوزدر .

صاغیر و دیلسز مکتبلرینک کافی درجه ده اولماسی حسبله ، صاغیر و دیلسزلر ایچون تحصیل ابتدائینک مجبوری ، هر طرفه تماماً تطبیق ایدیه- بیلیمکده در . بو مکتبلر ، سکز صنفلق برر ابتدائی مکتبی در . آلمانیه صاغیر و دیلسزلرک تربیه سنده غایه ، یالکز کندیلرینه ابتدائی درجه ده معلومات ویره بیلیمکدن عبارت اولدینی ایچون ، بو مکتبلره ، اعمی مکتبلریده اولدینی کبی ، صنایع صنفلی الحاق ایدله مشدر .

صاغیر و دیلسزلر مکتبی پروغرامی ، ابتدائی پروغراملرینک عیندر . بالطبع ، غنا درسی یوقدر . صاغیرلر ، کوزلریله کوروب ایشیتدکلری ایچون ، بو مکتبلرده بدیی تربیه به الحاصه اعتنا ایدلمش ، و مکتب اُک کیزی کوشه لرینه قدر اُک مشکلبسندلری بیه ممنون ایده جک بر ذوق صنعتله تفریش و تزین اولونمشدر .

صاغیر و دیلسزلره معلم یتیشدیرمک اوزره ، بعض مکتبلرده بردارالمعلمین قسمی ده کشاد ایدلمشدر . نوکولن مکتبنده بویله بر قسم واردر . دارالمعلمین قسمنه ابتدائی تحصیلنی اکمال ایتیش قیز وارکک کنجلر قبول اولونورلر . مدت تحصیل ، ایکی سنه دن عبارتدر .

آنا مکتبلی

فرائفورتده برچوجوق باغچەمى .- قومه نیوس و فروبەل .- آنا مکتبەلرندە اشتغال .- ایلک تربیە ایلە بانداش اشتغال ایدن عائلەلر .- ارضاعخانەلر .

« ماین » نهرینک نظری آلوب کوتورەن، زمەدین ساحلندە بر آشیان هرفان !.. فرائفورتک ، بوکزیده آنا مکتبندە حکمران اولان ذوق وسعادتى حس ایدە بیلەمک ایچون ، بورادە ، بر قاق کون ، بوسویملی یاورولرلە برابر یاشایە بیلەمیدر . بوراسی ، نە لطیف وجاذب بر محیطدر . ادوار منسیەنک برر یادکاری اولان اختیار اغاجلرک سریدیکی ظل پرواز وموجه دار آلتندە ، چوجوقلر نشو و شطارتلە اوینایور ؟ کونشک ، جایرلە تماس ایدەن بوسە شعاعاتی یاییلدیجە ، ابدی بر روح خندە ایلە قوشیور ، طفلانە بر مسرتلە باغریشیورلر . بو پرزمزمە کوچوک عالمک حریمندە ، اویلەنجیب واصل بر انجذاب اثری واردرکە ، انسانى ، ولو موقت اولسون ، حیاتک او ازیجی احتراصلرندن ، یرتیجی اندیشەلرندن اوزاقلاشدیریور ؟ روحە بر علویت الهام ایلە یور . چوجوقلر یوواسی ، بو قدر تزیە وجاذبدر .

آنا مکتبلی ، چوجوقلرک ایلک تربیتکاهیدر . مملکتە وبوتون جهان انسانیتە بومؤسسەلری هدیە ایدەن ، بر آلمان تربیە شناسى ، « فروبەل » در . فروبەل ک پک رقیق حساسیتی ، تربیەجی روحی وبوتون بونلرک فوقندەکی متین اخلاقی ، اونی عائلە سعادتنن محروم اولان چوجوقلری دوشونمکە سوق ایتمش وابستاء « بلان کەنبورغ » دە بر آنا مکتبی تأسیس ایلە مشدر . مع مافیە ، چوجوق باغچەلرینک احدائی فکری ، اساساً بر اسلاو تربیە شناسى اولان قومه نیوس دن ملهمدر . ابتداء قومه نیوس ، چوجوق تربیە سیلە اشتغال ایتمش وفروبەل ، بوذاتک آنارینی تدقیق ایدەرک آنا مکتبلینک تشکیلی تصور ایلە مشدر . فروبەل ، مکتبی ، ایچندە هرجنس نبات وجیچک

یتیشدیریلن بر باغچه بکزه تیور . باغچوان ، باغچه سنی حسن تنظیم واداره ایدمه بیلیمک ایچون، ناصل چیچکلردن هر برینک طبیعتی تدقیق وتبع ایله مکه مجبور اولویورسه ، انسان فدانلرینی ثمره دار ایتک ایچونده ، بولردن هر برینک کاله کله سنه عائد شرطلری بیلیمکه لزوم ومجبوریت واردر . ایشته ، فروبهل ، چوجوقلری برر چیچک وکندیسنی ده ، اولنرک نشوونماسنه چالیشان بر باغچوان عد ایله دیکی ایچون ، مکتبلرینه « چوجوق باغچه سی » عنوانی ویرمشدر . فروبهل ، تربیوی فعالیتلرینی ، بالخاصه ، فراقفورت شهرنده کوسترمش وفراقفورت چوجوق باغچه لری ، بو سایه ده اساسلی بر تکمله مظهر اولمشدر .

*
**

علی العموم آنا مکتبلرینه اوچدن آلتی یاشنه قدر چوجوقلر قبول ایدلمکده در . بومکتبلرده ، چوجوقلرده کی فعالیت احتیاجندن ، تغنی وانشاد ذوقندن استفاده ایدیهلرک اوینلره تربیوی برماهیت ویریلیور؛ طوب ، کره ، مکمب کی وسائطله اوینلر یاپدیریلیور ؛ کیل وقومله اشیای خارجییه تمثیل ایدیهلرک چوجوق ، اشیانک خواص داخلیه سنی ، ترکیباتی ، اشکالی تحرییه ، سوق ایدیلیور . رسملر یاپدیریهلرک حسیات بدیهه نک تربیه سنه چالیشیلیور؛ باغچه ایشلریله چوجوغه طبیعت سودیریلیور؛ نشیده لر ، شریقلر ، خطابلرله چوجوغنک سامعه سی تربیه ووطنی حسلری تنیه ایدیلیور ؛ ادمان ویورویشلرله بدنی تربیه سی تأمین اولونویور .

آلانیاده آنا مکتبلری ، بویوک ترقیاته مظهر اولمغله برابر ، بعضای عاقله لر ، چوجوقلرینی تحصیل ابتدائی سنه قدر ، یانلرنده تربیه ایتمکی ترجیح ایتمکده در . چوجوق تربیه سنده ، بالار و بالار و والدله لر بویوک بروظیفه اصابت ایدیور . چوجوغنی کندی خود کاملغنی تطمین ایتک ایچون دکل ، بالذات چوجوغنک

کندیسی ایچون بویوتک مجبوریتمده اولدیغی تقدیر ایدن عاقله لر، بواپلک
تربیه بی ده بالذات درعهده ایدیورلر .

*
* *

آنا مکتب لری نك پانی باشنده ، بعضاً ، مده کی چوجوقلره مخصوص
ارضاعخانه لر آچیلمشدر . برلین پستالوجی - فروبهل مؤسسه سنه مربوط
اولان ارضاعخانه یی زیارت ایتشدم . بورایه ایکی یاشنه قدر اولان چوجوقلر،
شهری ۳۰ مارق اجرتله قبول ایدلکده ، و کمال اهتمام ایله باقيلمقده در .
ارضاعخانه لر، شهسز ، برمکتب دکلدرد . کوندوز حیاتلری بالذات قازانمق
مجبوریتمده بولونان عمله قادینلری چوجوقلری بورایه براقیور ، جمیتک محق
برماوتنه مظهر اولویورلر .

ارضاعخانه لر ، هر طرفده ، حایه اطفال جمیتلری نك تحت اداره سنده
بولونور . برلینده موجود سکز بویوک ارضاعخانه ، برلین قادینلر جمیت
خیره سنك تحت حایه سنده در . بو جمیتی ولی عهدك رفیقہ سی برنس
سه سیل حایه مخصوصه سی آلتنه آلمشدر .

معلملر و تدریس اصوللری

آلمانیا ، کالی مکتبلرینه و معلملرینه مدیوندر . — آلمان اصول تربیه سنک خاصه
مبزه سی . — ابتدائی تدریساتده حدسی اصوللر . — اک پویوک تربیه ساحه سی : طبیعت ! —
سینه ما وایشیقلی رسلر . — تعلیلی و فکشیقی اصوللر . — ابتدائی مکتبلرنده کتابلرک موقعی . —
درس ، صفده اوکره تیلیلر . — اقشام وظیفه لری . — تدریسات قایمه ده تهریر اصولی . — معلملرک
تعقیب ایتدکلری اوچ اساس . — تطبیقات فنییه . — پروگراملرک اساس و اک مفید ییلکی !

آلمانیا ، بوکونکی کالی مکتبلرینه و معلملرینه مدیوندر . بوراده معلم ،
مسلكدن یتیشمش ، مربیلکی کندینه دائمی و مقدس بر وظیفه اوله رق
طانیمشدر . آلمان معلمی ، درعهده ایتدیکی وظیفه یی حسن ایفا ایده بیلیمک
ایچون ، بوخدمته تماماً حاضر لانیمشدر . او ، طلبه سنه تلقین ایده جکی قناعلر ،
فکرلر و اعتقادلر حقنده صاغلام دستورلر مالکدر . فکر و معلوماتنک
سیلرینه ، دلیللرینه تماماً قانع ؛ عزمنندن و موفقیتندن قطعاً امیندو . بوویاشو
حقیقته ، نه ایچون ایناندیفنی ، ایجاب ایتدیکی زمان ، قوتنه امین اولدیفنی
دلیللرله اثباته مقتدردر .

ایشته ، بو معلومات ایله مجهز اولان معلم ، طلبه سنک دماغنده سهولته قابل
قبول اوله جق ، درین ایزلر براقه جق فرصتلردن استفاده ایده رک ، فکرلر
لطیف بر جریان و برمیکی بیلور و طلبه سنه دوشونمکه سوق ایله یور .

آلمان اصول تربیه سنک خاصه مبزه سی ؛ نفسه اعتماد و شخصی تشبته
خدمت ایتمکدن عبارتدر . آلمان کنجنه ، پک کوچوک یاشدن اعتباراً ،
هر حقیقتک هر کس ایچون محتاج تدقیق اولدیفنی ، بر شیئی بلا تدقیق قبول
ایتمه نک ، شرف فکری یی جریحه دار ایده جکی قناعی ویرلمکده در . آلمان
تربیه شناسلری ، پک ایی بیلورلرکه ، مستقل اولمایان بر فکر ، هروقت بر
جوق احتراصلره تابع اولق ، مضر تأثیرلر آلتندو . بولونه بیلیمک تهلکسنه

معروضدر. بالذات تفکر وملاحظه ایدہ بیلک مزیتہ مالک اولمالانلر، حقیقہ مغایر فکرلری دہ قبول ایتمک اوزون مدت مقاومت ایدہ مزلر .

آلمانیا ، سعادتی ، بالذات دوشونن ، بالذات حرکت ایدہن کنجولدن بکلہ مکدہ در. بوجہتلہ، اورادہ ، معلمک وظیفہسی ، اوکرہ نیلہ جک ہر شئی طلبہ نک دماغہ صوقق دکل؛ چو جوقدہ علم ایچون بر عشق و حرمت تولید ایتمک، تقباعدہ بولتہ بیلک ایچون ، چو جوغہ فکری بر انضباط و یرمک ، بالخاصہ حیاتدن اورکمہ مک ، اونک ہر درلو مزاحمہ مقاومت ایدہ بیلک صنعتی اوکرہ تمکدر. آلمان معلمک قیمتنی، معلوماتنک درجہسی ایلہ دکل، و یرمک ایستہ دیکی فکرلری ، طلبہ یہ تلقین ایلہ مہ سندہ کی قدرتلہ اولچہ لیدر .

*
**

آلانیادہ ، تدریساتدہ تعقیب ایدیلن اصوللر، مکتب و حیاتی یکدیگریلہ تماماً علاقہ دار ایتمکدہ در . حیات حقیقہ دن اوزاق تدریسات ، آلمان مکتبلرنده یربولہ ماز . آلمان اصول تدریسی ، چو جوقلری یالکز درسخانہ نک درت دیواری آراسندہ یاشاتماز ؛ حیاتک بوتون نظاہرلری قارشیسندہ ، کنجک ذہنی آچفہ ، اوکا تعقیب ایدہ جکی یولی کوسترمکہ چالیشیر .

ابتدائی تدریسات ، بالخاصہ حدسی اصوللرہ تبعاً جریان ایدیورہ معلم ، دائماً محسوساتہ استناد ایلہ یور ، اشیائی کوستریور ، اونلرہ دوقوندریور ، چو جوغی موجودات مشخصہ ایلہ قارشی قارشی یہ قویارق ، ابتداءً فکرنی تمیہ ایدیور و آتی محاکمہ یہ ولعیمہ آلبشدریور . مثلاً ، جوغرافیا ، علم ہیأت درس لرنده فکرلر، حسلر وجودہ کتیرہ بیلک ایچون کزینیتلر ترتیب ایدیلہرک چو جوق ، طبیعتلہ تماماً تماسدہ بولوندریور . اشیا درس لرنده ، حیوانات و نباتاتہ عائد نمونہلر کوستریور؛ چو جوقلرہ بانچہلر یایدیریلہرق ، چیچککریتشدریور ؛ تاریخ طبیعی موزہلری زیارت اولونیور .

کوی مکتبلرنده ، اشیا وزراعت تدریساتی ایچون نجر بہ تارلاری

وارد ر . معلم ، بوراده طلبه نك ساكن اولدقلرى محلك طوبراقلرى حقنده واضح معلومات وریوریور و طوبراغك اصلاحي حقنده اتخاذاى لازم كلن تدبیرلى بالعمل اوكره تیور .

حدسی اصوللرده ، تدقیق و مشاهده نك غایت منتظم برطرزده جریانده اهمیت ویرلمكده در . معلم ، طلبه یی ، حقیقتلری بالذات مشاهده یه و بولمغه آلیشدیوریور ؛ حواسك هر بری ایچون آری آری تمرینلر یادیوریور . رسم درس لرنده باصره نك ، آل ایشلرنده لامسه نك ، موسیقیده سامعه نك ، کیمیاده ذائقه و شامه نك تمرینلرینه اعتنا ایدیور .

تشخیص و مشاهده ده طلبه یی چابق کورمکده آلیشدیوریور ؛ و بوسایه ده ذكانك و سرعت انتقالك انكشافه ، حافظه نك تقویه سنه خدمت ایدیورلر . مثلاً ، قیرلرده کزه ركن ، معلم بردن طلبه یه توقف امرینی ویریور ؛ و ، افك معین بر نقطه سی کوستریور . چوجوقلر هپ بردن باقیورلر . صوکرآ ، درحال عكس جهته دونمه لرینی سویله یور ؛ و شیمدی برآن ایچون کوردکلری منظره نك حافظه لرنده قالان شکلی حقنده کندیلرندن ایضاحات ایسته یه رك ، چوجوقلری ، خیاللری مفکره لرنده سرعتله یاشامغه آلیشدیوریور .

حدسی اصوللرک اک آز قابل تطبیق اولدینی تاریخ درسنده بیله ، تابلولردن ، ایشیقلی رسملردن ، سینه مالردن استفاده ایدلمکده چالیشیلور . بوسایه ده ، موضوع بحث اولان اشخاص ووقایع اک خرده تقرطانه قدر چوجوغك نظر اقباهی اوکنه آچیلور ، و آنك دماغنی یورمه دن ، ذوقنی قیرمه دن فکرلر وحسلر تلقین ایدیلور .

جوغرافیا و تاریخ طبیعی درس لرنده ده ، ایشیقلی رسملره ، یاخود سینه ما ایله ، چوجوق ، جهانی کوریور ؛ بالخاصه وطنك داغلرینی ، صولرینی ، کوللرینی حیوانات و نباتاتی تدقیق ایدیور ؛ شلاله لرندن ، جریانلردن ناصل استفاده ایدلیکنی ، اعمال امتحانه لرندن مواد ابتدایه نك مواد معموله حاله

ناصل قلب ایدلایکنی کورییور و تاقین ایدلک ایستەنیلن شیلری سەولتله
وسونجە اوکرەنیور .

هەربەندائی مەکتەبەدە برسینەما ، هیچ دکلە بر پرۆزە کسیون ماکنەسی
واردەر . آلمانیدە ، سینەما ، تربیە ملیە ایله اک زیادە علاقەدار بر مؤسسە
کچی تەلقی ایدلشدر . مەکتەب سینەمالری ، علیالمادە برذوق واسطەسی اولمقدن
زیادە ، بدیی ، فکری و اخلاقی تربیەنک اک مەهم عاملی اولمشدر . برده ،
مەکتەبلەدە کۆستریلن سینەما شریدلرینک بالخاصە ، ملی حیاتە ، ملی تەکاملە ،
ملی تاریخچە عاند اولمەسنە اعنا ایدلمکدەدر .

ابتدائی مەکتەلری تدریساتەندە ، حدسی اصوللر ، اکتریتەلە تەلیل
وتەکشیف اصوللریلە ممتزج اولەرق تەقیب ایدیلیور . طلبە ، بر طرفدن
مشاهدەیی ، دیگر طرفدن هەرحادەنک سبیلرینی بولمە ، و حقیقتلری بالذات
کشف ایدەبیلەمکە سوق ایدیلیور . بو اصول ، حدسی اصوللری سؤال و جواب
واسطەسیلە اجرا ایتەک دیمکدەر . مەلەم ، سؤاللریلە طلبەیی ، اشیانک اوصاف
و طلبەیی آرامجە سوق ایدیور ، و زەندە بر طاقم حاضرقلر وجودە کتیردکن
سوکرا ، ایضاحاتە باشلایور .

خلاصە ، ابتدائی تدریساتەندە تەقیب اولونان اصولک اساسی ، تەلیم
اولونەجق موضوعە ، طبیعی بر صورتدە نفوذ ایدەبیلەمکدەر . ابتدائی مەکتەبلەدە ،
کتابلر ایکنجی درجەدە حائز اهمیتدەر . بورادە حقیقی کتاب ، حیات حقیقیە
هەمەسەندەر . چوقوقلرک زەهنی ، سطرلر آراسنە دیزلش یازیلرلە دکل ، حقایق
اشیا ایله توغل ایدەرک زەنکینلشیدیریلیور . چوقوقە هەرشئی کۆرەرک ،
حسن ایدەرک ، تجربەلر یاپەرق اوکرەنیور .

ابتدائی طلبەسی ، درسنی مەکتەبەدە و سەنفەدە اوکرەنیر . طلبە ، مەکتەب
خارجەدە بوس بوتون سربەستدەر . اقشام أونەدە احضار ایدەجکی تەحریری
وظیفەلرک مقداری ، غایت محدوددەر . هەراقشام یالکۆز بر ، نهایت ایکی درسک
وظیفەسی واردەر . هانکی کۆن ، هانکی مەملەک وظیفە ویرەجکی مەکتەبجە

تعیین ایدلشدرد. صوگرا، طلبه یه اوصانچ ویرمه مەسی ایچون، ویریلن وظیفه لرك ده مختصر اولماسنه اعتنا ایدیلور. اون درت، اون بش یاشنده کی جوجوقلره ویریلن وظیفه ودرسك مقداری کندیلرینی، اقشام، بر جوجوق ساعتدن فضله اشغال ایتیه جك درجه ده دره پك کوچوك صنفلر طلبه سنه ایسه، هیچ وظیفه ویرلمز.

*
* *

تالی تدریسانده تعقیب اولونان اصوللرده، ابتدائی تدریسات اصوللرینك عینی در. یالکیز تالی مکتبلرده صنفلر یوکسه لدجکه معلم، سیق صیق تعلیل و تقریر اصوللرینه مراجعت ایتکده در. معلم هر یکی فکرک، هر یکی حادثه نك سنبیلرینی، نتیجه لرینی آرایور؛ و بو فکر و حادثه لری ایضاح و تقریر ایدیور.

تدریسانده معلمك تعقیب ایتدیکی اساسلر اوچه ارجاع اولونه بیلیر :
منفعت شخصی نك ایقازی، ذوق روحی، علم صریح !

اولا؛ معلم، درسك حیاته اولان علاقەسنی، موجودیتنه تعلق قسملری کؤستره رك طلبه نك حسن منفعتی تحریک ایدیور، اونده درسنه قارشى بر انجذاب و محبت تولید ایتکه چالیشیور.

ثانیاً؛ معلم، حقیقتلری طلبه یه بولدیرارق، اونده بر کاشفك ذوق روحیسی کی بر ذوق لؤ یاندیریور. میخانیکى اوکره نیلن معلومات، کنجلکك روحی متلذذ ایدمەز. تلقین ایدیلن فکرلرك چوجو غك روحنده کؤکلشمەسی ایچون اوکا بر فعل ابداعك، بوتون ذوق وسعادتى حسن ایتدیره بیلمیلیدر. ونهایت؛ تلقین اولونان فکرلرك، کنج دماغلری، شېه لی قناعتلردن تماماً صیانت ایدمەك درجه ده واضح، قطعی و صریح اولماسنه دقت ایدیور. علم هیأت کی، جوجوقلرك محدودیت فکر به سنه کوره، اطلاعی ناقابل

جهتلى احتوا ايدەن ؛ علوم دىنە كې ، نامتايلىك فوئدە روھانىلار
فەوز ايله كلاسلىق بىلەن مسائل، مەكن مرتبە واضح و عملى بر صورتدە كىنجلەك
نظر تدقيقه عرض اولونيور . سوكر ، معلم ، درسك ماقبلە تعلق ايدەن
قسمى تماماً بىلنمەدكە ، عموم طلبەك درسى اكلا دىنە واوكرە ندىكنە قناعت
حاصل ائتمەدكە ، ايلرى بىخىلرە كچمە يور .

قالى مەكتەبلەردە ، تطبیقات فنیە بویوك اهمیت عطف ایدلمشدر . هر
سلطانینك مەكل بر موزەسى ، حكمت و كیمیا سالونلری ، علوم طبیعیە
لابوراتوارلری وارددر . طلبە ، بورادە هفتهدە اوچ بش ساعت تطبیقات ایلە
اشتغال ایدیور . طلبەدن هیچ برینك تطبیقاتدن محروم اولمامەسى ایچون ،
هر صنفدە طلبە ایكى قسمة آیریلیور . وقسلردن برى اقشاملری ، دیکری
صباحلری ایکیشر ساعت تطبیقات کوریور . یوکسك صنفلردە طلبە عددی
قرقی تجاوز ائتمەدی ایچون ، بر قسمة تطبیقات کورە چکلرە مقداری یکریمی
کچمز . عملیات سالونلرنەدە طلبە ایکیشر ایکیشر چالیشدقلری جهتلە ،
تطبیقاتدە یکریمی کشیک بر قسم ، اون طاقە آیرلمش اولور . و مەکتبجە اك
زیادە استعمال اولونان حكمت و كیمیا آلاتندن اون طاقم تدارك ایدلمش
اولورسە ، بلا استثنا بوتون طاقەك تطبیقات کورە بىلمەسى تأمین اولونور .
ایشته ، سلطانیلردە بواساسە کورە هر نوع آلات درسیەدن اوزر طاقم موجود
بولوندىرلمقدەدر . بواساسی اك ایى صورتدە تطبیق ایتش اولان ، هامبورغ
سلطانی مەکتەلریدر . بومەکتەبلردە یوز نوع آلات حکمیە و کیمیویەدن اوزر
طاقم موجوددر .

.*

آلمان مەکتەلری پروگراملرینك اساسی ، « اك مفید بىلگی » در .
پروگراملردە ، حیاتە نافع اولما به جق درسلرە موقع ویرلمەش ، پروگراملر
قايە کورە بك ایى تنظیم اولونمىشدر . سوكر ، هفتهلق درس جدوللری

كونك مختلف ساعتلرنده كى سى دماغينك قيمته دائر ياپيلان عملى تجربه لره كوره ترتيب ايدلمشدر. كنجلرده چوق متحول اولان دقت ملكه سى، بركيجه اويقوسنى متعاقب اولدينى ايچون ، صباح درسلرنده دها فعال اولور . بناء عليه رياضيه كى چوق دقته ، وچوق سى عقلى صرفه محتاج اولان درس لر ، مطلقا ايلك درس لرى تشكيل ايدىيور .

برده ، آلمان ياده ابتدائى وتالى مکتبلرده درس لر اوكله يه قدر دوام ايدىيور . چونكه تدقيقات صحيحه ، صباح مکتبلرنده امراضك ، اوكله دن صوكراده درس ياپان مکتبلردن دها آز اولديغنى كوستر مشدر . بالخاصه برلين ، هامبورغ ، پرونسويك ، دوسه لدورف ، لوبهك ، كونيغسبرغ مکتبلرنده على العموم درس لر اوكله دن اول نهايت بولويور . وچوچوق اوكله دن صوكره ، سربست قاليور ؛ مساعى بدنيه واويونلرله اوغراشيور .

أل ایشلری ، رسم ، لسان اجنبی

أل ایشلری ، آلمانیا ده دانیارقه دن انتقال ایشلر .-- رسم تدریساتده اصلاحات .--
وسله تربیوی غایه سی .-- لسان تدریساتی .-- طبیی اصول .-- پروفه سور و اینها وک مطالعه سی .--
شتود غاره اثاث اعدادیسنده بر فرانسیزجه درسی .-- فرانسیز لره آلمانلره تحبطلری .-- بر
فرانسیز معارف ناظری نه دیور؟

آلمانیا ، صنایعده کی تکاملنی ، شبه یوق که ، صنایع مکتبلرینه مدیوندر .
فقط ، کنجاره تربیه صنایعیه ، یالکیز بومکتبلرده ویرلش دکلدر . آنامکتبلرندن
اعتباراً ، عموم مکاتب پروغراملرینه أل ایشلری ورسم درسی ادخال ایدیلر که
تربیه صنایعیه کی تعمیمه جالیشلمشدر . هر مکتبه أل ایشلری ایچون دمیر
خانه ، مرانفوز خانلر تأسیس ایدلش وتخته وکیل ایشلری ایچون مکتب
بودجه لرینه مهم تخصیصات وضع اولونمشدر .

آلمانیا مؤسسات عالیهنه أل ایشلری ، ۱۸۷۵ ده دانیارقه دن انتقال
ایله مشدر . دانیارقه ده ، معلم « قلاوزنه قاس » که همتیله تأسیس ایدنه أل
ایشلرینک ، تربیه نقطه نظرندن اهمیت ، آلمانیا ده ده نظر دقتی جلب ایش
وقلاوزنه کی تجاربندن استفاده ایدلک اوزره ، کنیدیسی برلینه دعوت
اولونمشدر . قلاوزنه ، ابتدا ، برلین ده أل ایشلرینه مخصوص آنه لیر آچیش
و ۱۸۸۰ دن اعتباراً هر طرفه ابتدائی مکتبلری پروغراملرینه ، أل ایشلری
درسی ادخال ایدلکه باشلامشدر .

أل ایشلری تدریساتنه بر شکل تربیوی ویرمه جالیشمش اولانلر
آراسنده ، شه کنکدورف ، غورلیچ ، غوج ، قونات ، فیشهر ونهات
کهرشن اشتاینر کی آلمان استادلرینی ذکر ایده بیلیرز .
أل ایشلری تدریساتده چوققلرک قابلیت وسنری نظر دقته آله رقه ،
تدریجی بر اصول تعقیب ایدلکده در . ابتدائی لره ایلک صنفلرنده موقاولا

و چامور ایشلری ، یوکسک صنفلرده تخته ایشلری ، دوغرامه جیلق و تالی صنفلرده دمیرجیک ، اویمه جیلق کوسترلمکده در . اناث مکتبلرنده ، بونلر برینه ایکنه ایشلری قائم اولویور . وقیزلر دیکیش حقنده معلومات ابتدائیه یی آلد . ایدنجه ، کندیلری و یا عائله لری ایچون مفید اوله جق البسه اعماله باشلاتدیریلیور . بو صورتله ، اعمالی ایسته نیلن بر شیئه مالکیت ذوقی ، طالباتک دقتی تحریک و مساعیسی تشویق ایدیور .



صوئاون بشنه طرفنده ، آلمان مکتبلرنده رسم تدریسی اصوللری ده اصلاح ایدلمشدر . بواصلاحات حرکتی ، ابتداء هامبورغ مکتبلرنده باشلامش و یاواش یاواش پروسیا ، صاقسونیا و باویه رایه انتشار ایله مشدر . تدریساتده تعقیب ایدیلن یکی اصول ، چوجوغک کوزینه وآله ، طبیعتک واشیانک اک بسیط شکلرینی عیناً تقلید و قره قلمله رسم ایده بیله جک صورتده بر تربیه ویرمکدن عبارتدر . بو مقصدله ، رسم درس لرنده موده لار مکلف ، طبیعی اوله رق انتخاب ایدیلر . چوجوغه حقیقی ایجه کوسترمک ، ایجه حس ایتدیرمک ایچون اونسکله طبیعت آراسنده هیچ بر حائل اولماق ، طبیعت ، اونک یکانه مشخصی اولق اساسی قبول ایدلمشدر .

صنایع مکتبلری تدریساتی مستثنا اولق اوزره ، رسم درس لرینک مکاتب عمومی ده کی غایه سی ، منحصرأ تربیویدر . چوجوقده کوردیک ، شیلری قطعیت و وضوحله رسم ایده بیله جک بر قابلیت او یاندیرمقدور .

رسم درس لرنده طلبیه مطلق بر سربستی ویرلمشدر . معلم ، هر طلبه یی عینی وظیفه ایله مکلف ایتمکدن زیاده ، چوجوقلرک استعداد و قابلیت لرندن استفاده ایتمکی دوشونیور . صنعی مختلف زمره لره تقسیم ایدیور و زمره لردن هر برینه آیری آیری ممارسه لر ویریور . باصره سی ضعیف اولان طلبه ، رسم

درس لرندن استئنا ایدیللمکده در. بونلر یالکنز ، درس اثناسنده معلمک فکر و مطالعه لرینی دیکله لرلر. فقط ، فعلاً رسمله اشتغال ایله منزل .

*
**

لسان اجنبی تدریسانده ، (طبیعی اصول - مه تود دیره کت) تعقیب ایدیللمکده در. بو اصول ، طبیعتک لسان مادری بی چوجوقلره اوکره ندیکی اصولی تقلید ایدیور ؛ لسان اجنبی بی آنا لسانک توسطی اولقمسزین اوکره تیور. بواصولده طلبه نک ذهنی ، قاعده لر ، تعریفلره املای ایدلمه یه رک ، اوکا ساده جه مثاللرله لسانک بناسی ، صرفی اوکره تیلیور. ایلك درسدن اعتباراً ، طلبه اوکره نمک ایسته دیکی لساندن باشقه برلسان ایشتمز وسویله من. معلم ، برکله بی متعدد وسیله لرله تکرار ایده رک ، بسیطدن مرکبه دوغرو مکالمه لر یاهرق طلبه نک حافظه سنی تقویه ایدیور وبوصورتله ، طلبه ، برچوق کله بلله دکدن ، کوچوک مکالمه لر یانمغه مقتدر اولدقدن سوکرا ، تدریجاً لسانک قواعدی اوکره تیلیور .

خلاصه ، آلمان مکتبلرنده لسان ، ترجمه نک یاردیمی اولقمسزین عملی بر صورتده اوکره تیلمکده در. اصول طبیعی بی تعقیب ایدن مکتبلرده طلبه بویوک موفقیتلر کوستریور . بو اصول ، بالخاصه فرانقفورت مکتبلرنده اک ایی بر صورتده تطبیق ایدلمش ، ومفید نتیجه لر ویرمشد. فرانقفورتده بواصولک ایلك مؤسسی ، الیوم پروسیا تدریسات تالیه مشاور عالیسی پروفه سور راینهارددر. آلمانیده کی تدقیق وتبعلرمده بکا قیمتدار معاونت لرینی بذل ایتمش اولان بو بویوک تربیه شناس ، بواصولک لسان تحصیلنده کی مؤثریتدن بحث ایله دییوردی که :

« طبیعی اصولک اک بویوک مزیتی ، اوکره تیلمک ایسته نیلن لسانی ، بوتون وضوحیله ، بناسیله ، انشاسیله کوستره بیلمه سیدر. اجنبی برلسانه ترجمه ایله اطلاع کسب ایتک ، ناقص بر اطلاعدر. چونکه ، برلسانک برچوق

کله لرينك ، ديكر لسانده تام مقابللري بولونه من . هر لسانك خصوصي بر طرز بياني ، شيويسي ، تعييراتي واردركه ، بوني باشقه بر لسانده تماماً ادا ايتمك ممكن دكلدر .

« طبيعي اصول ايله اجرا ايديلن تدريسات ، اجنبي بر مملكتنده سياحت ايدن كيمسه نك بالنسبه قيصر بر زمان طرفنده ، بر مكالميني اداره يه كفائيت ايدمك درجده قزانديني ممارسه يه معادلدر . وحق او كا فاقدر . چونكه ، بو اصول ايله لسان دهها منتظم ومضبوط بر طرزده اوكره بيلمكده در . »
مكتبلرده ، لسان اجنبي تدريسآنده نظر دقتمى جلب ايدن ، معلمك كهلرك تلفظه فوق العاده اعتنا ايتمه سيدر . معلم ، درسده بوتون قوتى كهلرك دوغرو تلفظ ايدلمه سته صرف ايدييور . و تام قوتى و يريله مهن كهلرى اون ، اون بش دفعه تكرار ايتمكدن چكينه يور . اشتود غارده ، اثاث اعداديسته بر كوچوك صنفك فرانسزجه درسده حاضر بولوندم . چو جوقلرك هر برينك آئنده بر كوچوك آينه واردى . معلمه ، كهلرى تلفظ ايدمك ، آغزنيك ودوداقلرينك قلمس وانبساطنه چو جوقلرك نظردقتمى جلب ايدييور . وصوكرا ، چو جوقلرى آينه لرينه باقديرارق ، آغز ودوداقلرينك عيني شكل و وضعيتي آله بيلمه سي و كهلرى ، عيني معلمه كهي دوغرو تلفظ ايدم بيلمه لرى ايچون محاموسه لر يادي ربيوردى .

ايشته ، بو اعتناله ، آلمان مكتبلرنده اجنبي لسانلرينك تحصيلي امرنده بويوك موفقيتلر كورولمكده در . ديكر مملكتلرده لسان اجنبي تدريساتي حقتده شكائتلر ايشيديلير كن ، آلمانيا ، ساكت وساكن طوتدني موفقيت يولنده ايلرله مكدده در . صوروبون مدرسلرندن « لاويس » ، آلمانلرك بو موفقيته غبطه لر ايدمك ركن عينا شو سوزلرى سويله يور :

« آلمان دارالفنونلرنده فرانسزجه يي سهولته او قويوب اكلايان ، بك چوق كنجلره تصادف ايدلديكي حاله ، صوروبونده كي طلبه آراسنده ، آلمانجه يي قولايجه او قويوب اكلايه جق اقتدارده اولانلر اندردر . »

فرانسه معارف نظارتی احراز ایله مش اولان « برتلو » ده ، آلمانلرک
لسان تحصیلنده کی موفقیتلرندن بحث ایدمه رکن دییورکه : « فرانسه ده ، اجنبی
لسانک تحصیلنده موفقیت کوريله مه مسی ، لسان معلملرینک وظیفه لرینی
استخفاف ایتمه لرندن متولددره . بونلر ادا بادن کچندکلری ایچون ، لسان خواجه لئی
کندیلرینه پک آغیر کلیور . بوجهتله ، لسانک صرف ونحوینه اهمیت ویره جک
یرده ، گوته نک ، شیلله رک آثارینی تحلیل و تنقید ایله وقت کچیریورلر .
آلمانلرک لسان تدریسنده کی موفقیتلری ، ای معلم انتخاب ایتمه لرندن و پک ای
اولان تدریس اصوللرندن نشأت ایله مکده در ا . »

بدنی تربیه و سپور

بدنی تربیه به ایلک اساسلری وضع ایدهن « یان » - « یان » ک انئوری و ژیمناستیکه قلوبلری - دوت غده - ظفر هیکنه حائد برخطه تاریضیه - ادمان بایراملری - شتود - غارده بوگون - سپور جمعیتلری .

آلمانیاده ، اون دو قوزنجی عصر ابتدالرنده ، « پستالوجی » نك تأثیراتیه تدریسات ابتدائیه ؛ و « هردر » ، « وولف » ، « کیوم هومبولد » و « سوده رن » ک مساعیسه تدریسات تالیه بردوره تکامله کیرمش و عملکتنده یکی عرفان حیاتی یوکه ملکه باشلامشدی . فقط ، کنجلیکی مستمد اولدینی کمال و ترقی درجه سنه اصعاد ایده بیلیمک ایچون ، بومساعی کافی دکلدی . فکری تربیه موازی اولق اوزره برده ، بدنی تربیه اهمیت ویرمک ، ضعیف بنه لری قوتله ندیرمک ایجاب ایدیوردی . بوتربیه به ایلک و متین اساسلری وضع ایدهن « فریدریخ لودوویق یان » در .

یان ؛ بدنی تربیه ایله ، بوتون کنجلیکه قوت و حیات قفخ ایتمک ایسته یور ، و بونکله مملکتی ، ناپولئون استیلا سندن قورتاراجنه قائل اولویوردی . یان ، وطنی فرانسز اسارتندن تخلص ایده بیلیمک ایچون ، بوتون عمرینی کنجلیک مشاق سفریه به متحمل ، برر محارب اوله رق یتشمه سی اوغورینه وقف ایله مشدر . ۱۸۱۰ ده پروسیاده بر (تربیه بدنیه جمعی) تشکیل ایتمش ، و محاضره لر یله ، نشریاتیه بوتون آلمان کنجلیرینی اتحاد دعوت ایله مشدر . (آلمان ملیت پرورلکی) نامیه نشر ایتدیکی کتاب ، آلمان حمی ، آلمان روحی ایله یازلمش الک کزیده بر اثر در . یان ، اثرنده ملی قیافتلرک محافظه سنی ، ملی موسیقینک احیاسنی ، و وطنک استقلال واستخلاصی ایچون ملتک قوی و محارب اولماسنی توصیه ایدیور ؛ و عسکر حسلی و عسکر فکری کنجلیر یتشدر بیلیمک غایه سنی تعقیب ایله یوردی .

ابتداءً، يالكز چوجوقلرک تعليم و تربيه سيله مشغول اولان يان، بالاخره، ژيمناستيک تعليملريني بوتون وطنداشلره تشميل ايديبور، و بو مقصده برلين جوارنده « هازين هايده » ده بر ادمان محلي تاسيس، و هر طرفده ادمان قولوبلرينک کشاديني تشويق ايله يوردي.

يان، ژيمناستيک قولوبلرينه مخصوص شو $\frac{3\sharp}{4}$ علامتي احداث ايتمشدي. اوست اوسته مربع تشکيل ايدن درت F ک دلالت ايتديکي کلهلر شونلردر: Friche زنده، Frei حر، Fröhlich شن، Fromm متدين!

يان، کنجلرده بو درت عمده نك انكشافه چالشمش و بو سايله ژيمناستيک، ملي و وطني حسلرک نشوونماسه واسطه اولمشدر.

يان، آلمان کنجلکنک فکر و روحنده الکچوق ياشايان بروطنروردرد. علي العموم مکتبلرده « فريدريخ لودوويق يان » ک اسم و رسمني حاوي لوحه لر، ادمان سالونلرنده موقع احترامه تعليق ايدلمش، و کنجلر اونى بوتون صفوت و صميميتلريله سومشلوردرد. بو محبت، شاعره يکي بر عنوان قازانديرمشدر. « يان بابا »!

آلمانايده، يان بابايي طانمايان برکنج يوقدر. اونک حياتنه، وطنرورلکنه عائد برچوق منقبه لر، ملتک داستان حماسي اولمشدر. برکون، معارف نظارتي ارکانشدن مشاور خاص دوكتور آنکوه رله، (براندينبورغ قابوسي - براندينبورغه رتور) دن کچيوردق .. تيرغارتني اونته رده نلندن (اخلامور آلتی) جاده سه ربط ايدن بو مهيب مدخل، يکرمي آلتی مترو ارتقاغنده، آلتش ايکي بوچوق مترو کنيشلکنده برطاق ظفردرد. معظم و مذهب ستونلرله يکديکرندن آيريلمش بش قابوسي اولان بو طاقک ذروه سنده (ونديکک سن مارق آلتري) ني تمثيل ايدن بر ظفر هيکلي واردر. بو هيکل، ۱۸۰۷ ده فرانسه لر برلنه داخل اولدقلري زمان، نابوليون طرفدن آلته رق بارسه نقل ايدلمش، قاروسه ل طاقک اوزرينه قونمش، و ۱۸۱۳ ده پروسيالير مظفراً بارسه کيردکلي وقت، تکرار استرداد ايديله رک بورايه کتيرلمشدر.

دوقور آنکوره، بوهیکله اشارت ایدرک، تاریخی بروقمه نقل ایندی:
۱۸۱۰ ده، برکون، یان، مدخلدن کچورکن، بر جوجوغه راست کلش،
جوجوغک یانسه یاقلاشهوق سورمش: - بوراده اسکیدن نه واردی؟
جوجوق، جواب ویرمش: - ظفر هیکلی؛ فقط صوکرافرانسز آلوب
کوتورمشلر.

— پک اعلا، شیمدی سنک، بو هیکل حقنده کی فکرک نه؟

— نه اوله جق، هیچ!

دینجه، یان، جوجوغه شدتلی بر طوقات عشق ایتمش وشو سوزلری
سویله مش:

— بز، پارسه کیده جک، اونی آلوب کتیره جکز! آکلادکی؟
ایشته، سنک فکرک بو اوله جق!

فی الحقیقه، ۱۸۱۳ ده، پروسیالیر پارسه داخل اولدقلری زمان، یان ده
اورایه کیتمش، وظفر هیکلنک، قاروسه لطاقی اوزرندن ایندیرلیدی کون،
یان، بالذات طاقک اوزرینه چیقمش، و آوازی چیقیدنی قدر باغیرارق:
«آغزیکی، هپ یالانچی ظفرلرله طولدیردک، بوتون جهان ناپولیونک،
بویوک اردونک شان و شرفنی اعلان ایتدک، شیمدی جک بلاکی!، دیمش
وهیکلک ترامپه ته سنی بر قازمه ده پاوجالامشدر.

*
**

آلمانیا ده، بدنی تربیه به بالخاصه صوک ربع عصر ظرفنده بویوک اهمیت
عطف ایدلمشدر. ۱۸۹۰ ده، قیصر حضرتلری، بدنی تربیه حقنده مهم بر
نطق ایراد ایدرک، مکتبلرک حیات ایله تماشنی قائب ایتدیکندن شکایتلر
ایتمش و وطنداشلری، بدنی تربیه به بویوک اعتنا صرف ایدلمه سنه دعوت ایله مشدر.
بواخطار، هر طرفده صیمی بر معکس قبول بولش و بدنی تربیه، مکتبلرده
مجبوری بر شعبه تعلیم صیراسه کچمشدر.

هرمکتبک بر تربیه بدنیه سالونی ، و هر شهرک بر ویا متعدد ادمان میدانی
وارد در . کنجلیر بومیدانلرده ، مجتمعاً سپورلر یاپارلر . سنده . برایکی دفعه عموم
شهر مکتبلی طلبه سی ، ادمان میدانلرنده عمومی تعلیملر و مسابقه لرا اجرا
ایده لرلر . مسابقه کونلری ، عادتا برر بایرام کونیدر . بیکلرجه طلبه ، بدنی
تربیه سایه سنده اکتساب ایندکلیر ، چویکلکی ، وصحت وجوالیق کوستریلر .
هرمکتب انتظام و فعالیتده یکدیگرینه رقابت ایده جک بر مکملیت عرض ایده در .
کنجلیر آراسنده غایت مفید مسابقه لر یاپیلیر . و بوسایه ده بدنی تربیه نك هدف
اتخاذ ایندیکی غایه یه دوعرو بویوک آدیملر آتیایر .

شتودغاردده ، طالع یاور اولدی . معارف ناظر محترمی فون هابه رماس
جنابلرینی زیارت ایندیکم کون ، مشارالیه ، ایکی کون صوکرا اجرا ایذیله جک
عمومی ادمان بایرامنه ، بی ده دعوت ایتک لطفنده بولونمشلردی . نمونیتله
دعوت واقعه یه اجابت ایتدم . پک لطیف بر تموز کونی ایدی . اشتودغارد
تاریخ طبیعی موزه سی مدیری پروفیسور لامپه رله برلکده ، شهره اوتوموبیلله
یاریم ساعت مسافده ، ده گه رلوخ کوبنده کی ادمان یوردینه کلشدم . یورد ،
لطیف بر اورمان ایچنده ، شهره حاکم کزیده بر موقعده بنا ایدیلن ، بر
قاج قلوب بناسیله ، پک واسع میدانلردن عبارتدر . بنالر ، مشجره لی بر یایلاده
چاملرک ، آقاسیالرک قویئنده قارشی صباه زمردین بر خط چیزمش کی اوزایان
داغلره ، تپه لره ناظر بر محله ده تأسیس ایدلمشدر . طبیعتک بهجت و زراعتی ،
مدنیتک عزم و عرفانیله مزوج کورمک ایسته یلره ، بوراسی نه واسع بر جهان
بدایعدر !

میدانک اطرافی ، شهردن فوج فوج کلن مسعود بر خلق ایله دولش ،
وورتمبه رنک و کلاسی ، مبعوثانی ، اکابر و اشرافی بو کونکی چوجوق بایرامی
تسعیده شتاب ایله مشدی . تام اعلان اولونان ساعتده ، دقیقه سی دقیقه سنه ،
تعلیملره باشلانمشدی . شیمدی ، مختلف مکتبلره منسوب اون بیک کنج ،
نك بر وجود کی حرکت ایدیور ، بر قوماندایه تبعاً ممارسه لر یاپیوردی .

مشترك تعليملىرى ، مختلف مسابقىلار تەقىب ايدىيور ، و نهايت مسابقىلار خصوصى مادالىلار و ذكر جىللارلە تەلپىف اولونويوردى .

بوتون بر نوئمى لطيف انطباعلارلە دولديران بوسيراندن عودت ايدەركن ، آلمانلارك قوت و صحت آلدینی منبع و واسطەلرى نظرمدە بردفعە دها جانلاندير ييور ، و ، بوقوم رصينك فاصل متين و منور براستقبالە دوغر و يور و ديكنى دوشون يوردم ..



آلمانپادە ، بدنى تربيه نك تكميله چالیشان بر چوق سپور جمعيتلىرى وارددر . بو جمعيتلر ايچندە بالخاصە كورەك چكە و يوزمە جمعيتلىرى اك زياده تعمم و ترقى ايتشددر . فى الحقيقە ، سياحت ، آلمانپادە اك چوق رواج بولان ممارسە بدنيه در . يوزمە ، وجوددە سرعت و متاتى تزويد ايتمك ، قواى عضليه يي تخيمه ايله مك ، قلبه و جكرلرە قوت ويرمك صورتيله بدنى ممارسەلرك اك مكمل والكدبى عدا اولونويور . آلمانپادە ، دكنز و نهر ساحلارندە بولونمايان شهرلردە صنئى كوللر وجودە كتيريلهرك ، كنجلرك يوزمە و كورەك چكە سپورلرينە زمين حاضر لائمشدر .

خارجيه نظارتى اركانندن دوقتور سوريىغ و براندنبورغ معارف مفتشى دوقتور بورباين رفاقتلريلە ، برلين سپور جمعيتنك وائزە قلوبى زيارت ايتشددر . برليندن شومندوفرلە اون دو قوز كيلومترو مسافەدە ، وائزە كولى ساحلندە تأسيس ايديلان بو محفل ، مختلف اسپور جمعيتلرينك اجتماعكاهيدر .

محفل ، وائزە نك ، قلبه ذوق و نشاط ويرەن لطيف بر ساحلندە بنا ايدلمشدر . بورادن كولك سريع و چالاك واپورلرني ، ساحلى تەقىب ايدەن قطارى ، ييشيل آغاچلىرى ، مائى صولرى تماشا ايدەركن ، پك ابي تقدير ايدەرسكنزكە ، وائزەدە طبيعت و صنعت بربرنى صفوتلە قوجا قلامشدر .

وائزە قلوبى ، برلينك غرب قسمندە بولونان عموم مكتبەلرە هائدددر . هر مكتبە ، قلوبە سنوى ۸۵۰ مارق حصە اشتراك ويرير . بوندن باشقە ، شهر ،

خصوصی بودجه‌سندن سنوی ۲۳ بیک مارق تخصیصات اعطا ایتدیکی کبی،
جمعیه، دولت بودجه‌سندن ده معاونت ایدلمکده در .
محفل، مکتب افندیلری طرفندن اداره اولونور . فقط، هر مکتبک
معلملرندن بری جمعیتده بولونور؛ و طلبیه نظارت ایدر . قلوبه خارجدن
کیسه داخل اوله مز .
برلین مکتبلیرنک وانزمدن ماعدا، نیدر شونه‌واید کولی ساحلنده،
وشییره نه‌ری اوزرنده ده‌ا ایکی بویوک سپور قلوبی واردر .
علی‌العموم سپور قلوبلرینه داخل اوله‌جق طلبه‌نک، معین اولان سنه
واصل اولمش و صحقی سپورلره اشتراکه مساعد درجه‌ده بولونمش اولماسی
شرطدر .

وطن محبتی و ملیت فکری

وطن و ملیت فکری نیکو عاملی . . . فیخته و آلمان ملت نه خطابه لر . . . قلابست، کورنه و شه نکه ندورف ، رونفکرت ، لودویغ یان ه آرند . . . ایچده آلمان یاشایان و آلمان لسانی تکلم ایدیلن هریر ، آلمان وطنیدر ! . . . بیبور ، رانکه ، مومزن ، زیسل ، طرابیچکه . . . حقیقی وطنپرورلک ، همنه قاتدن دوغان وطنپرورلکدر . . . فره دریق آوغوست دارالمعلمینده بر تاروخ درس . . . چاتاق قلعه و بورکلو . . . تحریر وظیفه لرنده ملی موضوع لر . . . ستون ظفر ، استخلاص آیده سی ، باواریا هیکلی . . . آلمانیا ، هر هیثک فوقده ! . . . سایه سده یاشادینک وطنه مربوط اول ، قدرلکک بوتون منیملری اوراده در !

نابولون ، ۱۸۰۶ ده مظفرأ برلینه داخل اولدینی زمان ، پروسیا ک فلاکتلی بردورینی یاشایوردی . بوفلاکتک اک بویوک حامی ، وطنداشلرده وطن محبتک و ملیت فکرینک بوس بوتون مفقودیتی ایدی . پروسیاده وطن محبتی ، موقعی فرانسز نفوذینه براقشیدی . مملکتک هر طرفنده فرانسز مدنیق ، فرانسز صناعتی ، فرانسز حرثی حکمنی اجرا ایدیور ، خلق آراسنده فرانسز لسانی ، آنا لسانی قدر تکلم ایدیلیوردی . نابولون حربی انساننده بو محبتنزلکک پک چوق آثاری کورولمشدی . دشمن برلینه تعرض ایتدیکی صیراده ، خلق هیچ برغلیان و هیجان کوسترمه یور؛ بالعکس ، هر طرفدن نابولون حقنده ستایشلر ایشیدیلیوردی .

نابولیونک مظفرتی و فرانسز نفوذی ، پروسیایی پک ذلیل بر موقعه ایندیرمشدی . تیلسیت معاهده سی ، آلمان طوبراقلرینی نابولیونک تعلقاتنه توزیع ایدیور ؛ لوئی بوناپارط هولاندا ، ژه روم بوناپارط و ستفالیا ، ژوزف بوناپارط نابولی قرالی اولویور ، پروسیا اردوسی قرق ایکی بیسک نقره تنزیل ایدیلیور ، و نهایت تضمینات حربیه اوده نتیجه قدر ، فرانسز اردوسنک پروسیا طوبراغنده بولونمسی شرط اتخاذا لونیوردی !
بومدهش سقوط پروسیایه پک آغبر کلش ، ویاواش یاواش انتقام حسی بوتون قلبره استیلا ایله مشدی . پروسیالیر ، آرتق شان و شرله یاشامق

ایسته یورلردی. پروسیایی، دوشدییکی بوزلیل موقعدن قورتاران و پروسیا ایله برابر بوتون آلمانیهایی یکی وزنده بر حیات ویرن، شاعرلرله مودخلر اولمشدر. بونلر، آلمانلرده وطن محبتی و ملیت فکریخی ایضاظ ایدیور؛ وطنك ماضیده کی شرف و شانی، آلمان عزیم و مرامنك علویتنی کوستره دک مملکت مزهر و پرکال بر حیات تأمین ایتمکه چالیشیورلردی.

دماغ ملته بوفکری تلقین ایدن شاعرلر آراسنده، فیخته نی، حرمله یاد ایده بیلیرز. فیخته؛ یه نا مغلوبیتنه قدر (بوتون روی زمینی وطن) عد ایدن متفکرلر میاننده ایدی. ۱۸۰۶ هزیمتی، بوفکر و نظریه سنی بوس بوتون ده کیشیدردی. فیخته، بوتونلر یخندن اعتباراً آتشین بر ملتپرور اولویور و بوفکرک الهاماتیهایی یکی اثرلر نشر ایله یوردی. «آلمان ملته خطابلر، نده، فیخته، آلمان قومنك، لاتین ملتیرنه تفوقنی ادعا ایدیور، و آلمانیاك طبیعی حدود لسانیه سنی جبراً استزداد ایتیه سی لزومنی اعلان ایله یوردی. فیخته، ناپولیون اردولرینك برلینی اشغال ایتدکری کون، بوسوزلری آقاده مید، بی پروا، سوسیله یور؛ ملاحظه لرنده روما حاکیمته مقاومت ایدن اسکی ژرمنلری مثال کوستره دک:

«عادی سلاحله مغلوب ایدیلن آلمانیاك، آرتق نظریه لرله، اخلاقله، سجه سیله غالب کلی ایجاب ایده جکفی، ادعا ایدیور، و «بوتون آلمانیا قرار قطعی بی ویره دک یالکمز باشه حربه حاضر لانیلدر. یا ظفر، یا اولوم! بو، تعین ایده جک بر آندر. «دیوردی.

فیخته نك، دارالفنونه و آقاده می به منحصر قالان خطابله لرینك خارجنده قلايست، کورنهر، شه نکه ندورف، روقه کورت، تولاند، یان، آرنده شعرلرله بوتون برنسله یکی وزنده بر حیات و بریور، و بوشعرلر بسته له نره دک آلمان مکتبلرنده بویوک برتهالکله ترنم ایدلمکه باشلا یوردی.

قلايست؛ ناپولیون علیهنده ایلک دفعه، شعر یازان برشاعر در. قلايست، آلمانلرده ملیت فکریخی، وطن محبتی او یاندیرمق ایچون اثرلرنده، بوتون

موضوعلری اسکی آلمان تاریخندن اقتباس ایتمشدر : « هرمانك میدان محاربه سی » نام اثر معروفیله اسکی زهرمه نلرك ، فضیلتلری سایه سنده رومالیلری ناصل مغلوب ایتدكلرنی تصویر ایدرك یكی آلمانیاك وضیعتنی ایضاح ایله مش ؛ « پرنس فون هومبورغ » فاجعه تاریخیه سیله غایه ملیه دوضری یورومش ، وبالخاصه برنجی اثریله ملتی سلاح باشنه دعوت ایتمشدر .

کورنهر ؛ یالکز قلمیله دكل ، قیلجی ایله ده وطنه خادم اولمش برشاعر در . اختلال اردوسنه کوكلی قید ایدله رك ، اردوده عسكرك معنویاتی تقویه ایدمه جك شعرلر یازمش و اثرلرنی بالذات انشاد ایله مشدر .

قلايست و کورنهر ، او قدر پرستش ایتدكلری آلمانیاك مظفریتنی کورمه دن افول ایتدیلر . برنجیسی ، برمرض عقلی نتیجه سنده اتحار ایتدی . دیگرکی ۱۸۱۳ اختلال اردوسنده و هنوز یکریمی ایکی یاشنده ایکن بردشمن قورشونیه مقتول دوشدی . کورنهر ، ایلک آتشد یارالاندینی زمان « حیاته وداع » ، و حال اختصارندن برآز اول « قیلج » و « كردك » منظومه لرینی یازمشدر .

شه نکه دورف ؛ حسیات دینه بی تهییج ایدرك خلقه حریت و وطن فکرلرنی تلقین ایتمش ؛ روککرت ده شعرلریله آلمان اتحادی فکرینی تمیه چالشمش ؛ ثولاند ، وطنی شر قیلریله ؛ یان ، مهیج نشیده لر یله مملکتده ملی برجریان حصولنه موفق اولمشلدر .

آرند ؛ دورینك اك بویوك شاعری و وطن محبتك محیسیدر . آرند ، بوتون عمرنجه ، آلمانلرك ارثی دشمنلرینه عصیان ایتمش ، آلمان فضیلتی ، آلمان عاداتی ، آلمان لسان و ادبیاتی تجیل ایله مشدر . آرند ، شعرلریله ، آلمان حدودینی چیزیسور ؛ و ، « راین » آلمان قالمالی ؛ آلاس - لورن ، فلاندر یکیدن ایمراطورلغه داخل اولمالیدر . « دییور و آلمان اتحادینی بوتون قوتیه احیا ایتمه چالیشیوردی .

آرند ، ۱۸۰۶ هزیمتی اوزرینه اسووجه التجا ایدیور ، ۱۸۰۹ ده

وطنه عودت ایله یور و برمدت صوکرآ تکرار روسیه یه کیدیور واوراده
آلمانلری ناپولیون عاینه تشویق ایتمک ایچون آتشین آرلر یازیوردی .
ناپولیون اردوسی، روسیه ده منہزم اولدقدن صوکرآ، آرندی تکرار وطنه
عودت ایتمش کورییوروز . آرنده، شیمدی حرب شرقیلرینی نشر ایدیور؛
ووطنپورانه نشیده لرله آلمانلری غلیانه کتیریوردی .

آرنده، غرور ملی بی اوقشایان نشیده لری آلمان مکتبلرنده آلان شوق
وهیجانله ترنم ایدلمکده در . آلمانک وطنی، وطن شرقیسی، استخلاص
حربنک معروف قهرمانلرینه، اختیار بلوخره منظومه لری وطنپورولکک الک
کوزل، الک مستنا برر انطباعیدر . آرنده، شعرلرله آلمان وطننک ساحه سنی
کوسترمش و بونی فکر ملته تلقین ایلهمشدی . آلمانک وطنی منظومه سنک
شو صوک پارچالرینی اوقویالم :

« آلمانک وطنی ؟ سویله بو بو بوک وطن نره سیدر ؟ آلمان لسانی نره لرده تکلم
ایدیلیورسه، آلمان خالفنه نره لرده شکر وحد ایدیلیورسه اوراسیدر . ایشته، قهرمان
لمان، سنک وطنک

« ایشته، آلمان وطنی اوراسیدر . آلك كوچوك برنامسی نره ده عهد و پیمان یرینه
کچیورسه، نره ده کوزلرده صداقت وفدا کارلق لمه لری بارلداپورسه، نره ده قیلبرده
وطن عشق طوتوشیورسه آلمان وطنی اوراسیدر . ایشته، قهرمان آلمان، سنک وطنک !
« ایشته، آلمان وطنی اوراسیدر . غضب وحدت فرانسز غرورینی نره ده قیریورسه،
هرفرانسز نره ده دشمن ایسه، هر آلمان نره ده دوست ایسه، ایشته، اوراسیدر .
واوراسی بوتون آلمانیا به داخل اولمالیدر . »

یه نا هزیمتندن صوکرآ، ملتک تربیه وطنیه سنه چالیشان مورخلر
آدا سنده ده، نییوری، رانکه کی، مومزن ی، زیبلی، طراجیک کی
بالخاصه ذکر ایده بیلیرز .

نییور ؟ « روما تاریخی، ایله، رومانک اجتماعی حیاتی تدقیق ایدره رک
موجب عبرت اوله جق جهتلری، آلمان کنجلمکنک نظرنده جانلاندیرمش؛
مومزن، رومانک سقوط واعتلاسی عواملنی تدقیق ایدره رک آلمان سیاستک

خطوط اساسیه سنی چیزمش ؛ رانکه ، آلمان کنجلیکنه حقیقته و فضیله پرستش
ایتمکی اوکره تمش ؛ زیبل ده مملکتده وحدت ملیه بی او یاندیرمه چالیشمشدرد .
زیبل ؛ آلمانلی یوکسه لیمک ایچون ، بویوک دهالرك وجودینه لزوم
کور یوردی . آنک فکر نهجه ، زمانی احضار ایدن داهیلردر . داهیلر مملکتک
یالکیز عاجل احتیاجلرینی ، یالکیز غایه ملیه نك علویتنی تقدیر ایتمکله قالمایه رق ،
بو غایه یه واصل اولمق ایچون ، استعمال ایدیله جک وسائلی ده تعیین ایدن
کیمسه لردر . ایشته ، زیبل ، مملکتک اعتلاسی ایچون ، واسطه لری تعیین
ایدیه یله جک داهیلری ایسته یوردی .

طرایچکده ؛ تدقیقات تاریخیه سیله ، کنجلیکک تربیه وطنپرورانه سنی
تعیین ایدیور ، وهوه نزوله رن خاندانی اطرافنده بر آلمان وطننک وجوده
کتیرله سنی توصیه ایله یوردی . طرایچکک ، بسمارقک متحد بر آلمانیا تأسیسی
خصوصنده کی سیاستنه ، درس لر یله ، یازیلر یله پک چوق خدمت ایتمش ،
صادووا مظفریتدن سوکرا ، قوتک ، سیاستده اک بویوک عامل اولدیغنه
قناعت ایله مشدی .

ایشته ، بوفکرلر وحسلرله تربیه ایدیلن آلمانلر ؛ وطن وملیت حقنده
یکی عقیده لره صاحب اولمشدر . بوکون ، آلمان نظرند و طن ، یالکیز سیاسی
حدودلرک چیزدیکی محدود وموجود ساحه دن عبارت دکلدر . ایچنده آلمان
باشایان ، آلمان لسانی تکلم ایدیلن هریر ، آلماندر . آلمان نظرند و طن ،
ماضی ایله هالدن وآمال مستقبله دن مرکبدر . ماضی ، آنی مفاخر اجداده
ربط ایتدیکی کبی ، آمال مستقبله ده آنا وطندن اوزاق یاشایان عرق
ولسانداش لری اکا تقریب ایدر . بو اوچ عنصر دن مرکب اولمایان وطن ،
ناقص و ناتمامدر .

*
*
*

آلمان تربیه شناسلرندن ویلهلم مونخ ، دیورکه : « حقیقی وطنپرورلک ،

عنفات ملیه دن ، تربیه قومیه دن ، تاریخدن طبیعتیله دوغان وطنپرورلکدر .
کنجلیکه بو حسی ویرمه نك السلام طریق ، بو عنعنه لری ادراکه ، ادراکدن
تقدیره ، تقدیردن حرمت و محبت کتیره ن بولدو . وطن محبتی بو طبیعی اساسلر
اوزرینه قورمق ، مکتبلرک وظیفه سیدر !

فی الحقیقه آلمانیا ده ، بومهم وظیفه یی مکتبلر درعه ده ایتمشدر . مکتبلر ده ،
بالخاصه ، ادبیات ، تاریخ ، رسم ، ال ایشلری و موسیقی کبی درسلدن استفاده
ایدیلرک کنج روحلر ده وطن و ملیت دیوغلری انکشاف ایتدیرلشدر .
آلمانیا ده ، تدریساتک هدفی ، کنجلیرک روحنده وطن عشقی ، دائم احرا تله
محافظه ایده بیلرکدر . معلم هر درسدن ، هر موضوعدن وطن ایچون ، بر
استفاده تأمین ایتکی اونو تمار . مکتبلر ده کنجلیرک ، بالخاصه ، وطنک کوزه لکلری ،
عظمت و کمالی ، آلمانلغک خصائل ، آلمانیا یی وجوده کتیره ن و اعلا ایده ن
ذواته نهایتسز حرمت و تکریمی ، ایمراطوره صداقی اوکره تیرلر .

ابتدائی و تالی مکتبلر نده قرائت کتابلری ، چو جوقلر ده ملیت حس
و فکری انکشاف ایتدیررک ، قیلر ده وطن عشقی او یاندیره جق طرز ده
ترتیب ایدلش و تاریخ درس لری حسیات وطنیه یی تهییج و تمیه ایچون فکری
بر واسطه اوله رق تلقی اولونمشدر . آلمان تاریخنه عائد اثرلر ، آلمانلرک
فتوحات و مظفریاتیلر دولودر . ابتدائی مکتبلر نده کوستریلن بر آلمان تاریخنده
آلمانلرک فتوحاتی ، روما حاکمیتنه سرفروا یتمه یی آرمینیوسه قدر چیقارلمشدر !
تاریخ تدریساتک منحصر آ حسیات وطنپرورانه یی تهییجه بر واسطه کبی
تلقی ایدله سی ، موجب تنقید اوله بیلیر . چونکه بو حال ، تدریسات تاریخیه ده
بیطرفانه حرکت ایدله مه سی ایجاب ایدر . حال بوکه ، تاریخ ده بر علمدر .
و هر علم کبی قیمتی ، مستند اولدینی حقیقتلر ده در . بناءً علیه ، تاریخ ده حقیقتدن
باشقه غایه آرا نلامق لازم کلیر . فی الحقیقه ، آلمان تربیه شناسلری ده بو
مطالعه نك اصابتی تقدیر ایدیورلر . فقط ، تاریخ ده بو درجه بیطرفانه
تدقیقاتی ، دارالفنونلر براقه یی ترجیح ایلرورلر .

تالی مکتبلرنده ده ، یالکز بشریتک کالنه خادم اولان وقایع تاریخییه اهمیت ویریلیر . بر قومک حیاته تأثیر ایتمهش اولان وقایعک تفصیلاتنه کیریشیلمز . خلاصه ، تاریخ درس لر نه چو جو غده ، وطن محبتنی او یاندره بیلیمک ایچون ، بر طرفدن وقایع تاریخییه غایت ماهرانه بر صورتده نقل و تصویر ایدن کتابلردن ، تابلولردن ، قوله کیسینلردن ؛ دیگر طرفدن معلملرک حسن تقریرلردن استفاده اولونور . آلمان حیاته آز چوق تماس ایدن هیچ بر وقعه تاریخیه یوقدرکه ، معلم اوندن آلمانلغک فضیلت و کالنه عائد بر نتیجه استخراج ایده مه سین !

درسده ، فرهدریق آوغوست دارالمعلمینک ایلک صنفده ، بر تاریخ درسنده حاضر بولوندم . معلم ، طلبه دن برنی درسه قالدیردی ؛ و کندیسندن ، تورکلرک حرب حاضرده اظهار ایتدکلری قهرمانلقلره دائر معلومات ویرمه سنی طلب ایتدی . بو ، بر تورک زائرینی نمون ایده بیله جک اک منتخب بر موضوع ایدی . چو جوق ، چاناق قلعه مظفر باتندن بحث ایتمکه باشلادی . کنج مکتبلی ، بر طرفدن کلیولی وقایعنی اک انجه نقطه لرینه قدر ایضاح ایدیور ، دیگر طرفدن ، تحته یه بوغازک مکمل بر خریطه سنی رسم ایله یوردی . شا کرد ، سلیس بر افاده ایله ، چاناق قلعه مناقبنی نظرلرده جانلاندیریور ؛ و بو مظفریتک قهرمانلرینی برر بر یاد و تذکار ایله یوردی . بو ایضاحات ، شایان دقتدی : بو قهرمانلر یالکز تورکلر دکلدی ؛ بونلر آراسنده بعض آلمان اسملری ده ذکر و تعداد ایدیلیور ، و چو جوق تورکلری تقدیر و تحیل ایده رکن ، وطنداش لرینه ده بر تحفه تقدیر و شکران آیرمنی اونوتما یوردی !

مکتبلارده تحریر و وظیفه لری ده اکثریتله ، ملی موضوعلر اوزرینه یایدیرلقده در . فرانقفورت ده کوته غمنازیوم مکتبنده ، طلبه نک سربسته جه انتخاب ایتدکلری موضوعلر اوزرینه قلمه الدقلری تحریری وظیفه لر دن بش آلتیسنی تدقیق ایتدم . کوردیکم موضوعلر عیناً شونلردر : بویوک فرهدریق ،

یه ناهزیمتی و پروسیانک اعتلاسی، آلساس - لورن ناصل ژده رمانلاش دیریله جق؟، آلمان طیساره جیلری، آلمان تحت البحرلرینک فعالیتی، اسقازده راق محاربه بحریه سی!

مکتبلرده، چو جوقلره سربست رسمروأل ایشلری یاپدیریلور. حرب اناسنده، مختلف مکتبلرده، طلبه طرفندن یاپیلن بو رسم وأل ایشلرندن برلین تربیه موزه سنده بر سرکی یامیشلر. حرب احتساستیله ابداع ایدیلن بوأل هنرلرینی کوره بیلیمشدم. هر برنده کنجلیکک روحندن دوغان وطن عشقنک بارز اثرلرینی تقدیرلرله تماشاییدیوردیم.

آلمانیاده، مکتبلر، موزلر، کتبخانهلر، باغچهلر، جادهلر هپ وطنی بر خاطرینی احیا ایدن تابلولر، آبدلر، هیکلرله تزین ایدلمشدر. بویوک شهرلرده برشهره، بر میدان کوره مزسکزرکه، اوراده آلمان تاریخی تمثیل ایدن بر آبدلر، بویوک حکمدارلری و وطنپرورلری حافظه انامه ابدیا نقش ایدن بر هیکل عرص حشمت ایتمه سین! بونلرایچنده، قوجه برانقلابک شاهده اولان بعض مستثنا آبدلر واردرکه، وجد واستغراق ایله تماشایده رکن نظر خیالکزر، سزی تعلق ایتدیکی دور تاریخی ایچنده هیجانلر و تحسسلرله یاشاتیر. برلینده ستون ظفری تماشایده رکن، ایمراطورلنک تشکلی؛ لایزیغده استخلاص آبدلرینی تدقیق ایدلرکن، ناپولیونک سرنگون اولان تاج و تختی ایله یکی بر دور تاریخنک کشاد ایدلرکی؛ مونیخده کی باواریا هیکل مهینک قارشیسنده باویه رانک فتوحات و مظفریاتی تاریخی قهرات و تفصیلاتیله اوقورسکزر!

صوکرا، آلمانیاک هیچ بر ظفری یوقدرکه سنه دوریه سی تسعید ایدلمه سین. تاریخی کونلر، آلمان وطنپرورلکنی، آلمان قهرمانلغی، آلمان فضائلی اعلا ایتک ایچون، اک ای برر وسیله عد ایدلمشدر. ایشته، بو اعتنلرله آلمانیاده وطن و ملیت فکرلری اک زیاده شمول و قدرت قازانمش فکرلردر. آلمانک وطنه و ملیته ایمانی، وطنه و ملیته

کندندن وعائله سندن زیاده حرمت و محبتی واردر . آلمان ، وطنی و ملتتی ، هر وطنندن و هر ملتدن دها محترم و عالی بیلیر . آلمانیا ، اولادینی بو فکر و حسله بویوتمش اولماسندن دولاییدرکه ، اوراده هر شی ، ملی بر شکل آلمشدر . صنعت ، تجارت ، علم و فن هر شی آلمانلاشمشدر . آلمان دوشونوشی ، آلمان فعالیتی ، آلمان مخاکمهی ، آلمان عرفانی اوراده بوتون مفکره لره حاکم اولمشدر . آلمان ، کندینی بوتون بشریتک دماغی عدایده و آلمان مفکره سنک بوتون جهان و هر حقیقت اولدیغه قائلدر . آلمان ، شو حقیقتله ایمان ایتمشدر :

اوروپاده بویوک و عادل بر ایمراطورلق تأسیسی صورتیله ، ایملک مدنی بر اثر وجوده کتیره شارلمان ، بر آلماندر ؛ آلمانیا ، بر مارتین لوتر ، بر فیخته ، بر شتاین ، بر بسمارق دوغورمشدر . آلمانیا نیک حریت و استخلاصی اوغورنده چالیشان بویوک شاعرلری ، ادیبلری ، جنراللری ، دهاة سیاسیه سی دنیانک الک بویوک آدم لریدر . الک زیاده انکشافه مظهر اولان ذکا ، الک بویوک قدرت علمیه آلمنده در . آلمانیا ، هر شینک ، بوتون جهانک فوقنده در . و نهایت آلمان ، دائما شو دستور و توفیق حرکت ایتکیده غایه عدايله مشدر :
« سایه سنده یاشادیغک وطننه مربوط اول ؛ قدرتکک بوتون منبعلری وراده در ! »

طبیعتہ محبت و بدیلی تریہ

آپلرہ بر سیران . - صاقسونیا اسوچرہ سی ؛ آلسنہر کولری ؛ شہر باچہ لری . -
 اک مسعود حیات ، طبیعت حیاتیہ . - بدیلی تریہ نک انکشافی . - بدیلی تریہ نک صفت
 میزہ سی .

مونینخدن غارمہشہ کلش ، واورمانلر ایچندن طیرمانہ طیرمانہ ، آپلرہ
 قدر چیقمشدم . شیمدی شہرک آواز ولولہ دارندن اوزاق ، ساکن وصاف
 بر محیطدہ ، د ریسہ رزہ ، کولنک روحی اوقشایان لطیف ساحلندہ طبیعتی تماشا
 ایدیوردیم . صوک مرحلہ سیاحتمدہ ، بنی کورمکہ کلن قارداشمہ برابرک .
 هنوز تحصیل حیاتی یاشایان بو املپورور کنج ، بکا ، آپلرک لطافتندن
 وجاذبہ سندن بحث ایدیور ، وبشوش چہرہ سی ، بوکونکی سیاحتدن
 یک نمون اولدیننی اعلان ایلہ یوردی . نوازشکار بر سامع وضعیلہ اونی
 دیکلہ یوردیم ...

اوت ، بوراسی بر مجموعہ بدایمدی .. جاذب و آسودہ بر محیط ، یشیل
 بر اورمان ، ییراقلری خیشیرداتان قوشلر ، شاهقہ لری قارلہ مستور داغلر ،
 چیچکلر ، چاغلایانلر .. صوکرا ، شورادہ داغلرہ طیرمانہ طیرمانہ چیقان بر
 قطار ، بریدہ کولک ساکت صولرینی اوقشایہرق سوزولوب کیدہن سندالر ،
 تا ایلرہ یشیل بر اوودہ غارمش وبارتہن کیرہن .. بو محیطک اینجی
 کی بیاض وتمیز قصبہ جقلری .. بریدہ ، باشمزک اوستندہ ، ضیالری آغاچلرک
 آراسندن سوزولہرک ریزان اولان کونش ... اووخ ، انسان بورادہ طبیعتہ
 نہ قدر یاقین یاشایہ بیلور .

آلمانیاہ ، کنج ، اختیار ، ہرکسک قلبندہ مشترک بر عشق واردر :
 طبیعت ! طبیعتہ قارنی طویولان بو انجذابک ، ہر طرفدہ بارز تظاہر لرینی
 کوریرسکز . بوتون خلق ، تعطیل وایرام کونلری شہرلردن اوزاقلاشیور ،

قبرلره قوشبورلر . هر بويوك شهرك جوارنده ، طيبي ويا صنعي اورمانلر ، كوللر، صولر، بويوك باغچلر واردر . بالخاصه، مونيخ، درهسد، هايدلهبرغ، شتودغارد ، فرانقفورت كې طيبتك مبذول بخشايشنه مظهر اولان شهرلرده تعطيل كونلري عادتاً براقليم شعر و طربدر . هر كس فيض طيبتدن شطارتله استفاده ايدەر ، شاد و مسعود كزهر ، اكله نير . بر هفته نك يورغونلغني ديكه نديرير ؟ ويكي هفته ايچون يكي عزم و فعاليت طولار .

آلمانيناده ، هر طرف طيبتك بهجت و نزهتيله بزمنشدر : مثلاً ، دوه سده ، آلبا حوضه سنده ، صاقسونيا اسويچر سنده بر سياحت يابكز ، طيبتك بوتون كوزلكلريني اوراده كوره بيله جكسكز . يشيل بر يورد ، داغلر يشيل ، اوولر يشيل ، هر طرف يشيل . . . آلبانك مائي صولري بو شيرين ساحل ايچنده بارلدايور؛ كونس ، صباحلين شو يشيل تاجلي تپه لردن دوغيور ، اقساملريني افكارك لطيف و زمين قويننده كچيريور . صاقسونيا اسويچر سي ، طراوتيله ، بدايعيله و بوتون ثروت طيبيه سيله آلمانينك اك قيمتدار بر اينچيسيدر . صوكرا ، هامبورغه آلاستر كولي حوضه سني ، فرانقفورت ده پالمه غارته ني ، مونيخده انكليز ، لايپزيغده يونان باغچلريني ، هايدلهبرغه اودن والد شاهقه لريني، شتودغاردده نه قار نهري وادي سني كزيكر؛ بورالرده نظرلركز هر وقت محيطي و سايي بشوش كورمكه مسعود اوله جق ! بورالرده ، حيات ، فياض و نغمه دار بر نهري پك بكزهر ، اوقدر لطيف و آهنگدار بر جريانله آقيور . . . بعضاً ، ايري آغاجلر آلنده ، بعضاً يوجه ويشيل داغلر اوزرنده ، سينه سندن صولردو كولن قايلرك اوستنده كچيره جكسكز ساعتله عمر كزك ، شهبه سز ، اك مسعود آنلري اوله جق . و بعضاً ، كونس ، چيچكلري ، حسنارينه فسون سيمين قاته رق يالديزلار كن ، سز ، جنتلرك رياض ذوق و شعريني طوياجقسكز !

خلاصه ، آلمانيناده ، حزن و ملالدين اثر يوقدر . مقبرلر بيله آهنگ و طراوتيله سزي سكون و خشوع ايچنده قارشيلار . و بو سكون اولوملي ،

ماتلی برسکوتیهیچ بکزمه من. اوراده، دائما روحکزی یوکسه لتن بروجدو
حضور وارددر. هر طرف اوقدر مونس واهتمامکار برألك اعتنالیله بزمه نمشدر.
طبیعت اولان میل و انجذاب، بویوک شهرلرک تولید ایتدیکی خسته لقلره
قارشیده بویوک بر مجادله آچمشدر. آلمان تمامیه تقدیر ایتمشدرکه، شهرلره
هجومک تولید ایتدیکی اولدیرمچی خسته لقلره قارشی آچیله جق اگ قوتلی مجادله،
وقت وقت شهر حیاته و داع ایتک اوله جق. اگ مسعود حیات، طبیعت
حیاتیدر. چوق یاشامق، وچوق مسعود اولق ایچون قیر حیاته، داغلره
اووالره، صولره، آغاچلره، سایه، کونشه ممکن مرتبه یاقلاشمق ایجاب
ایدیور.

آلمانیاده بر طرفدن تزه لر، سیاحتلره خلقه طبیعت سودیریلرکن،
دیگر طرفدن کویلرک، چفتلکلرکده قیمتی آرتیور؛ مملکتک اگ هجری
نقطه لرینه قدر شومندوفرلر تمید ایدیلرک، شهردن قیرلره دوغرو کوچوک
مقیاسده هجرتلر تأمین ایدیلور. کوندوز، بویوک شهرلرک اعمالاتخانه لرنده
چالیشانلر، اقشاملری پک کوچوک بر اجرته شهر خارجه چیقاییلور
واوراده عائله سیله کندینه بر ملجا حضور و سکون بولویور.

*
**

طبیعت محبت، مملکتده بدیی تربیه نك انکشاف و تکاملنه خدمت ایتمشدر.
بوراده عائله و مکتب، طبیعت اعانه سیله چوجو غک روخده کوزللك عشقنی
اویاندیرمغه چالشیور. طبیعت قارشیسند چوجوق، کوزللكه، حقیقته ده
زیاده برستش ایتمکی اوکره نیور وروخنده عظمت، احتشام، صفوت و زاهت
حسلری دوغیور. براق بر صو، لطیف بر چاغلايان، کونش، چمن،
صحرا، دکز. . . هپ بدیی تربیه ایچون استفاده اولونان واسطه لر در.
مع مافیه بو واسطه لرک چوجو غک حیاته، ادراکاته تماماً اویغون اولماسه
اعتنا ایدیلر. بزمه رچوق شیلر افاده ایدن بر منظره قارشیسند، چوجوق

بر کلبك ، بر چيچك تماشا سندن حس ايتديكي درجه ده متهيج اوله من .
آنکچون ، آسان معلی ، بدیی تربیه ده معیاری ، چوجو غك کندی
بنلکندن آلفده در .

آلمانیا ده ، محیطك چوجو غك روحنه فضیلت الهام ایده جك بر منبع
اوله بیلمه سی ایچون ، هیچ بر شی اهامل ایدله مشدر . اك فقیر آشیانلر ، اك
متواضع کوی مکتبلی بیله خارجاً و داخلأ روحی جذب ایدهن ، بر
کوزللك عرض ایدهر . اولرده کوزلری طیرمالایان کیرلی دیوارلردن ،
مکتبلرده قیریق صیرالردن اثر کوره منسکزر . اؤك ومکتبك ساده لکی ،
حسن تنظیمی ، نظافی ونهایت ابونك ومعلمك تمیز قیافتلری ، ساده وضع
وطورلری ، چوجو غك روحنده کوزللكه قارشی حرمت ومحبت حسلری
اویاندیریور .

خلاصه ، آلمانیا کنجلیرینه یالکزی اینی اوقومه یی دکل ، کوزلی بیلمکی
وسومکی وآز کوزلی چوق کوزلدن تفریق ایتکی ، اونك روحنده بر صنعت
وذوق تربیه سی اویاندیرمه یی غایه عد ایتمشدر . آلمانیا ده بدیی تربیه نك صفت
ممیزه سی ، ملی اولماسی در . آلمانیا ، کنجلكك روحنه کوزللك حسنی ،
فکرینه کوزللك شعورینی ویریرکن ، بونی ملی ذوق ایله آشیلامنی بر لحظه
اونوتما مشدر . مکتب بنالرینك طرز معماریسنده ، تفریشاندن ملی بردویغو
اولدینی کبی ؛ آل ایشلری ، رسم ، موسیقی کبی درسارده هب بودویغولری
تمیه ایله یه جك صورتده تدریس ایدلمکده در .

بدیی تربیه ، آلمانیه نهایتسز بر شوق حیات ویرمش ، اوکا یوکسه ملک ،
تعالی ایتك ، وطنی دها بویوک برانجذابله سومك ، آنکچون ایجاب ایتدیکی
زمان ، سوء سوء وبیله بیله فدای حیات ایتك جسارتی بخش ایله مشدر .

مكتب بنالری ولوازم درسیه

مكتبلرد مادی حیاتنك تربیه اوزرینه تأثیری .- هر مكتب ، وسطی اوله رق بر میلیون مارقه مال اولویور .- مكتبلرده تمیزلك وساده لك .- اسکی مدیر ومعلملرك تصور - لری .- تسخین وتنویر .- دوش صالونلری .- مكتبلرده طعام .

مكتب محیطی ، عائله محیطدن صوگرا ، تربیه اوزرینه اك چوق مؤثر اولان بر عاملدر . مكتبك یالكنز معلملری دكل ؛ بناسی ، بانچهسی ، درسخانهلری ، آتلیری ، صیرالری ، كتبخانهلری چوجوق تربیه سنده مهم برر مؤثردر . بو جهته تربیه معقول و علمی بر جریان ویرمك ایستین آلمانیا ، مكتبك مادی حیاتی ده برنجی درجه ده نظر دفته آلمشدر .

آلمانیا ده ، تالی وابتهائی مكتبلرینك ، وفاقفورت كبی بعض شهرلرده دارالفنونك و مكاتب عالییه نك بلدیله لر طرفدن انشا ایدله سی ، شهرلر آراسنده مفید بر رقابت اوپاندر مشدر . شهرلر ، مكتبلرینی ، موزه لرینی ، تیاترولرینی ، ترقیلرینك اك بارز برر اثرلری اوله رق تلقی ایتش و بو مؤسسelerك انتظام ومكملیتی ایچون فداكارلقدن چكیمه مشدر .

هر مكتب بناسی ولوازمی ، شهرلره وسطی اوله رق بر میلیون مارقه مال اولویور . برلین ، درسد ، هامبورغ ، مونسبخ ، لایپزیغ ، فراقفورت ، شتودگارد كبی بویوك شهرلرده ، بر ابتهائی وتالی مكتبی تأسیسی ولوازم درسیه لرینك تداركی ایچون ايكیشر ، اوچر میلیون مارق صرف ایدلیکی نادر دكلدر . برلینك اك یكی مكتبلردن آوغوستا ویتوریا افاك سلطانی مكتبنك بنا وعرصه سی ایچون ، ایکی بوجوق میلیون وآلات درسیه سی ایچون یوز بیك مارق صرف ایدلش ؛ كه منیچ شهری بر اعمی مكتبی تأسیسی ایچون اوچ میلیون مارق اوده مش ؛ فراقفورت ، حرب انساننده یكی بر دارالفنون بناسی تأسیس ایتك ایچون دفعة ایکی بوجوق میلیون مارق

ویرمش و دارالفنونك اداره سی ایچون ، اون ایکی میلیون مارق سرمایه
جمعه موفق اوله رق دارالفنونه وقف ایله مشدر .

مکتب بنالری ، قواعد محیه توفیقاً انشا ایدلمکده در . مکتب ایچون ،
اک موافق جهت اولق اوزره ، جنوب شرقی و جنوب جهتلری انتخاب
ایدلمشدر . مکتبلرده نظر دقتی جلب ایدن اک مهم نقطه ، بنانک غایت
ضیادار اولماسی ، تمیزلکی و ساده لکی در . قوریدورلر طلبه نك کیروب چیقماسه
مساعد اوله جق درجه ده و لااقل اوچ مترو کنیشلکننده در . درسخانه لر هر
شا کرده ۱ الی ۱،۲۰ مترو مربعی سطح و لااقل اوچ مترو مکعبی هوا
اصابت ایده جک صورتده واسعدر . صوکر ، درسخانه لر ، کورولتیدن وتوز
وطوبراقدن آزاده اوله ییلمک ایچون ، اکثریتله سوقاق جهته پایله ایور ،
بوجهت ، قوریدورلر تخصیص اولونیور .

قوریدور دیوارلرینه لوحه ، خریطه آصیلما یور . قوریدورلرک لوحه
ایله تزینی اصولنه یالکیز صاقسونیا مکتبلرله ، صنایع نفیسه و تزینه
مکتبلرنده رعایت ایدیلیور . پنجره لر بیاض کتان پرده لرله سوسله نیور و مدخله
مکتب . مؤسسک نیم هیکلی وضع اولونیور . برده هر مکتبه ، تحولات هواثیه یی
مشعر بررصد جدولی واردر . هر کون رصدات هواثیه مرکز لرندن آلان
معلومات اوزرینه ، مکتبلر تحولات جویه دن طلبه یی خبردار ایتمکده درلر .

درسخانه قاپولرینه ، غایت ظریف لوحه لر اوزرینه درسخانه نك نومروسی
تعلیق ایدلیدیکی کبی ، هر درسخانه نك مدخلنده هفته لق درس جدولی ده
معلق بولونور . تاریخ و جوغرافیا کبی ، عموم صنفلر ایچون مشترک درسخانه
اتخاذ اولونان اودالرک مدخلنده ، هانکی صنفک و هانکی معلمک ، هانکی
ساعت درسخانه ده بولونه جغنی مین برر لوحه واردر . مکتبک مدخلنده کی
عمومی هفته لق جدولده دوسلردن و معلملردن هر برینک اسمی برر
رتکلی یازی ایله کوستریلیور . بوسایه ده ، برمعلمک هانکی کون ، هانکی
صنفلرده مشغول اوله جغنی یک نظرده تدقیق ایله مک ممکن اولویور .

دارالفنونلرده ، مؤسسه نك تشكلكندن اعتباراً خدمت ايتمش اولان ره كئورلرك ، وديكر مكاتبده اسكى مدير و معلملرك تصويرلرى منتظم بر سلسله يه تبعاً مديريت اوداسنه تعليق اولونمقدهدو . بوندن باشقه ، مكتبك تاريخچه سنى مين اولق اوزره طوتيلان دفترده اسكى مديرلرك آل يازيلرى ، و غنيمت تاريخلرده مكتبدن نشأت ايده نلره ويريلن شهادتنامه نمونه لرى محافظه ايدلمكدهدو .

مكتبلرده ، تسخين و تنوير مسئله سنه بويوك اهميت عطف ايدلمشدر . همان هر طرفده ، تسخين ، تصديق عادى تحتده بخارله اجرا ايدلمكده و مكتبك هر طرفده عيني درجه حرارتك محافظه سنه اعتنا اولونمقدهدو . درسخانه لرده حرارتك بردن بره آرتمه سى احتماله فارشى ، تدابير مخصوصه اتخاذ ايدلمش ، هر درسخانه يه تعليق اولونان ترمومترولر ، ديوارده دار و كوچوك بر پنجره تشكيل ايده جك درجه ده آجيق براقلمش اولان محصله وضع ايديله رك ، درجه حرارتك ديشاردن ده قونترول ايديله بيلمه سى تأمين اولونمشدر . بو صورته ، تسخين مأمورى متبادلاً ترمومترولرى — درسخانه يه كيرمكسز — تدقيق ايده رك قالوريفه رى اكا كوره اداره ايده بيلمكدهدو .

تنوير خصوصنده ، درسخانه نك هر نقطه سنك نه كې شرائط تحتده بولونمى لازم كله جكي تدقيق و تعين ايدلمشدر . بر درسخانه ده ، هر شاكرده اصابت ايده ن محل ايچون ، هوانك بك قابلى اولدينى كونلرده اصغرى ۵۰ درجه لك بر زاويه تحتده اون موم قوتنده بياض ضياه لزوم اولدينى اكلاشلمش و درسخانه لر اكا كوره تنوير ايدلمشدر . مكتبلرده ، همان عموميتله الكتريق تنويراتى واردو . تنوير ، خصوصى فانوسلرله ، ضيا ابتداء طاوانه عكس اينديريلوب ، ايمده طاواندن درسخانه يه منعكس و منتشر اولق صورتيله ، بالواسطه اجرا ايدلمكدهدو .

هر ابتدائى و تالى مكتبنده رسم ، آل ايشلرى ، تربيه بدنيه ، موسيقى ايچون متعدد سالونلر ، جوغرافيا و تاريخ ايچون خصوصى درسخانه لر ،

فیزیک ، کیمیا ، علوم طبیعی ایچون عملیاتخانه لر ، معلملر و شاکردلر
مخصوص کتبخانه لر ، لیلی و نهاری عموم مکتبلرده برر خسته خانه ، دوش
سالونلری ، مسامره و قونفرانس سالونلری ، نهاری طلبه نك بیسیقلترین
مخصوص دائرة مخصوصه ، بعض مکتبلرده رونتکن دائرة لری واردر .

رسمخانه لر ، مکتبک شرق چیه سنده بولونور ؛ و مکتبک درجه سنه و شهرک
روتنه کوره بر ویا متعدد دائرة لری احتوا ایدر . بودائرة لک یانی باشند
مملک برده خصوصی آتله سی واردر . رسمخانه لرده ضیانک ، ایسنه نیلدیکی
کبی سالونه دخولنی تأمین ایتمک اوزره ، طساوانه معلق و صیرالره موازی
اوله رق یاپیلش بیاض قاشدن معمول متحرک سطح لر واردر .

تربیه بدنیه سالومری ، علی الا کثر اورتیلی بر قوریدورله اصل بتایه
مربوط اولوق اوزره ، مکتبک یاننده انشا ایدلمکده در . بوسالونلرک زمینی
تخته در و توزه مانع اولوق ایچون لینولئومله مستوردر .

دوش سالونلری ، بوتون مکتبلرک مشتملات ضروریه سی صبراسنه
کچمشدر . بوسالونلر ، ابتدائی مکتبلرنده قیز وارکک چوجوقلره مخصوص
ایری قسملری احتوا ایدر . هرشا کردک هفته ده بردفعه ییقایمه سی مجبوریدر .
صابون وسائر مکتبجه تدارک ایدیلیر . آلمانیا ده مکتب دوش سالونلرندن ،
مکتب زمانلرینک خارچنده ، مکتبک بولوندیغی محله خلقلکده استفاده سنه
مساعده ایدلمکده در .

مسامره سالونلری ، بالخاصه صنایع نفیسه و تزینیه مکتبلرنده ، برر اثر
نفیس عد ایدله جک درجه ده مکملدر . مکتب بایراملرنده و ایمراطورک
جلوس و ولادت کونلرنده بوسالونلرده مراسم مخصوصه یاپیلیر .

موسیقی و اورغ سالونلری ، عینی زمانده مکتبک عبادتخانه سنی تشکیل
ایدر . جوارنده کلیسا بولونمایان محله لرده کی مکتبلرک بودائرة لرینه ، بازار
کونلری خارچندنه خلق کله رک واجبات دینه لرخی ایفا ایده لرلر .

مکتبلرک یمکخانه لری ده غایت منتظمدر . مکتبلرده ، تدریسات نهایت

ساعت بر بوجوغه قدر دوام ایندیکی جهتله ، نهاری مکتبلرده مکتب
بقالی بولوندرلمه سنه لزوم کورلمه مشدر . بوراده اوراق بر اجرت مقابلنده
شاگردانه ساعت اون ایکیده خالص سوت توزیع اولونور . لیلی مکتبلرده
ایسه ، طلبه به یومی آلتی دفعه یمک ویرلمکده در . طلبه به ۶ بوجوقده برنجی
قهوه آلتی ، ۱۰ ده ایکنجی قهوه آلتی ، ۲ ده اوکله یمکی ، ۴ ده ینه
خفیف برطعام و ۷ ده اقشام یمکی ویریلیر .
مکتبلرده ایچیله جک صو ، غایت مبذولدر . اکثر مکتبلرک قوریدورلرنده
صو ایچسون غایت ظریف کوچوک مرمر حوضلر و اوتوماتیک چشمه لر
یاپلشددر .

موزه‌لر

موزه‌لر عمومی پرو مکتبدر . — اصول تصنیف . — ملی آثارده وریلن موقع . —
زنکین موزه‌لر وجوده کتیرمک غایه‌سی . — پروفه-سور ویغاندک موزه‌لر حقتده کی تقدیرای . —
رافائلک بر تابلوسی . — حرب ائشاسنده فوانسه‌دن آلمانیايه قاچیریلان برشاه اثر . — موزه
عیلر جمعیتلری . — آثار عتیقه‌نک محافظه‌سنه ایدیلن اعتنا . — هایدهلبرغ شاتوسی . —
کوته‌نک اوی . — آنتو غراف موزه‌سنده تورکلکه عائد آثار . — مستشرق فون لوقوق، تورک
لسای و تورک مدیبق حقتده نه دوشونیور ؟

آلمانیا‌ده ، موزه‌لر ، تربیه عمومی‌نک اؤقوتلی عامللری صیراسنه
کچمشدر . بوراده موزه‌لر ، عمومی بر مکتبدر . نمونه‌کاهلرده هر سن و هر
مسلك ایچون مفید اوله‌جق وسائط وارددر . صناعتکار بورادن ملهم اولور ؛
عالم بوراده ندقیقات و تبیانه‌ده بولونور ؛ کشفیات و اختراعات ایچون بورادن
قوت آلیر ؛ چوجوق حیات حقیقه‌دن جانلی نمونه‌لری بوراده کوریر ؛
تاریخی بوراده اوقور و آکلار .

آلمانیا‌ده ، مختلف شهرلرده مختلف موزه‌لری زیارت ایتدم . بورالرده
نظر حیرتمی جلب ایدن ، خلقلک موزه‌لری مهالکانه زیارتیددر . خلق ، اشیانک
بدیعی شرائطی حقتده واضح بر وقوف و معلوماتی حائر اولدینی ایچون ،
آثار نفیسه‌نک تماشاسدن بویوک بر ذوق طویویور . بالخاصه ، تعطیل کونلری
موزه‌لرده بیکلرجه زواره تصادف ایده‌بیلیرسکنز . نمونه‌کاهلک مزین بر
سالوننده کنج و کوزل بر قادین کوریرسکنز ، رافائلک بر تابلوسی دقتله
و هیجانله تماشای ایدیور ، بو ، بر صناعتکار دکلدر . ساده‌جه بر عملددر .
بویوک وسرت آللری ، سزه ، اونک حیاتی ناصل قازاندینی حقتده سریع
وقطعی بر فکر ویره‌بیلیر . اوتده ، هوسکار بر کنج فیرچه‌سنی ، قابله‌تی آلمش
هولباینک پک بکندیکی بر تصویرینی قوییه ایدیور . اون ، اون ایکی یاشلرنده
چوجوقلر وارددر . والده‌لرینک رفاقیلله سالونلری کزیور ، اوکا تاریخی

بر تابلو کوستریورلر : بویوک فره دریق ! واو ، سزه بویوک حکمدارک تاریخندن ، ظفرلرندن بیلدکلرینی نقله باشلایور .

موزه لرده ، هر نوع آثار عتیقه ، منسوب اولدینی قومه و تاریخه کوره غایت منتظم بر تصنیفه تبعاً تشهر ایدلمشدر . آثار عتیقه موزه لرنده اک زیاده نظردقتی جلب ایدمن ، بو حسن ترتیب و تصنیفدر . اثرلر ، مصر ، آثوریه ، یونان ، روما ، ییزانس .. الخ غروبیلره آیرلمش و هر غروب اشیا نك جنس و نوعنه کوره معماری ، هیكلراشی ، حرف و صنایع و کتابلر دائره لرینه آیریلهرق قدملرینه کوره تنظیم اولونمشدر . بو ترتیب سایه سنده ماضیه ، حیات تاریخییه سهولته نفوذ اتمک قابل اولویور . آثار عتیقه موزه سنك بر صالوننده اسکی مصر سرایلرینك محشم مراسمنی ، ضیافتلرینی ، کبار خلقك حیات خصوصیه سننی تدقیق ایدرکن ، صوگرا ، دیگر صالونلرده رومانك حیات عسکریه سننی ، یونانستانك حیات صنعتی یاشارسکز .

خلاصه ، موزه لرده تشهر اولونان اثرلردن هریری ، بردور تاریخنك انافس آثارندن در . منقوش و منحوت بوتون اثرلر ، جهانك اك نامدار استادلرینك لندن چیقمش ، و هر بری بر تاریخك داستان کال و عرفانی اولمشدر . آلمان موزه لرنده ، ملی اثرلر ، و مملکتك بویوک صنعتکارلرینه بک مهم بر قسم آیرلمشدر . بونکچون ، غزه لشاپ ، قان هاوزن ، بلایب ترو ، وهرنر ، شوخ ، اشته قهق کبی مشهور آلمان رساملرینك ؛ شاپر ، مئنگه ؛ برونوو ، هیلفر ، شوله ر ، سی مه رینغ کبی وطنك مابه الافتخاری اولان فاحترلرک هر یرده یوزلرجه اثرلرینه تصادف ایدرکسکز .

موزه لرده اويله نفیس اثرلر واردرکه ، تماشا سنه طویمق قابل اوله ماز . دره سد آثار نقشیه موزه سنده رافائلک ، مریم له اوغلنی مصور « لامادونا سیستیا » نامنده بر تابلوسی وار . بو ، بلکه بوتون جهان نمونه کاهلرینك اك قیمتدار خزینه سیدر . جاذب و وقور بر باش ، طومبول و موزون بر قامت ، مشحون تفکر بر نکاه .. بوتون بونلر ، تماشا کر اوزرنده

نه وجدآور بر تائیر یاپیور . مونیخ موزه سنده ، باویه را پرنس لرندن برینک طبیعی جسمانده بررسی تشهرایدلمش ؛ رسم ، نصف عصر اوله راجع اولدینی حالده تصویر صاحبی معاصر من کبی ، حائل بر صورتده نظر حیرتکنزی اوقشار . بوقصیر ، هر عصرده معنیدار اوله جق ، سرائر حیاتی سوسله به جک قیمتدار بر کتابدر . عینی موزه ده هولباین ک ، بر چاغلایانی مصور تابلوسی موجوددر . بولوحده طبیعت عادتا جانلاندیرلمشدر : ایشته ، سرت ، بویوک قایلری قیران ، پارچه لایان ، کمیرن صولر ، بوراده کوبوریور ؛ براز آشاغیده ، قوتی غائب ایده رک مونس ، ساکن قاپیور ، سوزولیور ...

موزه لرده ، بوتون بر عمرک محصولی اولان شاه اثرلرده وارددر . برلین آثارعتیقه موزه سنده ، موزه مدیر معاونی پروفه سور ویغانده ، بکا ، حرب ائناسنده فرانسزلرک آلدن آلنه بیلن برهیکل کوسترمشدی . اووقت برسر اولان ، وبوکون آرتق فاش ایدلمه سنده بآس اولمایان بو هیکل ، یونان الهه لرندن منیروادر . یکریمی عصرلق برحیاته مالک اولان بو قیمتدار اثر ، منحصرأ پروفه سور ویغانده تداییر خاقه سیله ایکی سنه اول ، حرب ایچنده ، فرانسزلرک آلدن چیقاریله رق صائین آلمش ، ویکلرجه لیرا فداکارلق ایدیله رک اسویجره طریقله فرانسه دن آلمانیا به قاچیریله بیلمشدر . ویغانده ، بو هیکله ، موزه نیک دیگر بوتون محتویاتنیک مجموع قیمتده فائق بر قیمت عطف اتمکده در . فی الحقیقه ، هیکلک هر طرفده روحی جذب ایدمن بویوک برآهنک ولطافت وارددر . خرمانیسنه صاولمش بر وضعیتده دوران منیروا ، حرکت ایدیور کیدر ؛ اثر ، صناعت اعتباریله اوقدر مکملدر .

موزه لری زیارت ایده رکن ، نظر حیرتی جلب ایدمن بر جهتده ، نهایتسز بر ثبات واصرارک بوتون بو نفیس اثرلری طوبلایه بیلمش اولماسیدر . هر موزه ، عصرلرجه دوام ایدمن بر سعی وفعالیتک ثمره سی اوله رق وجوده کتیرلش آناو ایله دولودر . بو اثرلری تدقیق ایده رکن ، بلا تردد حکم ایده رسکزکه ، بو اقلیم عرفانده نهایتسز برعشق صناعت ،

ماضیدن حاله انتقال ایتش سونمک بیلیمین بر آتش فعالیت وار . باشد
حکمدارلر اولدینی حالده ، بومساعییه بوتون افراد ملت اشتراك ایتش ،
و عملکننده زنکین موزه لر وجوده کتیرمک ، اک یوکسک بر قایه عد
ایدلمشدر .

آلمان موزه لرندمکی طوقان آثار ، بو مؤسسه لره عائد بودجه لرك
زنکینلکندن ، و افراد ملتک بو خصوصده کوستردیکی فداکارلقدن متولددر .
آلمانساده ، هر موزه نك ارباب علم و ثروتدن مرکب بر محبلر جمعیتی وارددر .
بوجمیت ، اکثریتله خاندان حکمداری اعضاسندن بر ینک حمایه مخصوصه سی
آلنده بولونور . مثلاً ، برلین آثار نقشیه موزه سی ، پرنس فره دریق آوغوست
کیومک ریاستی آلنده در . محبلر جمعیتلری ، موزه یه نقله شایان قیمتدار
آثارک مبیاعه سی ، موزه نك تأمین مکملیتی ایچون تداییر مخصوصه انخذا
ایدر ، اعانات جمع ایلدر . جمعیتلرك بوباده کی مساعیسی فوق العاده ثمره لر
ویرمکده در . مثلاً ، کچن سنه ، برلین قایزه ر فره دریق موزه سی محبلر جمعیتی ،
اسکی بر قوله کسیونک مبیاعه سی ایچون ، موزه یه دفعه بر بوجوق میلیون مارق
ویرمشدر . آثار نفیسه و عتیقه مبیاعه سی ایچون حکومتجه هر موزه یه
ویریلن تخصیصات ده مهم بر مقدارده در . مثلاً ، ینه قایزه فره دریق موزه سنک
اشیا مبیاعه سی ایچون سنوی تخصیصاتی بر بوجوق میلیون مارقدر .

بوندن باشقه ، بر چوق زنکینلر ، موزه لره عیناً مهم هدیه لرده بولونمقده در .
مثلاً فون لیبه رهایده نامنده بر ذات ، برلین موزه سنه غایت قیمتدار بر شابقه
قوله کسیونی ، فون غاز نامنده بر دیگرکی ، سراپا آلتون مجوهراندن مرکب
ملیونلرجه مارق قیمتده بر قوله کسیونی هدیه ایتشلردر .

هر موزه ده آثار عتیقه نك تعمیری ایچون بر اعمالاتخانه وارددر . بوراده
تطهیرات و تعمیرات ، اصول فیه سنه توفیقاً کیمیا کرلر طرفدن یاییلمقده در .

آلمانیاده آثار عتیقه‌نك محافظه‌سنة بك زیاده اعتنا ایدلمكده‌در . دنيله .
 بیلیركه آلمانیاده هر فرد ، آثار نفیسه‌نك ضابطه وظیفه‌سنی ایفا ایدمه .
 بو اثرلرك تخریبیدن ، ضیاعدن وقایه‌سنی هر وطنداش اك مقدس بر وظیفه
 عدايله مشدر . آلمانیاده بواعتناك ، هر طرفده یوزلرجه آثارینی کوریرسكنز .
 هایده‌لبرغهده (شلوس) دیدكلری تاریخی برشاتو وار؛ اون اوچنچی
 عصر ابتداسنده انشاسنه باشلاغش واون یدنجی عصره قدرمختلف تاریخلرده
 توسیع ایدلمش اولان بو مهیب سرای، ۱۶۹۳ ده فرانسزلر طرفندن كاملاً
 تخریب ایدلمشدر . بوگون خرابه حالده دیوارلرندن ، سقفلی دوشمش
 تقسیمات داخلیه‌سندن باشقه برشین قالمایان شاتونك محافظه‌سنة بویوك اهتام
 عطف ایدیلیور . قرمزی طاشدن غایت صنعتکارانه بر طرزده یابلمش اولان
 شاتو ، آلمانیاك اك قیمتدار آثار عتیقه‌سندن معدوددر . سرایك مخزننده
 ۲۱۲ بیک لیتره شراب آلان مهیب برقیچی واردركه، (هایده‌لبرغه‌قاس)
 نامنی آلان بو فیچی بیله آثار عتیقه میاننه داخل اولمش ، هرگون تماشاسنه
 یوزلرجه زائر جلب ایلهمشدر . بوتون حیاتنده بویله برقیچی شراب ایچدیکی
 ادعا اولونان، (بهرکه‌او) نامنده سرای آدمزلرندن برینك هیكلی ده ، کوزلجه
 محفوظ بولونیور . صوگرا ، هایده‌لبرغهك اختیار دارالفنونك اسکی ونامدار
 حبسخانه‌لری ، بر وقتلر حبسخانه‌ده بیک درلو اشكنجه‌لرله قالمش اسکی
 مداوملك تصویرلری هیأت سابقه‌لریله محافظه ایدیلیور .
 فرانقفورت‌ده ، ماین نهری اوزرنده یدی عصرلق بر عمره صاحب اسکی
 ومتین بر کوپرو وار ؛ بورادن کچنجه ، بر آزاوته‌ده اسکی بر آوه تصادف
 اولونور . بو آو ، سیاحلرك نظر دقتی بیله جلب ایدمه‌یهك درجه‌ده
 وضعیدر . فقط اونك بر قیمت تاریخی‌سی وارددر . چونكه ، آلمانیاك
 اك بویوك شاعری، شاعر حکیمی گوته ، بوراده دوغمشدر . سهای ادبمك ،
 اك بارلاق بیلدیزی ، محترم استادمنز خالد ضیا ، بو بویوك شاعر دن بحث
 ایدمه ركن دیوركه :

« بوتون آلمانیا ، اونك نامی ، موجودیت مغنویه سنك عقدہ ایواننده
 ساللانان برفانوس قدسیت قیلندن سلاملار ؛ یالکز آلمانیا دکل ، بوتون
 جهان عرفان ، اونك فرو تابنه قارشى بر حس حرمتله باش اكر . ،
 ايشته ، بو اعتبارله دركه ، كوته نك مهدى ، عموم آلمانیاك مطاف احترامی
 اولمشدر .

لاپزیغده ، شاعرك حقوق طلبه لكی ائشانسند دوام ایتدیكى میخانه
 اوطوردینی صاندالیه ، بورج ایتدیكى کیسه لره ویردیكى دین سندلری
 هیأت اصلیه سیله ، تماماً محافظه ایدلمشدر .

* *

آلمان آثار عتیقه موزه لرنده بزه عائد پك چوق آثاره تصادف ایده بیلیر-
 سکز . بونلر ، قسماً خاقان سابق طرفندن هدیه ایدلمش ، قسماً قونسولوسلر
 واسطه سیله خلقمرك آلدن صائین آلهرق بورایه كتیرلمشدر .

برلین آثار عتیقه موزه سنی تدقیق ایده ركن ، پروفه سور ویغساند ،
 برلین موزه سیله ، موزه هایون آره سندره بر مقایسه یاپیور ، و عثمانلی موزه سینه
 فوق العاده بر موقع بخش ایده رك شو سوزلری سویله یوردی :

« موزه كز ، محترم مدیری خلیل بكك اختصاصكار مساعیسیله ، پك
 آز زمانده دنیانك اك مهم والك زنكین بر موزه سی اوله بیله جكدرد . چونكه
 طوپراقلر كزده ، كلدانیلر ، قنیه كیلر ، قاریلیلر ، هیتیلر ، آثوریلر کی
 بر چوق اقوام یاشامش ومدنیت قدیمه لری آثارینی اورایه براقشلدرد . بو،
 هنوز غیر مكشوف اولان خزینه لرك تماماً میدانه چیقاردلینی کون ، موزه
 هایون ، اقوام سالفه یه عائد آثارك حقیقی بردفینه تاریخیه سی اوله حق !

« چینلی كوشكدده تشهر اولونان صناعات اسلامیه یه عائد آثارك ، بوكون
 منله ده ا تصادف ایتك ممكن دكلدر . صوكرا ، یكى بنا داخلنده بولونان
 واسكندر کیره عائدیتی ادعا اولونان معظم لحدك قیمت صنعتکارانه سی،

هر دولو تقدير و تصويرك فوقنده در . موزه كرك مؤسس و محيى ھدى بلك كشف ايتديكى بو لحدك ، اوزرنده منقوش اولان تصويرلر ، صناعت اعتباريله حقيقه برر شاه ائردر .

اثنوغرافى موزه لرنده ده توركلره و تورانه عائد قسملر بك زنكيدر . بو قسملرده كى آثار ، عموميتله توركستانده اجرا ايديلن حضريات ايله آلد ايدلمشدر . برلين اثنوغرافى موزه سنده ، موزه نك مدير معاوى ، مستشرق فون لوقوك ، توركستانده اجرا ايتديكى سياحتلرده تورك مدنيتنه دائر آلد ايتديكى بك قيمتدار وثائق تشهير ايدلمشدر . توركستانده ، قوملر آراسنده ، عصرلرجه مستور قالدقدن صوكرا ظاهره جيقارلمش اولان بو اثرلر ، بعض ديوار رسلرندن ، تصويرلردن ، جيلان دريلرى اوزرينه يازلمش كتابلردن عبارتدر . موزه ده بكا رهبر اولقى لطفنده بولسان فون لوقوك ، بو آنارى كوسته درك ، نيميك كوچلكه آكلايه بيلديكم صاف بر توركجه ايله ، لسانمرك تاريخچه سندن و تكاملندن بحث ايديسور و شوايضاحاتى ويريوردى :

« اورال - آلتاي لسانلرى آراسنده لسانكز ، اوك مهم بر قسمى تشكيل ايددر . توركجه نك ده مختلف لهجه لرى آراسنده اوك متكامل اولانى ، اصل تورك لهجه ، يعنى آناطولى توركلرينك لهجه سيدر . بيليورسكزكه ، لسان متخصصلرى توركجه نى بش لهجه يه آييريرلر : ياقوت ، اويغور ، نوغاي ، قيرغيز و اصل تورك لهجه لرى ! بولهجه لر آراسنده اويغورجه و توركجه اوك مهم موقعى اشغال ايددر . اويغورجه ، اوك قديم بر تورك لسان ادبيسى ، توركجه ده اوك متكامل بر لسان اولقى اعتباريله ديكرلرينه متفوقدر .

« اسكى توركلرك اوك بويوك صفت ميمزه مى لسانلرينى محافظه خصوصنده كوستردكلرى نصب در . تاريخ كوسترييوركه ، توركلر نروده ونه كې مؤثرات آلتنده بولونمش اولورلرسه اولسونلر ، آنا لسانلرينى ، كمال اعتنا ايله محافظه ايتمشلردر . دين واجبه قوملرله اختلاط ، بوخصوصده حائز تاثير

اوله مامشدر. سلچوقیلر، ایکی عصر لق مدت ظرفده، بترستلکدن نسلوریلکی ودها صوکر اسلامیتی قبول ایندکلی حالده، هیچ بر زمان لسانلری ده کیشدیرمه مشلردر.

«اون دو قوزنجی عصرده (اورخون) و (طورفان) ده بولونان کتابه لرده، یک اسکی زمانلردن بری تورکجه نك بر لسان تحریر حاله کلدیکنی کوسترمکده در. اورخون کتابه لرده، تورکلر خصوصی برألفبا قوللانمشلردرکه، بونک ملی بر یازی اولدیغنده شبهه یوقدر. تورکلر اورخون یازیسندن صوکر، اویغور یازیسنی و نهایت اسلامیتک تأثیراتیه عرب یازیسنی قبول واستعمال ایتمشلردر. اورخون و طورفان ده بولسان آثار، دعالره، دینه، تورکلرک شجاعت و مدنیتیه متعلق مختلف محصولات قلمیه در. بو آثارک تدقیقندن آکلاشیلورکه، تورکلر، مختلف موضوعلر ایچون یالکز تورکجه نی استعمال ایتمش، فکرلری افاده ایچون هیچ عرب و عجم کله قوللانما مشلردر. بو حالده، اودورلرده، تورکجه نك یک متکامل بر لسان اولدیغنی کوستر- مکده در. مدون ایلك تورک اثر ادیبسی عد اولونان، وایغورجه اوله رق ۴۶۲ سنه هجریه سنده کاشفدره یازلمش بیک بیقی حاوی اولان «قوداتقو-بیلیک» نام اثرده، صریحه و عجمجه اوله رق آنجق دو قسان کله استعمال ایدلمشدر. «فون لوقوق، بکا بوايضاحاتی و بررکن تورک و مفلو خاقانلری طرفندن اویغور یازیسیله یازلمش بعضی قدیم مؤلفاتی، فرمانلری کوستریبور و شو سوزلری علاوه ایدیوردی :

«تدقیقائمز بزه کوستریبورکه، هجرتک دها برنجی وایکنجی عصرلردن اول تورک قومی مستقل و مترقی برمدنیه صاحبدی. اورخون کتابه لرده کی یازیلرک مکملیتی، اسلوبک غایت ادیبانه، افکارک یک عالی اولیشی تورک قومک اسکی برمدنیه صاحب اولدیغنی کوسترمکده در. بالخاصه، صوک ربع عصر ظرفنده تورکستانده اویغور مدنی حقنده یاییلان تدقیقات، مونفولستانک بر قسمله چینک (قان - صو) ایالتی احتوا ایدن اویغور خاقانلغنده معظم

بر تورك مدنيتنك تأسس ايتمش ، پك چوق آثار مدنيه وجوده كيترلش
اولديغنى اثبات ايديبور . »

توركلرك بر آلمان عالمي طرفدن بودرجه تقديرات ايله ياد ايدلمه سنه پك
زياده سوينيور ، و بروقتلر هنوز بو قطعه لرده او مدنيتلردن اثر يوقكن ،
توركلرك وجوده كيتردكلرى بو آثارى حيرتله تماشا ايديبوردم . كتابه لرده
اك زياده نظر دقتى جلب ايدمن ، حروفاتك ، رنكلرك ، تزئيناتك
كوزللكيدر . بونلر ، توركلرك بر وقتلر نه يوكسك بر تربيه بديعيه ايله
يوكسه لايكنه اك كوزل برر دليل ايدى . تأسف اولونوركه بو آثاردن بر
بر چوغى محسو اولش ، وانجىق پك آزي بوكي قدرشناسانك يدتملك
ومحافظه سنه كچه بيلمشدر !

تربیه موزه لری

تربیه موزه لرینک غایه سی . — برلین موزه سی . — وسائط درسیه . — استخبارات
دائره سی . — تربیه تاریخی دارالمصاعیسی . — تربیه موزه لری اک مساعد شرائطه تأسیس
اونونه بیلیور .

تربیه موزه لری، تدریساده حدسی اصولک تعممنی تسهیل ایتک، لوازم
تدریسیه نك انتخاب و سپارشی خصوصنده مکتب اداره لرینه مفید بر رهبر
اولق، مختلف مملکتلرک تعلیم و تربیه ده کی ترقیاتی یاقندن تمقیب ایده بیلیمک
کبی مختلف غایه لری استهداف ایدره ، بو اعتبار ایله ، بوموزه لر ، مملکتک
حیات عرفاننده خصوصی بر موقعی حائزدر . برلین ، دره سد ،
فراقفور موزه لرینی زیارت ایتشدم . برلین تربیه موزه سی ، وسائطک
مکملیتی اعتبار ایله ، بونلر میاننده برنجیلکی احراز ایدره . برلین موزه سی ایکی
بویوک قسمی محتویدر . مستقل برر بنا اشغال ایدن بو قسملردن برنجیسی
آلات و ادوات درسیه یی ؛ ایکنجیسی استخبارات دائره سی شاملدر .

وسائط تدریسیه دائره سنده ، هر درسه عائد آلات ایچون ، آیری بر
بر سالون وارددر . مثلاً تاریخ سالونی ، ملی و عمومی تاریخه عائد خریطه
لری ، رسملری ، تصویرلری ، ملی البسه لری ، بعض مبانی تاریخه نك کوچوک
مقیاسده موده لرینی ، اسکی بویوک محاربه لره عائد مجسم پلانلری ؛ جوغرافیا
سالونی بویالی و قبارتمه خریطه لرک تعلیقنه مخصوص مختلف سپارلی ، برلین ،
لوندرد ، پارس ، استانبول کبی دنیا نك اک بویوک شهرلرینک بویوک مقیاسده
پلانلرینی ؛ ادبیات سالونی ، اسکی ویکی ادبانک رسملرینی ، هیکلرینی ،
لسان تدریسنه مخصوص لوحه لری ، اعمار تدریساتنه مخصوص قبارتمه
رسملری ، اسکی پاره لرک آلییدن موده لرینی ؛ حکمت ، کیمیا ، علوم طبعیه

سالونلری، بودرسله عائد یوزلرجه آلات درسیه ایله ماکنهلری، حیوانات و نباتات رسملرینی، و تحنیط ایدلمش نمونهلرینی ... احتوا ایدر. رسم و آل ایشلری سالونلری، آلمانیاک مختلف شهرلرنده مختلف مکتبلر طلبهسی طرفندن وجوده کتیرلمش اک کوزل اثرلری حاویدر. صوکر، بودرسله مخصوص آیری مودهل سالونلریده تفریق ایدلمشدر. بوراده رسم ایچون، ارکک و قیز چوجوقلره مخصوص آل ایشلری ایچون بیکلرجه طبیعی و مجسم مودهللر وارددر.

موزهده، بوصالونلردن باشقه، مکتب بنالرینک تقسیمات داخلیهسی، صیرا و کرسیرک شکل و وضعیتلرینی، یاتاقخانهلری، مکتب خستهخانهلرینی، محاضره سالونلرینی مصور بویوک بر سالون دهها وارددر. بوصالون، غایت ظریف پاراوانلرله متعدد کوچوک اودالره آیرلمشدر. هر اودا، تقریباً دوت مترو مربضدهدر، و بر درسخانه، یا یاتاقخانهک کوچوک بر مودهلیدر. بوراده، اودانک وسعتیه مناسب اولق اوزره کوچوک صیرالر، کرسیرلر، قره تختهلر وارددرکه، هر بری اک صوک سیستهده وجوده کتیرلمشدر. کرسینک، صیرالرک، لوازم درسیهک، پنجره لرک موقع و وضعیتلری، منزه آلمان مکتبلرینک تقسیمات داخلیهسی حقنده تام و صریح بر فکر ویرهیلیر. یاتاقخانه و طعمخانهلری تمثیل ایدن قسملرده بواساسه کوره ترتیب ایدلمشدر.

استخبارات دائرهمسی؛ برکتبخاهی، محاضره سالونتی، استخبارات قسمتی احتوا ایدر. برلین حافظ کتب مکتبیده بورایه مربوطدر. کتبخانه؛ فن تربیه و اصول تدریسه دائر کتاب و مجموعهلری، درجات مکاتبک هر برنده تدریس اولتان کتاب سلسلهلرینک باشلیجهلرینی، معلملرک تزئید معلوماتنه مدار اوله جق هر نوع آناوی، معارف استانتیقلرینی، معارف قانون و نظاملرینی، مکتب پروغراملرینی حاویدر. موجود اثرلر یکریمی بیکی متجاوزدر.

محاضرہ سالونندہ ؛ ارباب اختصاص طرفدن وقت وقت معلمہ وعمومہ
قونفرانس لر ویریلیر .

استخبارات قسمی ؛ آلمانیاده وممالك مختلفهده بولتان مؤسسات علمیه نك
تشکیلات و پروگرام لر ، تدریس اصولاری ، قید و قبول شرائطی ،
مسالك عالیہ انتساب ایچون اہلیت شرائطی ، آلمان واجنبی طالمترینک
ترجمہ حاللری ، مدرسلرک ہانکی محللردہ وہانکی ساعتہ محاضرہ لر
ویردک لری حقندہ تحریراً وشفاہاً طلب اولتان معلومتی آلمانجہ ، فرانسزجہ
وانکلزجہ لسانلریلہ ویریر . وبو خدمتہ مقابل ہیچ بر اجرت آلاز .

آلمانیاده ، دیگر بعض مؤسسات علمیه دہ بویلہ برر استخبارات قلمی
واردہ . ازجلہ ، برلین دارالفنونندہ بو مقصدلہ ، ۱۹۰۴ دہ بر قلم تشکیل
ایدلشدہر .

تربیہ موزملرنندہ اک زیادہ شایان نظر اولان جہت ، بوموزملرک دیگر
نمونہ کاهلرہ نسبتلہ دہا اہون شرائطلہ وجودہ کتیریلہ بیلمش اولماسیدر .
تربیہ موزملرنندہ کی اشیانک بر قسم مہمی ، فابریقہ تورلر طرفدن اہدا
ایدلیدیکی کچی ، آل ایشلرینہ عائد قسملردہ طلبہ طرفدن وجودہ کتیریلکندہر .
فراقفورث تربیہ موزمسی بوصورتلہ وجودہ کتیریلن موزملرک اک ابی بر
نمونہ سیدر . درسد موزمسی دہ ، معلمین جمعی طرفدن ادارہ ایدلکندہ ،
وقابریقہ تورلرک وبلدیہ لرک معاونتہ مظهر اولمقدہر .



برلین تربیہ موزمسنہ مربوط اولوق اوزرہ بر تربیہ تاریخی دارالسا-
عیسی دہ واردہر . بودارالمساعی ، موزم نك استخبارات قسمی داخلندہ تأسیس
ایدلمش ، وبرجمیت علمیه نك حمایتہ مخصوصہ سنی تأمین ایلہ مشدر . دارالسا-
عینک غایہ سی ، تربیہ تاریخنک تبعیلہ ، نشریاتدہ بولونمقدہر . بوغایہ واصل

اولق ایچون ، دارالمساعینک مختلف واسطه لری واردر . اول امرده مکمل ،
بر کتبخانه سی ، متخصصلرینه تدقیق سیاحتلری اجرا ایتدیره بیلیمک ایچون
مخصیصات مخصوصه سی واردر . دارالمساعی ، بری فن تربیه یه ، دیکری
تاریخ تربیه یه هاند ایکی رساله نشر ایده ر .

کتابخانه لر

برلین دارالفرمان، کتابخانه سی. - دارالفنون کتابخانه لر. - آملی وابستدانی مکشیرنده معلم و طلبه که بهتری. - ای کتابلر، کنجر اوزرینه ای استادلر قدر مؤثرده. - هریشه کوره کتاب. - آلمان کتابخانه لرنده اسوله تصنیف. - حافظ کتب مکتبه. - تصنیف اعشاری اصولی.

آلمانیاده، کتابخانه لر ترقیات علمیة نك اك مهم حامللری صیراسنه کیرمشدر. هر شهرت بر ویا متعدد عمومی کتابخانه سی وهر مؤسسه علمیة نك معلملره و طلبه یه مخصوص برر کتابخانه سی واردر. کتابخانه لر، شهرک کمال و ترقی درجه سنك بر میزانی عد ایدلدیکی ایچون، بو مؤسسه لک تأسیس وانشاسی و محتویاتنک زنکینلشدیرلمه سی اوغورنده میلیونلر صرف ایدلمکده در. مثلاً، برلین قرالی کتابخانه سنك بناسی، مملکتک احتیاجی و درجه ترقیسی ایله متناسب عد ایدله مدیکی ایچون، ۱۹۰۳ دن اعتباراً اون بر سنه چالیشیلر ق و میلیونلر صرف ایدله رک یکی و معظم بر کتابخانه وجوده کتیرلشدیر. برلین دارالفنونک یانی باشنده و شهرک اک شرفلی بر موقعنده، ۱۷۰ مترو طول و ۱۱۵ مترو عرضنده بنا ایدلمش بو محشم مؤسسه ده بر میلیون درت یوز اللی یدی بیک جلد اثر، ۳۰ بیک آل یازیسی واردر. آل یازیسی آثار میاننده، مطبعه نك موجدی کونه به رغ طرفندن، ۱۴۵۰ ده ایلك دفعه پارشه من اوزرینه طبع ایدلمش اولان انجیل ایله، شاپلمان، یاخود صاقسونیا دوقه سی طرفندن هدیه ایدیلن و اوتتجی عصره عائد بولونان کتاب مقدس کی میلیونلر قیمتده بعض آثار نفیسه واردر.

دارالفنون و مکاتب عالیه کتابخانه لر ده فوق العاده زنکیندر. برلین دارالفنونی کتابخانه سنده ۵۵۸ بیک، مونیخ دارالفنوننده ۸۰۰ بیک، هایدله به رغده ۶۰۰ بیک، برلین فن مکتب تالیسند ۱۴۰ بیک جلد اثر واردر. بو مؤسسات عالیه کتابخانه لرینک تخصیصات سنویه سی ده غایت مهمدر.

مثلاً، مونیخ دارالفنون کتبخانه سنک سنوی بودجه سی، ۲۲۰ بیك مارقدرد. کتبخانه ایچون، هر سنه یکیدن ۳۰ بیك جلد کتاب مبايعه اولونور. هرتالی وابتدائی مکتبکده برکتبخانه سی واردر. بومکتبلرده کتبخانه لر معلم وطلبه عائد آیری آیری قسملری احتوا ایدر. هر معلم، طلبه سنک سنه، محیطنه، موسمه کوره طلبه برر کتاب توصیه ایدر. طلبه آرزو ایتدیکی اثری اوینه آله بیلیر؛ وبعدمطالعه، کتاب حقنده کی ملاحظاتی، وارده الک شایان دقت بولدیفی قسملری معلمنه ایضاح ایدر.

هرتالی مکتبده معلمینه وطلبه یه مخصوص ایکیشر کتبخانه، هرابتدائی مکتبده برکتبخانه بولونور. معلمینه مخصوص کتبخانه لر - بعض اسکی مؤسسه لر مستنا اولمق اوزره - پک جسم دکدر. مع مافیه، هر معلمک اختصاصی داخلنده اولان آئاردن کافی مقدارده موجوددر. مکاتب تالیده معلم کتبخانه لرنده موجود آثارک مقدار وسطیسی ایکی بیكدرد.

طلبه یه مخصوص اولان کتبخانه لرده کی آثار، صتی برتدقیقندن کچیرلمشدر. چوجوقلرک اخلاقی اوزرینه سوء تأثیر ایدر بیلجک اثرلر، بورالره قبول اولونماز. کتابلر، ذهنک ای ویا فنا تربیه سی ایچون الک مؤثر برر واسطه اولدیغی تقدیر ایدن آلمان تربیه شناسلری، کنجلره تخصیص ایدیلجک کتابلرک، کنج دماغلرده الک ایی انطباعلر وجوده کیره بیللمه سی اساس اتخاذه ایلهمشدر. ایی کتابلر، ایی استادلر قدر کنجلر اوزرنده حائز تأثیردر. وبالمکس، فنا کتابلرده، چوجوغک روخنده، حتی بعضاً ناقابل تصحیح جریحه لر براقیر. بو اعتبارله، آلمانیا، چوجوقلره ویریلجک کتابلرک اتخابنده صوک درجه مشکل پسند داورانلهمقدرد.

بوندن باشقه، اتخاب اولونان کتابلرک مکتبده تعقیب ایدیلن تحصیل ایله علاقه دار اولماسنه، کنجک هم تربیه فکر یه سنه، هم تربیه بدیمه سنه خادم بولونماسنه اعتنا ایدیلدور. فی الحقیقه، چوجوق مکتب کتبخانه سنده ذوقی اوفشایه جق اثر بوله مازسه، اودوقی، باشقه یرده آرامق مجبوریتده

قالير. يك كوچوكلر حكايه و ماساللردن، قهرمانانه وقايعدن و رسملردن متلذذ اولور. بناء عليه، كتيبخانه لرده صورت مخصوصده اونلر ايجون يازدبرلمش رسمي اثرلر بولونديريلور. ده اآز بويوكلر، سياحت رومانلردن، بحري وقايعدن خوشلانيير. اونلر ايجونده بوقسم رومانلر واردر. چوجوغلر سنى يوكسهلدنجه روحى، بدايعه، صنايعه قارشى ده اآز يازده انكشاف ايدهر. بو جهته اون درت، اون بش ياشنده كي چوجوغلر صنايعه، شعره، ادبياته دائر آثار كوستريلور. تالى صنفلر طلبه سى ده رسائل موقوته و ادبيه مراق ايدهرلر. بونلر ايجونده كتيبخانه بو نوع مجموعهلر بولونديريلور. مكتب كتيبخانه لرنده نظردقه آلان برقطه ده، كتابلر ك شكل ظاهر يسيدر. بر اثر ك، جلد ينك، شكل ك كوزللكى، چوجوق نظرنده آنك قيه تنى يوكسه لير؛ و چوجوقده بدى برحس و تربيه اويانديرر. بو جهته، بر اثر ك مختلف شكلده مطبوعلى وارسه، مكتبجه بونك اك نفيس كاغذلىسى و اك اى جلدلىسى انتخاب اولونويور.

*
**

آلمان كتيبخانه لر ينك وصف عجزى، كتابلر ك حسن تنظيم و تصنيف ايدلش اولماسيدر. بوسايه ده، تبعاتده بولونه جقلىر ايسته دكلرى آئادى غايت سهولته بوله بيلمكده در. دارالفنون مىدرى پروفه سوز و يلامويچ، بكا تأمين ايدىيوردى كه، سوربون دارالفنونى كتيبخانه سى، برلين دارالفنون كتيبخانه سندن ده اآز زكنين اولدينى حالده، - قبل الحرب - بر چوق كنجلر دو قئورالرينى حاضر لامق، تبعاتده بولونمق ايجون، برلين كتيبخانه سنى ترجيح ايدىيور، و بو مقصدله برلنه قدر كليورلر مش.

فى الحقيقه، آلمان ياده كتيبخانه لرده موجود آثاره متخصص كتيبخانه مأمورلرينك مساعيسيله غايت منظم بر اصول تصنيفه تابع طوئلسدر. كتيبخانه مأمورى يتيشد ير مك مقصديله اخيراً برلين ده، برده حافظ كتب مك تى تأسيس ايدلمشدر.

برلین تربیه موزه‌سی داخلده کی بو مکتب ، هنوز ایکی سنه‌ک بر حیاته مالکدر. مکتبه مختلطاً تدریسات اجرا اولونور. مدت تحصیل ایکی سنه‌در. تدریسات نظری و عملی اولمق اوزره جریان ایدر. مکتبه دخول ایچون خدمت مقصوده صنفلرینه ؛ قزلرا ایچون اون سنه‌ک اناث اعدادیلرندن یانجی صنفه ترفع ایتمش اولمق لازمدر. پروغرام شو درسلی احتوا ایلر :

کتبخانه انشاآتی و اداره‌سی، اصول کتب (بیلو غرافی)، اصول کتب تاریخی ، تاریخ ادبیات ، اصول دفتری ، استوغرافی ، داقیلوغرافی ، لاتینجه ، روجه ، کتبخانچیلیق ، مجلدک ، کتاب تجارتی ، تاریخ تجارت ، بویوک کتبخانه‌لرک تاریخی، جوغرافیا .

حافظ کتب مکتبک بر تطبیقات کتبخانه‌سی واردر . بو کتبخانه‌ده کتابلرک تصنیفی ، محافظه و اداره‌سنی طلبه درعهده ایتمشدر . کتبخانه‌ده ، برکتبخانه‌یه لزومی اولان آلات و ادواتک پک کوچوک مقیاسده موده‌لریده شهر ایدلمشدر .

تطبیقات کتبخانه‌سنده ، کتابلرک تصنیفی امرنده آمریکا اصولی دیگر اصولره ترجیح ایدلمکده‌در . آمریکا ، کتبخانه‌جیلکده برنجیلیکی قازانمش برملکت اولدینی ایچون، حافظ کتب مکتبده آمریکا اصوللری نمونه اتخاذا ایدلمشدر . مکتب مدیری ، بکا آمریکا اصوللرندن تأمین ایدیلن فائده‌لری و بو اصولک خطوط اساسیه‌سنی ایضاح ایله‌مشدی :

آمریکا اصولی ، بر تصنیف اعشاری اصولدر . بو اصولک اساسی شورد : اولاً معلومات بشریه - اعتباری اوله‌رق - اون قسمة آیرلمش و هم قسم، ۱ دن ۱۰ . قدر برر عدده کوسترلمشدر. مثلاً ، فلسفه‌یه ۱ ، الهیات ۲ ، اجتماعیات ۳ ، لسانیات ۴ ... الخ نومرولری ویرلمشدر. سوکرام ، بو اون قسمدن هر بری‌ده تکرار اون قسمة آیرلمش و هر قسم ایکی رقله کوسترلمشدر. رقلک عشرات خانه‌سی برنجی قسبانی ، احاد خانه‌سی ایکنجی

تقسیماتی ارائه‌ایده‌ر. بوعبارله ، مثلاً آلمان فلسفه‌سنه عاڤد بوتون اثرلر ۱۱ ،
انکلیز فلسفه‌سنه عاڤد اثرلر ۱۲ اوله‌رق ارائه‌ایده‌لشددر .
صوکرآ ، بونلر بر درجه‌دها تقسیم‌ایدیلیور . آلمان فلسفه‌علمیه‌سی
۱۱۱ ، آلمان فلسفه‌اخلاقیه‌سی ۱۱۲ . . . الخ کوستریلیور . بو صوک
قسملرده ، زمانه‌کوره تکرار تقسیم اولونه‌بیلیور: مثلاً ۱۶ نجی عصره قدر
آلمان فلسفه‌علمیه‌سی ۱۱۱۱ ، ۱۹ نجی عصر آلمان فلسفه‌سی ۱۱۱۲ . . .
الخ . بو صوک تقسیم ، ماده‌یی تماماً تعین وایضاح‌ایدیور . مع مافیه ، تقسیماتی
بردرجه‌دها یوریت‌رک ، مقصدی مشعر‌دها واضح بر رقم‌الدیه‌بیلیور .
شوحالده ، انسان حافظه‌سنه ممین اون رقم‌الیرسه ، بیکلرجه آثاری
تصنیف‌ایدیه‌بیلیور . بالخاصه ، بوتصنیف‌اعشاری ، یالکز برملکته شامل
اولمایوب‌دهه عمومی اولورسه ، دنیانک هر جهتی ایچون فهرس بر اولور .
و بو تقدیرده ۱۱۱ رقمی ، بوتون جهان کتبخانه‌لرنده ، آلمان فلسفه
علمیه‌سنه عاڤد آثاری کوستریر .

تماشا حیاتی

تیاترو ، لازمهٔ مدنیت در . - تماشا کاهلر آراسنده بر هاه اثر . - تماشا حیاتی ،
کالی ادبایه مدیونو . - فلاسپکر ، رومانقیکر ، ره آلیسنر . - آلمان ترقیسی وادییات .

معبد ، مکتب ، تیاترو ... آلمانیاده ، بو اوچ مؤسسه دن محروم بر
شهر کوستریله مز . معبد و مکتب کبی ، تیاتروده بر لازمهٔ مدنیت عدایدلمشدر .
بویوک شهر لرده فاجعه لره ، مضحکه لره و آثار منظومه یه مخصوص باشقه
تماشا کاهلر اولدینی کبی ، اک کوچوک بر قصبه ده ده عمومی بر صحنه واردر .
بالخاصه ، بای تختلرده و بویوک شهر لرده اوپه رالر ، یکدیگریته رقابت ایده جک
بر مکملیت عرض ایده ر .

تماشا کاهلر ، هر شهرک آثار معماریه سنک اک فیسلرندن معدوددر .
هر بری نامدار بر معمارک پلانی اوزرینه انشا ایدیلن بو بنالرك ، تربیات
داخلیه لریله ، تزینات خارجه لری آراسنده بر تناسب و آهنگ محافظه ایدلمش
و تیاترو ، هیأت عمومی سیله ذوق وحسی اوقشامشدر . بالخاصه ، دره سد اوپه را
بناسی کبی بعض مؤسسات ، حقیقهٔ برر شاه اثردر . اوپه رالرک مدخللری ،
مملکتک اک مشهور شعرا و ادباسنک ، اک بنام بسته کارلرینک هیکلریله مزیندر .
آلمانیاده تماشا حیاتی ، خلقه نزه بر روح افاضه ایدیور و حسابات
و طنپورانه نك انکشافه اک بویوک بر عامل اولویور . کالک وطنی ، کل نهالی ،
حاکف بکی ؛ حامدک طارقی ، اشبری بزده حریت انسانیه یی مدرک و طنپورلر
نزنده نه تأثیر پامشسه ، بوراده ده عخنه یه وضع اولسان بویوک اثرلر عینی
تأثیری حصوله کنیریور . تماشا حیاتی ، ملتک بوتون بویوک سیالری ،
شاعرلری ، ادیبلری ، موسیقی شناسلری هرکسه طاتمشدر . آلمانیاده
کوتنه یی ، شیللهری ، هایدنی ، موزارتی ، واغنه ری طانمایان بر کنج
تصادف ایده مزسکزر . هر کنج ، وطنک ادیبلری ، شاعرلری ، بسته کارلری ،

قیمت مضویله تماماً طایر . اونلرک یا برقاج اثرینی اوقومش ، برقاج نشیده سنی از برله مش ، وبالخاصه بر جوق اثرلرینک تماشاسنی کورمشدر .



تماشا حیاتی، کالنی آلمان ادبیاتنه و آلمان ادبانه مدیوندر . بالخاصه، اون سکزنجی عصرده آلمان ادبیاتنده وقوع بولان تحولات ، تماشا حیاتنک اعتلاسنه یک چوق خدمت ایتمشدر . اون سکزنجی عصرک قلاسیک دور ادبسی، ابتداء، آلمانیاده یکی برتحوله اوغرامش و برزمانلر فرانسز قلاسیکلرینی تقلیدایده، اثرلرینک موضوعلرینی قرون قدیمده آرایان آلمان محررلری قرون وسطایه، ازمئه جدیدیه ونهایت کندی وطنلرینه دهسا بویوک اهمیت عطف ایده رک یکی یکی اثرلر نشرینه باشلامشدر .

قرون وسطاده کی احوال جاریه بی موضوع اتخاذا ایده رک، رومانیتک دور ادبسنی آجان تجدد پروراننک باشنده «کوته» ایله «شیلله» ی کوربیورزه کوته، ۱۸۳۲ یه قدر یاشامش و آخر عمرینده (فاوست) ی اکال ایتمشدر . کوته عصرینک الک بویوک رومانیتیزمی در . ۱۷۵۹ ده ، فقیر برعائله نیک یکانه اوغلی اوله رق دنیا یه کلن شیللرده ، آلمان لسانه برصالت بخش ایتش و حیات شخصیسيله ، بوتون آلمانلره ، غایه ایچسون هر درلو عذاب و مشقی اقتحام ایتک لازم کلدیک، فکری ویرمشدر . کوته و شیلله ؛ آلمانیا یه اخلاقی ، حسی ، اجتماعی تربیه درسلی ویره ن بویکی بویوک شاعر، وطنلرینک برر آبدء شان و شرفیدر . کوته و شیلله اثرلر یله ، معاصرلرینک نظرلرنده کیزلی قالان حیات کوشه لرینی تنویر ایتمشلر و محیطلری اوزرنده نافذ تاثیرلر برافشلورد . دونکی آلمانیا اولرلی ، اولرده بوکونکی آلمانیا یی ابداع ایتمشلورد . بری هیجانلر یله ، دیگر ی عرفان و کماله و هرا یکسی ادبیات تماشایی تقلید اجنییدن قورنارارق اوکا بخش ایلدکلری لایموت آثار ایله بواقیلی یوکسه لتن بویکی استاددن صو کرا ، رومانیتیزم مسلکی اربابی آراسنده

شله‌کلی، آرندی، کورن‌دی، هانی‌بی، لوتاوی، ونه‌ایت هروغی، فرایلیغراتی و درام یازان رومانیکلر آراسنده‌ده، قلاستی و غریل پاوچری ذکر ایده بیلیرز.

۱۸۴۹ ارتجاعندن سوکرا، آلمان حیات ادیپسند بر دور توقف باشلایور. بو دورده شه‌فل، فره‌یناغ، اشپیل هاگن کبی بعض کزیده محررلردن باشقه، شایان دقت سیالر کوریله‌میور. فقط، ۱۸۷۰ دن سوکرا، حیات ادبیه تکرار جانلانیور و آلمان محررلری ره آلیزم مسلکنی اختیار ایتمه‌ک باشلایور. ره آلیستلر، نه‌فلاسیکلری، نه‌رومانیکلری تقلید ایتش، حقیقی اولدینی کبی تصویره اهمیت ویرمشلردر. بویکی مسلکک الک بویوک استادلری زوده‌رمان، زه‌رارد هویجتان در.

آلمان ترقی‌سند ادبیاتک پک بویوک تأثیری اولمشدر. ادبیات، ملتک سویه اجتماعیه‌سنی ترفیعه خدمت ایدن الک مهم بر عاملدر. محیط ادبیمزک پک ممتاز و ذی‌کمال سیاسی جناب شهاب‌الدین، بو حقیقی نه‌کوزل تصویر ایدیور: «چو جو قلر ایچون ماصال برنوه تفکر، جمعیتلر ایچون شعر برنوه تمدن در. نه‌طرفه باقه‌کز کوره‌جکسکز: فن و فلسفه شعردن چیقدی. پریقلس عصری، آرقادیا چوللرنده ترنم ایدن «اومیروس» حاضرلامش واک بویوک اثرمدنیت عد ایدیلن اختلال کیری ادبیات دوغورمشدر.»

آلمان سچیہ سی

سچیہ تریہ ایله برھکل کال ویرمک ممکندر ۔۔ آلمان ، دیگر اندیش در ۔۔ حمایہ اطفال جمعیتاری ۔۔ امور خیریه ومعارف ایچون قیرمات ۔۔ سہات و حیات اجتہامیک هر گوشہ صنف نفوذ ایتشدو ۔۔ آلمان ، عاملہ پروودر ۔۔ آلمان ، فطرۃ مائل انضباطدر ۔۔ انضباط فکری ووظیفہ حسی ۔۔ آلمان ، عملی برحیاطہ ۔۔ والد ۔۔ آلمان ، انتظام پروور واعتدال کاردر ۔۔ آلمان ، مقصددر ۔۔ فردلر آراستندہ توزیع مساعی ۔۔ صنوف مختلفہ آراستہ سناہ ۔

برقومک سچیہ سی ، بوتون برسلسلہ وراثتک محصلہ سیدر ۔ هر قومده فکری ملکات ، و اخلاقی اساسات باشقہ صورتده تنمو وانکشاف ایتشدو ۔ مع مافیہ ، سچیہ ، تریہ ایله بر شکل کال ویرمک ممکندر ۔ ایشته ، آلمانیا ، افرادیہ بوصورتلہ متین ومتوازن برسچیہ بخش ایتمکہ موفق اولشدو ۔ آلمان سچیہ سی ، فیضی عاملہ ومکتب تریہ سندن آلمش و آلمان قومی ، خصائلہ تمیز ایله مشدر ۔

آلمانک الک بیوک خصلی ، دیگر اندیش اولماسی در ۔ آلمانیاہ « فرد هرکس ایچون ، هرکس فرد ایچون ، چالیشیر ۔ اوراده ، هر فردک سعی ، دیگرینک متمم مساعی سیدر ۔ دیگر اندیشی ، تعاون وتساند وطنداشر ایچون الک بیوک بروظیفہ تلقی ایدلمش ، وجہیت فردک بشیکدن مزاورہ قدرصیمی بر معاون ومظاهری اولشدو ۔

آلمانیاہ تعاون ، مختلف شکل وصورتلرله ایفا ایدلمکده در ۔ امورخیریه ایچون ، حمایہ اطفال ایچون هر شہردہ یوزلرجه جمعیت تشکل ایتشدو ۔ بو خصوصده فرانقفورت (ماین اوزرنده) شہری ، دیگر شہرلرہ نسبتہ برنجی درجہ بی احراز ایدو ۔ فرانقفورتده حمایہ اطفال وفقرا پروور جمعیتلرینک عددی ایکی یوز قدردر ۔ حمایہ اطفال جمعیتاری ، مختلف وسائلہ ، حیات اطفالی ، هر درلو احتمالات مواجهہ سندہ تسلیح وتجهیز ایتمک ، اولنری جمعیتہ خادم بر عضو اولهرق حاضرلامق غایہ سنی تعقیب ایدو ۔ مختلف یوللردن

عینی غایبه واصل اولمغه چالیشان بوجمیتلرک مساعیسنی توحید ایتک ده ممکن اوله بیلیمشدر. دوققور « قلو مکرر » نام ذاتک ثمره فعالیتله، بوتون حایه اطفال جمیتلری « خصوصی تعاون جمیتلری مرکز همومیس » عنوانله بر مرکز ره ربط ایدلمشدر. بوجمیتک اساسات اشتغالی شو مواد تشکیل ایدیور :

جمیت ، ابونی طرفدن ترک واهال اولونان چوجوقلری حمایه سی آلتنه آلیور ؛ بونلری تعلیم و تربیه ایدیور ؛ مادر بخطا چوجوقلرک وصایتی درعهده ایله یور ؛ ابونی مجهول چوجوقلرک والدینی تحری ایدیور و پدرلری بولونان چوجوقلر ایچون ، پدردن شهری ۲۰ دن ۶۰ ماقه قدر بر اجرت اعاشه آلیور ؛ سودنه لره تودیغ ایدیلن کوچوک چوجوقلرک حیات صحیه لرینه نظارت ایدیور ؛ تحصیل ابتدائی سننی اکال ایتمش اولان کیمسه سز چوجوقلره ایش بولویور ؛ اولادینی حمایه ایتمین ابون حقهده تحقیقات اجرا و نتیجه دن حکومتی خبردار ایله یور ؛ چوجوقلره باقه بیله جک دادیلر ایچون عمومی درس لر آچور ؛ مکتبه دوام ایدن فقیر عائله چوجوقلرینه اوکلین سوت واکمک توزیع ایدیور . . .

خلاصه ، حمایه اطفال جمیتلری ، چوجوغک حیاتنه و استقباله تعلق ایدن هر مسئله یی کندی ساحه اشتغالی داخلنه آلمش ، وبوسایهده آلمانیا ده چوجوق ، - بالفرض فرانسه ده اولدینی کبی - ابون ایچون معیشت عائله یه فضله برکلفت تحمیل ایدن مضر بر مسافر دکل ، بلکه استقباله عائله و وطن ایچون مفید و معاون بر عضو اوله رق تلقی ایدلمشدر .

آلمانیا ده ، هیچ بر زنکین کوستریله مزکه ، نروتندن عائله سنه مهم بر قسم تخصیص ایده رکن ، وصیتنامه سنه ، وطنداشلری و وطنی ایچون ده شایان حرمت بر حصه آیرمقده تردد ایتسین . بویوک شهرلرده ، باشلی باشنه بر اثر خیر وجوده کتیره جک قدر سماحتده بولومانلر نادر دکلدر : فراققورت ده واین به و غ اسمنده خیر پروو برقادین جیقپور ، بر دارالایتام تأسیس ایدیور ؛ « استه دمل » نامنده بر زنکین بر رسم موزه سی وجوده کتیرمک اوزره بر

میلیون مارق هدیه ایدیور؛ اوتده سه نه که نبرغ نامنده بر وطنپرور بر طب آقاده میسی و بر تاریخ موزه سی تأسیس و میلیونلرجه قیمتند اراضی بی بو مؤسسه نك اداره سی و ترقیسی اوغورینه وقف ایدیور؛ روجیلد بر میلیون مارق ویره رك شهرده بر کتبخانه تأسیس ایله یور؛ مادام کیوم نامنده بر قادین حرب انساننده پدرن محروم اولان چوجوقلر ایچون قولونیا بلدیسه بر بوجوق میلیون مارق تبرع ایدیور، سیمه رمان نامنده بر صاحب خیر میلیونلر صرف ایده رك که منیچ ده معظم بر ساناتور یوم تأسیس و بونی شهره هدیه ایدیور.

آلمانیا ده یالکزر زنکینلر دکل، بوتون خلق معارف پرورلکده، خیر پرورلکده یکدیگرینه رقابت ایده جك درجه ده فداکارلقلر اختیار ایتمک اك مقدس بروطفه عد ایتمشدر. فراقفورته ده، بردارالفنون تأسیسی ایچون، خلق، ایکی بوجوق میلیون و فن آقاده میسی ایچون اوج بوجوق میلیون مارق اگاه ویرمش، شهر امانتی بناسی داخلنده آجیلان موزه بی زنکینله تمك ایچون، کوموش اوانیلرینی کاملاً موزه یه تبرع ایله مشدر. موزه لره وضعه لایق شاه اثرلوك کیمک یئنده کوریلیرسه همان اشترا ایله یلرک، بونی، ملکته مال ایتمک املی ده پک عمومیدر. مثلاً، مونیخ ده یارون شون برونك، مالک اولدینی قیمتدار بر قابلوی صاتیلفه چیقاردینی خبر آلتجه قابلونك موزه نامنه اشترا ایله بیلمه سی ایچون، براغانه دفتری آجیلیور و بر قاق ساعت ایچنده ۴۰۰ بیک فرائق طوپلانیور؛ فراقفورته ده بنه بویه قیمتدار بر لوحه نك درحال مایعه سی اقتضا ایدیور، ارباب ثروته مراجعت ایدیلور، و یالکزر بر زنکین دفعه ۱۲۵ بیک فرائق ویریور؛ فراقفورته ده بر حایه اطفال جمعی بردارالایتم آچهرق، مؤسسه نك اداره سی ایچون ۷ میلیونلر اگاه جمعه موفق اولویور؛ که منیچ شهری، میلیونلر صرفله ۵۰ هکتار وسعتنده بر اراضی اوزرینه فرق بویوك بنادن متشکل معظم بر دارالایتم تأسیس ایدیور . . . معارف اوغورنده اختیار ایدیلن فداکارلنك درجه سی تقدیر ایده بیلیمک

ایچون، هر بويوك شهرده سنوی معارف ایچون وقوع بولان تبرعاتی تدقیق ایتك كفايت ایدر. هر شهرده اعاتاك يکون سنویسی، شهر معارف بودجه سنك بر، بعضاً ایکی مثلنہ بالغ اولمقده در. مثلاً، ۴ میلیونلق بر معارف بودجه سی اولان فراقفورت ده، تبرعات، سنوی وسطی اوله رق ۷ و ۲۴ میلیونلق بودجه سی اولان هامبورغ ده ۲۰ میلیون مارق واده سنده در.

آلمانیا ده ساحت، حیات اجتماعی نك هر صفحه سنه نفوذ ایتمشدر. مثلاً، لایپزیغ شهرينك بر باغچه احتیاجی اولویور، واسع بر باغچه نك متصرفی بولونان زنکین بر وطندا شه مراجعت ایدیلور، مناسب بر بدله باغچه یی شهره فراغ ایتمی تکلیف اولونیور، بو صاحب حمیت، کنج یاشده افول ایدن قیزی نك نامی طاشیق شرطیله باغچه یی بلابل شهره ترك ایتك موافقت ایدیور و لایپزیغ واسع و نظربا «یووانا پارک»، بو صورتله صاحب اولویور. فراقفورت ده شهرك عمومی بر باغچه سی اولمادی ایچون، ناساو دو قه سنك صاتیله جیقاردینی، واسع باغچه نك صاتین آلماسی ایجاب ایدیور، بر اعانه دفتری آچیلیور، ویکرمی دوت ساعت ظرفده بش یوز بیک مارق درج ایدیلرک باغچه صاتین آلیور. فراقفورت ك اورته سنده سکودلر، قاتو تحققر، آقاسیه لرله بزمن پالمن فارتن، ایشته بویله بويوك بر ساحت محصولدر.

آلمانیا ده، تعاونك، دیگر اندیشلکك غایت مقول و اقتصادی برشکلی ده و وارد: مثلاً، بر شهرده فقرا به مخصوص اقتصادی مسکنلر انشاسنه لزوم کوریلور، بونکچون بر زنکین جیقیر، سرمایه سی یالکز یوزده یاریم فائضله بلدی به اقراض ایدیور؛ بلدی به بو مبلغه شهره عائد بوش عرصه لر اوزرینه غایت صهی و قوللانیشلی اولر یاسور، وبونلری اهالی به ۹۹ سنه مدتله و سنوی پك جزئی بر بدله ایجار ایدیور. فراقفورت ده بو طرزده تأسیس ایدیلن قوجه بر محله وارد. صوکرا، هر بويوك شهر اطرافنده کی واسع عرصه لر، کوچوك کوچوك قسملره تقسیم و بلدی لر یا خود عرصه متصرفلری طرفندن غایت جزئی بر بدله خلقه ایجار ایدیلرک، وطندا شلرک

بدیعی و صحیح احتیاجلری تطمین اولونیور؛ اولرنده باغچلری اولمایان خلق، «لاوبن قولونی»، یاخود «شره به رگارتن» نامی آلان بو کوچوک قسملرده باغچلر، طرحلر وجوده کتیریور، کوشکلر یاییور و بازار و تعطیل کونلری حائله سیله بورالره کله رک بر قیر حیاتی یاساییور.

آلمان یاده تعاون مسئله سنده نظر دقتدن دور طوتولمایان بر نقطه ده، معاونته مظهر اولانلرک عزت نفسلرینک رنجیده ایدله مه سیدر. مثلاً، مکتبلرده اولکین فقیر چوجوقلره سوت واکمک ویریلیور، فقط بوکامقابل هفته ده یکر می فنیسک (قرق پاره) آلیور. بو، منحصرأ چوجوقلرک عزت نفسلرینی رنجیده ایتمک مقصدینه مستددر. حق بو پاره یی ویرمه به جک درجه ده فقیر اولان چوجوقلر، ابوینسک بو پاره یی تأدییه ایدمه دبکندن خبردار ایدلر.

..

آلمان، حائله پرورددر. بو خصلتک منبعی، بالنس حائله ده آراملیدر. آلمان یاده، چوجوق تربیه سنده مکتب و حائله مشترکاً علاقه دارد. چوجوق مکتبه داخل اولونجه، حائله نک تربیه ده کی وظیفه سی ختام بولش اولمایور، بالعکس ابوین، مکتب تربیه سی دایما اتمام ایتمک چالیشیور، مربیلرک مساعیسنه مشفقانه اغفالره اشتراک ایدیور. مکتب و حائله نک بو متوازی مساعیسه درکه آلمان چوجوغی، حیانه یکدیگره ضد فکرلره صارصیلماز. حائله اوجاغنده، مکتبه اوکره ندیکی شیلرک عینی کوریر. آلمان یاده، کنجلی حائله تربیه سینه سبق بر صورتده علاقه دار ایتمک مقصدیه درکه، لیلی مکتبلره رغبت ایدله مشددر. رسمی مکاتب لیلیه نک عددی بک محدوددر. مثلاً، فرانقفورت کبی دوت یوز بیک نفوسه مالک برشهرده رسمی اوله رق بر تک تالی مکتب یوقدد. خصوصی مؤسسات لیلیه نک عددی ده دردی تجاوز ایتمه یور. مع مافیه، لیلی مکتبلرده طلبه نک - ممکن

مرتبہ ۔ ہر عائلہ حیاتی تعقیب ایتھسنہ اعتنا ایدیلیر ۔ « آرند دالم غمنازیوم » مکتبئی زیارت ایتدیکم کون ، مکتبک لیلی قسمی بو نقطہ نظر دن بالخاصہ نظری جلب ایتشدی ۔ دالمده ، برلیندن پوتسدام قدر امتداد ایدن غرون ۔ والد اورمانی ایچنده تأسیس ایدلش اولان بو معظم مکتبک لیلی قسمی ، متعدد بنالردن مرکبدر ۔ آغاچلر آراسنه جابجا سرپیلن بو بنالردن ہر بری برمعلمک عائله اوجاغیدر ۔ طلبہ ، بشر اوئر معلملرک اولرینہ توزیع ایدلمشدر ۔ کنجیلر بورالردہ خواجہلری وخواجہلرینک افراد عائلهسی ایله برلکده تام بر عائله حیاتی یاشارلر ، برلکده یرلر ، برلکده ایچملر ، برلکده کترہ رلر ۔

*
**

آلمان ، فطرۃ مائل انضباطدر ۔ آلمانیاہ انضباط فکری حیات عمومیہ نک ۳ ہر صفحہسنہ نفوذ ایتشدر ۔ قانون ہرکس نظرندہ ، فوق العادہ محترمدر ۔ مأمور ، وظیفہسندہ حکمدار قدر حائز نفوذدر ۔ اونی وظیفہ باشندہ کیسہ موأخذہ ایتکک صلاحیتدار دکلدر ۔ « آلمانیاہ Verboten - ممنوعدر » لوحہسی ، او فعلہ تثبت ایتھمک ایچون بر قانون حکمنی تضمن ایدر ۔ بو جہتلہ درکہ مملکتدہ قاجاچیلق ، وسائط نقلیہدہ انتظامسزلق ، یوللردہ تصادم ، موقوفلردہ ازدحام ، حیات معیشتدہ احتکار یوق کیدر ۔ اورادہ هیچ کیسہ انضباطی بوزماز ۔ وجعیتک حضور وراحتی بوزانلرہ ، قانونہ تجاوز ایدنلرہ قارشی ہرکس بر ضابطہ مأموریدر ۔

آلمانده کوریلن بو انضباط تربیہسنک منبعی دہ ، عائلہدہ آراملیدر ۔ ہر آلمان ، دها کوچوک یاشندہ ، عائله جولانکاھندہ فکر انضباط واطاعتلہ پروردہ اولویور ؛ وصورکا ، مکتب بو انضباط واطاعت فکری نی تمیہ ایدییور ۔

انضباط فکری ، آلمانیاہ وظیفہ حسنک یوکسہلمسنہ خدمت ایتشدر ۔ انضباطپرورانہ برتربہ ایله یتیشن آلمان ، وظیفہسنی ہر درلو مکافات و مجازات

ملاحظه سندن ماری اوله رق ، وظیفه اولدینی ایچون ، ایضا ایدیور. آلمانیه کنجلره حاکم اولان فکر ، وظیفه فکریدر . وظیفه فکری ، آلمانی ، فداکارلنک اک صوک درجه لرینه قدر سوق ایدر . حرب عمومی تاریخی یازلدینی زمان ، آلمانلرک بو قیمتدار سجیه لرینک پک باردی مثالری حیرتله اوقونه جقدر . ایمه لمان ، بولکه کبی طیاره جیلکده خارقه لر کوستردکدن صوکرا ، وظیفه اوغورنده فدای حیات قهرمانلرک مناقبی بو سجیه نک ، آلمان روحنده نه قدر متین بر صورتده کؤکله شدیکنی اثبات ایدن دلیللردندر . مشهوردرکه ، ملازم ایمه لمانک وفاتندن صوکرا ، بالذات ایمراطور حضرتلری ، بولکه یه ، بردرجه یه قدر محافظه نفس ایله مکی ، بصیرتکارانه حرکت ایتمکی توصیه صورتیه ، شجیع طیاره جینک جسارتی تخفیف وتحدید ایتک ایسته مش . فقط بومستنا سیا ، وظیفه سنی اک صوک قطعه یه قدرایضیه حزم ایدرک ، نهایت شانلی بر عاقبتله سونوب کیتشدرد .

آلمانلر ، کنجلردن حریتپرورانه بر اطاعت طلب ایتدکری ایچون ، مکتبده چوجوقلره ویریلن هرامرونه یک اسبابی وضوح وحقیقتله بیلدیوریلور . بوسایه ده چوجوق بیله بیله اطاعت ایدیور ؛ وسپیسز حرکت ایدلمه دیکنی ، هر حادثه نک بر سبی اولدینی اوکره نرک محاکمه سنی قویه ایله یور . مع مافیه ، کنجلره ، امرلرک اسبابی ایضاح اولونورکن ، اونلرله مباحثه و مناقشه یه محل بر اقلماز . چوجوغک ، لکزامرک شوسیه یه ویرلیدیکنی بیلیم سی مطلوبدر . ایشه اوقدر .

.*.*

آلمان ، عملی بر حیا نه میالدر . آلمان ، وظیفه سنده و حیات خصوصیه سنده غایت حمیدر . آلمانیه حیاتک بویوک بر قسمی سیاحتلره کچدیکی ایچون ، آلمانک بومیلنی ، بالخاصه سیاحت حیاتنده تدقیق ایتک ممکندر . آلمان سیاحت وسائطنک تام و مکمل اولماسنی ، اک بویوک بر امل عد ایتشدرد .

بونکچون، آلمانیا د یاناقلی ولوقانطلی واغونی اولمایان تر نه تصادف ایدیه من. یولجی یی ازعاج اتمامک ایچون، تره نلرده بیلترک قونترول ایدلدیکی نادر دره. پیندیکی موقعک دوننده بر بیل آلهرق حیلہ کارلغه تشبث ایتش بر آلمان تصور بیلہ ایدلز. ناموس واعتماد اوفدر عمومیدر. صوکرا، هر موقعده قطارک محل وساعت عزیزیتی، صلتنی مبین لوحه لر، کذرکاهی مصور خریطه لر واردر. یومیہ اوچ یورون کیدوب کلن بویوک موقعلرده، هر تره نک نه وقت کله جکی، هانکی نقطه ده توقف ایده جکی اعلان ایدلشد. بر آرز آلمانجه او قومه بیلدکن ص. رایولکزی شاشیرمق، قطاریکزی قاجیرمق احتمالی یوقدر. حیات ما سی اوقدر مکمل وعملی اوله رق تنظیم ایدلشد.

..

آلمان، انتظام پرور واعتماد کاردر. انتظام فکری بودیاردہ پک واسع بر ساحه تطبیق بولمشد. بو سایه ده درکه، بویوک شهرلرده کوزی آلوب کوتورون بیکلرجه وسائط نقلیه جریانلری ایچنده کوچوک بر مصادمه، فضله بر ازدحامه میدان ویرلز. برلین کبی سمانده الکتریک خطلری، زمینده، زیر زمینده اورومجک کبی آغیل تشکیل ایتش شومند و فرلری بولونان بر شهرده نظر حیرت وتقديریکزی جلب ایدن ایلک جهت، انتظام دره. آلمان، الک مشکل دقیقه لرده بیلہ هیجانه قاپلایه رق اعتدالی محافظه ایتمه سنی بیلور؛ وبو سایه ده سالم تدیرلر اتخاذ ایدیور. شو کوچوک حادثه اعتدال و سکونت درجه سی حقدہ بر فکر اعطا ایده بیلہ جک ماهیتده در: برلینده بولوندیغم صیراده، متوفی فون در غولچ باشانک تذکیر نامی ایچون، آسیا جمیعی، رایخشتاغ سالوننده بر اجتماع ترتیب ایتمشدی. دعوتلیلر آراسنده بولونیوردم. اجتماع انسانده متوفانک اذکار جیلہ سنی، خدمات وطنیه سنی متضمن نطقلر ایراد ایدیلوردی. فلده مارشال مولتکده، بوقیمتدار رفیق

حقنه صیمی بیاناده بولوندی . مارشالی ، سلطنت سینه سفیری حق پاشا
حضر تیری تعقیب ایتدی . حق پاشا هنوز نطقه باشلامشدی که ، بدن ،
مولتکه نك ، صاندالیه سندن یره دوشدیکی کورولدی . یاقین بر فلاکتک
علائمی کوستره بومنظره قارشیدنده ، حاضر نك سپاسنده سریع بر یاس
والم بلیرمشدی . او آنده بر سسی یوکه لیدی : « بردو قور ! » شیمدی
صالونک الک صوک صیرالرنده اخذ موقع ایتمش بر طیب سرعتله ایلرله یور ،
وهرکس سکون و اعتدالله طیبیه یول ویریوردی . طیب یتیشجه ، بر قاج
کشی ، هنوز حیات و نمائی تعین ایدمه یین ، خسته نك یانه تقرب ایدیور ،
وسکونتله طیبیه معاونت ایدیور لردی . اجتماعی اداره ایدن ذات تکرار
سسله ندی : « اقدیلر ، دیدی ، یاس آور بر حادثه نك شاهده اولوبورز .
خسته نك هوایه احتیاجی وار . صالونی تولک ایدمه لم ! » بو امر ، هرکس
طرفدن بلا تردد و بلا امهال اجرا ایدلمشدی . هیچ بر کورولتییه هیچ
بر تلاش و استعجاله میدان و یرمکسزین ، خطوله رده اوراق بر لرزش ،
یورویشلرده کوچوک بر تزلزل و توقف اولقسزین ، قوجه صالون ایکی دقیقه
ایچنده تخلیه ایدلمشدی !

*
**

آلمان ، مقتصددر . آلمان حالده ده ، استقبالده مسعود یاشامق املی .
تعقیب ایتدیکی ایچون ، منافع اقتصادیه سنک تأمیننه صوک درجه ده جالبشیر .
آلمانک بوتون املی ، وطنک سکون و حضوری ایچنده ، کندی سعادت و راحت
بوله بیلیمکدر . آلمان ، انسانک حیاتی آیلرله ، سنه لرله دکل ، سعادتله اولچهره .
انسان نه قدر چوق مسعود اولورسه ، او قدر چوق طول عمره مالکدر . آلمان
زنکین اولمی ایستر ، چونکه قوتلی اولمغه عزیم ایتمشدر .
آلمانیا ده ، تصرف فکری آداب معاشرته ده ، خصوصی قاعده لره قبولی

استلزام ایتشد. ترامایده، لوقانطهده، بیراخانده هرکس کندی مصرفی اودر. رفیقنوازلنک، مهمانوازلنک کیسه یه پک آز تعلق واردر.

آلمان تصرف مسئلهسنده ملیتوردر. او، پاره سنک مملکتده قالماسی، کندی معمولاتی کندی مملکتده اعمال ایتکی ایستر. آلمان، مادر وطن خارچندهده، ممکن مرتبه، کندی مملکتی محصولات و معمولاتی استهلاک ایتکه چالیشیر. آلمان ایسترکه، پارهسی آلمان ایشجیسنه، آلمان پازارینه، خلاصه آلمان خدمت و معاونت اینسین. هر آلمان، شو دستور ایله حاملدر:

« آلمان اولدینی اصلا اونومه! آلمان محصولات و معمولاتی، آلمان قوتی تشکیل ایدر! »

*
**

آلمان متائی وجسوردر. او، نه زمان پیشگاه عزمنه مفید بر ایش، ایمچدن کالی چیقيله جق بر تثبیت کوریرسه، اوکا کیریشمکده قطعاً تردد ایتیز. دوچار اوله جتی بوتون مشکلات و مخاطراتی اولدن اک اینجه قاطنه قدر حساب ایدر. اوزون اوزون دوشونیر. و موفق اوله جفته قناعت حاصل ایدنجه درحال ایشه کیریشیر. بر دفعه باشلادینی ایتی سوکنه قدر اکاله چالیشیق، آلمان اک بویوک خصلتیدر.

آلمان تثبیتده کی مشکلاتی اقتحام ایده بیلیمک ایچون، بویوک بر اعتماد نفسه صاحبدر. نتیجه سی بویوک بر غایبه منتهی اولان هر یول، نه قدر عارضه لی اولورسه اولسون، اونکچون قطع ایدلمک شایاندر. و بونی تماماً کچه بیلیمک ایچون، کوریرلر قورومق، تونلرر یایمق، هر نه لازم ایسه اونی اجرا ایتمکده بر دقیقه تردد ایتیز. و بو سایده غایبه نه بهمه حال واره جفته صادر صیلماز ایمانی واردر.

آلمان تشبثات اقتصادیده صوک نقطه قدر مسامحی بی توزیع ایتکی اساس

اتخاذ ایتشد. اوراده هرکس اختصاصی داخلنده چالیشیر و آنجق متخصص اولدینی ایشی بیلیر . اونک خارجنده کی ایشلره تماماً بیکانه در . فردلر آراسنده اولدینی کبی ، صنفلر آراسندهده ایش بولومی واردر . آلمانیاده هیچ بر صنف ، دیگرینی استحقار ایتمز . چونکه ، هیچ بر صنف دیگرینک مساعیندن مستغنی دکلدور . آلمانلرک تکاملی ، تملکتنده صنف مختلفه نك ، خواص ، متوسط و عوام طبقه لرینک موجودیتدن و هر صنفک دیگرینه استقاد ایله مسندن نشأت ایدیور . تملکتنده صنف متوسط ، خواص ایله عوام آراسنده بر رابطه تأسیس ایدیور و بوسایهده جمیتده یوقاریدن آشاغی یه ، و آشاغیدن یوقاری یه مقابل بر اکلاشمه حاصل اولویور .

اردو

آلمان سلطنتی تأمین ایدن بر عامل : اردو .- آلمانیا ، اصلاحات عسکریه متوالی مظفرلردن صوگرا باشلامشدر .- اردو ، بر تربیتگاهدر .- اردویه کریمی تحمل و غله غیرت ، متفکرلر تحصیل ایله مزین بر ذکا کتیریور .- آلمانک اردویه قارشی حومت و تکریمی .- اردو وایمراطور .- ایمپراطورک برالفوافنامه سی .- اردونک و دونائمانک مؤسسلری : بویوک قره دریق و قیصر .

بر ملتک سلطوت و قدرتی تأمین ایدن عامللردن برنجیسی عرفانی ایسه ، ایکنجیسی ده ، بلا شبهه ، اردوسنک تشکیلات اساسیه سیدر . آلمانیا حیات عرفانی تنظیم ایدرکن ، اردوسنی ده تنسیق ایلهمکی بر لحظه اونوتمامشدر . آلمانیا ، وطنک مدافعه سی ایچون اردویی ، امکانک صوگ حدینه قدرمکمل بر حاله افراغ ایتیش ، اکا پک شرفلی بر موقع تأمین ایلهمشدر . آلمانیا ، اردوسنی ، متوالی مظفریتلردن صوگرا ، تکمل ایتدیرمش اولمق اعتباریله ، بالخاصه تقدیرلره شایاندر . برانهزامی متعاقب ، اصلاحات عسکریه اجراسی بالنسبه قولاید . چونکه ، بوتون ملت ، مغلوبیتدن متنبه اوله رق ، او اصلاحاته طرفدار اولور و اونکچون بوتون موجودیتیله چالیشیر . فقط بر غالیبتدن صوگرا ، هیچ غرور کوسترمه یه رک و دشمنی حقیر کورمه یه رک ، او غالیبتی تأمین ایدن واسطه نک مکملیتته چالیشمق ، البته دها چوق موجب تقدیردر . ایشته ، آلمانیا اصلاحات عسکریه ده بو حسن تدبیری کوسترمشدر . فی الحقیقه ، بوهیمیا حربندن صوگرا ، آوستریالیلری طونه یه دوزخ و آتان و آلمان طالعی هابسبورغ خاندانندن هووه نزوله دن خاندانه انتقال ایتدیره ن ، فرانسزلری آزده ک آلساس - لورده نی آلمان خریطه سته ادخال ایله ین اردو ، بو ظفرلردن صوگرا ده ، بر لحظه توقف ایتیه یه رک متباداً چالیشمش و بو سایه ده حرب حاضرده پک مهم بر وظیفه ایفاسنه موفق اوله بیلمشدر . آلمانیا ده اردو ، هرشیدن اول ، افرادک بر تربیتگاهی عد ایدلمشدر .

آلمان ایچون قیشله، اونك حیات مسقبه سنی تأمین ایدن، اكا مساواتی اوكره تن برمكتبدر. آلمان، حیاتده کی موقعنی تأمین ایده جك اولان جسارت وتشبت فکریلرینی اوراده اوكره نیور، فقر و ثروت، قیافتك یکنسقلنی آلتنده اوراده برله نیور، زنکین و فقیر هپ عینی موقع مدنی بی احراز ایدیور؛ زنکین کنجلره فقیر و طداشلرینی طانیق، و تقدیر ایدوب سومك ایچون عسکرلك الائی، بلکه یکانه برواسطه اولویور. اوراده بوتون و طنداشر، هپ عینی طوبراغك اولادی. لدقیری، هپسی بر صورتله اورایه خادم اوله نك لزومنی حس ایدیورلر. اردویه کویلی تحمل، عمله غیرت، متفکرلر تحصیل ایله مزین بر ذکا کتیریور و بو صورتله بوتون افراد، غایت قیمتی بر حزمه تشکیل ایدیورلر.

آلمان عسکرکی، تربیه و تعلیم اعتباریله، بوتون جهان ایچون نمونه اوله جق برعسکر در. آلمان کوچوک ضابطلرینك تعلیم و تربیه سی، بعض مملکتلرده کی مکتبلی ضابطلرک تحصیل و تربیه سندن یوکسکدر. خدمت مقصوده، اردوسه اك اول قبول ایدن، بو صورتله، کنجلری تحصیل تالییه سوق وتشویق ایله ن آلمانلار. اودوده متفکر کنجلرک کثرتی، آلمان اردوسه نهایتسز بر قیمت بخش ایتشد.

عسکرلك تربیه سی، وطنك محافظه سی اندیشه سی، آلمانلاری بر حرب ایچون هر جهته حاضر بولوندرمشد. مملکتده شومندوفرلر، یوللر، تلفرافلر، تله فونلر، اعمالا تخانه لر. هر شی صلح زماننده مستقبل بر محاربه نك حاضر لغنی کورمشد. ارکان حربیه بوتون امرلرینی حاضر لامش، یالکز عندالحاجه، اونتری امضالامق و تاریخله مك قالمشد. آلمانیا، صلح زماننده، اردوسنی، تشکیلات عسکریه سنی بو صورتله احضار ایتش اولدینی ایچون، حرب عمومی اعلان اولوتجه، عسکر طبیعی بر حال قارنیشنده ایتش کی حرکت ایتش و سفر برلك اعلان ایدلرکی دقیقه دن اعتباراً، نهایت بش کون ظرفنده، آلمان اردوسی کاملاً خط حرب اوزرنده بولونمشد.

هر آلمان ، كندى تاريخى ، وبالخاصه صوك عصرده آلمان وحدتى ، آلمان قدرت و شوكتى تأمين ايدن اردويه قارشى زوال ناپذير بر حس حرمت و تكريم ايله متحسدر . اردويه قارشى بو نهايتمز حرمت و محبت تأثيريله دركه ، آلمان ، خدمت عسكريه يى مقدس بر خدمت وطنيه اوله رق تلقى ايتمش و آنك يورغونلقلرى ، كلفترينى كال مخالصلته قبول ايله مشدر . آلمان ياده ، عسكرك قارشينده هر كس بروضه تكريم و احترام آلير . بالخاصه ، ضابطلر هر يرده و هر زمانده بك محترم بر موقع اشغال ايديلور و كنديلرينه ، تشريفاتده اك يوكسك موقعلر ويريلور . مثلاً ، سرايه دخول ، آنجق رجال مأمورينه مخصوص بر شرف و امتياز اولدنى حالده ، آلمان ياده اك كوچوك بر ضابط ، يالكز اسپالهلر ينى طابق شرطيله ، بو امتياز دن استفاده ايدم بيلور .



آلمان اردوسنك تكاملنده ، حكمدارلرينك بويوك تأثيرلى اولمشدر . ايمپراطورلر ، اردونك ترقى و تكامل ايجون مصيب اولان هر تدبيره مراجعت ايتمش ، وامور عسكريه ايله بالذات مشغول اولمشدر . مشهور دركه ، برنجى فرم دريق ، هوسار آلانى افرادينك هب بر قامتده اولماسنى آرزو ايتديكى ايجون ، نفراك بويلر ينى بالذات اولچمكدن چكينمزمش . قيصر حضرتلرى ده ، آلمان اردوسنك و آلمان قوه بھريه سنك تكملى امرنده اك مهم عامل اولمشدر . ايمپراطور ، جلوسنك ايلك سنه لرنده ، مدهش بر فيض و قابليت كوسترنه آلمان صنايع و تجارتنه اوزاقلرده مخرج آرايق لزومى و تجارت و اهورلى انشاسى ضرورتى حس ايتمش ، و بر طرفدن تجارت فيلوسنك تشكيلنى تشويق ، ديكر طرفدن آلمان تجارتى حايه ايدم بيلمك ايجون ، قوتلى بردوانما وجوده كتيرمكه عزم ايله مشدر .

فى الحقيقه ، ايمپراطورك بدايت جلوسنده ، ۲۷ اسكى زرهلى و ۲۳ اسكى

قراووزوردن عبارت اولان آلمان دونانماسنك قيمت حرييهسى هيچ منزله سنده ايدى. بونكچون، دونانماي يكي دن تأسيس ايتمكه شدله لزوم وار ايدى. بالخاصه، بر حادنه، ايمراطورى دونانمانك سرعتله تأسيس وانشاسنه سوق ايتمشدى: انكلتره قراليجهسى متوفى ويكتوريانك آلتشنجى سنه دوريهسى مناسبيله ياپيلان سنلكره، هر دولت، مكمل زرهليلرله اشتراك ايتديكى حالده، ايمراطورك برادري پرنس هازرى، انكلتره، اسكى بر زرهلى ايله كيتمشدى. بو حادنه، قيصر ايچون پك زياده موجب ألم اولمش و برنسه، دها انكلتره صولرنده ايكن، بر تلفراقامه كوندره رك ألملرني حكايه ايتمش و، دونانماي، اردوم درجه سنه چيقارمادقچي حضور و راحت يوزى كورمه مكه عهد ايتدم. ديمشدر. فى الحقيقه، بو تاريخدن صوكرا آلمانيا، مكمل بر دونانما وجوده كتيرمك ايچون نهايتسز بر فعاليتله چالشمش و اوتوز سنه ظرفنده، بوتون جهانده ايكنجى درجه ده بر قوه بخره يه مالك اوله بيلمشدر. آلمان دونانماسى موقع مهيبنى، بالخاصه ايمراطوره مديوندر. بلاتردد دنيله بيليركه، آلمان اردوسنك مؤسسى بويوك فره دريق و آلمان دونانماسنك مؤسسى ده قيصر ايكنجى ويلهلم در.

آلمان عرفاندن آله جعفر د سدر

آلمان عرفاندن آله جعفر در سمر

ملی حرث و تربیه اصلاحاتی .. دارالفنون ترك تفكیلات و تدریساتی .. ساطعی انشیکلای
و عام و حرث و تربیه .. ای معلم یتیم پرلمسی و دارالمطبعین اصلاحاتی .. مملکت ترك تربیه
والقادی .. مطبعین جمعیتاری .. منظره مجامع و دیوانه حیات و ملاقاتی .. قیصر ترك
تربیه .. طایفه حیات و تنظیمی .. مساهل لسانی .. لسانیه معین و ثابت برهنگل و پرلمسی ..
آلمانیه تحصیل .. احترام اولونمچق طلبه كه اوصاف .. مساهل الحقایق .. تحقیق و نظارت ..
طلبه مفقاری .. تعاون فکری .. بدیهی تربیه .. منافع نفیسه مکتب پرلم .. دارالخلافت ..
طبیعت و عبت .

ملی حرث و تربیه اصولهای . — برملت ، تاریخی ، ایجابات محیطه سنی
انکار ایتمه دجه ، دیگر ملتک مدینتی عیناً تمثیل ایده من . عیناً قبول ایتمک ایسترسه ،
بو ، ساخته ، تقلیدی بر مدینت اولور . آلمان عرفاندن ، فن و صنعتندن
استفاضه ایتمک ایسترن ، بو اساسی نظر دفته آلتق مجبور یتدیه یز . بو
خصوصه زاپونلر ، بزمجون ، پك كوزل بر نمونه تشکیل ایده در : زاپونیایی
بو کونکی درجه کاله ایصال ایده در مدینت ، شبه یوق که ، ضرب مدینتی در .
فقط ، زاپونلر بو مدینتی تمثیل ایده در کن ، خصائل قومیه لرینی ترك ایتمه مش ؛
بالعکس ، تاریخ لرینی ، غنیه لرینی ، وبالخاصه دین و ملت لرینی تماماً محافظه ده
عن مکارانه ثبات کو ستر مشلور در .

تورککده آیری سجه سی ، خصائص قومیه سی واردر . بو خصلتلر
تماماً محافظه ایده لیدر . آنکچون ، آلمان عرفاندن استفاضه ایده در کن ،
غایه من ، حیات جمعیتده ، ملی بر حرث یاشاتقی اولمالیدر . هر ملتک
خصوصی بر حرثی واردر . و بو حرث ، آنکچون تربیه غایه سیدر .
ملی حرث منزه بی افقار آجان ، محترم مدرس ضیا کورک آلپ بك دیورکه :
« تورک چوجوغی تورک ملتک ایچنده یاشایه جق ایسه ، تورک ملتک حرثه
کوره تربیه ایدمالیدر . تورک ملت ، بکرمنجی عصرک ایچنده یاشایورسه ،
حرثی ده بکرمنجی عصره منسوب بر حرث دیمکدر . احواله تورک چوجوغی

بو حرثه كوره تربيه كورورسه معاصر بر تربيه كورمش اولور . موجود تربيه مزك فنانتيجه لر و برمه سي ، تربيه مزك موضوعي ملي حرث اوله سندن دكل ، بالعكس بين الملل مديتار بولونمه سندنر . تربيه ده ياييله جق دوعرو بر انقلاب ، حرثي بر اقوب مديته دوعرو كيتمك دكل ، مديتي بر اقوب حرثه دوعرو كيتمك صورتنده تجلي ايده بيلير .

بز ، سريغ انقلابله معروض قالمش بر ملتز . بو صورتله بزده تربيه مسئله سي تنظيم ايتمك ، ظن اولونديني قدر قولاي برشي دكلدر . بالخاصه ، صوك سنلرده حيات اجتماعيه مزده سريغ تحولاتره اوغرايورز . غننه لر مز ، عادتلر مز برر برر ييقيليور ، اخلاقي فكرلر مز ده كيشيور ، خلاصه بوتون معناسيله بر بجران حياتي ياشايورز . ايشته ، بو اجتماعي بجران قارشيسنده تربيه مسئله سنده امين وسالم بر خط حرکت تعقيب ايتمك ، يارينكي نسل ايچون يكي عقيده لر ، يكي غننه لر تأسيس ايده رك كنجللك روحنده يكي بجرانلر اولانديرمه چاليشمق مكتبرك وظيفه سيدر .

فكر مزجه ، تربيه مسئله سنده ياييله جق اصلاحات ، درجات تحصيليه مزك عمومته شامل اولمق ايجاب ايده ر . ابتداء ، مملكتده علم و اخلاق حاكيني وملي حرثي تاامين ايده بيلمك ايچون دارالفنونمك اصلاحنه مطوف اولان مساعي سرعته اتمام و اكمال ايده ليدير . محبط مزده علم و حقيقت عشقي ، اخلاق و فضيلت فكرلريني نشر و تثبيت ايده جك اك بو يوك مؤسسه ، دارالفنوندر . مملكتده حقيقي بر زمره متفكره وجوده كتيرمك ، ملي بر حرث تأسيس ايتمك ايسته ين بر ملتك دارالفنوننه بو يوك اهميت عطف ايتمه سي ايجاب ايده ر .

دارالفنون ، وطنده فكري واجتماعي بروحدت حصوله خدمت ايده جك اك بو يوك حاملدر . بوجهته ، دارالفنونك تشكيلات و تدريسات اعتباريله بر مكمليت عرض ايتمه سي ، مملكتده اجتماعي انقلابك مقدمه سي ديمكدر . دارالفنونمزده ياييله جق اساسلي اصلاحات ، دارالفنونك شخصيت معنويه يي

حائز اولیائی و حریت فکریه اساسنک قبول ایدلمه سیدر. مملکتده حقیقی بر انقلاب علمی وجوده کتیره بیلیمک ایچون ، دارالفنون ، معتدل بر مختاریتی حائز اولمالی و تدریساتی هر درلو قیوددن آزادله اوله رق ، سربست بر طرزده جریان ایده بیلیملیدر . حریت تدریس ، کنجلره تحریر حقیقی ، وبر حقیق علم نازیشینده . ملاحظه لر مزه ، منافی بیلله اولسه - حرمتله باش اکی اوکرده جک ، بوسایه ده مملکتده حقیقی عالمر ، در حال کشف اولونه جقدر .

دارالفنونده بایله جق اصلاحات اساسلرندن بری ده ، تدریساتک علمده متخصص یتیشد جک صورتده زمره لره تفریقیدر. دارالفنونه کلن طلبه ، اساساً معلومات عمومییه حائز اوله رق کلیر. کنجلر ، بوراده ، یالکزر اختصاصی مسائلله علاقه دار اولمالی ، وقتی اصل اختصاص کسب ایتمک ایسته دیکی علمه حصر ایده بیلیملیدر . بو اصول اختصاصک منم نتیجه لر ویره بیلیمسی ، دارالفنون مدرسلرینک مساعی مخصوصه سنه متوقفدر . نفسلرینی علمه وقف ایدن مدرسلرک وظیفه سی ، یالکزر تقریردن عبارت اوله ماز . مدرس ، دارالمساعیلرده طلبه ایله متبادلاً تماسده بولونه رق اونلره رهبر و مرشد اولمالیدر . دارالمساعیلرک تکاملندن اک زیاده بکله نیله جک خدمت ، بودر . مملکته اختصاص روحی صوفیق ، متخصص یتیشدیرمک ایچون بوندن باشقه چاره یوقدر . اختصاص اساسی قبول ایدیلنجه ، صنف تشکیلاتنک ده دیکشمه سی ضروریدر . بزده بعض فاکولته لر ، زمره تشکیلاتی اساسی قبول وتطبیق ایتمشدر. بو تشکیلاتک عموم فاکولته لره ، تشمیلی ، بالخاصه آرزو اولونور .

*
* *

ثانی وائسرائی تحصیل . — سلطان تشکیلاتمز ، آلمان تشکیلاتنک عینی اولماقله برابر ، اجتناجزه موافقدر. بالخاصه ، سلطانیلر مزده فلسفه درسلیرینه

بر حصه آيبرلمش اولماسی، ملی حرث نقطه نظرندن پك زیاده احمیق حائزدر. سلطانیلرك فن وادبیات شعبه لری، علم وحرث شعبه لری دیمكدر. حرث شعبه سی اولان ادبیات قسمی پروغرامنده فلسفه، منطق، اجتماعیات درسك بولونماسی ضروریدر. مملكته متوازن سجه لی آنجلار یتیشدیرمك ایچون، فن شعبه سنده ده فلسفه یه بر موقع ویرلمشدر. بو سایه ده مثبت علملرك، كنجك روخنده یاپه بیله حكی بحرانلره مقاومت ایتك، و مملكتده ملی حرث او یاندیرمق ممكن اوله بیله جكددر.

تحصیل ابتدائی مجبوریتك، مملكتك هر طرفده موفقیتله تطیق ایدیه بیلیمسی ایچون، مكاتب ابتدائیه نك تكثیرینه وبالخاصه ابی مربی ومعلم یتیشدیرلمه سنه غیرت ایدله لیدر. ابی مربی ومعلم یتیشدیرمك، مهم بر تربیه مسئله سیدر. بو جهته، ابتدائی دارالمعلمین و دارالمعلماتلر مزی، تكمل ایتدیرمه لیدر. صوك سنه لر طرفده دارالمعلمین و دارالمعلمات حیاتنده شایان شكران اصلاحات وجوده كتیرلمشدر. فقط، بوقدری کافی دكلدر. بر كره، ابتدائی دارالمعلمین و دارالمعلماتلره داخل اوله جق كنجلرك یالكنز تحصیل ابتدائی بی اكال ایتش اوله لری مقصدی تأمین ایده مز. بورایه آنجق، اعدادیلری، و سلطانیلرك دوره اولاسی اكال ایدهلری قبول ایتمه لیدر. بو صورتله دارالمعلمین ابتدائی تحصیلی، شیمدیكى سویه سندن دها یوكسك بر درجه یه چیقارلمش، دها اساسی معلوماتی حائز ابتدائی معلم ومعلمه لری یتیشدیرلمش اولور. بو خصوصده آلمان تشكیلاتی، بزمجون پك كوزل نمونه اوله بیلیر.

تالی مکتبلری معلملر نی یتیشدیرمك مؤسسه لر، دارالفنوندر. دارالفنونلرده درس لرك، زمره لره آيبرلماسی صورتیله اجرا ایدیه جك تشكیلات، سلطانیلر ایچون ده متخصص معلم یتیشدیرلمه سی تأمین ایده جكددر. دولجه، معلملرك اقدار و ترفیهی مسئله سنده، شمولی بر نظر عطف ایدله لیدر. معلمك بر

تبع و علم مسئله‌سی اولمغه برابر ، نفسنی علمه وقف ایده جکله مادی بر رفاه و معنوی بر مکافات کوسترلمکده لازمدر . هر معلم بيلمه لیدرکه ، مدت خدمتی یوکسه لیدرکه ، تخصصاتی ده تزیید ایدیهلک و بالعکس مشاغلی تخفیف اولونه جقدر . معلم هانکی سنه ، هانکی کون تخصیصاته نه مقدار ضم اجرا ایدیهلککنی ، طلبی سبق ایتمه لیدرکه ، یرینی و مکتبنی ده کیشدیرمکسزین نه صورتله مظهر مکافات اوله جفنی صورت صریحه ده بيلمه لیدر . آلمانیا ، معلملرینه بو استقبالی ، قطیعت و صراحتله کوسترمش و بو سایه ده معلم ، مسلکله بیویوک برشوق و حرارتله مربوط قالمشدر . بوندن باشقه ، معلملرک خلق و دولت نظرنده مستتا بر موقعی اولمالیدر . معلمله تشریفاته بر موقع شرف بخش ایتمه لی ، و هر وسیله ایله قدر و موقعلرینی اعلا ایده جک صورتده حرکت اولونه لیدر .

صوکرا ، معلمله آرالنده تأسیس مناسبات ایده بیله جک طرزده تشکیلاته مظهر اولمالیدر . آلمانیا ده ، هر صنف معلمله آرالنده جمعیتلر تشکیل ایده وک ترقیات فکریه لری اسبابی استکمال ایتمشدر . مملکتک هر طرفنده یوزلرجه معلم محفللری تأسیس ایتمش ؛ معلمله محاضره لرله ، نشریاتیلله ، ترقیات فکریه یه بیویوک خدمتله ایضا ایله مشدر . بزده ده بو تشکیلاته احتیاج واردر . بو تشکیلات ، دولته مظهر حمایه اولمغه برابر ، بالنفس معلمله طرفندن وجوده کتیرمه لیدر .



نجانسی ؛ و تدریساتک حیاته هموقسی . — آلمان تربیه سنک سرموفیتی ، مکتبلرده نجانسنک تأمین و تدریساتک حیاته علاقه دار ایدلش اولماسنده در . طبیعی و غیر طبیعی چوقوقلر ، آیری آیری مکتبلرده و هیچ دکلسه آیری درسخانه لرده تدریس ایدله یکی ایچون ، هر صنف بر تک روح طاشیور

دنیله بیلیر . بزدهده ، مکتبلرده بو تجانیسی تأمین ایتمک ضرورقی واردر .
مملکتتمزده هنوز غیرطبیعی چوجوقلره مخصوص معاون مکتبلرک آچیلماش
بولونماسی حیات تربیویه من ایچون بر نقصاندر . بو نقصانی بر ان اول اکمال
ایتمک ، روحاً و جسماً ضعیف اولان چوجوقلرک تدایسنه چالیشمق مهم
بر وظیفه در .

معاون مکتبلر صیراسنده ، اعمی مکتبلرینک کشادسنه ، وموجود دیلسز
مکتبلرکده اصلاحنه وتکثیر اعدادینه احتیاج واردر . مع مافیہ ، اعمی ودیلسز
مکتبلرینه مقتدر معلم احضار ایدیه بیلیمک ایچون ، آلمانیاک دیلسز واعمال
دارالمعلمینلرینه ، بعض مستعد کنجلرک ، شیمیدن کوندریله رک یتیشدیرله .
مه لرینی تأمین ایتمه لیدر .

فن تربیه نک قبول ابتدیکی مختلف تدریس اصوللری ، بزدهده تعقیب
ایدیمکده در . یالکز ، تدریساتک حیاطله علاقه سنی ، طلبه نک نظرند ده
زیاده جاناندرمق لازمدر . بزده ، تدریساتده ، حتی تدریسات طالیه ده
یقین زمانلره قدر تطبیقاته اهمیت ویرله مسی ، تحصیلدن مطلوب اولان نتیجه
عملیه نک آلد ایدیه مامسنی موجب اولویوردی . صوک سنلره قدر ، مکاتب
طالیه مزده تعقیب ایدیلن اصول ، طلبه نک ذهننه بر طاقم معلومات نظریه
دولدرمقدن عبارتدی . بو جهته درکه ، مکاتب طالیه مزی اکمال ایدهنلردن
برچوغلک ، سلطانی مأذونلردن فرقی ، اونلردن دها چوق شیر بلله مش ،
ازبر سویله مکه موفق اولش بولونمه لرندن عبارتدر . بو کون مکاتب طالیه
وتالیه مزده نظری درسارک یانی باشنده ، تطبیقات درساری ده کوستریلور .
فقط ، لوازم وآلات درسیه نک عدم کفایتی ، بو املکده ، هر طرفده ،
موفقیته حصوله مانع تشکیل ایتمکده در . بوجهته ، تدریس اصوللرینی تدقیق
ایدهرکن ، مکتبلر مزی ، لزومی اولان آلات قیه ایله زنکینه شدیرمکی
اک مهم بر وظیفه عد ایتمه لی یز .

قیزلرمزك تربیه سی . — تربیه مسئله سنده ، نظر دقته آله جق مهم بر نقطه ده قیزلرمزك تربیه سی در . بو خصوصده آلمانیاده صرف ایدلمش اولان مساحی ، بزمچون نمونه امتثال اولمغه شایاندر . آلمانیا ، ترقیاتنك مهم بر قسمی نسوانه مدیوندر . اوراده ، عائله حیاتی قادین سایه سنده یو کسه لمش ، وقادین ، عزیم و فعالیتله حیات اجتماعی نك هر صفحه سنده ارککک ظهیر و معاونی اولمشدر . بزده ، یو کسه لکه عزیم ایتمش بر ملتر . بناء علیه ، تربیه نسوانی ، تربیه حرکتلرینك ایلک صفحه سنه قویمق مجبوریتنده یز .

نسوانك تربیه سنه ویره جکمز اهمیت ، ابتداء ، اونلره قارشى اولان بردینك حصه شکرانی در . بز ، آدابمزی ، عنعنلرمزی و نهایت لهجه مزی قادینلغه مدیونز . ارکککله ، غرب تربیه سنه تمثیل دورده سنده ایکن ، روحلرنده ، ملی عصاره یی ، قوروقمده دن ، یالکیز اونلر محافظه ایتدیلر . تورکجه یی آرارلنده اك اپی قونوشان اونلردر . اونلره تورک آدابنك ، تورک تربیه سنكده الا آن کزیده برر وارثه سی قالدیلر .

قیزلرمزك تربیه سی ، بزده ، عائله حیاتی ده تنظیم ایده جکدر . اعتراف ایتملی درکه ، بزده حیات عائله ، هنوز ، اسال آتییه ممتازیت ویره جک بر شکله دکلدرد . حال بوکه ، عائله حیاتی تنظیم ایتمک ، بر جمعیتك اقدام و وظائفیدر . عائله ، بشریتك ایلک مؤسسه سیدر . انسان و طنقی ، منسوب اولدینی ملتی ، و نهایت بوتون بشریتی ، آنجق عائله فیضیه سوره . اك قوی ملترلر ، عائله لرك صاغلام تشکیلاتی اوزرینه استناد ایدن ملترلردر . ارکک وقادینده یکدیگرم قارشى آرادیمز تعاون ، حرمت و محبت حسلرینك اویانماسی ، آنجق عائله لرك منتظم اساسلر اوزرینه قورولماسیله ممکندر .

اونوتمامالیدرکه ، شرائط حیاتیه من هر کون ده کیشمکده در . بزده ده حیات ، کیتدیکجه کوجله شیور . آرتق بر عائله رنیمی ، بوتون افراد عائله نك حمله و وظائفی اوموزلرنده طاشیمغه مقتدر دکلدرد . بالخاصه فقیر خلقدده ، بواحتیاج کندیغی دهها شدتله حس ایتدیرمکده در . بوکون ، ارککک مساعیسنه

قادیئک ده اشتراك ايله مسنه احتیاج کوریلور. ایلریده ، صنعت حیاتی او یایدینی ، فابریقه لرمن ، معدنلرمن ایشله مکّه باشلادینی زمان ، عمله سفالتری ، زده ده باش کوستره جک . اک متمدن مملکتلرده بیله ، عمله حیاتی هنوز ابی عد ایدیله جک درجه دن چوق اوزا قدر. ایشته ، بو آتی قریب ایچون شیمیدن حاضر لانتق ، قادیئلرمنی ، اکا کوره متین واساسلی بر تربیه ايله مجهز بولوندیرمق لازمدر .

قیزلرمنک تربیه سناهتم ایتکده ، بزمچون قوتلی برطامل دها وارددر. همیزیلورزکه ، کنجلمن عرفاناً یوکسه لدکجه ، تأهل حقنده کی مکرری ، بوس بوتون ، ده کیشور. بوتون کنجلمن ، مسعود برطاله تشکیل ایده ییلمک ایچون ، هرشیدن اول ، عرفاناً کندیلرینه کفو اوله بیله جک قیزلر آرایورلر. و محیطلرنده بونلری بوله مایجه ، یا اولنمکدن واز کچور ، یاخود بر اجنبی قیزله عقد ازدواج ایدیورلر. بر چوق کزیده کنجلمن ، بوصورتله مختلط بر عائله حیاتی تشکیل ایتشلردر . بو حال ، تورک قادیئلنک استقبالی منه بر علامت اضمحلال عد ايله مک ضروریدر .

بوتمایله سد چکمک ایچون ، قیزلرمنه عصرک احتیاجله متناسب درین بر عرفان ویره بیلمه لیدر . بزده ، بالقان حربنک فردای انتباهندن بری ، انات مکتبلرنده ، جدی اصلاحات حرکتلری ، باشلامشدر . بوکون او اصلاحات حرکتلرنک اکمال ایدلمه سی و بالخاصه قالی تدریسانده آلمان تشکیلانک ، جزئی تصدیلات ايله ، مکتبلرمنه قبول ایدلمه سی بک موافق اولدینی قاعتنده بولونوبورم .

*
*
*

مساعی لسانی . — تورک لسانی ، شبه سزکه یالکز تورکیا حدودی داخلنده کی تورکله منحصر دکلدرد. تورکله اعتقاداً ناصل بوتون تورکله مشترکسه ، لسان اعتباریله ده مشترکدر . تورکیا ، تورککی تمثیل ایتدیکی

کبی، تورک لسانکده حاکی اولمالیدر. بوجهته، ملی بر حرت یاشامبیلیمک ایچون، لسانمزده معین، ثابت و عمومی بر شکل ویره بیلیملی یز. لسان، ملنک ترقیسنده پک زیاده حائر تأثیردر. مثلاً، آلمانیاک ترقیسنده، آلمان لسانک، آلمان ادبیاتک مهم تأثیرلری اولمشدر. آلمانیا، خارجی بر مدنیتک تأثیریه، لسانه معین و ثابت بر شکل ویرمش و بوسایهده آلمانجهده مستعمل کلهر، آلمانلنک بالذات یاراتدینی کلهراولمشدر. آلمانجهنک قدرت و شمولتی کلهرده آرایه بیلیرز. لسانیات متخصصلری، هیچ بر لسانک آلمانجه کلهرک افاده ایتدیکی وسعت معنایی کوسترمه دیکنی تسلیم ایدیورلر. آلمانجهده، هر کلهده بر قابلیت وحدت واردر. و بوسایهده درکه، دیگر لسانلرده بر قاج کلهده افاده اولونان بر فکر، آلمانجهده برنک کله ایله افاده ایدیه بیلور.

آلمانلرک لسانلرینه معین و ثابت بر شکل ویرمک خصوصنده کوستردکلری عزم، بزمنچونده تقلیده دکر بر فعالیتدر. بزده، لسانک ترقیسی امرنده کی تشبثات و مساعی غایت محدوددر. هنوز لسانمک نه صرف و نحوی تقرر ایده بیلیمش، نه قاموسی، نه فنی بر تاریخی یاپیلیمشدر. استاد ادب جناب شهاب الدین، مساعی لسانیه مزه دائر یازدینی بر موضوعده دیوورکه :

« هر کس لاقیردی ایده بیلیر. لاقیردی فصاحت و بلاغته باقیلمايان سوزدر. فقط، هر کس فصیح و بلیغ سویله یه مز. تنویر اذهانه قرار ویره ن بردولت، اول باول فضائل افاده یی حاضر لاملی. بر لسان، واضح و قطعی بر صورتده اظهار مرامه مساعد اولمادجه، بر آلت هر فان اوله ماز. مقصدی مبهم و ناقص اکلانان دیل ایله تأمین مدنیت ممکن دکلدرد.

... شمس مدنیت، کوریووزکه، شمس طبیعتک عکسنه اوله رق غریبدن دوغورور. بوجهته یوزمن کبی، دیلمزیده غریبه جویرمک بزجه بروظیفه تمدن اولدی. بزده، بعد ازین اويله بر لسان لازم که، یالکز مدنی بر آلت تکلم دکل، عینی زمانده مدنی بر مفتاح تفکرده اولسون؛ انجای

مدینتک نهر عرفانه نسبتله برفیجان قدر قالماسین . لسان غربدن نقل افکار
ایتمک ایسته ینلر ، لهجه مزك ضیق وضعفی پك ایی بیلیر لر . خارجدن کتیرمک
ایسته دیکمز فکر لر ، همان دایما بزم گله لر مزك حدود احاطه سندن طاشیور .
دماغمزی تقویه وتنیه ایده جک شیلری ، کویا دیلمز تحملی فوقده بولویور .
خلاصه ، لسان مسئله سی ، بزده ده ، بر حرت مسئله سی اولمالیدر .
لسانمزك صرفی ، نحوی ، تاریخی ، قاموسی تثبیت ایتملی ، ولسان ادبمزده کی
انجه ایکی ، نزاهتی بوزمامق ، عربی و فارسی کله لر دن بوس . تون استقنا
ایتمک شرطیله ، لسانمزی ساده له شیرمه لی و بر خلق ادبیاتی وجوده کتیره رک
خلق او قومنه تشویق ایلمه لی در . بو مقصدله ، معارف نظارتک تشکیل
ایتمک تدقیقات لسانیه انجمنلرینک مساعیسندن مفید ثمره لر اقطاع
ایدیله جکندن امید وارز .



آلمانیاده تحصیل . — تورک کنجلیرینک ، آلمانیاده وسائر غرب مملکتلرنده
تحصیل ده ، تربیه مسئله - نك مهم بر صفحه سی اشغال ایده ر . اوروپاده بولوندیغ
صیراده ، آلمان مؤسسات عرفانده تحصیل ایدن کنجلیک بولوندقلری عیطلری
قسماً زیارت ایتیش و مسامحی و فمالیتلری درجه سی تدقیق ایده بیلمشدم .
ابتداء شونی سویلکه مجبورم که ، تدقیقاتم بنده ایی انطباعر براقشدی .
برلین ده ، لایپزیغ ده ، هایدله رغده ، مونیخ ده ، درسدده ، میتوایدده ،
که منیچ ده مختلف مؤسسات علمییه دوام ایدن بوکنجلیک اکثری ، بزه
آنی حقدده امنیت بخش امیدلر ویره جک برصورتده چالیشورلر . بوتون شو
مسمود مشاهده لرمله برابر ، آلمانیاده و علی العموم اجنبی مملکتلرده تحصیل حیاتی
حقدده بعض اساسلرک نظر دفته آلمنی لازم کله جکی قاعتنده بولونویورم :
اولا ؛ اوروپایه طلبه اعزامنده سن و درجه تحصیل اهمیتله نظر دفته
آلتمالیدر . کوندریله جک کنجلیک تالی تحصیللری کمال ایتیش ، و تحصیل

ایده جکری مملکتک لسانه بر درجه وقوف کسب ایتمش اولمالری ایجاب ایده. تحصیل تالینک اکیال ایدلش اولماسی ، کنجلرک کندی آنا لسانلرینه ، تاریخلرینه وقوفلرینی تأمین ایتدیکی کبی ؛ آز چوق حیاتی ده اوکره نمش اوله بیلمه لرینی استلزام ایدهر . بو ، اهامل ایدلمه سی جائز اولمایان بر نقطه در . کندی ملی تاریخی حقنده اساسلی بر فکری اولمایان ، آنا لسانه ایجه صاحب بولونمایان بر کنج ، آتیا وطنده ملی بر مفکوره یاشانه بیله جک ، مفید بر عنصر اوله ماز .

ای عاٹله تربیه سی کورمش بعض کنجلرک ، مهندسک کبی عملی بعض مسالک ایچون ، تحصیل تالی بی اکیال ایتمکسزین ، بورالر سوق ایدلمه سنده ضرورت کوریلرسه ، بونده ده بعض قیوده رعایت ایتک ایجاب ایدهر . بر کره بو کنجلر ، هر حالده مکمل بر تحصیل ابتدائی کورمش اولمالی ، و بوراده ، ای عاٹله لر نزدنده بولونه بیلمه لری اسبابی قطعاً تأمین ایدلمه لیدر .

حکومتجه ، اوروپایه کوندریله جک کنجلر ایچون ، بو اساسلره رعایت ایدلک مشکل اوله ماز . فقط ، مسئله ، یالکز حکومتک همتده دکدر . اولادینی ، کندی حسانه کوندره جک بابالرک ده بو اساسلری نظر دقه آلمالری و هر حالده ، چوجوغنی کوندرمزدن اول ، حکومتک حمایت ومظاهرتی تأمین ایلمه سی درجه وجوبده در .

بولونقلری مسلکده موفقیتلر کورمش ، و هر حالده اولجه بر تحصیل عالی کورمش اولان ذواتک ده توسیع معلومات و تنبغات ایچون آلمانیا به کوندرلمه لری ، پک مفید بر تدبیردر . بو کیلرک ، اساساً تام بر سجه اکتسابنه موفق اولش ، حیات عمومی به دوعرودن دوعرویه تماس ایتمش اولدقلری ایچون ، اوروپاده تورکلکی تمیل ایده جک کنجلرک الک کزیده لرینی تشکیل ایده بیله جکلرینه شبهه ایدلمه مز .

دولتجه قبول اولنه جق بر اصول دائره سنده ، هر شعبه اداره ، هر سه بونلردن بر قسمنی آلمانیا به اعزام ایدهرک ، توسیع معلومات ایتمه لری اسبابی

استکمال ایله مه لیدر. کنجلیک تربیه سی ایله الزیاده علاقه دار اولوق اعتباریله، بالخاصه معارف نظارتی، هر سنه، حیات تعلیمیه ده بالفعل موفقیتر کوسر مش اولان کنجلی، معین برمدت ایچون، آلمان مؤسسات علمیه سنده تدقیقات و تتبعات اجراسنه سوق ایتکی بروظیفه عدا ایتمه لیدر. آلمانیا ده، لسان اجنبی تدریس یله مشغول اولان معلملر حقنده تطبیق ایدلمش ای بر اصول وارد: اوراده هر سنه، معارف نظارتلی، مناوبه دردر بشر آی مدتله لسان معلملری، انکلتربه و فرانسه یه اعزام ایده رک، لسان خصوصنده ملکه ورسوخ کسب ایده بیلمه لری اسبابی تیه ایدیور. بو اصولک، بزده، یالکز لسان معلملری حقنده دکل، هر درس معلمی، حتی هر صنف مأمورین حقنده قبول و تطبیق ایدلمه سنه ضرورت وارد.

ثانیاً: اوروپا یه کیده جک کنجلی ایچون مسلک تعیین مسئله سی ده حائر اهمیتدر. آلمانیا یه کیده کنجلیدن بر قسمی تعقیب ایده جک لری تحصیل حقنده منتظم و مقرر بر پروغرامه تابع دکلدر. بر قسمی ده، سلوک ایده جی شعبه معرفتی قابلیت و استعدادینی نظر دقه آلفمیزین، کلشی کوزل، تعیین ایدیور. بو حال، بالنتیجه، کنجک حیات تحصیل سنک هدر اولماسنی، هیچ دکلسه تحصیلدن کافی درجه ده استفاده ایتمه منی موجب اولویور. بر کنج، آنا وطندن آییرلمه دن اول، تحصیلنک درجه سنه، سنه، و استعدادینه کوره هانکی شعبه معرفه انتساب ایده جکنی، هانکی شهرده، هانکی مکتبی انتخاب ایله یه جکنی بیلمه لیدر. بونکچون، تحصیل کیده جک کنجلی، صحیح و اساسی معلومات ویره بیله جک بر مرکز احتیاج وارد. آلمانیا ده تربیه موزه لرده، دارالفنونلرده، یرلی واجبی مؤسسات علمیه حقنده آرانیلن معلوماتی ویره بیله جک استخبارات قلملری تشکیل ایدلمشدر. معارف نظارتی، بزده ده، دارالفنونده ویا آچیله جق تربیه موزه سنده، یاخود دائره نظارتده بویله بر قلم تشکیل ایتمه لیدر.

ثالثاً: اوروپا ده بولونه جق کنجلی، متمادی بر قشیش و نظارت آلتده.

بولونديرالمالدير. نظارت و تفتيشدن هيچ برفرد ، مستغنى اوله منر . بالخاصه ، حيات بوللريني ، هنوز قطعيته تعينه مقتدر اوله مایان کنجلك ، وقت وقت معروض اوله جقلری . مشکلاتی اقتحام ایچون کندیلرینه مظاهر اولمی ، اونلری علی الدوام حایه و ارشاد ایله مک الزمدر .

شوراسنی ، سربسته سوله مه لیدرکه ، اوروپانک ، پک علوی اولان ترقیات و ککلاتنک یانی باشنده ، موجودیتی قوتله حس ایتدیرن برسفاهت محیطی ده وارددر . هر طرفده ، بالخاصه بویوک شهرلرده ، قادینلک خصوصیت محترمه بی چوق دفعه سوء استعمال ایدلمش ، حسن و عصمتی آیاقلر آلتنه آلمشدر . بویوک شهرلرده ، اقساملری ، نصف الیدن صوکرایه قدره پارقلرک ، جاده لک سایه دار آناجلری آلتنده سورونن بر طبقه نسوان کوریلیر ؛ بونلر عصمتلرینی ، شفقت انسانیه عرض ایدن برد مدنی دینچی در . تجربه سز کنجلمزنی ، بو ایپکلی مانطوره بورونمش اخلاق دوشکونلردن صیانت ایتمک ، تحصیل و تربیه غایه لرندن اوزاقلاشمق تهلکه سنده بولونانلری ، مختلف صورتلره ، سفالت و پریشانییه دوچار اولمقدن مصون بولوندیره ق ایچون جدی بر تفتیش و نظارت ایفاسی ضروریدر .

مختلف شهرلرده بولونان بیکلرجه تورک کنجینی ، دائمی بر نظارت آلتنده بولندیرمه مک مشکلاتی آسکاردر . فقط ، بونلر متعدد منطقه لره آیریلیر . هر منطقه یه ، دولتجه مراقبه وظیفه سنی ایفا ایدمه جک شایان اعتماد ذوات تعین ایدیلیرسه ، بو وظیفه مک حسن ایفاسی بالطبع ممکن اولور . منطقه لرده بولونان مرخصلرک بر مرکز و بر رئیسک مراقبه سنه تابع اولماسی لازمدر .

معتشرك طلبیه قارشى وظیفه لری : حمایت ، ارشاد و تفتيشدن عبارت اوله جینی کبی ؟ بولونقلری محیطه تورکلری طایفه بيله جک صورتده وقت وقت محاضره لر ترتیب ایلمه لری ده ، کندیلرینه ، برر وظیفه اوله رق تودیع ایدمه لیدر . آوروپاده ، حق متفق مملکتلرده بزى ایجه طانیایورلر . آلمانیاده مختلف محافلده ، وقت وقت ، تورکلر حقنده آلدیغم معلومات ، حیرت استغرابی

جلب ایتمکدن خالی قالمایوردی. بالخاصه، آخیری آلمانیاده اکثر کوروشدکلام، آشنا لفظنک صمیمیت درجه سنی بولدینی دقیقه لرده، تورکلر حقننده نه قدر خطا آلود فکرلری اولدیغنی اعتراف ایتمکدن چکینه یورلردی.

بو خصوصده آلمانلری دکل، کندیمزی معاتب طوتمالیدر. بزه نه نشریاتمزله، نه محاضره لرمزله، تورکلکی طایفتمه چالیشمش دکلز. بزه نه کندیمزی طایفتمه، نه ده مناسبته بولوندیغمز محیطلری حقیقه طایفتمه قیقد واهتام ایدیوروز. بواهمال ولاقیدیدن نه قد وضرر کوردیکمزی اکلایه بیلیمک ایچون، برمدت اوروپاده سیاحت ایتمک کفایت ایدره. ایشته، بوملاحظه لرله درکه، هر وسیله دن بالاستفاده مملکتیمز وملتیمز حقنده، دوستلرمزه ایی و صحیح معلومات ویرمهک چالیشمنی اساسلی بروطفیه عد ایتملی یز. بو وظیفه یی، طلبه مفتش لرینک، قسماً اولسون، موفقیتله ایضا ایدیه بیلیمک جگرینه قناعم وادور.

*
* *

تعاونه فکری. — آلمان هر فاندن، بزمچون، آله حق درس لردن بری ده، مملکتنده تعاون فکرینک و دیگر کاملق تمایلنک انکشاف و ترقیسنه چالیشم قدر. اونو تمایلم که، جمیت، افرادی تکثر ایتمش بر مائله دن عبارتدر. حسن تعاون و تساند اولماینجه جمیت اولماز. جمیت اولماینجه، مدنیت و رفاه اوله ماز. بونلر بربرینه متسلسلاً مربوطدر. مدنیت، هر که حقیقی بر قوت و جسارت، دواملی بر نشوه و سعادت تأمین ایدیه بیلیمک ایچون، طریق حیاته دائمی بر فکر تعاونله بورومه لیدر.

تعاون مسئله سنده، یالکمز پاره، اساسلی برشی دکلدر. اکثر احوالده اهتام و محبتک، آلتوندن زیاده قیمتی واردر. وطنداش لرینک خیر و منفعتنه اوله رق و قس لرینی صرف ایدیه نلر، علی الاکثر پاره لرینی ویره نلردن زیاده

ویرمیش اولورلر. حیاته تقدی معاونندن زیاده، قوت و جسارت ویرمه‌نک دگری واردره. اکیتمتدار معاونت، باشقه‌لرینک اضطرابلرینی کندی اوذریمزه آلمق دکل، بلکه او اضطرابلری یالکیز باشنه تحمل ایتمه‌لری، حیاتک نامتناهی مشکلاتنه جسارته کوکس ویرمکی اوکره‌نمه‌لری ایچون متانت و اعتماد نفس فکرینی الفا ایده‌بیلیمکدر.

«رمان» دیورکه: «بر ملت افرادی، اختیار ایتدیکی فداکارلقلر، چکدیکی اضطرابلر و قائلقلر نسبتنده سویشیرلر. ماضیدن انتقال ایتیش بر میراث اذواق، استقباله تطبیق ایده‌لرک تصورات مشترکه، برلکده کدر کورمیش، برلکده مسعود اولمش، برلکده امیدلر بسله‌مش اولمق، افکار عسکریه‌نک وجوده کتیره‌جکی حدودلردن البته ده مؤثردر.»

آلانیاده تعاون و لساند فکری، حیاتک هر صفحه‌سنه نفوذ ایتیش، وبالخاصه وطن اوغورنده کوستردکلری فداکارلقلرک، شایان تقدیس اثرلرینی عمرلرینک صوکنه قدر محافظه ایده‌ن معلول عسکرلر قارش، جمعیت، وظیفه اجتماعیه‌سنی بحق ایفا ایله‌مشدر. بو خصوصده، بزمده ایفاسیله مکلف اولدیفمز وظیفه‌لرک چوقدر. اونوتامالی‌ترکه، هر معلول عسکرک سپاسنده شانلی بر مجاهدلرک مناقبی کیزلیدر. اونی دیکلر سه‌کیز، وطن اوغورنده دوکولن قائلر اورته‌سنده، تورک حماستک نه‌بویوک خارقلر اظهار ایتدیکنی طوبار، قلبکیزک تیزه‌دیکنی حس ایده‌رسکیز.

فراقفورت. کلدیکم زمان، معلول ضابطلر مزدن برچوغنک و یسبادنده بولوندیغنی خبر آلمشدم. کندیلرینه حرمت ایتک، بو معزز وطنداشلری سلاملاق ایچون و یسبادنده کیتیش و هریرینک شانی غزالرینی دیگله‌مشدم. بو فداکار وجودلر ایچنده براباغنی غائب ایتیش کوچوک بر ضابطلر واردری. بکا - لیس بر لسانله سرگذشتی اکلاندی:

«قافقاسیه جبهه‌سنده ایدم، دیدی، مدهش والیم بر قیش کونی، هر طرف قارلرایچنده ایدی. قار تپه‌لرده، وادیلرده، کردادلر تشکیل ایده‌رک

ياغيور، طونديرىجي، اولديرىجي بر صوغوق اطرافى احاطه ايديوردى .
 بلوكك بولوندىنى نقطه دن ده براز ايلريده، قارلر ايچنده، دشمن كتله سنك
 ايلر بلديكنى كوريوردق. ايلرى خطى خبردار ايتك ايچون، قوشمغه مجبور
 ايدك . وظيفه منى ايا ايتديكم صبراده آرتق صاغ آياغمك وجودىنى حس
 ايتمه بور كيديم . آياغم طونمشدى . بنى قوتارمق ايچون باجاغمى، قطع
 ايتدكلى زمان هيچ انديشه ايتمه بوردم . . . انسان طبيعتك، اك هولناك
 آنارنى كوسترديكى صبراده، وطنى فلاكت واولوم قارشيسنده مدافعه
 ايتمكه بيلسه كز نه بويوك، نه روح استيناس بر ذوق دويويور ! .

حرب ميدانلرنده، ظفر اوغورنده چارپشيركن، وجودلرينك برر
 عضوينى غائب ايدن بوكزيده وجودلره، نرهد تصادف ايدهرسه كز ايديكز،
 اونلردن هپ عيني سوزلرى ايشيده جكسكزه بوياريم شيدلرى، بحق تعزير
 وتوقير ايدم بيلمك ايچون، اونلره، حياتى، اوموزلرينه آييلمش،
 سوروكله نه جك بريوك كې دكل، وجودلرينك، جميت ايچون سيار وشانلى
 برآبد، حماست اولدينى فكرينى تسليم ايتديرم بيلمه ليدر. اونلره ايش بولق،
 صنعتك خرد فرسا ترقيا تندن استفاده ايدرك، سقط عضولرىنى آتسام
 ايتمك و اونلرى ايش كوره بيله جك بر حاله قويماق، بزه ترب ايدن بر
 وظيفه در. اوكلره قارشى دين شكرانمى، آنجق بوصورته ايا ايدم بيليرز.

*
 **

بريى نرپه . — مملكتده بديى تربيه يي يوكسه ليمكه معطوف اوله جق
 مساعتك، وطنه يك نافع ثمره لر بخش ايدم جكنه شبه بوقدر . بديى تربيه يي
 يوكسه ليمك ايچون، صنايع نفيسه مكنتلر مزله، دارالاحكامزك ترقيا تنه
 چالينمالى، وكنج لره طبيعى سوديره بيلمه لى يز . انسان، آلمان ياده صنعتك
 يوكسكلكنى تماشا ايتدكجه، وطنى دوشونمكدن، توكك شرفلى تاربخنده

صناعتك نه بويوك ايزلری اولدینی تخطر ایله مكدن کندی آله مایور. تورك صنعتکار اولمق ایچون ، هر وقت بويوك بر قدرت کوسترمشدر . تاریخ تدقیق اولونورسه ، کوریلیرده ، توركك صنعتده کی اقتدار و ذکاسی بالکیز بولوندیغی محیطه منحصر قالماش ؛ ایرانه ، مصره ، هنده ده سرایت ایده جك قدر عظمت کوسترمشدر . ایشته ، بوشرفلی ماضی بی دوشونه رك صنعتی یوکسه لتمکک ، صنایع نفیسه مؤسسه لرمنی ، برقات ده ها اصلاح ایله مکک غیرت ایتملی یز .

موسیقیمزه کلنجه ؛ مع الاسف ، بزده علمی و متکمل بر تورك موسیقی هنوز تأسس ایتمه مشدر . بزده ، شرق موسیقیسی اسکی فیض و قوتی غائب ایتدیکی کی ؛ منور صنف ، غرب موسیقیسنه دوغرو کیتدیکی ایچون ، ملی ذوق ده یاواش یاواش غائب اولمشدر . موسیقیمزه بوشایان تأثر انحطاطی قارشیسنده ، زمجون یاییله جق تدبیر ، بر طرفدن دارالالحانمزی ، غرب و شرق موسیقیسنه واقف الحان شناسلریدینه تودیغ ایتک ، دیگر طرفدن موسیقیه قابلیتی اولان ارکک و قیزلردن بمض کنجلی ، موسیقی عالمده بوتون جهانه قفوق ایدهن آلمانیاك دارالالحانلرینه کوندره رك اوراده موسیقی تحصیل ایتملرینی تأمین ایله مکدر .

صوکرا ، بدیی تربیه نك انکشاف و تکاملی ایچون کنجلمزه طبیعی سودیرمه لی یز . اساساً تورك ، غایت طبیعتجیدر . او ، هر وسیله ایله صوبه ، سمایه ، صحرايه ، کونشه انهماکنی کوسترمش ، حتی صنعت ییله بو میل طبیعیدن حصه مند اولمشدر . معماریمز ، تزیناتمز ، تفریشتامز هب طبیعتدن آلمش ساده لکترله مشجوندنر . بوجهته ، چوجوقلرمزه طبیعی سودیرمك ایچون ، صرف ایده جکمز مساعی ، سهولته مفید نتیجه لر ویره بیله جکدر . اساساً ، مملکتیمزه هر طرفی ، بو تربیه ایچون ، فوق العاده نمدار بر ساحه عرض ایدهر . یشیل اورمانلرمز ، بوجه وقارلی داغلرمز ، واسع اووه لرمنز ، زمردین چایرلرمز ، صولرمز ، سمایز ، دکزلرمز . . . بدیی تربیه نك

انكشافى ايجون نه كوزل برر ساحه تشكيل ايدەر . بالخاصه ، باي تخمزمده
طيفتك بو كوزللكلرندن نه قدر چوق استفاده ايتك ممكندر . ايشته ، روم
ايلي واناطوليناك جبهه احتشامنه آچيلان پرشمر و معنا مرمره . . ايشته ،
تپه لرندة بهارك كونشلىرى صاقلان ، هر اشتياقه كولن لطيف چامليجه ...
ونهيت ، ايشته ، سنانك طاق فسوفى آلتندة پارلايان دنيا جنتك بريجك
انجيسى : استانبول !

فہرست

صفحہ	
۳	مقدمہ
۵	دارالفنون
۲۵	دارالفنون شعباتی
۳۴	دارالمساعیل
۴۱	طلبہ حیاتی
۴۵	صناعت
۵۶	صنائع تزیینیہ
۶۰	موسیقی
۶۹	صنعت و تدریسات صناعیہ
۷۸	تجارت و تدریسات تجارتیہ
۸۸	زراعت و تدریسات زراعیہ
۹۲	تدریسات تالیہ
۱۰۲	دارالمعلمین
۱۰۵	قادیانک موقعی و تربیۃ اناث
۱۱۵	تدریسات ابتدائیہ
۱۲۳	اکمال مکتبہری
۱۲۷	غیرطبیعی جو جو قار و معاون مکتبہری
۱۳۴	اھمی مکتبہری
۱۴۰	صاغیر و دیلسز مکتبہری
۱۴۳	آنا مکتبہری
۱۴۶	معلمہری و تدریس اصولہری
۱۵۳	اُل ایشلری ، رسم ، لسان اجنبی
۱۵۸	بدنی تربیہ و سپور
۱۶۴	وطن محبت و ملیت فکری
۱۷۳	طبیعتہ محبت و بدبی تربیہ
۱۷۷	مکتب بنالری و لوازم درسیہ

صحیفه

۱۸۲

۱۹۱

۱۹۵

۲۰۰

۲۰۳

۲۱۴

۲۲۰

موزه لر

تربیه موزه لری

کتابخانه لر

تماشا حیات

آلمان سجیه سی

اردو

آلمان عرفانندن آله جفمز درس لر
